

十二、淨土

【問】西方極樂國是從何處去。（陳榮進）

捷徑。（魏柏勳）

【答】從心上去，此須聽經或看經註，方能

【答】四法之中以持名爲捷，所謂徑中徑又徑也。

了解。

【問】「南無阿彌陀佛」爲何意。（丘高秀）

【問】彌陀經有「若有信者，應當發願，生彼國土。」發願須具如何方式。（智海）

【答】「南無」係皈依敬禮之義，「阿彌陀佛」乃爲一尊佛名，其義爲「無量光

【答】二課畢時，誦回向文，即是發願。惟此尙屬於口。若念佛時，放下萬緣，一意求生，此亦是願，乃屬於心。此外尙有具疏發願、口誓發願，均屬於特舉儀式者。

壽」等（等指智慧慈悲神通願力種種）

【問】不吃長齋，可不可以家庭上奉敬三

力讀經，則「初機淨業指南」、「歧路指

聖像。（李俊）

歸」、「學佛淺說」等小冊子，是要多看

【答】可供三聖像，但茹葷腥之時，宜用短幔遮住佛像，以免不潔。

【問】修淨土的人，對何等方法修起，方是

【問】習氣未能盡斷者，不知可以信佛念

佛否。(蕭慧心)

【答】爲除習氣、始學念佛。爲習氣未盡、正宜加工念佛。

【問】有人說釋迦佛、阿彌陀佛、觀世音菩薩、同爲一體、是不是。(寬珠)

【答】法身可云如是、報化則否。

【問】沒有吃素的人念佛能往西方。(寬柱)

【答】雖不吃素、亦要戒殺、方便食五淨肉、便不妨礙往生。

【問】有一鄰人她信佛很久、對我說每月定期污穢時不可念佛、是不是。(瑞珠)

【答】此是女子生理關係、並非有意不潔、淨法貴在相繼有恆、但念不妨。

【問】上課念佛時常雜想、尚不得清念、請教好的念法。(魏柏勳)

【答】念從心起、聲從口出、音從耳入、如是心念口誦耳聽、俱要字字清楚、久而久之、自能一心。

【問】念佛十念法、可以往生。何以彌陀經中云不可以少善根福德因緣得生彼國呢。(徐福快)

【答】所謂十念法、非言只念一次、乃每日必行之法。積年累日、自不是少善根矣。但此法專爲事務極忙之人而立。倘能抽暇多念、更佳矣。

【問】婦人生產一箇月可以念佛嗎。用口念、或用心念。(楊金英)

【答】念佛注重相繼、生產係生理自然、並無產婦不許念佛之說。心念固佳、如不能者、口念亦不妨。

【問】每天念佛、依然妄想不淨、如何除法。

(陳簡招福)

【答】此是工夫日淺之故、時久漸能攝心、現在不可勉強、恐不得其法、愈除反覺愈多。但於念佛之時、此六字起於心要清楚、出來口要清楚、再入於耳更要清楚、依此而行、妄念自日滅矣。

【問】「觀經」上品上生之段、所示修行六念、是那六念、抑即晝夜六時念佛。(大寬)

【答】佛法、僧戒、施、天之六種也。

【問】鄙人念佛從未懸掛佛相、亦未焚香燃燈、或舉行其他禮儀、有無對佛不恭之嫌。(桂引杏)

【答】室中方便、欲懸佛像、本社可為贈送。如不方便、只面向西方、意存觀想、心存至誠、即有功德。至於禮拜一項、倘環境許可、

尚是實行爲妥、所謂低頭一拜、滅罪恆沙也。

【問】有某寺主向我呵斥、念佛是著相、不知如何回答。(惠亮)

【答】居士可指其衣曰、寺主如是、豈非亦著相乎。請其答復後、只依其答語而報之曰、吾亦如是耳。

【問】我聽到很多人說、妻房睡因穢污不能念佛、可是有時睡夢中念佛、不知有罪否。但我看到一本勸文、行、坐、立、臥、閒、忙、念佛。但這樣有妻無妻有分別否。(方觀音)

【答】臥房及污穢等處、不出口念、只用心念無妨。夢中念佛、乃薰習日深之表現、是好境界、並無罪過。在家居士多數有妻、夫婦同修、互相策礪、有何不可。

【問】念佛念到得法喜、是否得到了佛菩薩一種的感應現象（佛光所照或佛力加被）乎。（賴棟樑）

【答】法喜是聞法修法、中心所得之一種欣慰之象。不必待佛現像、方發生也。

【問】西方極樂境界常得現前、是否由法喜充滿而現乎。（賴棟樑）

【答】只法喜充滿、未必極樂現前、但極樂現前者、法喜益為增上。

【問】心念佛心即是佛、不念佛心不是佛、那麼念佛的心都是佛嗎、有這樣容易事嗎。（王鳴）

【答】佛非他事、只是覺心。心是什麼、不可言說。心在那裡、無處尋覓。必要追求、當知汝現前一念虛靈便是。若是緣佛而起的心、這心豈不就是佛心、否則就是其他、要

從此處著眼、功夫方能得力。

【問】常聽人講禪宗之法、忽然開悟、若淨宗要到什麼程度纔能是悟。（周慧德）

【答】淨土法門、注重一心、不重開悟。惟求往生、不急斷惑。然現下果能恆久一心矣、時至、也有個因的一聲之境界。

【問】「禮拜」團體生活不得方便、念法不能合掌、高聲、只有默念而已。有時取出二吋的佛菩薩聖像、合掌點頭、是否如大拜頂禮的功德相同。（戰覺力）

【答】佛法注重心誠、團體生活、不得自由、可以方便、默念更能收心、以心作禮、同有功德。

【問】近聞一事、有佛徒修行多年、忽被欲塵熏染、似此到臨命終時、能否障礙。（蕭慧心）

【答】背覺合塵、已入污泥、還談什麼障礙。

【問】念佛方法有多種、可否兩種兼行乎。

（智恆）

【答】觀想持名、古人兼修者甚多、自蓮池大師以後、漸用一種方法、以其容易一心也。

【問】印光大師文鈔中勸人念佛、要兼念觀音菩薩、以祈免難消災。豈念佛不能消災乎。（陳淨願）

【答】一句彌陀能消八十億劫生死重罪、焉有不能消災之理。不過淨土法門念佛、要發願往生西方。若雜他願、恐有不專之弊。大師此語、原爲生死心不切之學人方便說法、若果念到離境平等、自然八風不動、尙何憂乎災難。

【問】周利槃陀伽、根性下愚、釋尊偏不教

他念阿彌陀佛而教他念掃帚呢。（智雄）

【答】釋尊教人、應機而說、並無定式。因當時一眼看見掃帚、隨信手拈來、即是妙諦。且周利槃陀伽於掃帚僅是二字、尙忘其一、若教以六字洪名、不更強人爲難乎。

【問】道高一尺、魔高一丈、這樣強、平時念佛以外、有什麼最好的方法來預防、不使發生魔病退轉。（慧德）

【答】定力與戒德、兩者足卻魔障。

【問】平時不信佛、亦不敬佛、臨終幸遇善知識助念、其人不知念佛真理、這能往生嗎。（慧貴）

【答】立發信心、隨教肯念者得生、否則無益。

【問】持往生咒與念佛意義有何差別。（

許炎墩)

【答】往生咒與佛號功用上並無差別，不過繁簡難易不同耳。

【問】如在臥室裏，或是便所裏，不問出聲念佛，與心裏默念，不是都不恭敬嗎？（鄧慧心）

【答】臥室亦不妨出聲念，惟身臥以後，只宜默轉，不可再出聲念。在便所裡也是宜於默念。以大小便溺及睡眠等，俱是不能避免之事，而念佛又主念念相繼，故在不方便處，採取心念。

【問】聽說某居士專念阿彌陀佛，不念其他。連觀音亦不念，其修法如此，是否合法。

（賴棟樑）

【答】單刀直入，亦無不合。

【問】阿彌陀佛之接引身相，是坐是立。（

大寬）

【答】接引相是立形，乃急迫引去，速離娑婆，不暇坐待之意。

【問】念佛願生西方極樂國，是否是貪。（鍾世賢）

【答】是願非貪，為生西求證，回入娑婆，廣度眾生故。

【問】經云，心即是佛，既自心是佛，那麼我一心自念己名，是否可以成就。（佚名）

【答】念心當可成就，名與心異，念之恐增我見，果能不起分別，如數息或參話頭之法，未始不可。但屬自力，與淨家念彌陀萬德聖號二力感交者，其功德與難易，則大有區別矣。

【問】家庭工作多，念佛的正課時間少，散念或心中默念多，能成就嗎？（周慧德）

【答】果能心中多念、易入三昧、焉有不成就之理。

【問】正課念佛、回向後、連接誦大悲咒、其他以外之經、未知有礙正課否。（林夢丁）

【答】回向以後、再有念誦、乃是別願、只不背本修之旨、即無妨礙。

【問】看小說、看電影、唱戲聽戲、都能得到忘我境界、而一心不亂、此等一心不亂、和念佛一心不亂、有何分別。（智煌）

【答】小說、電影、戲劇等、不外誨淫誨盜、及悲歡離合、對之便生喜怒哀樂、如是心動神移、安得說一心不亂、所謂一心不亂者、是萬緣放下、八風不搖、外離諸境、內若止水。

【問】念佛時、承指示不必觀想、後學修持

時、遂感覺思想無一定方向、不易集中、應以何法治之。（許巍文）

【答】佛發於心、出於口、入於耳、復印於心、要他清清楚楚、一字不走、周而復始、心力即可集中、如仍不能、再兼採記數之法、一氣三句、再一氣三句、後一氣四句、其數為十、如是一一二十、仍至百千、心若一走、數即錯亂、此法最易、使心不散、試看銀行中行員點鈔票、其速如風掃秋葉、卻清楚不亂、可悟心力集中之訣。

【問】念佛不吃素、臨終能得往西方否。（戴陸火）

【答】有助念者、可以往生、還是練習吃素好。「不結冤孽債、臨終無障礙。」若不能、宜吃五淨肉。

【問】念佛到臨終重病時、痛苦非常、不得

念佛、這能往生否。(鍾慧招)

【答】臨終之時最爲要緊、不能念佛、即是顛倒、何能往生、此際可請同道助念、方能穩當。

【問】平素按時念佛、並不間斷、可是如果在半路上、遇到災難、假使被汽車撞死、並無念佛、這樣能往生否。(鍾慧招)

【答】念佛有得之人、似無此等奇禍。爲防萬一起見、平素宜練習第一念先念佛之法、何謂第一念、即凡用心工作之事、至完畢時、初換之念、及睡醒時初起之念等、皆爲第一念、宜先念佛號、習成自然。倘被汽車撞死、(前月有普願大師、以腦溢血時、不知念佛見問、可同此答)、神識猝驚、昏悶伏住、迨至中陰身現、驚定念起、若仗夙習第一念先念佛之力量、此中陰身亦能

往生也。

【問】念佛未受五戒、未斷姪欲、能得往生否。(慧蘭)

【答】雖未受五戒、能自動戒殺戒邪淫、信願行具足、可得往生、因能帶業往生故。但仍以在可能範圍內盡力戒免幾分爲更佳。

【問】三毒能戒貪癡、惟瞋恚不能忍、亦得往生否。(慧蘭)

【答】能得往生、理由同前、惟宜時時練習忍耐、以免臨終遇有惡緣、觸心生瞋、某王一生修行、臨終之時、侍者以拂驅蠅、誤觸其面、遂生瞋心、因墮蛇身、可爲殷鑑。

【問】自身念佛、家中人對於宇宙人生另有觀念、每逢念佛聽經之時、常受阻撓、臨終之際、得往生否。(智海)

【答】家人有障礙、當係夙生業緣、宜平心靜氣、善巧化導、不可生瞋。一面再默禱佛菩薩加被、久必被化。佛爲度一個眾生、不惜多劫受苦、正宜效法、如此轉障礙而成助緣、有何懼乎。

【問】念佛命終時若現瑞相、固可證明往生、但是毫無證明是否亦有往生者。（張慶祝）

【答】現相證明、分他見自見。在他人觀察、全無瑞相、往生恐靠不住。若自己觀察、不必一定見佛聞香聞樂等。以六根之中、意根作用最大、只要心中有佛、便是正念分明、決定往生。

【問】信願堅固之人、臨終無人助念、可否決定往生。（鍾觀靖）

【答】臨終之時、痛苦昏沉、刹那之間、所關

至重、倘內心顛倒、或外有惡緣、即害事矣。請人助念、便可防此二事。惟此等助念組織、並非處處皆有、而家庭佛化、及廣結淨緣、自必於平日所預備耳。

【問】中陰身遇念佛種子起現行時、忽然能憶念佛號、可否得到超生。（鍾觀靖）

【答】古德著述、亦有中陰可得往生之說、但其念力如何、大成問題、至其種子、是否起現行、更成問題耳。

【問】往西方是幻生乎。是真生乎。（智梁）

【答】以真如論、無始無終、不增不減、捨此往彼、非有生滅、何能云幻。以色身論、如疑彼土者爲假、然則生此土者、四大五蘊之身相、求之皆無實體、而反認他是真乎。

【問】念佛時是否須要記數念過幾次。（

余智海)

【答】記數大佳、一能收心、二防退轉。

【問】念佛時、臟腑感覺清涼或溫暖、未知是吉是凶。(魯開智)

【答】念佛是修心、乃轉識成智之道。四大假合之身、偶感冷暖或係呼息一時變化、實與吉凶無關、不必著相。

【問】有時夢中誦經念佛、一字一句、分明在心、毫無雜念、其境之靜、爲尋常所無。有時還明知是夢中念佛、甚至希望繼續持念下去、不願醒來。此夢境佳否。(章普明)

【答】夢中果能常念佛、不現他境界、是漸能專一之象、惟夢時念佛固佳、倘再能醒時念而不斷、更佳。

【問】普賢菩薩聞了淨土法門、即發十大

願王、導歸極樂乎。(朱幼)

【答】可如是說、若不聞之、何以發願。

【問】其餘經典之多不誦持、用以參考可否。(林錦生)

【答】行持貴乎專一、參考不妨博洽、不專一功必不成、不博洽理恐不明。

【問】在家外護、配偶傳嗣爲正姪、夫妻間若行周公禮、在做不淨垢處時、竟然聖號浮現於心頭如輪轉動、此時此景係不念而自念、三業不淨、聖號呈現、作何安觀、似此本不敢啓問大德、恐猥污尊嚴問答版面、奈後學如是、蓋淨友近事男女亦有如是、故以一人坦率冒昧求問以解群疑。(顏佛兆)

【答】此時此境、尙能不忘所習、突起現行、想見平素功深、爲避不敬計、宜急轉念。若

寶樹蓮花、樓閣金池皆可改觀、則處穢而不變淨念、且亦無不敬矣、善體會之可耳。

【問】課誦常遇自己幼童吵鬧、念不專而起無明、念畢按情懲打、似此剎那分心善惡、是否種下不善因地。若不教訓、吵由他念自我、內動惡外雖善、亦非淨念。求示良法調伏二心。（顏佛兆）

【答】念佛本能斷除無明、而因不專更起無明、猶晦月而覆黑雲、大爲不可。誦畢教訓子女、使就軌範、自是善意、並非惡心、但宜恩威兼施、不可真實發怒。應知子女不達規矩、乃是自己家教不良、又是我所招之障、皆當發慚愧心而自責、能如是觀、亦調伏之一端也。

【問】今有二人、一專持名、一兼參是誰、如果信願相同、誰人往生較有把握。（鍾觀

靖）

【答】參念佛是誰、重信自力、持名求生、重信他力。是二者信願、已不同矣。

【問】晚時常於夢中唸佛、而被驚醒、何故。（馬謙）

【答】夢中能念佛、是念漸熟之好象也。

【問】念佛時有時憶起了數年前（或更久以前的）一些從未回憶的事蹟、是故何在。（胡正臨）

【答】念佛功深、雜念當少、種子偶起現行、易覺察耳。

【問】正念佛時如何才算是信願懇切。（劉國香）

【答】信環周皆是火坑、惟有面前一線是爲極樂、可出危險。但在此時、即是生死關頭、須把五欲六塵這些鈎索、要一齊斬斷、

方能向前奔去、少一遲疑、即落坑矣、如是觀念、便是懇切。

【問】古今大德多云、每日念佛號的數目、可增不可減、後學身在戎伍、閑忙不定、可否方便增減。（劉國香）

【答】作課有定散之別、定指朝暮一定儀規、散指不拘儀規、行住坐臥、一句名號逗在心頭、戎伍之間、定多散少、或定少散多、可以通融、如此已極方便、又何必說減乎。

【問】宗門參話頭、旨在以一念斷萬念、然後一念亦遣、一齊休歇、乃得澈見本來面目。淨業行人念六字洪名、其旨如也、念到能所雙亡、情境俱絕、亦可見自性彌陀、理應禪淨無別、爲何說禪是無念、淨是有念、下疑情非念乎。若然下疑情的是誰。（劉國香）

【答】無念是功夫到家之話、以念除念是入手方便之道。禪家以前、本屬觀心、後乃多取參話頭。疑情是念、居士所云是也。

【問】後學初聞禪淨之名、即覺禪淨無別、且深信不疑、恍若舊知、故雖專習淨業、亦喜讀禪宗典籍、尤好念誦金剛經、如此者是知障抑是因緣、有礙淨業否。（劉國香）

【答】修守一法、專一始精。學應廣博、能博始達。明乎此理、修則不致雜亂無功、學亦不陷孤陋寡聞、修淨而立根生力、何經不可誦耶。

【問】每日定課一萬句之佛號、有時遇到種種障礙、不能如數、過了明日再補課未知可否。（詹金枝）

【答】以善巧方便打破障礙爲佳。如吃飯

然既不能先一日預吃，亦不能後一日補吃也。

【問】 敝人念佛近年，常感不得一心而苦。

現因住院，我就抓住機會，一切閒散免，終日不讀書即唸佛，動亦彌陀，靜亦彌陀，時刻不忘，如此未及一月，心中大覺輕鬆，現在每次唸佛，總覺得不想住口，好像愈唸愈有意味似的，所謂法喜充滿，吾實有此感，請問這喜是否合乎唸佛的要求。（章普明）

【答】 法喜充滿，不論修何法門，皆須也。

【問】 持佛號至心境平靜時，常發出至誠恭敬心，雖在行動時持念，也陣陣發出似在行五體投地的接足大禮，唸佛貴乎一心不亂，此是否亂的現象。（章普明）

【答】 此是好相，亦是初步應存之念，暫不

必談高調也。

【問】 念佛時可否目視佛像或西方，抑或只能閉目和半開閉。（胡正臨）

【答】 此不必拘泥，只須隨人根性，以何者能得定心，即取何種爲便耳。

【問】 功課外念南無阿彌陀佛名號與阿彌陀佛六字四字功德有否分別。（寬觀）

【答】 六字者當然恭敬，四字者急時方便耳。

【問】 念佛至漸能覺察動（妄）靜，然時住時失，淨法成熟，是否說靜存動無，即是心佛合一。（胡正臨）

【答】 念時能覺察動靜，是寂而能照，失時是不照知，靜存動無，固是好相，然向深處說，猶是妄念耳。

【問】就寢後、有時思潮起伏、難以入睡、惟持念佛號、最爲理想、但不知是否能念。（章伯生）

【答】只宜默誦耳。

【問】念佛時的姿勢須恭敬、如跪念坐念等、軍中應行坐念、但軍人念佛被人知之、則成奇事、雖不使人知我在念佛、而坐態總與平常不同、會使人奇異、欲保持平常姿態則難使心境專一、若躺著念、則無此等顧慮、心境較靜、但又恐不敬、冒慢佛之愆、請問能隨時地方便否、以及有那些時地限止。（章伯生）

【答】淨課行住坐臥、皆能行之。尋一廣場、或在門外、按時散步、默而誦之、有何不可。

【問】近四個月以來、我對念佛忽感興趣、除了做買賣以外、我就專心念佛、現在連

書本我也懶得去看了、故以爲「多看書不如多念佛」、因此我不想專心讀書、而想要專心念佛、這是不是可以、或者要兩者並重。（林良柱）

【答】念佛與看書同進最佳、求其行與解相應也。果無暇、信不退、單念佛亦可。

【問】念佛功德無量、如不唸出聲、而只心裡默念、可得同等功德否、又今人唸佛、可以生西、然則佛之所以成佛、唸誰、如誰也不唸、那麼如何成佛、後人當也可以學習了。（黃大川）

【答】念佛不限出聲與默念、佛度眾生、法門無量、念佛乃諸法之一法、惟取其易而穩也。居士云「誰也不念」這名「無念三昧」、正是佛法、只怕人多做不到。要知念佛念到極處、就是活潑潑地、「誰也不

念」。但此「誰」字當「一切」解，纔有是處。

【問】常常聽到念佛人著魔，頗覺生疑，佛何以不加庇他。（陳淑媛）

【答】魔由自心生，此定是念不如法，或是心不能淨所致。有此兩因，自於佛隔，何能加庇。然能見怪不怪，不去理他，提起正念，一直不退，魔自消滅，不能爲害。此後功夫，因是反更進一層，所謂不受魔難，不成佛也。

【問】信佛的人，時懷慈悲心，但沒時間靜修，觀相默念，是否有成就。（銜鈺）

【答】行住坐臥默念，淨念相繼，當能成就。

【問】念佛聲音是高聲或低聲爲宜。爲何多念愈好。（莊慶賢）

【答】高聲治昏沉，低持治散亂，各有妙用。

課時或低或高，臨時採用，不必拘泥一法。

【問】我們佛徒，在念佛時往往不能記憶其聲數，以致多念或少念，以何種方法來念始能確定。（莊慶賢）

【答】持念珠誦，即記數之法也。

【問】唸佛已唸到「心心心聽」的程度，可否在唸佛時增加觀想西方三聖像。（蔣俊義）

【答】果能心心聽矣，是漸專一，又何必再疊床架屋耶。

【問】念佛時是否一定要用佛珠。佛珠之用意何在。（胡正臨）

【答】可用可不用，爲記數而已。

【問】在專心一意念佛時，雜念無由驟然出現，有無清除雜念方法。（金天鐸）

【答】此是工夫時間問題，只按發於心，出

於口、入於耳、印於心之法、行之恆久、自有雲開月現之時。

【問】念佛時感覺心酸欲哭不知何故。（楊素月）

【答】此心誠之表現、所謂感激流涕也。

【問】平時念佛須一心稱念方能感應道交、若臨終時神識無主、雖能念佛、但若不能做到專一時、是否有礙往生。（胡正臨）

【答】果能平素念佛得力、臨終自可作主。倘不能專一、只要不失正念、無礙往生。

【問】平素精神散亂未定、默念佛號、又起妄想難定、爲何原因。請示妙法。（翁明標）

【答】念佛須從心起、口出佛聲、耳聽佛聲、如是周而復始、清清楚楚、久自心撮一處

矣。

【問】唐朝大詩人白樂天淨土頌中有段「達人應笑我、多卻阿彌陀、達又作麼生、不達又如何。」此三個達字應如何解釋（靜修精舍）

【答】達是通達、達人者、心胸學問、一切開明之謂。

【問】「不假方便自得心開」句、請問一念佛是否方便。二、心開是否見性。（鍾觀靖）

【答】念佛之法曰眞實也可、曰方便亦可、經云「無有定法」。又曰「此法非實非虛」。專心念佛是如來勝方便、大乘起信論說也。以念佛爲實、故云不假方便、此章之說也。

【問】菩提樹第五十期第十頁「彌陀經

講話」下面十三行「同時也是對過分著相念佛的人……」因過分著相四字有以下疑問。怎樣才算過分著相。（樓永譽）

【答】念佛有初進淺深之別，有事念理念之分，事念宜於初淺，理念屬於進深，事屬於相，理合於性，惟事從理起，全事即理，相從性生，全相即性。明乎此，則著相與否，皆是方法，不可固執。

【問】過分著相念佛有什麼弊。（樓永譽）

【答】過分者全分也，過分著相，乃全相即性。

【問】學人對極樂依正莊嚴及彌陀相好光明日夜念念羨慕不忘是否也謂過分著相。（樓永譽）

【答】可云全相全事。

【問】念佛之時，常起悲感，是何境界。（慧祝）

【答】此是至誠所感，悲心流露，雖是好象，但宜用定力抑制，使歸輕安爲佳。

【問】念佛念至清淨大海眾菩薩應作何觀想。（翟孟秋）

【答】照所念之文，觀想可耳。

【問】放下萬緣，即是喜怒哀樂之未發，不知在發的時候，應當怎樣。（賴棟樑）

【答】放下萬緣是心不緣境，喜怒哀樂發時，是心緣境後種種分別所起之情，由放下起緣，發情粗說已經三轉境界，明乎此，當情發時，速斷攀緣，則歸寂靜矣。

【問】念佛究以高聲念抑默念或金剛念好。（許巍文）

【答】此不必拘泥、昏沉時則取高聲以振之、散亂則取金剛持以收之、止靜或臥眠、及大小抽解、環境不宜出聲時、均可默轉以續之。

【問】念佛方法、如追頂念佛、反聞念佛、數十念佛、目的在於達到淨念相繼、一心不亂、須選擇那一種為最相宜、最易成就者。
(智梁)

【答】此須順各人根器、近自靈巖大師以來、多取數十念佛一法。

【問】西方極樂是在心中否。(王慧錦)

【答】雖在心中、而西方實有其事。如臺中居民、人人心中有柳川、而柳川仍未離開地面。

【問】印光大師生西後他的拜墊上猶留大師影像(見永思集)、其理如何。(賴

棟樑)

【答】精誠所結、如古木鋸開以後、內有佛菩薩像、汶河底石現花紋鳥獸等形俱不可思議。

【問】如何可得念佛三昧、其現相及效用奚似。(李杰超)

【答】只有都攝六根、時時熏習、倘能有恆、自有水到渠成之日、現相惟有自知、效用即決定往生耳。

【問】念佛念到三際念斷是何境界。(智榮)

【答】是名無念三昧。

【問】禪家行持、若有現相皆是魔境、淨家念佛遇有現物、是否亦是魔境。(智榮)

【答】所修與所得必須相應、方不是錯、禪家究心、真如無相、若有所見、皆是妄境、故

說是魔。淨家依經念佛觀佛，若有現相，與經相合，即是相應，不得謂魔。設與經違，便是邪境。

【問】憨山大師曰：「一心稱名，固是正行。必須以觀相，更見穩密。」印光法師云：「專一持名，不必觀相。」此二法，須選擇何法。抑亦兩法均可乎。（智梁）

【答】心契何法，任取其一。

【問】學佛要略有云：禪是淨土之禪，淨土是禪之淨土。若此謂淨土是屬於禪否。（廖武卿）

【答】此二句乃一反一正之理論，為融會禪淨立言，不能單念一句。若疑下句是淨屬於禪，假單念上句，豈非又是禪屬於淨耶。

【問】彌陀經中「一生補處」之句不明。

（張廷榮）

【答】處指佛位，補是候補。他界證到佛果，候補佛位，須經多劫。極樂只須一生，即能證得而為候補之佛。

【問】何謂開靜、開靜之境界如何。（陳銳）

【答】繞佛坐念以後，忽然止聲靜默，名曰止靜。再擊引磬開念，名曰開靜。

【問】觀經說「觀像時，先觀佛白毫八稜，向右旋轉等……」經再三沉思，始終不解八稜右旋成什麼狀態。祈示之。（陳銳）

【答】如觀丈六身時，兩眉中間之毫，可如大姆指粗繩，不作圓形。作一八稜之長繩，再想此毫向右方盤旋，結作珠形，即俗所謂佛頂珠也。

【問】念佛止靜坐應做何工。（續念則法縛、斷念則空死）（李杰超）

夫日深、自能漸漸一心、非謂終不必求一心也。

【答】淨學止靜有取觀想者。古德亦有主張淨念只管相繼者。即此時雖止於口、未可止於心、不取一念不起之法、蓋淨念相繼、原是有念、若強使無念、只此一用力、便是妄念矣。至云斷念、恐念不即死。續念、不妨任他法縛。

【問】念佛必要念到「一心不亂」即能往生、但是弟子念佛時、依然心猿意馬、未能得到一心不亂、不知用何方法、即能心不往外跑。（善玉）

【答】先用心口耳三輪循環念法、如無效時、加用記數之法、念三三四句過一念珠、如是可去紛亂、倘再無效、並念珠不用、直採記數之法。

【問】念佛時雖聲音細微、然猶聽之如鐘鳴、此種境界屬戀靜境否。（胡正臨）

【問】念佛念到「打成一片」是什麼意思。（李永茂）

【答】是靜極之相。

【答】淨念相繼、更無雜想、譬如多堆鐵屑、熔於一鑪、再經千錘百煉、成爲整鐵一片相似。

【問】念佛四要訣云、不求一心、若到臨終不一心者、可不懼從前惡習熏染、能起現行來障礙否。（林福修）

【問】無念與失念如何分別。（許鑫）

【答】此書言不求一心者、指初步學佛之人。此時若使先求一心、必畏難而退、迨工

人。此時若使先求一心、必畏難而退、迨工

【答】本性如如不動、本無有念、因無明故、正念、非教失念也。

而多妄念。修到妄念斷去、顯出本來、仍屬【問】自性彌陀、唯心淨土、其義云何。（寬

如如真相、是本與究竟、皆可曰無念。修斷

妄念之時、所持之正念、或曰淨念、而是斷

妄利器、倘此正念忘忽、名曰失念。簡言之

無念者、無任何念也、失念者失正念也。

【問】失念是在用功將打成一片時、放下

造成失念。（許鑫）

【答】無念與失念之不同、已於前條分析、

無念是三昧境界、失念乃昏散等事、兩者

天淵之別。本條所言用功、未審所用何功、

如謂念佛、則「打成一片」是淨念相繼、

而不斷。純熟時、念即是佛、佛即是念、無有

夾雜、是名「打成一片」、正是寂照雙融。

寂者萬緣俱息、照者佛號分明、放下者、是

放下塵緣、非放下佛號也、用功者、是提起

正念、非教失念也。

【問】自性彌陀、唯心淨土、其義云何。（寬

萍）

【答】盡虛空皆我心量、極樂彌陀、咸在我

心。心念彌陀、則彌陀顯應、然此自是性分

中事、故云「自性彌陀」。依報正報不離、

故云唯心淨土。此解平易無弊、故爲居士

說之。

【問】念佛必須都攝六根、淨念相繼、什麼

意義。（余萍）

【答】心有迷惑、妄念飛騰、以故現在造孽、

將來墮落、生死輪迴、無有了期。念佛一求

去妄念、再求感應生西。經中明訓、教求「

一心不亂」。六根不攝、心何能一。淨念不

能繼續、則爲其他雜念攪亂矣。如此則妄

念不滅、依然造孽、不得感應、何能生西乎。

【問】有人念佛能見種種瑞相、何以金剛經說「若以色見我、以音聲求我、是人行邪道、不能見如來」呢。（洪榮保）

【答】如來言真空之體、瑞相言妙有之相、相依體有、體因相顯、此是中道。凡夫往往迷相遺體、偏執一端、不得真實、故金經澈底破之、不變是體、隨緣是相、果能識其體矣、再與言相、始能會空色相即、空有不離之旨、便知寂光是真空、瑞相是妙有、一而二、二而一、非矛盾也。

【問】無念而念、念而無念、到此境地、未審還須再存求生之願乎。（賴棟樑）

【答】此境地作麼生。可否說存而不存、不存而存耶。

【問】有一種人、身體很康健、但他念佛時、只是心亂。未知他這亂心、是身體的病、或

是性的病。（慧霖）

【答】此事不關身體強弱、一是性根大鈍、二是業障過重所致耳。

【問】聽說念佛是第六識念出、但是心亂時念由六識念出、淨念時亦六識或八識念乎。（寬萍）

【答】念雖起於第六識、惟彌陀名號、卻是第八識種子起現行。不問心亂與淨、是兩種識皆有關係也。

【問】古德云「一念清淨、一念佛、念念清淨、念念佛」據此而論、若能意念清淨、雖口不宣佛號、此心即是佛嗎、是否為實相念佛。（賴棟樑）

【答】心名如來藏、淨即是佛、染即眾生。是知一念清淨兩句、自是至論。但如何使念離染得淨、大非易事。自然各宗自有其法、

淨家多法捷徑持名。古德有言「清珠投於濁水，濁水不得不清。佛號投於亂心，亂心不得不佛。」是說佛號爲因，清淨爲果也。不可誤爲不假修因，便能當下一念清淨。試思無學無修之人，一念清淨，有幾輩哉。果作到矣，即合實相。但此境極細，不向淨裡體念，恐不能知。

【問】病時在床上可以拿念佛珠念佛否。
(寬心)

【答】病時乃身力不支，非故意懶惰傲慢，自不妨持珠念誦。危難之中，正須要念佛求加被也。

【問】人命終時，子孫悲慘兩眼流淚，但不出聲，有否障礙。(周慧德)

【答】不令病人見到無妨。

【問】前聞人云念佛人臨命終時無中陰

身，須念至如何程度，才無中陰身。(賴棟樑)

【答】臨終佛現，即得往生之「即」字，不可滑口讀過，如是即無中陰身。

【問】臨命終時什麼是正念。(吳銘琨)

【答】佛子平素所修何種法門，至臨終時而不爲世俗諸事牽掛，心仍在其所修之道，即是正念。

【問】平素修持到什麼程度的工夫，往生纔有把握。(賴棟樑)

【答】一心不亂，經語至明，縱不到此，只能心口熟練，動念就是這箇，亦有把握。

【問】弟子慚愧家事多忙，一日只念佛號一萬二千，其他什麼都不會念，不知後來能否成就。(朱密)

【答】法門貴精不貴多，如此甚善。繫特尊

者、念笈帚二字、尙能證果。況念萬德洪名乎。古人云「老實念佛、莫換題目。」居士果能什麼不會、只會念佛、勝於空談者多矣。決定成就。

【問】明年五十九歲、運氣不好、請問老師、念佛能消災過運否、須用何方法。請示。（何居士）

【答】除非短命、誰不經過五十九歲、竟謂運氣不好、實是世俗之迷信、學佛者要求正知正見、豈可信此荒唐之說。經云「至心念佛一句、能消八十億劫生死重罪。」若果誠心念佛、未有不消之災。倘信世俗不經之談、便知念佛而無誠心。

【問】平素念佛、雖然有恆、至臨終自身朦朧、且亦未得助念、能往生否。（徐福快）

【答】如此恐無把握。但積有善因、自招善

緣、屆時或有不可思議之感應。

【問】平常念佛到臨命終時、未得能照著法行事、妻小哭纏、以致不能往生。那末一生念佛是不是同平常不念佛人一樣。（李俊）

【答】家庭佛化、即無此慮矣。是故學佛者、修己、化家、風社會、俱是不可少之事。此不獨專爲益他、且正是滅自己之障礙也。

【問】學佛人將死前、預知其死時日、是否佛之指示。（鍾林招）

【答】有佛菩薩現相指示者、亦有淨功德通而知者。

【問】報載基隆鬧鬼、能置人死、聞有念佛的人、遇見就沒事、這是甚麼因果。（智榮）

【答】妖由人興、又有俗諺、疑心生暗鬼。佛

家謂萬法唯心、其理皆通。果能心地光明、不懷鬼胎、自然不與鬼崇相應。

【問】修淨業人往生後肉體焚化有得舍利、是功夫做到什麼程度。如陳進德居士母堂得舍利二粒、確有生西否。（寬珠）

【答】聞古德云、舍利乃戒定慧所結、此必須勤斷貪瞋痴、方有應得希望。夫生西者、本由自他之力、故亦非人人能出舍利。然修淨出舍利者、自是成就表現、陳母生西、有何疑乎。

【問】在唸佛而心閒著無所事、故仍生滅不已、雖一時警覺、馬上收回、不久又去千里、于是索性翻開書本、則眼看文字、心思文意、手捻佛珠、口仍唸佛、耳聽佛號、鼻聞香烟、此可謂六根清淨否。常此以往、能往生否。（樓永譽）

【答】六根門頭、雖皆對淨境、然是六處分飛、何能一心。宜取大勢至菩薩圓通章細味之、使心專一、乃係工夫火候問題、不必躁求也。

【問】念佛人最要緊為臨終正念分明、當指後學晨課持誦心經、大悲咒、或平時散持觀音聖號時、則不可能同時念佛、若遇意外命終又當如何。（趙澤宇）

【答】修何法門、貴在專一、古德早有明訓、理應遵依。如修淨業者、誦心經等可作課外助緣、然亦不可佔時太久、妨礙正課。再修淨業得力之人、不遭橫禍、後問可無慮也。

【問】念佛時、常定心不住、妄想俗事、淨土經典上說要句句分明入耳、但是縛不住心猿意馬、還有何良法、可定一心不亂。（

李俊)

【答】方法實多，貴在契機，居士宜將各法互用，權其合於己者採用之，不必與人強取一致也。

【問】念佛菩薩名號，念到一心，能生感應道交，這一心能與佛菩薩相應，念「色」之心比念佛菩薩之心，還要來的痛切，何以不能相應呢。(白永居)

【答】佛菩薩心念眾生，眾生心亦念佛菩薩，兩者互念，方有感有應。如電話機然，必雙方機件完備，始得相通，若一方機件有缺，即不能通。居士念色痛切，但不知色亦痛切念居士乎。

【問】吾人持名念佛，往生西方淨土後，是否可再至十方世界利益群生。(李明揚)

【答】淨土法門之旨，即為往生速證不退，回入娑婆，廣度含識，非為安居極樂，自圖享受。若圖自安，便墮二乘，與成佛無分矣。

【問】在淨土修煉到什麼程度，方可如願至十方世界利益群生。(李明揚)

【答】往生皆得不退，多有一生補處，此自任運十方，勿庸多述。否然者，亦分證聲緣菩薩等果。菩薩等級甚多，在別教菩薩初地，即能百界示現，圓教初住以上，便可十方示現矣。此論其常有特願者，又當別論。

【問】念佛為明心見性，但不知如何做法，心方明，性始見。(林聖崑)

【答】念佛固能明心見性，然其捷法，是求帶業往生，速出輪迴。其法明載「阿彌陀經」，大意是按照信願行，誠心念六字洪名，再諸惡莫作，眾善奉行，以作助緣，即能

成功。

【問】設如臨命終時、因環境以及地方人事等、不許可時、以致快速移動、及無人助念、本人神識不清、此情此境、惟有任其墮落、有否別的方法處之。（黃涵）

【答】明知是障礙之所、即須設法擺脫。否則自己功夫、來去自由、確有把握時、亦無所謂爲懼矣。然密宗尙有大灌頂光明咒砂之法、可以助人往生、但無緣亦不遇人來布施耳。

【問】阿彌陀佛在極樂世界是否永久住世而不入涅槃。（蔡世芳）

【答】佛現三身、所謂入滅者、只是有相之報化二身耳。法身則不生不滅。西方實報莊嚴淨土、係屬阿彌陀佛之報化、經載將來入滅、但滅以後、觀世音菩薩即繼彼土

之佛位矣。

【問】弟子閱讀淨宗諸祖師著集其云、念佛人於二六時中、不論行住坐臥念念不離阿彌陀佛、甚至睡著做夢時都要會念佛、有這樣的工夫、才有往生樂國的希望、否則一念之差、便在六道輪迴。又有云念而不念、不念而念、如是這樣弟子念佛太差、不敢作往生樂國的妄想、其次彌陀經云「一心不亂」、祈示。（鄭均海）

【答】古德云、往生與否、全由信願之有無、品位高下、端賴持名之深淺。觀此則淨因深淺俱得往生、淨果高低卻有區別、雖居下下、已脫輪迴、實勝二十八天。居士所舉二六不斷、念而不念、一心不亂等、皆係上上之因、縱不能此、只信願俱足、朝暮數百數千、中下亦有其分。

【問】淨土法門十方共讚、處處指歸、最爲殊勝、彌陀成佛於今十劫、在十劫前十方諸佛有無開此法門、而彌陀獨創乎、若然衆生成佛就非三大阿僧祇劫不可了、是不是諸佛度生善巧方便不及彌陀。（賴光裕）

【答】此問有三意、茲分說之。（一）淨土法門、即是念彌陀聖號法門、彌陀以前、無有彌陀、既無之、自不能念。諸佛共讚者、亦是執持彌陀聖號、十劫以前、並無彌陀、十方諸佛、指何而開此門。（二）彌陀法門、持名往生、乃彌陀因地願力、依經義講、可謂彌陀獨創、至於衆生成佛、並非皆經三祇、有上乘利根之人、亦能頓超、不過希有難得、不普及耳。（三）佛佛道同、善巧方便、豈有軒輊、惟彌陀因地發願特殊、故果地利衆特殊、古

德云「十方三世佛、阿彌陀第一。」不及之意、或在斯乎。

【問】念佛時手撚數珠、撚完一〇八粒、撚到佛頭珠、須要將數珠、翻轉過來、回頭再撚、其意思是手撚數珠不能越過佛頭珠、並且含著乘願再來之義。又一般人念佛、大多數口念彌陀、手撚數珠總是越過佛頭珠、繼續不停的撚。以上兩點、到底誰對誰不對呢。（陳澤）

【答】尊問雖列三條、其實一問、數珠念至佛頭、穿繩必有小空閑處、再掉轉來、始好掐珠再過。若圖省事、越過佛頭、彼段之珠、已與佛頭緊貼、無空閑處、則珠難過手矣。此爲靈便起見、尙是掉轉珠頭爲佳、至乘願再來一句、存如是觀念、未嘗不可、但未見有記載也。

【問】念釋迦佛名、聞釋迦佛名、得幾何功德、滅幾何生死重罪、於無上道能退轉否。若專念釋迦亦能往生否。（王金陀）

【答】此功德幾何、不可思議、蓋此娑婆世界眾生、得聞佛法、得聞佛名、皆本師釋尊恩澤。經中如載念何佛名、有幾許功德。方便說念釋尊名號、便得幾許功德。以所得之念他佛功德、皆由釋尊出故。增幾許功德、便滅幾許重罪、於無上道、亦不退轉。惟往生一事、須依教而念彌陀、方為合法也。

【問】弟子除念佛外、並從事誦咒背經、並日受持金剛經乙部、有感行焉不專、是否行坐一句彌陀、得益無二。（龐乾善）

【答】所云咒與金經、既已行之多日、不必捨去、只每日按時誦持一遍即可。執持名

號、卻應二六時中而不斷、名曰淨念相繼。求專當然有益、雜修自然分心。

【問】坐禪時、週身震動、有師言、此為外道、應自控制、專心用功、然週身血液尤流動、震慄、是否一心念佛即可。（龐乾善）

【答】前條言修淨、此處又言禪、淨乎禪乎、何尚未定。禪如有師、雖云有承、然腳踏兩船、不免落水、所謂不禪不淨、二門具破、倘無師承、閉目枯坐、恐落黑山鬼窟、週身震動、尚是小毛病、或一味盲修瞎鍊、更怕有大魔境在。

【問】靜坐念佛、微微感頭痛、因有腦神經衰弱、是否由病業所感、或可一意專念、不予理會。（龐乾善）

【答】所生狀態、病與業兼而有之、或再有念不如法、以作增上、亦未可知。倘念時不

能心平氣和、過於緊張、亦能發生是病。居士云「一意專念、不予理會。」是矣、然必須止念調息、不緩不急、綿綿密密、如深潭流水、不興微波、自可愈所病矣。

【問】因病體弱、常思假身虛幻不實、以對治、返觀本性了無可得。此法乃弟子靜坐與平時行持、間以持名念佛迴向、是否爲當。（龐乾善）

【答】靜坐則不可常思、若常思是身靜而心不靜矣。靜坐時只有止觀、念不起、謂之止。念若起、隨覺是妄、謂之觀照。能了自性無得、而妄念何有、謂之照破。然此卻非常思、毫釐千里、不可不辨。倘止不能止、則念佛代之、自念自聽、有止有觀矣。若加回向、是爲發願、願無虛發、真切必有所成也。

【問】阿彌陀經上說、人臨命終時、若能念

佛一日、乃至七日、念至一心不亂、即可能蒙佛接引、然身爲病苦所逼、不能出聲正念、甚至心念能力不足、變成憶佛想佛、亦可能蒙佛垂慈接引否。（陳灶）

【答】剋期七日、乃指平素健康之時、非謂臨命終時、果至命終寸晷難待、何能七日。臨命終時若能憶佛想佛、便是心不顛倒、定感佛現。否則縱能口念、而心不在佛、亦屬唐捐。

【問】人命終時必須持念佛號、分明才得往生、否則縱念佛一生亦必墜入三惡道、殊違夙願、竊意建議每一佛教寺廟應普設一專收留蓮友臨終時備用之房間、由和尚或皈依居士屆時義務助念、促彼往生西方、則自度度人之大乘教義當更易普及披沐、因現時能佛化家庭者殊不易

得、甚或家庭各份子間、每有持不同之宗教信仰、而後者對臨終時、則更受影響、大德以爲能否倡導、由主事佛教機構策劃實施。（桂向元）

【答】此分二意、前爲議論、後爲方法、先言其一、正念分明、方得往生是矣、如不分明、亦必論其識田善惡種子、何者而起現行、加以斷定、不能直說墜三途也、再言其二、淨土法門、古德早有助念之法、各地多有行之者、即今臺省各地修淨者、亦有助念團之組織、惟但就其將終人家中行之、有時確生阻力、尙未有公共處所、專作是事實一憾耳。

【問】善導大師念一聲佛、則一佛從口而出、是神通乎、抑感應乎。（高添丁）

【答】大師境界、區區不知、以理而言、發現

神通、由於定力、得到感應、亦由定力、大師之德、神通感應、定必兼有、且有感斯通、能通即是得感、確有連帶關係、念佛而口出佛、顯係示現攝化、說感應固可、說神通亦未始不可。

【問】淨土法門貴在念佛求生淨土、如念阿彌陀佛、即佛來接引往生西方淨土、念藥師佛、東方佛來接引往生東方淨土、但是有的人沒有念佛、全念大悲咒、如念佛一樣、口念耳聞、執持此念、此人命終誰來接引、往生何處、求大德指示。（孫妙松）

【答】念彌陀、彌陀佛來迎、而彌陀經有此記載、念藥師、藥師佛來迎、藥師經無此記載、念大悲咒、有大悲咒之功德、至於往生何處、須仗願力、如無願力、恐僅斷幾分惑、而不生東西兩佛土、古德云、往生與否、全

在信願之有無、故知無願不生東與西土也。

【問】阿彌陀佛是法界藏身、就是法身充滿虛空、又說六方有恆沙諸佛、這樣解釋對不對、要是對的話、既有彌陀法身、已經塞滿六方恆沙數量佛、坐在何處。（張營林）

【答】佛有三身、所問二句、乃是指法身而言、法身無相、猶如虛空、以空入空、何有所礙。前哲以燈光爲喻、極爲透闢、云一室千燈光、光互入、縱一室萬燈、亦不相礙、可細味也。

【問】西方說是蓮花化生、無有父母、若是離開蓮花出生以後、依靠何人撫養長大。

（張營林）

【答】花開出生、自與彼土之眾、身形齊等。

猶此土之竹、筍籜出土、一夜長足、並非繼續數年也。且皆金色相好、神通自在、不須受人撫養也。

【問】極樂娑婆、同是佛土、爲何生到彼處、便皆不退轉、生到此地、便皆退轉、這是什麼理由。（張營林）

【答】此問古德在經文後、早有詳註、請檢閱之自明。茲再略補其意、念不一不生、極樂、愛不重不生、娑婆、是一得超果而去、一得墮果而來、此理由之一。彼是淨土、純是淨緣、既到已無緣而不導之使進、故得不退。此是穢土、既來已無緣而不引之使墮、故多得退、此理由之二。彼土生者、皆是淨業成熟之人、覺而不退。此土生者、多是孽緣現行之人、故迷惑而不進、此理由之三。簡言如是、詳則萬言難盡。

【問】藥師本願經亦說生琉璃淨土得不退轉、雖未言比不上極樂、但是比娑婆好多、豈不是生東方淨土是一樣。而且當時求財得財、求一切得一切、何不在此土享受快樂、然後再往東方、似比求生極樂、在因地上還舒服。（張營林）

【答】你居士若生到琉璃淨土、自然得到不退、只怕去不了、那還說甚退不退。應知東西兩淨土、生到後不退、固是一樣、至備何條件而得生、則不一樣。看經文不可粗心、以免到時無效、謗佛無靈。且居士戀念此土享受、是深於此土蟠根、卻妄想生琉璃生芽、便是非因計因、恐無是處。

【問】以前、還不像現在深信的時候、閉目念南無阿彌陀佛時、每每有一尊穿白衣、執錫杖的和尚、顯在目前。或是在夢中恐

懼之時、這尊白衣和尚都會來解救、可是現在這種境界、思之亦不出來、是不是現在比以前懈怠了、還是那一種境界是不正當的、我雖然修的是淨土法門、可是不知怎樣心裡不會攀緣想極樂國土的境界、雖是丈夫時常提示我要觀想西方國土的莊嚴才能往生。這種修持的方法是、不是有那一個地方不對、毛病在那裡。請你老開示、令我得到正當的修法。（陳慈蓉）

【答】前見像今不見、皆不可執著、宜以一心持名、不去理他為對、若是執著之、反而是病。至修淨之道、爰有四法、即實相、觀像、觀想、持名、是也。前者暫不說、觀想與持名、合修之法、自蓮池大師以後、多不採用、惟主以專持名號、單刀直入、較為穩當。蓋觀

想須依十六觀經而修、今人心粗、難入細境、經云若他觀者名曰邪觀、觀不明法、或招錯誤、莫如心起念、口出聲、耳聽聲、三處輪轉、加以深信切願、但求獲得一心、不必定觀境界也。

【問】我已老了、這四大幻軀時常被病魔侵襲得難當、雖然早晚二課及念聖號都不間斷、前日看高僧傳裡面有一位法師病了、夢見佛祖給他指示誦涅槃經病就好了、弟子可不可以也模仿誦持涅槃經如何、還是有別的方法、人家說過老居士對醫藥也有相當成就、我是患了久年的

肝病、右脇時常做痛、透過背後肌肉也小腫。我相信我的業重、我不願就醫、（因行動不自由、腳動病就發作）以虔誠的心持念聖號來治療、可是功力不見效、敬請

老居士贈我療病的方法。（陳慈蓉）

【答】修法貴乎專一、最怕朝三暮四、腳踏兩船、須知佛法皆可圓用、更在捨生用熟、六字洪名、阿伽陀藥、萬病皆醫。且經明訓、至心念阿彌陀佛一句、能消八十億劫生死重罪、已有珍寶、何必他求。再居士既云老年、又長患病而「身見」猶如此重、娑婆興趣深戀不捨、大是往生障礙。區區雖會醫病、卻不會醫障、敬贈數言、無論求往生、求去魔、求卻病、都要立定主旨、搖動不得、只有堅持彌陀聖號一法、他皆節外生枝也。

【問】彌陀經中「廣長舌相、徧覆大千」

云何舌相能覆大千世界。（陳淨願）

【答】聲相所及、即同舌相所及耳。

【問】佛法導論書中說持佛名號、十六字

爲念佛法門一大綱宗、此十六字請示。（陸玄智）

【答】查佛法導論最後一頁末一行括弧內、所載極爲分明。即「眞爲生死、發菩提心、以深信願、持佛名號」等十六字、非另有所指也。

【問】西方三聖佛、觀音、及地藏王菩薩的根源並請示三菩薩未成佛前俗家之姓氏及其朝代。（芮春榮）

【答】此皆久遠劫前所修成果、今之歷史僅及五千年、何能論以朝代、只有按佛經所說、我輩方知大概。西方三聖乃彌陀、觀音、勢至三尊之總稱、並非一位菩薩、名曰三聖、不可誤會。按無量壽經、彌陀過去世係一國王出家、名曰法藏比丘、修成佛果。按大悲心陀羅尼經、多劫以前、有正法明

如來、爲度衆生、倒駕慈航、到西方世界、權作菩薩、輔佐彌陀、即觀世音。按地藏本願經、久遠劫中有一國王、發願永度罪苦衆生、是地藏菩薩。再佛與菩薩、皆係多劫修行、其身非一、經上只記有關係之事、瑣碎小節、不勝其載、故略之。如中國歷史、盤古氏、有巢氏等、較佛經所舉多劫之人、即爲最近、且亦不載姓名、況最遠者乎。

【問】唵佛唵六字唵四字或快或慢有什麼關係。（周慧前）

【答】六字恭敬、四字方便、過快過慢、皆非得宜。須心平氣和、不快不慢、能輕安爲是。

【問】曾閱印光祖師答衆弟子總信內有云「念佛要字字分明、綿綿不斷、念萬聲佛、須念五千觀音菩薩、念佛多少類推。」愚小在未皈依三寶以前、未供奉觀音菩

薩、所以現在每日早晚禮佛後先唸佛五千、次唸觀世音菩薩二千、是否可以。已受五戒、供有三聖像後、可否專唸南無阿彌陀佛聖號。(周慧前)

【答】印祖此一段訓言、當別有用意、若能讀此信全文、自明其旨也。至於皈依以後、擬專念彌陀、亦甚佳、但念佛以後、觀音勢至大海眾、諸禮誦之定規、不可不遵也。

【問】淨土三經係五時說教的那一時。(蔡世芳)

【答】淨土三經既是大乘、自然列入方等時。但淨土教法、則不受此限制、因開首華嚴時曾說極樂、最後法華時又說極樂、所謂千經萬論、處處指歸。是三經者、淨法之專書也、淨法者、佛教之通論也、能知專著與通論有別、自不至以酪酥醍醐、半字滿

字、起輕重之心矣。

【問】「歧路指歸」之卅五頁十二欄有「不論行坐睡眠以至大便小解的時候、都可以念佛」一節、是否對於佛、有欠禮貌。(廖增龍)

【答】念佛注重相繼、故不論何時、皆使不斷、然念分出聲與「心轉」之別、入廁時「心轉」無妨、但不必出口耳。

【問】某自念佛時、初由心念、忽而念在頭念、頭腦感覺昏脹、余爲不祥之兆、遂攝心念、時經月餘、尙間有微覺、余閱「宇宙萬有本體論」53頁聖心無知章有「頭上安頭、將心覺心。」是否即指此謂也。(魯開智)

【答】居士學佛何人傳授、宜向其將念佛之道、詳細問明、或先看淨宗入門之小冊

子、先求理解、否則因疑惑入歧途、而招魔事。「宇宙萬有本體論」、非初機應讀之書、讀亦不懂。凡一切學問、皆有次第、躐等而進、有損無益也。

【問】念佛時、念在虛空、或念在身、有時念在虛空、念亦在身、未知是好是凶。如凶、應如何補救。（魯開智）

【答】念佛不在身、亦不在虛空、奉勸將如是等疑神疑鬼、幻妄念頭、一律打消。念佛是求往生極樂世界、此是本旨。念從心起、聲從口出、再用耳細聽、不緊不慢、調勻氣息、除一句佛號之外、一切妄念俱要放下。尚要嚴戒殺盜淫妄、多作慈善公益（作善作公益、並非專指金錢、不可誤會）、以求滅消魔障。小冊子先看「岐路指歸」、「初機淨業指南」、「暗路明燈」、「佛

法導論」等。此明白後、再學看經。

【問】①在家修行居士、任何精修與否、當臨終時是否總逃不了「病」字。②又在家精修大居士、臨終與出家高僧圓寂來較、神色有無差別。③在家修行居士須修何宗工夫、及多少時間、臨終時方能瑞相異俗。（卓忠振）

【答】此問三段、一、諦閑大師、太虛大師出家高僧也、圓寂以前、皆示病苦。宋王龍舒、在家居士也、身立念佛而終、有病無病與出家在家無關。二、此但論功夫如何、亦不在出家在家也。三、佛法普及群生、弟子雖有出家在家之別、再修法一道、只論根器、任人選擇、並不限制出家修何法門、在家修何法門、至云時間瑞相、豈能預期、此全在乎勤惰之作、頓漸之機。如同一株樹、其

所開花、其所熟果、尚不能在一時也。

【問】家兄卓智立居士吃素念佛已垂卅餘載之悠久、在卅餘載修行期中歷盡多少苦辛、曾吟云「茹古含今揚淨土、臥薪嘗膽念彌陀。」又云「夜寢夙興依大士、朝參暮禮念彌陀。」期冀以多年來至誠念佛之眼淚、灑滴蓮心、請問高賢家兄一生苦志念佛不渝之精神、臨終後能帶業往生佛國否。（卓忠振）

【答】令兄往生與否、臨終之時、區區並未到場、臺端亦未親見、事未搜集根據、不敢妄言涉過。但按聖教量、至心十念、尙蒙接引、令兄果能信深願切、念茲在茲、焉有不往生之理。未斷見思之人、既往生矣、自然帶業。

【問】淨土法門、原來崇敬西方三聖、阿彌陀

陀經又是淨土宗必要的經典、而且定爲日課、爲何經中沒有提到觀世音大勢至二菩薩呢。（金雲）

【答】淨土三經、教相雖一、行持卻各不同、異則各有其重心、不可不知。大本重六度萬行、故廣陳功罪、備舉五受五痛五燒。觀經重在觀想、故詳言依正微妙、列舉觀音勢至、及九品生眾。小本重在持一名號、故單提彌陀、而不及其他。

【問】淨土宗自蓮池大師以後、專主持名、不教觀想、極樂世界有四色蓮花、將來往生、生到何色蓮花裡。（金雲）

【答】法華四花表四因位、即住行向地之四類也。據此、知行人是何因地、則生何色之花也。

【問】常聽老師講說、經雖是道、文字也佳、

初機之人、必須先明文理、方能求道。我對阿彌陀經上、六方佛一段、很有疑惑、爲何四方先說東方、不是北方爲上嗎、反而列在最後。上下兩方自然是從上而下、爲何又先說下方。（金雲）

【答】佛經有真實語、有隨順語、尙有他種等等之不同、四方上下、皆假定之名、安有其實、佛亦云云、此依時依處隨順語也。此地球居人、指日爲準、而定四方、故曰方名假定。作文須有次序、日出於東、爲一日之始、春來自東、爲一年之始、故四方先言乎東方。草木有本末、根本在下、枝末在上、故上下先言乎下方。

【問】彌陀經中「於彼國土、若已生、若今生、若當生」幾句義意雖明、按文義講、甚覺礙口、如何講法、能使好懂。（金雲）

【答】中國之字、一字而有多講、「於」在此處、是發語辭、作「對於」講、將「於彼國土」合講、即謂對於彌陀之國土也。不過此是上句、尙有下三句、必一氣穿成、方能充暢。但若向下講、必加入前文作介詞、方覺順口、應加「已發願者」、「若已生」矣。「若」在此作如講、換成白話、是「像那樣」之意、合解此句、謂像那樣已經發願之人、已經往生矣。下二句亦必加前文介辭、方好講解、加入現今發願者一句、也像他們那樣已發願已經往生者一樣、今可往生。後句類推、再後二句之「若」字、作乃（就能）字講、卻也直截、謂今發願者、就能現今往生、當發願者、就能當來往生。

【問】西方彌陀佛在三身（法、報、化）中

屬在何身。(林火壽)

【答】西方既具四土、其土自具三身、眾生生者、證入何土、即見何身也。

【問】有人與我提到西方圖、佛菩薩等像是根據何處翻印出來。是否已有人曾見到西方、佛菩薩等。(李寬觀)

【答】有人見到西方佛菩薩、事亦有之、往生傳及淨土聖賢錄、俱有記載。惟所畫圖像、乃根據於十六觀經、只不過略而已、文爲事之說明、圖爲文之標本、不必依各人見到爲憑也。

【問】生而聾者、其臨命終、當旁人爲他念佛、是否能得利益。(李寬觀)

【答】盲聾啞、八難之一、障礙受佛法也、但佛法不可思議、能得滅罪之利。如平素借其眼根、教以念佛、於善巧方便中、能使

知往生之益、臨終時懸佛像、焚栴檀、由其眼鼻二根、引起正念、或亦能獲特別益處。

【問】除了在居處或在佛像前、他如走路時、作事時、一心念佛、是否也有功德、或可直接得著佛祖之感應。(唐桂蘭)

【答】行住坐臥、皆可念佛、但求真誠、及其恭敬、佛之法身、遍滿虛空、佛之光明、照十方國、眾生何地而不對佛。所謂「夾岸桃花新雨後、馬蹄無處避殘紅。」

【問】念佛時出聲念與不出聲心中默念、二者是否俱同等功德、抑或有所差別。(唐桂蘭)

【答】念佛功德、在求乎定、經曰「一心不亂、至其念法、不限何種、以契個人之機爲斷、契合者、功德便大、不契合者、功德便少耳。」

【問】彌陀四十八願度眾生、請問是那四

十八誓弘大願。祈爲一一詳答。（唐桂蘭）

）

【答】「四十八願」，豈是十言八語所能講畢，就是只寫本文，亦須佔本欄三分之二。二、若加逐條詳解，乃是專書著作，非是問答範圍。欲知其事，出於「無量壽經」請自查之，若明其義，則非初學能解，須參註疏。

【問】「佛說阿彌陀經」是何佛所說。（唐桂蘭）

【答】此界此劫之經，皆本師釋迦牟尼佛所說，非只此一經也。

【問】晚學自皈依三寶訖，已有七載之時。光自開始念佛經年餘後，即感每念一句佛心，即隨之一滾動，因此曾經請教大德開示，教以繼續念至不動爲佳。嗣後每日持念至今，心果已不動，但如偶起貪瞋癡

念時，心仍動亂不止。唯須立作正念，糾正之心，動方止。行人平時如能善自攝心，不使起貪瞋癡念，至臨命終時，是否即能心不顛倒，一心念佛，蒙佛接引往生極樂。（陳非林）

【答】貪瞋癡爲三毒，戒使不起，自是正路。果能伏斷，臨終當不顛倒。惟攝心不可著相，如心存伏斷三毒，反又多一妄念。莫如攝心在佛，不使有斷，不問有何境界，或好或劣，一切不管，只是提起一句佛號，便是正念，心與佛號不相應時，便是顛倒。

【問】晚學自客夏以來，不管何時，眼前遠近皆見有閃爍之白金光，舉頭觀空，凡眼力可及之處，即見有倏現倏滅之白金光，如桌球大。讀書時書上亦見有多數之細點白金光，察此光之來處，似出自晚學之

眉額間、因面向白壁時、自覺眉上有閃爍之光影、入暗室時亦同此感、且額中皮膚亦常有緊縮之怪態、又若至心念佛時、光必增強、懈怠則轉弱、如此之光、究係晚學身中之光、抑屬外境之光。（陳非林）

【答】境由心造、此仍是心作用、光明雖非惡相、惟額中發緊、且閃爍不定、亦非瑞相、更應知凡所有相、皆是虛妄、仍宜不去管他、攝心念佛爲正、若心常在此光、反將淨念失去、大是錯誤。

【問】上述之白金光、如果確係晚學身中之光、加上前一問之心態、綜合觀之、是否即見性之一種。（陳非林）

【答】智性與妄識、煩惱與菩提、只在一轉之間、著之則妄生、捨之則真現也。居士仍以注意「淨念相繼」、其他水月鏡花、概

不理會爲是。

【問】佛說華嚴五時判教中、屬於第一時、當時佛說彌陀經屬於什麼時。（朱幼）

【答】此經因其性質、故列於方等、似爲第三時教。蓋此五時之教、前二時乃以經名而定、後二時亦如之、惟中間一名係類名、不是經名、只有列於此時而已。實則開首華嚴、要終法華、無不說此法門。夫如是、則此經可以斷代、此法則無法劃時也。

【問】學人先吃素一月、皈依後長久吃素、因爲負家庭生計、不能時常參加社團念佛、又因佛教經典甚多、每部都是寶藏、但吾人生命之短、每部都想受持、實在難能、學人只好選持妙法蓮華經觀世音菩薩普門品及佛說阿彌陀經、信願終生早晚課誦、但每晨在五、六時之間念普門品、將

晚夜在十一時念彌陀經、念完並念佛號千聲、以此時間及如此受持對否。不打法器可否。（林錦生）

【答】念佛在於求定、功夫好時、便是一心不亂、如此境界、尚是在個人家中、朝暮二課時能得。至於前往社團念佛、不過結緣隨喜、因公不能常去參加、亦無妨礙、但居家之朝暮二課、萬不間斷、朝誦普門品、晚誦彌陀經及佛號、尚無不可、功夫在精不在多、貪多不精、反無效力、不見禪家一句話頭參之終身乎。法器一項、居家環境許可則用、否則不用。

【問】念佛可增智慧、拜佛可消業障、前者念佛念到妄念（意）少時、確有此感覺、後者拜佛如何能得消業障的體驗。（是否指人身體平肝臟之火及心靜氣和的

意思）。（紀禹）

【答】眾生有身、抬手舉足、無不是罪、最顯者殺盜姪耳、有惡業必定惡報。一點鐘拜佛、一點鐘不造殺盜姪、一日拜佛、一日不造殺盜姪。不造新惡業、豈但不受新惡報、且惡緣不起、舊業無增上緣、亦不易起現行。明乎此理、便是體驗、省其心、察諸行、無可慚愧時、便是消業之消息。

【問】「念佛一句消滅八十億劫生死重罪。」那末我們不妨造罪、以後才來念佛、如說消舊業、不造新殃、造罪以後不是成舊業了嗎。（白痴）

【答】此問又屬二事茲分奉答。昔有某甲、持砒霜而大啖、某乙見而驚曰、君何故自殺、甲曰非自殺也、今聞某店有解砒毒之靈藥、吾欲服之、故先啖此砒霜。先生所問、

無乃類是。復次、三際流轉、剎那不停、作已而後、便稱過去、所論是矣。然此二句、本有界限、不論欲作好人、或欲學佛以發心之日起、前者假名曰舊、後者假名曰新耳。

【問】「琉璃王滅釋種、釋尊頭痛三日」成佛之後、還不能逃因果、念佛何能滅罪。

(白痴)

【答】因果乘除、千頭萬緒、如殺人償命、欠債還錢、是其原則。然有抵有折、有討有解、必以事論事、未可執一。惟先生所問、俱不在此範圍中、要知業盡情空、方圓佛果、安有成佛以後、尚有帶業之理、如十五之月、不缺方稱曰圓、既名曰圓、便無缺矣。此段經文、爲明因果不虛、現身說法、非世尊真實受報、如八相成道、亦不過古佛示跡演法而已。

【問】人若往生西方、其子孫代其誦經作功德、是往生人得去、或子孫得去。(寬觀)

【答】往生者蓮品增高、子孫盡孝、而又奉信佛、亦有莫大之功德。如爲人子者、父母旅行、或爲其御車、或爲其撥舟、其父母滅勞、是利益之果、子孫行孝、是利益之因、有因終得其果也。

【問】淨土宗信者有須要研究外宗經典否。(莊慶賢)

【答】法門無量誓願學、爲四宏誓之一、爲大乘學者之原則、淨土宗豈能例外、不過爲學應須知其本末、明其先後耳。本者本宗之經、宜先通、末者他宗之經、繼後學、本不通而務他端、恐邯鄲學步、他未成反而失其素行、本既明而不博學、則孤陋寡聞、

執一事或致礙其圓理。

【問】阿彌陀佛是否世自在王佛給他授記。而觀世音菩薩是何佛授記。（周羅漢）

【答】從迹相說、彌陀授記於世自在王佛、載在無量壽經。觀音授記於古觀音如來、載在首楞嚴經。然凡一聖人成就、皆曾不於一佛二佛三四五佛而興供養、無不侍多千億佛、是授記者、亦不止一佛也。

【問】觀音勢至、此兩尊菩薩、若理解即顯阿彌陀佛之悲智二德、可如是解乎。（周羅漢）

【答】西方三聖、觀音勢至為彌陀二脇士、輔弼度眾、觀音表悲、勢至表智、所謂智悲雙運也。

【問】小孩不懂佛理、教他念佛、有何利益、

父母主張給他受了皈依、他長大退轉了、是誰擔負過錯。（張寬心）

【答】低頭一拜、滅罪恆沙、念佛一句、滅八十億劫重罪、雖不解理、已種善根、何得云無利益。至於長大退轉、乃是另遇惡緣、然以前之種子、堅如金剛、伏於識田、終不消滅、仍屬有益。且為其皈依時、更不能預慮退轉、若居此念、則無由引人為善矣。儒家云、與其進也、不與其退也。

【問】除夕夜大小歡樂心情、深更起誦聖號、畢已近三點、入睡在夢、「念禮佛像、旁立一僧似玄妙法師、禮念中不知所然、啼哭不能自禁。」醒後知是夢、雙眶淚水尚濕流。元旦晚課念至大悲觀世音菩薩時、忽思閩梓慈母、悲從心起、淚由目出、咽泣一刻無能控制。二景悲淚俱在年之首、課

念悲淚有景觸而淚、二者是否同一意識而出。若是前者無念親而起、後者思親而動、是爲疑惑不解善惡之兆、祈示。（顏佛兆）

【答】念佛流淚、是心誠。思親流淚、是心孝。誠與孝、皆是善。古人云「禍因惡積、福緣善慶」。誠孝既云大善、乃是福因。學佛者當明因果、又何猶疑而不自決。

【問】眾生若蒙難時、學人代爲念往生咒被之、能確定生西方否。（龔文泰）

【答】見其蒙難、能救則救之、如或不能、與以法施、自是慈悲菩提。得生西方必具種種因緣、非可少分善根福德能致、但佛法如日、照處自有光明、縱不生西、亦能消罪。

【問】自家念佛、不會度眾生、臨命終時能不能生西。（朝新班蓮友）

【答】不會度眾、是無弘法之才。不肯度眾、是無菩提之心。才雖不可勉強、菩提心不可不發耳。如果都作不到、真肯死心塌地念佛、亦能往生、不過品位不高而已。

【問】佛經云「信願行」得生彼國、可是世俗的不良嗜好不能痛改、是否可以往生西方。（銜鈺）

【答】信願行之行字、指正助二行、正行是洪名善根正因、助行是眾善福德助緣、如鳥雙翼、缺一難飛。經有明訓、「不可以少善根福德因緣、得生彼國。」有過不改、自是少福德而乏助緣、爲行缺其一、而三資糧顯然不備、何得圓滿結果。且嗜好存心、臨終亦起障礙。

【問】講經說法做種種的功德、都不能往生西方。那麼不要到外面宏揚佛法、豈不

是閉門造車嗎。(銜鈺)

【答】話不如是偏頗。一箇法門、一種修法、種瓜不能生豆也。淨土法門之正因、專在念佛、其講經種種功德、不過皆助緣耳。緣固不可少、然無正因、如同無有種子、生從何起。念佛是自利、講說是利他、二者必同進、若單取助緣、忽略正因、故不得往生耳。

【問】到西方極樂國去的人、是否記得自己的眷屬。(銜鈺)

【答】生到彼國、備具神通、自知夙命。惟言自己眷屬一語、含混不清、試問所云者、自己是什麼。究竟是那一箇自己。

【問】無量壽經內說、西方無惡人、修淨宗是帶業往生、當有惡習氣、何以無惡人。(池慧霖)

【答】善與惡、是眾生未斷無明時對待名

辭、自有假定界限。其八識田中所藏惡種、起現行發動身口意十惡時曰惡人、能制使伏或斷、於身口意不起十惡曰善人。不必無明盡時、方稱善人。七地以前菩薩、無明未盡、且稱聖人是。亦不必習氣盡後、方稱善人。阿羅漢習氣未盡、亦稱聖果。是帶業往生者、均得三種不退、是惡種或伏或斷、不再發起、故曰西方無有惡人。

【問】往生人耳聾、代其助念、由聽不到可否得到助念之緣。(池慧霖)

【答】盲聾啞、爲八難之一、已生障礙、自難諱言、但非絕對。如助念人、能三密相應、而加持之、或至懇至切、感佛加被、則助念之功、亦不唐捐。

【問】無量壽經中有謂「正心正意、齋戒清淨。一日一夜、勝在無量壽國爲善百歲。」

「又謂「於此修善十日十夜勝於他方諸佛國中爲善千歲。」若照此比例、極樂與他方佛土、並無二殊、極樂何能勝過他方佛土呢。（佛文）

【答】極樂純善、再起加行之善、雖百歲而不難。此地多惡、作微善已難、作整日之善則更難。倘能爲之一日所用之力、便等極樂百歲之力、其所得之功德、亦自如之。惟恐其不足、故加正心正意齋戒、以作助緣。極樂喻如車輕路平、用馬力十分、便行百歲。此地車身極重、路又平少險多、若用馬力十分、僅行一日、尚恐不足、故須加助油電。他界善多惡少、作善百歲不及極樂之易、而較此地則勝。此地若作善一日不加正心齋戒、固不及極樂百歲之力與功德。然可追及於他佛世界之百歲力功、比喻

他界車不甚重、平多險少、若行百歲、馬力十分、自不充足、必須加成數分、此地馬力十分已能行一日、若用十分加成數分之馬力行車、不必再加助油電、便行一日有餘力矣。

【問】夏曆十一月十七日是阿彌陀佛聖誕、必有其由來及應化事跡、請詳細說明。

（李榮棠）

【答】彌陀本因爲法藏比丘、乃久遠劫降生、歷法古今中外、各箇不同、何能以中國之夏曆而定其誕耶。此不過後人欽崇彌陀、假定一日、作紀念耳。傳聞宋時永明大師爲是日所誕、因大師宏揚淨宗、度眾甚廣、崇古借以尊今之意。

【問】讚佛偈中「白毫宛轉五須彌、紺目澄清四大海。」此段讚佛身怎樣、難解、祈

詳釋。(李榮棠)

【答】此形容佛身之大耳。佛相兩眉之間、有白毫一盤、俗呼爲佛頂珠、而其大如五座須彌山。佛日之光爲紺色、一目之大、如四海之廣、而其身之大、更可知矣。若求詳細、可參二課合解。

【問】過此有十萬億佛土、有世界名曰極樂、究竟誰先去的呢。有否根據。(蓮雲班蓮友)

【答】以三量而論、聖言量便是根據、經云已發願、今發願、當發願。若已生、若今生、若當生。不過如是、未曾說名、誰人。予何能舉。

【問】嘗見感應錄中、往往有誦持地藏經、令已亡父母得超昇極樂、回向偈中亦有「願我宿現諸父母……接引往生安樂國」之文、竊念吾人念佛未到一心、往生

尙無把握、何以爲亡親誦念反易。且往生必先具足信願、如亡者信願不足、時將如何。(鍾觀靖)

【答】經乃聖教量也、感應錄係信者見聞所錄。古訓「依法不依人、依了義經不依不了義經」等四句、宜作南鍼。尊問二者、吾從乎聖教量也。

【問】禪靠自力、淨依他力、又云自他不二、究竟禪淨應說是一是二。(鍾觀靖)

【答】禪亦不離經教、是有他力也。淨須信願念佛、是有自力也。不過二者有尙乎輕重之別。無他力自力不生、無自力他力不應、是爲自他不二也。

【問】一般念佛之老太婆能明唯心之旨者、究有幾人、此與心外有法之外道何異。(鍾觀靖)

【答】老太婆不解唯識、但能具信願持名、誠心即已不起分別、焉有內外、故多成就者、未可輕也。

【問】信外道之人、亦稱念佛號、後如有往生極樂之願、能否得佛菩薩接引。（鍾觀靖）

【答】求法須離邪見、功成在乎專一、既歸佛門、當離外道。邪正混雜則法不真、法既雜亂、則念何能一、雖有往生之願、恐是可東可西之流蕩心耳。資糧不足、往生焉有其分。但人對宗教、尚有信歸小別、有歸信一致者、有信而未歸者、有歸而未信者、所言之外道、倘名在外道而不信、心在佛法、尚未歸者、果發切願、亦得往生、心力爲之也。

【問】佛說極樂世界、是否因應某些執著

不捨、貪戀五欲的眾生而說的一種方便、還是實有一個極樂世界。（鄭長林）

【答】居士此問、正是佛法理路不清、自生執著。應知我佛說法、權實得中、事理不背、我輩初機、只有依聖言量、而信受奉行。若以極樂世界爲方便假設、則淨土三經皆妄語矣。

【問】念佛念到一心不亂、即外無所求、內無煩惱、此時即在極樂世界、耳聞皆是彌陀法音、眼觀皆是菩薩所化、還是待此身死後、實可往生淨土見佛聞法。（鄭長林）

【答】此身如旅館、旅客坐此館中想往美國、而在此時美國之境界、已歷歷分明。試問此客此時是已到美國乎、是仍須出此旅館舟機前往乎。

【問】念佛是念自心佛、還是念心外佛。當念佛之時、將能念之心與所念之佛、融會爲一、心佛無二、即心即佛、念佛即是念心。如此念去、未知是否有誤。（鄭長林）

【答】居士這段高論、雖是述自他書、惟何是自心、何是心外、何爲心佛無二、即心即佛、恐不能真了其義、若差之毫厘、謬以千里矣。區區四十年來、纔曉得幾分「心內」、至於「心外」、卻還未曾能明。以愚見論、莫如一切不管、但集中全力、自念自聽、便得真實受用。應知此「當前一念」、即玄妙難言、不必格外之乎者也、多尋麻煩。【問】閱印光大師著、居家士女學佛程序曰。修習禪定、即修止觀、而念佛乃是修習止觀的一種方便、何以很多書刊又曰禪淨不可雙修。（鄭長林）

【答】「有禪有淨土、猶如戴角虎。」何嘗不許禪淨雙修。然須深解禪淨二法者行之方不逕庭。若事理不明、歧中加歧、則禪不禪、淨不淨、二門俱破矣。就以「居家士女學佛程序」中、此段文字而言、乃謂禪淨皆是「止觀」、非教人同修禪淨也、豈可誤會。

【問】光芒萬丈佛教巨星之印公大師圓寂後、經中國佛教會審議通過列爲蓮宗十三祖、爲全國佛教徒所矚目、嗣後家兄卓智立在福州功德林念佛會時、據某居士說「印公大師往生後列爲蓮宗十三祖、此事乃係暫時性、尙未確定、未確定之緣由、蓋因福州鼓山湧泉寺住持高僧虛雲大師、及圓瑛大師尙未圓寂、須俟二位高僧往生後、佛教會方能作最後之決定

「等語。此事是否實在。」（卓忠振）

【答】名分已定、人心已歸、豈能朝三暮四、隨意變更。況虛公爲當代禪德、自有其本宗地位。瑛師禪淨雙修、如紫柏、憨山諸師相同、後人自然奉之爲祖、但不必定以數字相承而別也。

【問】彌陀經內云「阿彌陀佛成佛以來于今十劫。」查劫有小中大三種、阿彌陀佛成佛十劫、究指何種之劫。小中大三劫每劫有多少年數。又西方佛國在阿彌陀佛未成佛之前、有無他佛、較阿彌陀佛成佛爲先。（卓忠振）

【答】人壽自十歲起算、過百年增一歲、增至八萬四千歲爲止。由此百年減一歲、減至十歲爲止、此一增一減之兩極數、合之爲一小劫。二十小劫爲一中劫、四中劫爲

一大劫。彌陀經中所言之十劫、前人曾云指大劫言也。

【問】極樂國土無有冢苦、但受諸樂、眾生者、皆是阿鞞跋致、然佛教教人知苦滅集、儒家亦有憂勞興國、逸豫亡身之訓、帶業往生之人、八識心田習氣未除、一旦生到安養、享受諸樂、如何能精進不退。請示其理。（鍾觀靖）

【答】樂可分二、欲樂與法樂也。三處七寶、種種莊嚴、是爲欲樂。乃對娑婆眾生所說、隨順其習、使之生羨而求往生也。而在彼土、此種種莊嚴之塵、實是說法之具、生到彼國、見聞知覺、因五塵說法之故、決定改觀。經云「自然皆生念佛念法念僧之心。」既自然念三寶矣、是心已與道合、是爲法樂。此是一法不作一法用、正是其善巧

方便處。

【問】楞嚴大勢至菩薩圓通章「憶佛念佛、現前當來、必定見佛」①請問憶與念是兩法還是一法。②此念是用口念抑心念。③所見佛是化佛抑自性佛。④如果是心憶心念、與禪家看話頭和參話頭有無不同。（鍾觀靖）

【答】①此是文法關係、中文有一類專用雙字、圓通章文即是此類。如是者甚多、例「言語」、「思想」、「行動」、「歡喜」等、本可皆作一義講、若必單字分講、亦未嘗不可。憶念二字、與上正同、憶若明記不忘、念若念茲在茲。②是用心念。③此當是自性佛、更應知吾輩念佛、縱現報化、亦不出自性也。④如言經則不能拘泥、因經文圓通一切、不必以宗派畫範圍。若言執持

法門、自有區別、禪參話頭、旨在開悟、淨起佛念、旨求往生。

【問】經云「若有眾生、欲生我國、至心信樂、乃至十念、若不生者、不取正覺」又云「執持名號若一日至七日、一心不亂、即得往生極樂國土。」二說何以不同。（鍾觀靖）

【答】至心者、心無雜念、澈底到家之謂。信樂者、是深信不疑、願樂往生之謂。此等功夫作得到、臨終一念、便可成就、何待十念。一日至七日者、即是期望作到此等地步。【問】淨土法門稱爲萬修萬人去、何以念佛之人仍有許多不能往生、因地不正歟。修持未得其法歟。抑立言之意先以欲鉤牽歟。（鍾觀靖）

【答】先以欲鉤牽義不如是解、茲暫不論。

所謂不生者、因緣不一、如上說二句、乃其最主之因。

【問】永明壽禪師「有禪有淨土、猶如戴角虎。」禪淨雙修、是否比專修爲勝。（鍾觀靖）

【答】此爲修禪者勸、非爲修淨者勸。因禪境高而淨法穩、高再得穩、一往無阻。若穩者求高、未必人人可能、不能恐兩門俱破、反唐捐其功矣。四偈合觀、當悟永師命意所在。

【問】念佛用心、念心聽之法、聲相甚細、此與觀世音菩薩耳根圓通、入流照性功用、是否相同、可否稱爲念實相佛。又此能念之心、與能聽之心、是一是二。（鍾觀靖）

【答】心念心聽、與入流亡所及實相念佛、並不甚同。惟念聽之心、理非二個、聽時即

念時。事可說二、念聽卻又甚分明也。如日當空而照、照自有光、是照與光、可說是一、亦可說非一也。

【問】古德云、得生與否、視信願有無。品第高下、在持名深淺。今有人具足信願行、而不能發廣大之心、祇冀往生極樂國土、享受諸樂、如此當不能與阿彌陀佛悲願相應、倘其人信願深切、亦能得往生否。（鍾觀靖）

【答】亦得往生、不過彼國之人天、或聲聞而已。不發大心、難得補處。

【問】極樂國土人民壽命無量、其數自應與時俱增、何以回入娑婆度脫眾生之菩薩、末世罕見、豈各人緣有勝劣耶。（鍾觀靖）

【答】此地球不過娑婆世界若干分之一

耳、再以中國而論、又不過此地球若干分之一。短短之千餘年間、而有淨宗諸祖、及淨土聖賢錄中所列諸士、何得謂爲罕見。即今各地亦大有人在、不然淨宗便如三階教消滅矣。

【問】曾聞一位居士說、娑婆的人想往西方世界、西方世界的人想往娑婆世界、求心乃爲究竟、因心即佛、即淨土、那末、我們修淨宗的人又何須求生西方、對此作何解說。（蕭金榮）

【答】似是而非之話、最爲害事、此類是也。殊不知娑婆人想往生西方、是爲了生死。西方人想生娑婆、是學已成就、乘願度眾、凡聖各別、求生意亦不同、豈可相混。至云求心、試問初機之人、能知心是甚麼、知之矣、如何求法、不是一句空話就了。心是佛、

是淨土、話也不錯、問他有心否、他若有心、他是否就是佛。

【問】彌陀經內云「……迦陵頻伽共命之鳥、是諸眾鳥晝夜六時出和雅音……」等句、足見西方佛國亦有晝夜之分、其佛國夜間是否鳥息花合而已。抑或如塵世夜間之黑暗。（卓忠振）

【答】實無晝夜、以花合雨花、記時而已、此世之光、全賴日照、彼界人器兩間、俱有光明、絕無暗時。

【問】念佛之人用什麼方法可得「未來過去」之知。（李永青）

【答】過去未來乃係神通、得定以後能有、然與了生死無關、不可妄求招魔、須知念佛爲求生西、果生西矣、則六種神通、不難具足矣。

【問】別世父親母親誦什麼經可往西方極樂世界。如何可知有接引。（李永青）

【答】有毘盧遮那佛大灌頂光明咒沙法，可以採用，載在大藏經秘密部。

【問】念佛完畢迴向，不知是一日迴向一次，或是一個月迴向一次呢。我以前所念的佛忘記迴向，現在迴向有功效嗎。（陳聯生）

【答】念一次回向一次爲佳，後宜仿之。以前念者，現在回向，亦有功效。一句佛號，一顆金剛種子，千劫萬生，力量尚不消滅，提出回向，胡疑無效耶。

【問】自己的妻子剛生產幾日，突遇蓮友要臨命終之時，未知可否參加助念佛號。

（鄭義郎）

【答】生產未久之人，氣血皆虧，不宜助念，

重使傷氣，並非因其不潔，不可念佛耳。佛視眾生如子女，子女至危急時呼喚父母，雖不潔，父母亦不厭嫌而棄之不顧也。

【問】有人問「阿彌陀佛的父親是什麼人。」他說你若答復我，我即要信佛。（洪環）

【答】昔法明和尚向大珠禪師曾有此問，師答「阿彌陀姓憍尸迦，父名月上，母名殊勝妙顏，出陀羅尼集。」又鼓音王經云「過去久遠劫中，有國名妙喜，王名憍尸迦，祖父清泰國王，父月上轉輪王，母殊勝妙顏王后，生三子，長曰月明，次曰憍尸迦，三曰帝眾。」此段記載，上及祖父，旁及兄弟，尤爲詳細，可轉告問難之人。但信佛自有起信因緣，如僅知此，便爲信佛條件，恐非出於至誠，再希轉達前途，佛法係救眾

離苦得樂之事、三寶乃無上福田、切不可當兒戲、開玩笑、自招過尤也。

【問】有人問、你們念佛有什麼好處。要如何答覆、請居士詳細的解釋、因答得對、可藉此接引人進入佛知見。如答不對、亦可使人退失善根。（愚居士）

【答】念佛好處、萬言難盡。惟居心度眾、命區區說一種答法、以便接引對方、自是菩薩心。但說法貴乎契合、將來何人來問、尚不可知、且張三有張三之心理、李四有李四之心理、如預先擬就一套言語、臨時背誦、未免呆板、此實隨機應變之事也。僅列數種、備作參考而已。如滅罪增福、開智慧、諸佛加被遇險化夷、精神集中卻病延年、改正妄念轉凡成聖、命終往生極樂、證成佛果不生不滅等。

【問】彌陀經云。念佛人一日至七日、一心不亂者、臨終時即可往生淨土等句、依據七日時間而論、很短暫、然則普通俗人念佛、只念七天、終時能否往生淨土、有無須要日日念佛而至終時爲止。（卓忠振）

【答】七日者、分明指定一心不亂。如不得此境界、然已深種善根、倘已得此境界、仍須日日念佛、至命終佛方來迎。假若間斷、即是退轉、往生無分矣。

【問】有人說生無憂慮、死無掛礙、真世間第一等、宜念佛。事半功倍者也。其義如何。（朱幼）

【答】一切放的下、纔能平時心安、死時逍遙、自然前途有個果位。若無相當功夫、何能辦到。但是念佛之人、平時一心、臨終不顛倒、與此境界、豈非相似。就是說、若肯念

佛此功比他功等加一倍、而一入手、事業已成就一半矣。

業種子、未審將來還要受報否。（賴慧繁）

【問】諸佛菩薩皆願力宏深、名號甚多。若欲徧禮念、即覺雜繁（近於多神教）、若專念一、二佛名號、恐失獲其所功德、或失敬怠慢他佛否。（洪榮保）

【答】法無緣不生、西方無惡緣、只有無漏法緣。因之道心增長、諸惑漸斷、報亦出世證果之報、非復世間三苦之報矣。

【答】阿彌陀佛聖號、乃無量佛之義、又云彌陀是法界藏身。古德嘗曰、持彌陀一名、即是持遍法界無量諸佛之名也。且有作課、回向畢時、常誦「十方三世一切佛、一切菩薩摩訶薩」等句者、亦甚圓融。

【問】修淨重在信願行、自諒願行不及信、力、自信臨終、仗佛慈力接引、未悉自力、佛力大、合一返照、生西作確定觀待、可否。（顏寬文）

【答】果能作生西確定觀、即是願力切矣、更希加工念佛、則三要備矣。

【問】西方極樂世界是不是在地球的範圍裡嗎。（廖春英）

【問】萬一今生未達西願、深怕來生迷途、或投與佛隔閡之地、豈不枉費今生修持、希大德開示。（顏寬文）

【答】經中分明曰、從是西方、過十萬億佛土、是不在此地球範圍矣。

【答】此想便與前條矛盾矣、奉勸居士、還是死心塌地、真信切願、勤加持名爲妥、不

【問】淨土法門帶業往生、所有帶去善惡

能生西、今生修持、固不唐捐、幾生方能遇緣再修、大成問題。

【問】現在我最喜好唸佛。因為唸時的清淨、覺得太快樂了。因此對於閱讀總覺得厭煩、除了有關心體的讀物外、餘皆不感興趣。這樣心情是否對。（章普明）

【答】一門深入甚佳、但須立定誓願、不為外誘所搖動、方為貴耳。

【問】念佛法門理論上雖云萬修萬人去、且記載上亦不乏古德生西之例、但依全體念佛眾生看來、卻是萬中無一、因其重點在「一心」、而未法眾生、根鈍智淺、「惑」重「執」固、欲達「一心」、實非容易、事實上絕大多數念佛眾生、不過僅能藉念佛而種善根、仍難逃輪迴之教。是否如是則與修其他法門之不能即生脫離

六道者相類。（趙澤宇）

【答】一心有暫久之別、境久者往生上品、境暫者亦不失為中下。雖此境界難得、果然深信切願、淨念常提、臨終不失、即是心不顛倒、決可往生。經云「一心不亂」、是教人取法乎上、向有把握處去做。多人不生者、是信不真、願不切、淨念若存若亡、不能常提、如此便是心不在焉。可東可西之人、往生自無其分。修他法門、必須斷盡諸惑、明心見性、方有成就、故云難行道。修淨但得伏惑、即能感應道交、帶業往生、故云易行道。古偈曰「不用三祇修福慧、只將六字出乾坤。」居士何得云相類耶。

【問】學佛學事理、其念佛一門、何為事何為理、未甚明徹。乞為指示。（吳倫炳）

【答】理指教理及經義、此必須透澈、方不

盲昧。事指一切方法及律儀、當依之而行、方有成就。

【問】彌陀經中所謂。不可以少善根福德因緣得生彼國之句、與十念往生句、難易差別甚遠、故學者多生疑惑修難。「曰必修大善根福德故爲難云」。(吳倫炳)

【答】多種善根福德者、乃淨土門中之通途、最爲穩當、所謂萬修萬去也。十念往生者、必宿根深厚、或利器上根者、一念即能妄想不起、唯精唯一、所謂至心念佛一句、能消八十億劫生死重罪、況十念乎。然此等人、百千中無一也。

【問】南無清淨大海眾菩薩、是否指虛空無量無邊的菩薩總稱名號。抑是單指一尊菩薩的名號。(顏寬文)

【答】指西方極樂之一切菩薩、非指盡虛

空、亦不指一尊。

【問】阿彌陀經有云「……其土眾生、常以清旦……供養他方十萬億佛、即以食時、還到本國……」何以釋尊住世之時、未有彌陀國人、前來供養。(李孟泉)

【答】法華會上之觀世音、楞嚴會上之大勢至、請問來自何國。此係大名鼎鼎、學者盡知者。而釋尊說法、往往有他方菩薩百千萬億、試問此數中、某菩薩來非西方、能一一指出否。

【問】彌陀成佛於今十劫。在此期間、往生者已不少、且都有神通、但何以未見一人返此、爲吾人證明西方之實有。(李孟泉)

【答】來此正自不少、吾輩肉眼自不知耳、豐干即其一人。西方境界、釋尊金口所說、

諸祖皆爲證說，聲如雷震，居士未聞之乎。

【問】經云「從是西方過十萬億佛土，有世界名曰極樂。」豈不太渺茫和矛盾麼？又佛具萬德萬能神通無量，何不化三界六道爲淨土，爲什麼必依眾生念佛才可往生。佛有無緣大慈，何以要人念他名號才肯接引。（李永白）

【答】太陽系有九大行星，更有謂若干太陽，我亦以爲更渺茫。「矛盾」未指出何事，無法置答。經云心佛眾生三無差別，但知佛萬德萬能，寧不知心亦萬德萬能耶。無論世界本無淨穢，實諸世界亦屬空空。須知有無淨穢皆是心相，佛與眾生各現其現耳。心念佛方與佛見，不念則不見，如迷子逃逝，母雖日念，子不回心，愈逃愈遠，倘子念母，方能相逢。

【問】淨土法門爲當生成就之佛法，且易修，當時世尊何不多讚歎宏揚此法門。爲什麼只三經一論，而且正法和像法的人多修別門，而到此末法才興此法門呢。這豈不是末法的人比正法象法的人福大。如即佛經爲什麼說佛前佛後爲八難之一。（李永白）

【答】開首華嚴，結局法華，兩大經王，皆讚淨土，其他經論，讚淨者累累難數，所謂千經萬論，處處指歸，不知尚須何等讚揚，莫非盡廢他法，單說淨土，方謂多讚乎。正像末期，是人根利鈍變化，不是指定某期始學某法，來問謂「末法纔興淨法」，大是誤會。不過他法斷惑利根可辦，淨法帶業鈍根亦能成耳。茲再答末句所疑，佛前無經，佛後經義晦隱，多啓鬭諍，眾生多歧，故

云難之一也。

【問】臨命終時觀佛觀不成、觀西方又觀不成、老師說要觀受戒的戒壇就會成很好的地方、好地方是三善道或是西方極樂世界。（寬觀）

【答】臨終四大分離、難以觀想矣、總是念佛穩當。所說戒壇好相者、是教人印上一箇淨影子、免得時時現世俗塵相、發生毛病。修淨業者、雖然印此好相、還是要極力念佛、渴望生西。

【問】打佛七七天有得一心的人、必定可以往生、可是平時因事忙、而不能繼續做功課、不知能否往生極樂世界。（寬觀）

【答】此事必須有恆、事忙可採十口氣念法、再於行住坐臥心中默念、亦得往生。

【問】阿彌陀經首題佛說、何以下加不得

佛字。（胡正臨）

【答】正宗分開首、曾云「爾時佛告舍利弗」、序分佛說此經已、是經家之敘佛字。文中不再言者、以此經無他人語、盡為世尊所說、故不必重加佛字。

【問】有沒有青年念佛、就在青年時期往生。請舉例子。（林良柱）

【答】無論修何功夫、還是青年時去學為好、如種樹然、必從幼時扶直。往生指壽數盡後、並非念佛求其速死。惟黃泉路上無老少、總宜即知即行為妥也。

【問】信願行堅定、但不願做功德、反造惡口、是否能往生西方。（銜銓）

【答】經云「不可以少善根福德因緣、得生彼國」。善福少尚不可生、況再有意造惡乎。

【問】唸佛不做任何功德，是否就可往生西方淨土。（銜鈺）

【答】淨土是大乘法門，功德是利他之事，如鳥雙翼，齊舉始飛。所謂功德者，非必費用金鈔，如清淨之業，勸人念佛皆是真實功德也。

【問】我們念佛的人，他在平時用功很好，萬一起了瞋恚與人衝突，此恨心至命終還不能捨，像這些人，一方面念佛，一方面發無明，還能仗佛菩薩的威力，帶業往生嗎。（謝智遠）

【答】不怕念起，就怕覺遲，更怕相續。既知瞋恚害事，何不即捨，又何必續至命終。人只有當前一念，念瞋則障佛，念佛即感佛，知瞋能障佛，便談不到往生矣。

【問】臨命終時，有魔化身為彌陀來誘引

往生的人，不知真的彌陀相，有什麼特相為憑，才不會誤往生之大事。（謝智遠）

【答】此不必慮，果平素心緣彌陀，臨終正念仍是彌陀，決無魔境，所謂如是因如是果。若常時雜修不專，心多攀緣，臨終失去正念，便無把握矣。然至此時，剎那之短，雖知惡境，何術許爾逗遛而不去耶。所以臨終助念，為不可少之一舉。

【問】日本佛教有一宗曰法華宗，專門持念「南無妙法蓮華經」，是何意義。一生持念，歸宿何處。（朱幼）

【答】持念之法本有各種取意，如禪家念話頭求開悟，淨家念佛求往生等。中國亦有法華宗，其修持之法，不止如是。日法華宗內容區區不詳，料想專念經題，或其諸法之一耳。然念此亦與禪家之念義相同。

「歸宿」有時間遠近之別、「何處」須視修者之誓願何在。

【問】來問共有十八條、文長不錄。（張觀洪）

【答】（總十八條）居士如專修淨土、即採一心持名之法、其他三法須合根器、否則紆曲少功。持名之極、便契實相、爾今若有現相、任其生滅、不可執著、蓋教理不明、或生魔事。金剛經云「凡所有相、皆是虛妄。」觀經雖主觀想、然心粗境細、無師非可率得、經有云「若他觀者、名爲邪觀。」初學不解門徑、不可不慎也。

【問】阿彌陀佛發四十八願、其中有「至心發願、欲生我國者、十聲念我名號、是諸眾生、若不得生我國者、我誓不成佛」等句、若果如此、則罪大惡極之人、是否亦僅

念十聲名號、便可往生。又這十聲佛號、是在人生過程中任何時期念之即可、抑或留待命終時始念。同時如此容易往生、爲何娑婆眾生仍是有增無減呢。（張椿萱）

【答】大惡之人、宿生有大善根者、可得往生。以無善根、決不能至心發願也。十念往生、是指其果、重在臨終之時、然平素十聲、亦是因種、藏在八識田中、遇緣自起現行、但不知在幾生幾劫耳。娑婆眾生、有增無已、以前答之屢屢、請查前面「問答」自知、茲不煩贅。

【問】念佛往生蓮邦九品化生、在四聖果中往生者自得何果位。（黎明時）

【答】四聖果既不同、發願行持、或又各別、何能固定。

【問】臨終一念彌陀、即往生極樂世界。一

念之慈、即生天上。一念之瞋、即墮毒蛇。如理一念無生、應即涅槃麼。（黎明時）

【答】前三例限於再生。一念無生、當下即是涅槃。倘連此一念也無、更相應矣。

【問】淨土法門大小乘兼有、如何分別說明、恭請吾師指教。（呂慧良）

【答】淨土法門、本屬大乘、蓋佛對小乘不言其他佛土事。且求往生者、重在證果發願再來、而度眾生、非爲安居極樂、自享清福。故經訓、發菩提心爲往生正因。惟此法門、三根普被、小機自了之人、亦能念佛往生、其近迹似小乘耳。

【問】淨法四種、除持名外、餘三種屬於橫超、抑屬豎超。（曾福吟）

【答】言橫超者、泛指淨業也。雖有四法、其

爲橫超無二也。

【問】夢中時常向人說、這世界太惡濁、這假身是受苦的根本、何必戀他呢。請大家快來念佛、離苦得樂、大家肯聽、我就把身賣給你。但要你們念佛成就、這是何境界、是著相否。（詹金枝）

【答】凡夢皆係念頭反影、等於種子起現行。等覺以前之菩薩、皆不能無夢、夢亦是表念之淨妄。功夫進退、居士有是等夢、而又時常如是、乃上求下化、勇猛精進之菩薩心境也。大佳大佳。夢如是、覺亦如是。淨業定速成就。雖能自利利他、而不存我有自他兩利之心、即不爲著相、所謂三輪體空也。

【問】靜坐時兼默念佛號、有無妨礙。（黃涵）

【答】默念易於入定、甚佳。然臥時念佛、亦宜默持、出聲則失敬也。

【問】許多念佛誦經、每日多少數目、一一登記、此乃是否不必要之舉。（黃涵）

【答】誦念登記之法、乃爲專發一願者、記其數目、以考滿願爲止。若夫長修之士、但規定日誦若干卷經、若干聲佛、有進無退即可矣。

【問】參禪與念佛、同是一樣功德、是否每次倒單則須回向、又行住坐臥亦可念佛、整日如是、但回向在何時。（黃涵）

【答】念佛分定課散課、定課或朝暮二時、或再加入任何一時。作此課時、以坐爲佳、必求心定不亂、課畢即回向之。散課則於定課以外、只有閒暇、不論行住坐臥、皆可行持、於一次停止時回向之。

【問】嘗於著述中看到有大彌陀經小彌陀經之詞、何謂大彌陀小彌陀。經常課誦的佛說阿彌陀經是大彌陀還是小彌陀。後學無參考書、故不詳。（黎明時）

【答】彌陀經現通行者、爲羅什大師所譯、尚有玄奘法師譯者、皆稱小本。有王譯者、文字繁多、稱大彌陀經。再無量壽經、因對小本言、亦稱大本。

【問】極樂世界、爲何佛要假說是西方。其實我們的西方又是美國的東方了。又佛說人天界中、多假以王、王子之詞、帶濃重的時代精神色彩。佛說法義理圓融、獨這些地方受時空限制作何解。（黎明時）

【答】「我國西方、又是美國東方」、乃只拘一個小圓球而言、此小圓球不過一個大千世界中幾萬分之一。經上所言乃是

十萬億個大千世界之西、實非在此小圓

球上摸索、如螞蟻緣西瓜者然。惟虛空無盡、何有方向、言東言西、亦是方便之語。經言西方者、其用意之深、姑且不論。就文字上講、有從是二字、指遠指近、皆無語病。下段文字欠明、天道我不知、人間至今尚有稱皇稱王者。世有之、佛言之、何可責以有色彩。而彼時無總統主席之名、竟預名之、當時人得非駭怪耶。

【問】彌陀經中有句「阿彌陀佛成佛已來於今十劫」、而阿彌陀佛壽命無量無邊阿僧祇劫、就是無始無終。照此十劫前有西方極樂世界否。（靜修精舍）

【答】此段經文、指報身佛而言。所謂報身者、自是有始無終、故云「成佛以來」。按無量壽經所載、極樂乃彌陀願力所成、十

劫以前、當無此世界也。

【問】持名念佛、目的在除雜念、以致心無掛罣、如是才有往生的可能、然軍人的處境無刻寧靜、但我的願望、不在往生、欲求來生替佛度生、不知能如意否。（無名氏）

【答】度生必有智慧學問、種種條件、並非空存此想、便能度生。往生之義、正為求學、速得成就、乘願再來、普度一切、如拯溺者、必先學泅水也。

【問】結七念佛、止靜之時、是要心中默念佛號、抑或心中什麼念也不要起呢。但是念佛號的時候、心中還不能清淨、要是止靜的時候、要他不起念、用什麼方法才會靜下去呢。（洪環）

【答】淨宗功夫、自有淨宗之辦法。聞之前

代祖師云、佛七止靜之時、不過止聲不出、心中仍是一句聖號。默默相續、此所謂淨念相繼也。若使一念不起、或不念而念、念而不念等、皆非初機所能作到。若作不到、而強抑制、不但此種強抑、又是妄念、亦恐增病耳。若爲上等根器之人、能以一止便靜、亦可聽其靜下去、並不拘泥一法。

【問】西方極樂世界、天樂鳴空與天雨妙華、天是與此界四王天同一個、抑或西方另外有別的天、甚不明白。(余萍)

【答】所謂世界者、是舉環周及上下而言也。每一大千均各有其環周上下、東西兩天、自是分界。

【問】彌陀經一句、七重欄楯、七寶行樹、七寶蓮池等、爲何皆用七字。(余萍)

【答】佛家表顯功德之事、以七數者爲最

多。如七方便、七加行、七科道品、七聖財、七覺支、七最勝、七種無上、七聖七賢等。西方種種莊嚴多採七數者、即是表示彼界一切皆具功德也。

【問】軍人若於戰場死、祇一剎那間更無暇念佛、此人之神識亦有往西的希望嗎。

(李仕仁)

【答】保民作戰之時、正宜心中念佛、以增無畏布施之信念、且希佛力之加被。果屆壽數已盡、憑此信念、決定往生。

【問】阿彌陀佛至今有若干年之歷史。觀音與勢至都是同時成就佛果。或有前後之差別。(詹金枝)

【答】經中有云、彌陀成佛、於今十劫。劫爲數字之名、其算法即人壽十歲起、經百年增一歲、增至八萬四千歲爲止。再經百年

減一歲、減至十歲爲止。此一增減爲之一劫。觀音勢至二尊、俱後於彌陀而證果。倘問二尊於極樂補佛、經有之、則先觀音而後勢至也。

【問】釋迦牟尼佛以何因緣、能知西方淨土爲彌陀勸贊往生之處。（詹金枝）

【答】佛有無量神通、其天眼通、即能澈見澈知也。

【問】阿彌陀經云「其佛國土、尙無惡道之名、何況有實。」是何意。又有迦陵頻伽共命之鳥等類、是同指在此世界、或專指在西方。（詹金枝）

【答】「實」爲實有其事。「名」者僅有其名、惡道者畜生餓鬼地獄也、此言西方不但無此事實、即此虛名、並亦無之。下段之問乃指西方、按本經自無有眾苦、但受

諸樂句起、至諸上善人聚會一處句止、皆是說西方也。

【問】無量壽經下、佛告阿難、其有眾生、生彼國土……其鈍根者、成就二忍、其利根者、得不可計無生法忍。如此說來、吾人生西後之成就、尙有鈍利之別。（胡正臨）

【答】如無鈍利、蓮花何分九品、淨土何分四相。只言多有一生補處、何不言皆是一生補處也。

【問】又同經下、阿難於睹極樂世界之莊嚴後、佛詢阿難……彼國人民有胎生者、汝復見否。對曰、已見。極樂世界胎生人民、是否說非蓮花化生者。若不、則與娑婆之胎生眾生有何不同。（胡正臨）

【答】彼土既無女相、焉有胚胎、此不過言其鈍根無智、昏悶如處胎耳。細觀經文下

段、已自闡明、祈詳研之。

【問】臨終念佛若不能定、心時、是否說往生無望。（胡正臨）

【答】臨終剎那、最爲吃緊、經云、心不顛倒、即得往生。不能定心、但能不失正念、亦有往生之望。

【問】散心念佛（行住坐臥）告一段落時、均須念迴向文否。（胡正臨）

【答】尙是回向爲佳、以其願力時時得加強也。

【問】謹讀印老嘉言錄中開示「青年人宜先著實念佛工夫、待其業消智明、障盡福崇時、再行發揮、自可闡明佛意、宣傳宇宙……」以宿業深重、世俗纏縛、青年人念佛時、妄念時起、時伏、降伏妄想、如之何可也。（傅愚之）

【答】此係時間久暫問題、工夫到時、妄念自消、不必躁求、只用心口耳三輪循環轉之法、按時而念、不斷不懈、自得水到渠成之效。

【問】記得數夜前夢遊街道、遇一年可五十左右之婦人、見吾便拜、致吾立時頭痛、眩眩欲倒、知爲魔、遂念佛數聲、彼魔立即倒地、在地上作旋轉狀、又見魔子孫四五人同時亦倒在地上、同樣翻來覆去、而吾念佛聲一停、彼魔等遂即起立、吾亦遂醒、不知如何請示。（林成）

【答】眾生輪迴六道、多造惡業、六道之內、多有怨家、心邪時、惡業牽引、則感召其來、心正時、光明豁露、則能驅之遠避、念佛時、心即是佛、怨魔豈能相近。

【問】生淨土者、神智洞達、若彼此互見前

作惡業、豈不太難爲情。（楊德榮）

【答】神智洞達、則情識已空、且問「太難爲情」從何處起。

【問】三昧者定也、依此解釋、無論禪定與念佛、其三昧一也。但禪修在性、念佛著相、其三昧顯境異同。念佛三昧須否經過「色」、「無色」界。抑或直顯西天淨土。（羅德彰）

【答】若云著相、念如是、參亦如是。若云在性、參如是、念亦如是。三昧有深淺、是其異處、深淺在功夫、不論禪淨也。念佛橫超法門、不須經過天界。

【問】彌陀經、六方佛出來證明欲使眾生信、不知出現時、在六方耶、抑或現在娑婆虛空、出廣長舌相證明乎。（郭金針）

【答】經中固已明言、各於其國云云。其國

即指諸佛各箇國也、此雖不來娑婆、而有通者、及佛加被者、皆能得見得聞。例以觀經韋提希之觀極樂、可推而知也。

【問】西方極樂世界、是諸眾鳥說法、使人聽了、皆生念佛念法念僧之心。但生西了後、蓮花化生、還要念三寶名嗎。（洪環）

【答】此爲諸惑未斷、帶業往生者而言、是等之人、帶惑即起妄念、必時常聞法、方能心與三寶契合、離垢顯真耳。若不離垢、何能證得補處之果乎。

【問】聞觀音是救生不救死、彌陀是救死不救生、何必急求死以親彌陀。「疑問」然不論何方之寺廟時常聞彌陀聖號。又經上云十方三世佛、阿彌陀第一。這就是專救死、不救生爲之第一是否。（李阿寶）

【答】此某一角落俗傳之語。經云「至心念佛一句、消八十億劫生死重罪。」此非彌陀救生之證乎。法華普門品、「種種諸惡趣、地獄鬼畜生、生老病死者、以漸悉令滅。」此非觀音救死之證乎。至云以親彌陀、爲急求死、語更錯誤。試問儲穀及組消防隊等、可否斥之曰、是種設備、乃是急求荒歉、急求火焚乎。後云彌陀第一是指下句九品度生之威德而言、文理至明、尤不可誤會。

【問】學淨土宗早晚二課應誦何經。或只念佛就好。但覺太簡單。（王阿金）

【答】淨業功課、阿彌陀經、往生咒、六字洪名、此其法中之一。若喜繁時、可按臺中蓮社所訂之課誦本去做。再嫌簡單可依通常之朝暮二課做。話雖如此、其實精在專

一、不貴多也。

【問】六道眾生在生所造之業、是否已於地獄中償還清楚、始能往生、有否帶業往生情事。（胡正臨）

【答】帶業往生、乃爲修持淨業者、所得之成就專辭、亦是發願生西者之獨得結果。並非不修而可自致者。明乎此、六道眾生、不問其升墮如何、一段之業、償清與否、皆與往生之事、絲毫無分。

【問】樹刊二五、六期合刊本內融熙大德所撰淨土要義、略謂除西方淨土外、尚有兜率淨土、琉璃淨土、香積、妙喜世界等淨土、請問大德、既有如斯多之淨土、其與西方淨土有何不同。吾人爲何念佛只求西方。而不求生其他淨土、難道其他淨土不易去麼。（胡正臨）

【答】淨土豈止融師所舉之數耶。無論極樂淨土、乃法藏菩薩攝取二百十億淨妙佛土之精華所成、其往生誠如所問、有難易耳。彌陀曾發四十八願、九品接引、是自力而兼他力、如有人攜之走路、易達前途也。

【問】淨土法門雖云殊勝、但須臨終時不忘正念、一心稱名、始能感應道交、蒙佛接引。但若修持者於前線被敵人炮彈打死、或後方被炸彈炸死、或其他或遭天災殃等、處此情境生命呼吸即完、不及唸佛洪名、是否有礙往生。（胡正臨）

【答】所慮之三種問題、乃爲無眞信切願實修之人而說。不知此等人、縱無上三問題、亦無往生希望、以其心原不在道也。陣前決勝負、後方防空襲、天災處危險、皆是

生命呼吸之間、尤不念佛、其平素放逸可知。若曰、卒不及防、細思此三者、均非突然加臨、與山崩所壓、失足墮水、迥不同也。

【問】念佛之人臨終若起惡念即墮三惡道、若忘了念佛或無助念之人則不得往生、如此與平時不念佛者有何分別。臨終起惡念爲墮三惡道之因、則平時起惡念是皆墮三惡道之因。若惡念不斷是否亦將墮無限三惡道。（胡正臨）

【答】一念十法界、一念一粒種子。念佛之人臨終若起惡念、固須墮落、惟平時念佛種子、並不消滅、後來遇緣而起現行、雖未能生西、確可牽之再升善道。不念佛者、則無此益。若惡念相續不斷者、自然生生死死、相續墮落。

【問】心中慢慢默唸四字名號、心中是聽

得清楚、加速再唸、祇能微聽起始及尾音之「阿」、「佛」兩字、「陀」字音最明、「彌」字音最細微。若再加速唸則似聞「阿」、「陀」兩字、「彌」、「佛」兩字極少聞。如此加速唸法是否正當途徑、乞示。（蔣俊義）

【答】無論四字六字、總以字字入耳印心爲妙。

【問】佛性廣大無所不包、其所現法相、當不限於人道、是人於念佛往生後所見之法象、是否仍係隨緣現化、若然、有相可見、是否仍未究竟、至究竟後之境界當無所謂相、成爲一無相之靈明妙體、自亦無所謂東方西方之別、此種思維、是否合理。（周家麟）

【答】淨土有四、最勝者爲常寂光。佛身有

三、最勝者爲無相之法性。寂光與法性、即如居士思維云云。

【問】念佛要求恭敬一心、自須字字著實清楚、若此、其速度似不宜過快、但與念佛遍數多多益善之要求似有衝突、何者較善、懇予開釋。（周家麟）

【答】字字清楚、爲念法要件之一。精勤多念、亦念法要件之一。若清楚而念太少、或多念而不清楚、效力皆小。倘清楚而加勤、多念而清楚、既盡善又盡美矣。

【問】世尊到七十二歲、纔說法華經是真實法、以前所說皆是權說。但是淨土法門、是八萬四千法門中特別法門、一念佛法界之大乘法亦可謂權說乎。（顧鳳英）

【答】在此土修、一念佛法界、因地是實、往生後一生補處、果地是實、此法門何得云

權。惟權實雖有二名、必欲分成兩概、亦有可能處、譬如大海、水即波波即水也。世尊四十年前、所說者、皆爲顯實而立、並非僅及於權耳。

【問】阿彌陀佛成佛以來於今十劫、成佛了十劫中就度娑婆苦惱眾生是不是。假使度了十劫時間如是之久、因何眾生愈多、甚不明白。（余萍）

【答】虛空無盡、世界無盡、眾生無盡。是諸眾生升沉來往、並非此界眾生只生此界、他界眾生僅限他界。譬如碼頭地方演戲、天天演、天天有人看。此看者皆是東西南北之人、此去彼來、無有斷絕。娑婆世界、亦碼頭之戲場耳、人故不見其少。

【問】有人問彌陀經一句「從是西方、過十萬億佛土、有世界名曰極樂。」回向文

又一句。「屈伸臂頃到蓮池」。請問爲何又能去的這樣快。（余萍）

【答】生西乃是心往、非爲假合之身往。要知盡虛空遍法界、皆存心量中、舉念即是。屈伸臂頃、尙是遲說。

【問】阿彌陀經一句「阿彌陀佛成佛以來於今十劫」、娑婆世界出一尊佛是三
大阿僧祇劫、釋迦牟尼佛以上二次之佛
有說淨土法門指歸否。那個時候的眾生
生西沒有。（寬湛）

【答】未見經中記載、似可不必妄答、但爲滿問者之意、只有據理推測。彌陀成佛之前、未有蓮邦。娑婆世界之古佛、自無勸生西方之理。彌陀成佛完成極樂之後、娑婆世界、釋迦佛以前之佛、當亦勸修極樂矣。彌陀經云「已發願」、「若已生」是釋

尊指前代之修冢語、再佛佛道同、釋尊如是說、前佛亦必如是說也。

【問】往生西方以後再聞彌陀說法、不知與現在有否相似。(蕭慧心)

【答】佛佛道同、並無二致。未生是凡、往生侶聖境界不同、所聞之法、悟入自與此有異耳。

【問】一般不信佛教之人常常說念佛是形式、往生是假設、若聞此話以何解答。(蕭慧心)

【答】念佛之人、有形式者、有不形式者、此不能一概抹煞。如言往生假設、須看出此言者、是何等人。如係信天神宗教者、可反問他天神亦假設耶。不信宗教而信有祖先之家、可問他之祖先亦假設耶。兩俱不信之人、是斷滅空之邪見、佛尚難救、況區

區之言語耶。

【問】修淨土法門死後可脫離六道、而去西方世界修行才能成佛。(無名)

【答】事實如斯、往生到彼、未有不修者、且一生補處、爲時最短、不似此世諸多惡緣、阻礙其修、修亦須阿僧祇劫之長久也。

【問】阿彌陀佛發的願與東方世界眾生有緣之證明。(無名)

【答】彌陀有緣、實不僅限東方。其願維何、詳載無量壽經。

【問】淨土生無生論一書、第一節眞法界門裏面「一眞法性中、具足十法界、依正本融通、生佛非殊致。」這一句甚不理解、懇求明示。(林國棟)

【答】此四句若詳釋、連篇累牘、非本欄所及、茲僅說其大略、謂眞如本性中、自然足

四聖六凡十界、此中之生身正報及地土器用之依報、皆從一念而現而轉、然此真如、眾生與佛、本同具而平等、現雖迷悟有別、本原則無二致也。

【問】極樂世界有無統一的語言。若無、生在那裡的如何聯絡。又阿彌陀佛說法用何種語言。我們用本省話虔誠地念佛、念經、祈禱、如何。（童心）

【答】一生極樂、自具神通及無礙辯才、其無礙辯有四、於諸方言辭通達、即其一也。不但此也、鳥鳴樹聲、尚能通達其意、況乎人言。至佛言語、尤為奇特、只用一音說法、眾生隨類各得其解。明乎本問前段、則知眾生任用何語、念佛誦經、佛皆悉聞、心誠無不感應。

【問】修淨土宗的人、與他宗奉祀佛像是

否相同。（魏柏勳）

【答】各宗多有本尊、是必須依奉者、如淨宗供西方三聖、華嚴供奉華嚴三聖、紅密供奉蓮花祖師、黃密供奉宗喀巴祖師等、是其不同、然供奉釋迦世尊、則無不同也。

【問】家庭念佛堂、掛種種神像、是否相宜。對於修淨有關係否。（魏柏勳）

【答】佛尊神卑、不能同列。且皈依三寶者、只許供奉佛像、明其專一也。否則心中印有多神、自然影響修功。若有其他神像、可恭送其他神廟、佛法平等、雖不供奉、並非侮慢、偶爾遇到、宜起恭敬、如家中父母、義當孝奉、若外客來、亦宜對之加禮貌焉。

【問】聞念佛或持咒、必有大感應、能消業障、但未知是消過去之業、或現世之業。（鍾林招）

【答】不問夙現，一律皆消。喻如嚴冬厚冰，當非一日結成。然春風一吹，即得溶解。試問其所解者，是新結乎？抑舊結乎？不過解時，由淺而深，有逐漸之相耳。

【問】未學佛前業雖有，但無多。學佛之後，於今業障更多，有增之無減，未知何故。語云好事多魔，寸道尺魔，是此原因否？或者數世應報之業，在此世使我報盡，始得生西之故否。（鍾林招）

【答】最後疑者是。

【問】不管任何業障，對朝夕兩課斷然繼續，平時所作課誦不斷，但因業障纏身，心中不能靜，雖念佛中其念頭常走開，斯此有效果否。（鍾林招）

【答】白礬投於濁水，水因澄清，此人皆知者也。然十斛之水，投以白礬一撮，自不能

清，力微故也。若能繼續加礬，到以相當量數，水必清矣。要知最後一撮礬之效力，仍由最初之撮礬及繼續之撮礬而來也。

【問】樹刊第九期佛學問答，葉慶春居士問彌陀成佛至今十劫，那麼世人何以知彌陀的生日呢？答案謂「宋代永明大師有彌陀化身之號」，然而彌陀化身有什麼證據。（慧德）

【答】此即汝曩日所聞，吳越王供僧，有一大耳和尚所言「公案，後人遂謂永明為彌陀」。

【問】西方蓮池、蓮台、蓮花化身，或是種種佛、菩薩、都腳踏蓮花，究竟蓮花有何妙處。關於佛門有何關係。（李俊）

【答】佛法有權有實，或為實而施權，或開權而顯實，或廢權而立實，必權實並提，方

中道圓融。蓮爲花中之特別品類、一生則花果同時、有權實互即、中道不偏之相、顯示西方淨土切實圓融。此第一義也。娑婆爲穢、西方爲淨、蓮花標出清漣、一塵不染、顯示西方淨而不濁、此第二義也。蓮雖清淨、實出自淤泥、顯示菩提乃由煩惱轉、佛法不離世間覺、此第三義也。蓮雖亭亭淨植、仍不離開泥沙、顯示西方固屬清淨、總不捨離穢眾、故有乘願再來之弘誓、此第四義也。

【問】信願行三資糧具足、但是要緊在臨命終時一刹那間念頭、如若水火災厄或被車軋死、這種無可預備念佛、這樣的慘死能往生否。(李俊)

【答】念到熟時、自然脫口而出。嘗見世人遇有痛苦、輒能呼天呼娘、而況習熟之佛

號乎。縱口不能念、而心中分明、是更較口誦有力也。

【問】我們往生到西方極樂世界時、所見的佛及菩薩以及一切佛說的寶貝、可如我們娑婆世界的物、同樣看得見就摸的著嗎。還是如電影見有摸無呢。(陳萬漳)

【答】見亦有、摸亦有、經云寶池沐浴、衣祴供佛。如手摸無、何能浴、何能供。

【問】常聞老師說九品往生、下品下生是在蓮胎很久、必華開才見佛。但是未開之時、能得自由行動否。(慧香)

【答】一花之大、數十里或數十萬里、何能拘束行動、但不見莊嚴、不聞法音、不免沉悶。但此是十惡五逆之人、偶遇知識、臨終念佛所生者。我輩未造五逆、而又終日修

持、如得往生、定不在下品耳。

【問】平時信仰觀世音菩薩。只念菩薩聖號、臨命終時觀世音菩薩能來接引往生否。（寬萍）

【答】念彌陀往生者、以彌陀本願。即是接引往生、以是之故、亦可不用回向、因法專也。觀音智多方便、普門救苦、不一定接引往生也。縱眾生念觀音專求往生、亦能隨化身、滿其所願、然淨土三經、教念彌陀、不如依之奉行、合於聖言量耳。

【問】經說「從是西方過十萬億佛土、有世界名曰極樂。」這極樂世界是否宇宙間的一個星球。倘是某一星球、過十萬億佛土、距我們世界這麼遠、若依現代天文學家說「光的速度每秒跑三萬萬公尺。」一個星的光要到我們的世界、要經幾

十光年、或幾萬萬光年。那麼、我們要生極樂世界、我們的情識能比光的速度快耶。或是怎麼生法呢。如不是宇宙間的一星球、何以證實有其世界呢。（白永居）

【答】往生極樂、乃以心往、吾人心量之廣、無有窮際、等同虛空、經中雖曰、極樂娑婆相距十萬億佛土、實則統包心量之中、此不過心一轉移、並不費彈指時間。茲設一喻、蝨蟻從吾人之右手、如思行至左手、當費相當時間、吾人兩手俱在吾身、若以右手而合左手、豈不在刹那即辦耶。

【問】現在釋迦牟尼佛是在那一個世界呢。如我們這娑婆世界、佛的慈悲願力皆是平等、我們何以要求生淨土呢。如說是這世界是穢惡、除了三惡道之外、十方諸佛國土、或諸天都清淨快樂、何以獨我

們世界穢惡呢。(白永居)

【答】此須分段解之。一、佛固慈悲平等、土卻淨穢有別、淨者樂、穢者苦、爲欲離苦得樂、故求往生西方。二、佛有三身、法身遍滿虛空、非凡眼所知、應身隨緣而現、自世尊滅度、此世可云無佛。三、願力則佛佛不同、如釋迦文佛之願力、專向娑婆苦世度眾、亦猶地藏專向地獄度眾也。四、諸天並非究竟快樂、欲天有五衰、色天有三大災、無色有生死輪迴、何得云是清淨。五、眾生所居土之穢淨、係爲夙業所感而生。

【問】念佛後一定要念回向文嗎？我想臨命終時、八苦交煎、四大分散、神識昏沉、恐怕不能念、未知如何。(李永茂)

【答】回向文乃平素所發之一種願力、臨終不須自念、彼時只淨念相繼、信願行三

者、即具足矣。

【問】下品的往生、蓮花未開以前是包在蓮花內的、這不是很窮屈不自由嗎。(李永茂)

【答】亦較輪轉六道、受苦不停、太覺逍遙矣。

【問】權教實教的意思是甚麼。彌陀經是權教抑或是實教。(李永茂)

【答】實是真實不虛、權是善巧方便。彌陀經教人念佛往生、萬修萬去、極樂確有、彌陀現在、以心求佛、以佛印心、心佛一如、事理昭然、乃真實而又真實之教也。然此非深究心法者、恐難洞澈其義、故佛稱曰難信之法。

【問】先父母等生前持長素念佛、敬奉觀音、享壽七十四而終、是否能往生西方如

欲超度當以何法爲佳。（譚成章）

【答】必解淨土法門、修其因、而後得其果。倘能持素念佛、而專求福報者、僅能得人天之果、所謂如是因如是果也。居士如欲超薦先人、只宜專修淨法、如令尊令堂果在人天、當能賴之往生極樂、如已生極樂、亦能賴之蓮品增高。

【問】每課誦念佛六百、觀音聖號二百、大勢至菩薩二百、清淨海眾菩薩三聲、大悲咒七遍、往生咒七遍、請問老師對否。（寬珠）

【答】此亦未嘗不可、倘能增加佛數更佳、如以時間無暇、不妨減念菩薩之時間、改爲念佛。

【問】滅法之時諸經相繼滅盡、只有六字南無阿彌陀佛現在虛空、眾生若肯念者

即能往生、實是太便宜。那時是人、現世亦是人、佛既大慈大悲救度眾生、何不現時就現在虛空使人念念往生西方、何獨優待滅法眾生。（慧香）

【答】南無阿彌陀佛六字、現在各寺多有寫出貼於壁者、男婦老幼、幾至盡人而知、尚不等於現於虛空乎。永明祖師曾云、萬修萬去、佛何嘗薄待現在。且有許多經典、解釋此理、增我正信、我看還是現在比將來便宜。只是一般眾生不肯念耳。

【問】在我世貴至王侯、賤至庸夫、往生彼國、還有沒有照樣分上下品否。（李俊）

【答】江淮河漢、大小百川、一入於海、即盡稱海水矣、往生西方之群倫、亦猶是也。

【問】有許多精進專修淨業行者、臨終不得往生、是否有下列情形。一、定業難移。二、

持戒不慎、偶有毀犯而不自知、也無人提醒、無從懺悔故。三、在募化、推銷、贈送事不慎、爲所種的惡因所障。四、臨終時爲惡因緣障礙、懇乞解答。若有遺漏尚乞補充。（邵育荃）

【答】此問雖有四句、歸納可分爲二、一爲定業難移、一爲戒行有虧生障。須知此二者、固能爲害、其主因只在「正助」兩功、俱不精進、若能諸惡莫作、眾善奉行、謹持戒律、尚有何惡緣之可生。若能行住坐臥、一句洪名、念念無間、尚有何定業而不能轉。果能如是、是爲自修生力、況又有他力之彌陀大願、六方之佛陀護念耶。其不生者料是信願行皆不充分耳。

【問】修淨土可以橫超四土、這樣容易。但是念佛一法、有時無妄念似進、有妄念似

退、有什麼最好的辦法呢。（周慧德）

【答】淨念能繼、妄念自無。此必有相當功夫、始能作到。以後不必問妄與不妄、但於不工作或不用心力之工作時、莫把六字洪名放去、即是精進不退也。

【問】某法師言願生生世世爲法師以宏法利生、不願往生安養、此種願力固甚可佩。但某法師亦究係凡夫、一息不來、生則何道去、實未必有何把握。所謂「陰境若現前、瞥爾隨他去。」豈不可畏。其說亦將自誤誤人否。（歐陽曼）

【答】往生安養、正爲充沛神智、乘願再來、此淨土教義。如認但去自了、是誤解矣。某師何人、證何境界、均所不知、其是否自誤、自難懸測、至云誤人、恐或難免。

【問】念佛法門中之般舟三昧、有所謂「

剋期取證」者、此不嫌於執相著相、揶苗助長之患否。（歐陽曼）

【答】此釋尊澈底悲心、不思議最微妙之法門、一大藏經、無不處處宏此、是法八面玲瓏、至圓至頓、實非淺夫所能妄測、假若執相、何有於圓、揶苗助長、何有於頓。

【問】阿彌陀佛爲佛中之王、亦爲咒中之王、此說不知出於何經。（賴棟樑）

【答】彌陀身爲法界藏、光壽悲智俱無邊際、宏願四八、度生無餘、功德超乎諸佛、故稱曰願王。阿彌陀不翻、爲是秘咒、只一阿字、便是一切發音之母、八萬四千陀羅尼所由出、三藏十二修多羅所從演、故亦曰王。不必泥於經典。

【問】甲乙二人同修淨土、甲發願曰「余命終時必求上品、若以銀台銅台來迎、誓

不往生、願重生娑婆。」其理由爲在此土修一日、勝在極樂修一年。乙發願曰「余母求品位高低、眼前若得往生即先往生。」其理由爲菩薩尚有隔陰之迷、先了生死、乃萬穩之計。請問斯二願誰最可取。（樓永譽）

【答】乙最可效法、甲好爲大言、尙昧淨土之義。但甲之錯在重生娑婆、待取金台、不知一生西方、得不退轉、一生補處、又何憂乎金台。若引懷玉大師爲口實、不知大師希取金台、仍在當生。

【問】修淨業人欲求延長壽命、以期成就念佛三昧、增高生品、每日于定課中加念觀世音菩薩及消災延壽藥師佛聖號、默求加被、是否可以如願、此種希求、亦合佛法否。（鍾鈞梁）

【答】只宜精進、求其一心、生即上品。若居士所擬、不但是落「身見」、而著「壽者相」、實亦是二三其心。

【問】修淨業人深愧此生未報親恩、于每日定課中加念地藏王菩薩聖號、默求爲二親加被超昇、合否。倘在迴向時已經稱念「願我宿現諸父母……同仗如來慈悲力、接引往生安樂國。」迴向文、亦有此種需要否。（鍾鈞梁）

【答】淨業原非專爲自了、迴向必取其普。父母之恩、昊天罔極、焉有報畢之理。迴向超昇、自屬應爲。但如問中之七言文、即甚周全。如必在求地藏菩薩、宜在課畢、另發別願。

【問】經偈中有「假使百千劫、所作業不亡、因緣遇會時、果報還自受。」句（行篋

無書不知有錯否）。又云「念佛一聲、可滅八十億劫生死重罪。」二說不同、究竟在凡夫位業障亦可消滅否。（鍾鈞梁）

【答】前偈業因不亡、遇緣受報、自是放逸任運、終食其果。後文念佛一句、滅罪多劫、正謂反轉其流、能變異熟。兩文之意、各有關鍵、並非相違。凡夫學佛、即是向聖、倘或不能消障、又安能進乎聖階。

【問】每日除念佛應回向外、其餘念觀世音菩薩暨地藏王菩薩數百聲、又誦金剛經暨普門品各一遍、是否亦應回向。（桂引杏）

【答】戒、解、行、向、四義、爲學人應備之條件、微末之善、尙回向菩提、課外之聖號經品、仍以回向爲圓也。

【問】一、學人係自去年初夏開始持齋念

佛者、每念佛號時、心即不斷徐徐滾動、不念則止、若偶起善惡念頭時、亦必激然一動、如此可否。然迄猶如是、似此心態究竟是念佛感應使然、或是一種病態。二、上述心態如屬念佛感應使然、自是信願行精誠所致、如照此保持、至臨命終時生西有無問題。（桂引杏）

【答】此是病態、亦是障礙、自宜至心懺悔。念佛之法、有小聲持、高聲持、金剛持（即唇舌微動聲只自知、他人不聞）、默持（即心念）等、種種之不同。居士宜自選擇、檢其不使心滾動者、行之爲佳、念佛主靜不主動也。

【問】我們稱念佛號一天要算幾千萬遍、那裡一年一度的天公生或神生日不拜、不就對他們失敬過意不去。（隱名）

【答】稱念佛號、專爲自淨其心、與佛感應道交、以備命終往生、不退補處、直證佛果。天公神鬼生日、本有其信、徒前往致禮、似無須佛徒多事攙越、如以心中過意不去、亦萬不可殺生去祭、祇宜素食供養、默與念佛、祝其往生極樂、則合佛家平等慈悲之義矣。

【問】西天路遠難行（因要受佛法）、不如對天主、耶穌、及眾神道亦多多拜他、臨終時那條路都有認識、豈不更方便走嗎。（隱名）

【答】經云「極樂雖遠、彈指可到。」有何難行。下段問意欠明、謂多處拜拜、可以生到天主眾神處乎。不知天與神皆不脫生死、仍處輪迴、非如佛永無生滅。抑謂天與多神能代指出西方路乎。不知彼等如能、

何待釋尊現世說法。果曰能之、彼等自己已早去矣。

【問】走西天路人、有沒有什麼可以當見證、給未學佛的人看。（隱名）

【答】臨終種種瑞相、往生傳斑斑可考、尙有何疑。

【問】西方空中常作天樂、並且晝夜六時、雨天曼陀羅花。此世界之天、不作天樂、不落天花、那末此世界的天、與西方極樂世界的天是不同乎。（慧香）

【答】彼國地水、極盡莊嚴、既與此界不同、空際莊嚴、亦自不同此界。居士莫誤天體、普覆似無兩樣、實則各地皆異、豈止極樂、如此地球各空、甲處降雨、乙處飛雪、丙處則杲杲晴日、丁處則黯黯狂風。一洲一時、尙且有異、又何疑乎彼空不同此空耶。

【問】彌陀經云。若一日二日、乃至七日、一心不亂、即得往生、不能一心之人能往生乎。（寬湛）

【答】不能一心者、臨終宜借他人助念之力、倘無助念之人、能收心念佛、而不繫念世情者、亦可往生。

【問】阿彌陀經一句「其中多有一生補處」。老師說是補佛位、不知是補西方的、或他方的佛位。（寬珠）

【答】虛空無盡、世界無盡、隨處可補、不限極樂。

【問】彌陀經一句「眾生往生者皆是「阿鞞跋致」、甚不理解。（陳雲）

【答】阿鞞跋致是梵語、譯中文曰、不退轉。此世人根既劣、環境亦惡、修行進退不定、故少成就。縱有小成者、遇順逆境、搖動其

心又失其果、勸他修者、受人譏諷、或遭困難、亦退其行。生到極樂、則有進無退、靡不成就者矣。

【問】念佛不回向、可能消滅罪業否。（李永茂）

【答】亦可滅罪、但不及回向合法耳。

【問】聞云念佛出聲則度人、鬼、憶默念則度自身、神識確否。念觀世音聖名與佛名、是否能真同等效果。（潘思旭）

【答】度自度他、或自他雙度、全由箇人之願力、不關高聲與默持也。至問念佛與念觀音之同異、概言之可云同等、然求生者當以念佛爲是、依經教奉行也。

【問】彌陀經之六方佛中、下方世界是指此娑婆世界之地下否。（德碧）

【答】雖在此界之下、但仍處空中、並非在

地之下層。觀虛空各星、可明其理。星在空中、上下左右重重無盡、星球即是世界、方向者乃依一星之本位、而假定之名辭也。

【問】有人向我說、萬法唯心、可惜一般人專求西方、不認自心、這是大錯。六祖說東方人念佛、求生西方。西方人念佛、求生何處。叫我向念佛的問、請教他這話怎麼答覆呢。（史春）

【答】區區不會答覆、這裡也有幾個問題、請居士向這位大德代問、倘得箇解釋、也好開幾分智慧。一、壇經讀過若干遍、已會得祖師意否。二、何處是西方。三、自心在何處、究竟有箇大小範圍否。四、東方出太陽、向西方落、若西方出太陽向何處落。

【問】又聽人說、修淨土不過是種種善根、這話對嗎。（史春）

【答】此話極對、樹無根不長、何能希其開花結果。念佛因根也、往生果實也。經云「不可以少『善根』福德因緣、得生彼國。」惟某人這句話的毛病、在「不過是」三字。彼善意惡意、俱不管他。「依法不依人」之訓、自宜奉爲圭臬耳。

【問】有人說淨土法門、是度下根器及老太婆的、若有學問的人、還是要多研究經典。（史春）

【答】此話也對、古德云。正法時期戒成就、象法時期禪成就、末法時期念佛成就。今非末法時期乎。此期眾生非多數下根乎。修淨正是契機。觀經不爲韋提希所說乎。韋提希即是老太婆。但所疑者、有學問之人要多研經典。難道修淨土之人、皆不許研經典乎。文殊、普賢、馬鳴、龍樹、諸大菩薩、

張明較著、皆修淨土、彼皆不識經典乎。劉遺民、白居易、蘇東坡、文彥博等、皆爲一代鴻儒、統修淨土、莫非皆目不識丁乎。或者大學問之人、只是攢研三藏、揮翰摛文、例須擯斥修持乎。斯吾之未能解。

【問】修淨業之人、臨終要正念現前、即能往生西方。假使橫禍或急病、心神散亂要怎樣呢。（阿雲）

【答】臨終正念分明、全在平素修持有得、果有得矣。雖遇橫禍、或得急病、心神亦不散亂。而防備萬一、所以有助念團之組織。

【問】有人問我六祖壇經一句。東方人念佛求生西方、西方人念佛求生何處。（金針）

【答】此祖師揚禪破執語也。尙未圓解教相者、撿拾入口、恐吃不消。必要我下一轉

語便道「花開見佛、悟無生忍、還有什麼求生處。」如不會這一著、另換一句「化身萬億、周徧沙界、普度眾生。」

【問】有人問觀世音菩薩頭頂上一尊化佛及大勢至菩薩頭上有寶瓶是什麼意思。（寬喜）

【答】觀音頂上立佛表悲、勢至頂上寶瓶、盛諸光明表智。二聖脇輔彌陀即是智悲雙運之意、以期普度群眾也。

【問】淨土法門是佛說八萬四千法門以外之特別法門、三根普被利鈍全收、當生成就的……世尊成佛三大阿僧祇劫、阿彌陀佛成佛亦三大阿僧祇劫、那末世尊與阿彌陀佛修行那時候、沒有淨土法門可以修嗎。（杜粉）

【答】諸佛皆有淨土、但在法藏比丘未成

佛以前、無極樂淨土耳。

【問】淨土法門、既是殊勝、世尊報恩為何不勸父母同修此法呢。（三木）

【答】佛母摩耶夫人、已早生忉利、佛之養身、姨母大愛道、已出家為比丘尼、證無生果、自應別論。佛父淨飯王並六萬釋種、佛均勸其往生淨土矣。事載大寶積經、可以查閱。惟佛在世時、鑿機說法、皆得解脫。正不必專說淨土。其時眾生根利、而又親承。

【問】西方極樂世界之蓮池很多、且大至十由旬、二十三由旬乃至一百一十由旬云云。但蓮華也有百由旬、千由旬的、似此兩者同樣大小、有見蓮華不見池矣。（善德）

【答】西方蓮華、雖云若干由旬、然大小隨意而現、池亦如之、願將蓮花觀滿寶池、或

疏或密、意想則轉、不必過泥。

【問】念佛一法、可消罪業、可消病障、可以往生、怎麼還教密咒消災等等咒法呢。（湯善福）

【答】人之根器不同、各有所喜、故隨順眾生、法有多門。然六字洪名、即屬秘密、古德云。只一阿字便是八萬四千陀羅尼之母。持名者、實亦顯亦密耳。

【問】父母臨終、可以念佛圖、送給父母嗎。

（楊金英）

【答】可、但父母臨終、向其助念利益最大。

【問】經云是心是佛、是心作佛、何以再念佛求佛、何以再度眾生。（吳福麗）

【答】是心是佛、乃云「本覺」。是說此性本來清淨、迨因一念、而有無明、則轉爲眾生、是「不覺」矣。不覺即不是佛、「念佛

」是起覺念、此又謂之「始覺」。即由迷再開始轉覺。工夫深一步、覺則顯一分、是名「隨分覺」。如作到萬緣皆空、一塵不染、念而無念、無念而念、性同圓鏡、光明徹照、是「究竟覺」。覺到究竟、即是佛矣。覺與不覺、皆由於心。故曰「是心作佛」。惟由不覺再轉成覺、豈偶然哉。即賴「念佛」之力也。自性眾生應如是度、更本同體大悲之心、無邊眾生亦應如是度。

【問】貪財貪名之人、臨終可不可往生西方。（黃母）

【答】臨終往生、要在放下一切、正念分明、貪財名者、倘於命終、遇善知識、與彼助念、及其開示、果能提起正念、繼續不失、當能往生。否則受貪業牽引下墮矣。

【問】彌陀經云「阿彌陀佛成佛已來於

今十劫」聞娑婆世界十劫、僅有極樂世界十日、若這樣算、可說極樂世界到現在纔有十日乎。（陳招治）

【答】未嘗不可如是主張、考此於萬佛名經內云、娑婆一劫、極樂一月、亦不過比較兩土歲時之修短而已。彌陀經中二句、實乃僅說娑婆、表明法藏菩薩於此世界成佛已久、似不必拘泥依此計算極樂。按大本經所載、極樂無有日月星曜之象、亦無劫數之名。據此、則極樂歲時、實不可計算耳。

【問】念佛人食三淨肉、倘犯殺戒、可往生西方否。（簡實夫）

【答】無意者輕、故犯者重。輕者或不爲害、重者定生障礙。若能至誠懺悔、求師重受、便是補救之法、犯者亦不宜從是自棄。

【問】家人現在做殺業生活、今雖已念佛、但又不能改業、到臨命終時可能往生否。有影響家族否。（邱福來）

【答】念佛之人、決不可再作殺生職業、不能因臨時之身命、牽害永久之慧命。若家中人營此業者、宜勸其改。一時辦不到、也須慢慢設法、以求達到改業爲是。在未改業前、可代爲念佛懺悔、若自己不作種種之殺、無礙往生、共業共受、各業各受。

【問】讀「禪話與淨話」後恍然大悟、決修淨土、兼學佛家禪、惟後學前曾進××道、立有重大誓願「……叛道離師五雷劈身……」等、茲若歸依釋教、則前我立誓言、是否會報應。（樓永譽）

【答】外道立誓、皆係欺騙愚眾、既知其非、自宜改邪歸正。前立之誓、乃係邪誓、今歸

之途、乃係正途。未聞棄魔向佛、改邪歸正、而有受惡報者。信其邪誓、而不敢改、佛法中名「戒取見」、是邪見之一。信佛德能、毅然歸依、前誓果靈、佛代受之。

【問】宇宙之大、吾人可相信、除地球外、其他星球必有相仿之動物、故西方極樂也必有其地。吾人初生西方時若無禪功、則必淨染俱備、或雖淨多染少、然西方因富裕極樂之故、且男女均有、則是否會因飽暖之故、而雜染種子繼續出頭之危險。（樓永譽）

【答】生西之眾、識田雖帶染汗、但西方並無男女之相、亦無惡緣。染汗種子、只有消滅、絕無再起現行之理。祈取淨土三經讀之、自能了解也。

【問】吾人八識田中既備十法界種子、且

也俱熟、待外緣引發、決生現行。茲設若有大善人終身信奉基督、念念不入地獄、求進天堂、因該人識田中既無十惡種子、將來臨終自無地獄現行、然而沒有天堂、沒有上帝、阿彌陀佛可否憐他而引往西方。

（樓永譽）

【答】撒豆種而忽生瓜、理講不通。生西條件、須具「信願行」三種要素、如缺其一、便不感應。佛雖慈悲、彼人無願、道既不交、何能接引。

【問】阿彌陀佛眉間常放白毫光、釋尊及一切諸佛、亦有常放之毫光否。其所放之光爲何色。（大寬）

【答】釋尊眉間之毫、亦係白色、各經都有說明。今舉其一、如法華序品中記載是也。既彌陀釋尊皆爲白毫、諸佛眉毫、凡無特

別記載者、均可以此例之也。

【問】「慈雲淨土文」有「願以淨光照我」之語、這淨光是何色。其景象如何。讚佛偈有「光中化佛無數億」之句、這光是不是即如「觀經」第八觀所說「其光金色」。(大寬)

【答】佛身之光不一、不問眉毫白光、身臂金光、或其他光、只是佛光、便稱淨光、何必定拘一色。

【問】釋尊示現之形、其如「觀經」所示紫金色、抑亦閻浮檀金色。(大寬)

【答】隨眾生所感而現、並不一定。以上數問、實無關宏旨、讀經似不必沾沾於此也。

【問】「觀經」第七觀之蓮華臺、其爲「其光如蓋七寶合成」之摩尼珠光之臺歟。抑爲承荷此寶華之臺歟。抑二者皆非

而另有解釋歟。(大寬)

【答】此觀先說蓮花、其次說花內之臺、次第分明、不可相混。其說花時、言蓮花之葉(即花瓣)間、有摩尼珠、放千光明、其光猶如傘蓋、覆於蓮花之上。言花至此爲止、言臺乃係下文。

【問】「彌陀經」內極樂國土七重欄楯……皆是四寶周而圍繞、這四寶是否即爲下文金銀琉璃玻璃。又欄楯是什麼。(大寬)

【答】四寶即如所云、欄楯即是欄干、橫者稱欄、豎者曰楯也。

【問】生在極樂世界的人、既是實相、必是四大和合、那能不空、還可享受無量壽。(施好學)

【答】來問五句、中間三句、不免有誤解名

句之處。細味所問、或疑生到極樂、仍是四大假合之身、那能享得無量壽命。按投生一事、皆係神識、有胎卵濕化四種。生極樂者、乃係神識往彼蓮中化生。生彼以後、此神識之化身、漸漸轉迷成悟、證到大圓鏡智、此智即是眞如、不生不滅、故云壽命無量。

【問】生到極樂世界的人、是否蓮花一開、就成形體上之大人。還是要經幼少等階段才能成年。又生到極樂之人的面貌是否與在人世時相同。（施好學）

【答】花開出現、便是三十二相、廣大金身、並不如此世須經年歲漸漸長成、亦不如此世之卑劣醜態。

【問】一切法是眾緣和合而成、西方極樂國土莊嚴、是否能例外。若不能例外、一切

法是無常、那能供給無量壽的諸上善人住下去。（施好學）

【答】萬法依眾生心幻起之假相、本無自性、故生滅無常。覺心乃如來藏證得之眞空、如如不動、故恆常不變。娑婆穢土、乃眾生妄心幻生、不免成住壞空、極樂淨土、乃彌陀眞心神通宏願結成、故劫壽無量。緣眾生心有生滅、而所現之土、亦隨之而生滅、彌陀心只恆常、而所結之土、亦隨之而恆常也。

【問】鄙人每日誦阿彌陀經、心經、大悲咒各一遍、往生咒數遍、持珠念佛千聲、不知長此念去、可否求生西天。（桂引杏）

【答】持往生咒或三遍七遍二十一遍、以有定數爲佳。他課無不合、長此念去、不休不斷、決定生西。

【問】鄙人妻兒均在大陸，每日禱念佛號懇求保佑，是否違佛法普救之旨。（桂引杏）

【答】人在難中，代為祈禱，並不背理。但能普為大眾回向，功德益大。一燈之光照一人，與照百人光並不減，而益者則有廣狹之別矣。

【問】聞淨土宗中亦可帶業往生淨土（靠佛之力），如是淨土有業，淨土不淨有漏，終久亦必毀壞，然否。（支世榮）

【答】帶業往生，乃淨土宗專有之法。不能云為「亦可」。業是起惑造成之果，更是受報異熟之因。若到業盡情空，便是成佛。業情不盡，便是凡夫。再察起惑之由，多因環境惡劣使然，所謂「心本不生，因境有」。西方莊嚴清淨，無造業受苦機會，見佛

聞法，有開悟斷惑助緣。惑業如病，西方如醫院，入醫院求愈疾病，生西方為斷惑業。若以為藏垢納汙，是逋逃之藪，則大誤矣。

【問】釋尊未出世度生以前，那時的眾生死就不能往生嗎。（施湘痕）

【答】生於佛前佛後，即係遭難，以不聞佛法，無由解脫也。惟釋尊來此娑婆度眾，已經七八千次，倘在前次應化，說過淨土法門，而經教未滅時，彼時眾生，當能往生。否則法門尚不曾聞，安有往生之理。

【問】聽了大乘起信論，確知修淨土之穩當，但念佛一事，最要在心與佛合，才能了生死。可是業障深重，妄念勝於佛念，有何辦法。（周慧德）

【答】常觀身受皆苦命在呼吸，妄念自能漸少矣。

【問】印老文鈔內有一段「待至同生淨土以後、用大圓智鏡攝彼蓮池海外之影、普贈苦海之同胞。」但自聽經以來、未聞這樣的話、請師指示。（周慧德）

【答】此乃印老悲憫一般苦惱眾生、業重障深、不知淨土法門、縱有知者亦不深信、而發此願、用自己圓智之鏡、作爲攝影之機、攝照極樂世界、而將此照片、普贈眾生、希他眼見而起信也。

【問】彌陀經所示「從是西方過十萬億佛土、有世界名曰極樂、其土有佛……」讀者翻遍各種地圖向西詳細找尋、並未發現「極樂國」或世界之地名、以致疑慮頓起、如真有此極樂世界或極樂國之佛土、而現今交通工具發達已至頂點、定有不少人士前往遊歷參觀矣。請問「極

樂世界」究竟在何處。地圖上有無此名稱。（鄧至善）

【答】先生此問、似是故開玩笑。統觀來問修辭、謔知先生讀書頗富、因疑非是真不知者、我輩所居地球、乃一個佛土若干千萬分之一、經中明說過十萬億佛土、今欲就此地球尋彼國土、何異執嘉義縣圖、而求美利堅國、豈非近於滑稽。再則曰真有此界、定有不少人前往參觀、試問天文家測驗火星中有人世界、人何不先去參觀耶。

【問】淨土文所示「九品蓮花爲父母」、是真由蓮花內出生嗎。抑是或喻蓮花出於污泥而不染之清高、以比我佛門弟子之清高。（鄧至善）

【答】此二兼有之。

【問】省庵大師勸發菩提心文、蓮宗諸祖法語集要合編一書之中、善導和尚專修法門有云、「或問念佛生淨土耶、導曰如汝所念、遂汝所願、乃自念一聲、有一光明、從其口出、十至於百光亦如之。」此一節之意思、是否念佛的每個人都有光明從口出。但在心中想念之人有其光明否。（李永茂）

【答】此係功夫問題、非人人能為、亦非人人不能為。

【問】地藏王菩薩發願云「地獄不空、誓不成佛。」果到地獄空之一天、六道眾生是否全都往生。（黃媽惜）

【答】地獄乃六道中之一道、果至空時、自是彼一道空耳。於彼五道何干。而超出地獄之眾生、亦非遽生極樂。

【問】釋迦牟尼佛的洪名、歷史上都有記載、何以阿彌陀佛的洪名、大家都要稱念、獨於歷史上無記載乎。（林景星）

【答】一個國家成立、有職官記載國家之事、後人再據之編纂史書、世界各國、中國最古、史書所載者、亦不過四千餘年耳。釋尊降世、距今僅二千五百餘年、故史有記載、彌陀成佛於今十劫、史書何能知其事耶。

【問】彌陀經上「從是西方……」的「是」字、既係指世界而言、則天文學云「太陽乃恆星、永不移動、地球繞太陽而自轉。」若果如是、則早晚用何法判別西方。（樓永譽）

【答】四方之名、本依所居之處而假定、此為便於言說、非實有也。經意原係借此、使

人攝散心於一處、果能制心一處、無事不辦矣。明乎此、但當依經所教、以日落處爲西、不起分別、即得受用、待得經教漸明、功夫漸深、此等問題、便有著落。

【問】帶業往生西方後、是成爲五十一階級內之菩薩、或爲階級外之凡夫菩薩乎。

（奚子爲）

【答】既云菩薩、安有階外。經云、生皆不退、一生補處。但能往生、不愁不成菩薩。

【問】我五年前抱病二年之久、此中間受種種苦、又爲女人出嫁不平等、受種種刺激、引起人世間厭惡、至願後生不再來苦海輪迴、佛大慈大悲、有什麼妙法可救度、使不再受生死輪迴之苦呢。（慧貴）

【答】八萬四千法門、個個超世、簡單言之、如屬於行門之禪淨密律、無不是超生死

之妙法、只須誠求、非尙空論。

【問】已然念佛求生西方、是求不受生死苦、若是行善、布施、敬佛、敬神、沒有念佛、這能得生西否。（慧貴）

【答】行善至敬神四事、只是有漏善業、僅得福報而已。至云沒有念佛能生西否、請思不求種因、而希得果、有是理乎。

【問】念佛是念心、敬佛敬神是表現敬意、如此、豈是佛神時時刻刻在寺廟佛像神像之前嗎。有人教三二日爲一期、規定集合來拜誦經、這豈不是團結湊熱鬧。如此有什麼功德、也能消災嗎。（慧貴）

【答】佛之法身、充滿虛空、不限於廟。無始無終、有感斯應、不限於時。神則未證法身、當然拘於一處、不能與佛同時並論。三二日集合誦經一次、自比一天經也不念者

好。能否消災、更須視誠敬若何而定。

【問】多拜佛拜神功德較大。或是多聞法多念佛功德較大。（慧貴）

【答】此四者以念佛功德爲最大、爲其是無漏正道、能證涅槃也。拜神功德最小、以其不過對他方一種恭敬而已、無他益處也。

【問】彌陀成佛至今十劫、故史書不能記其洪名、那麼世人何以知彌陀佛的生日。

（葉慶春）

【答】宋代永明大師、有彌陀化身之號、後人即取大師之誕辰、而紀念彌陀、此係借用。

【問】站在人類中、好壞份數、就有六分壞、如果誠心念佛、在可能中罪障消盡、否則能往生西方否。（戰覺力）

【答】有意者多爲罪、無意者多爲過、往者不可諫、來者猶可追。只求不造新業、便亦大佳、縱未消盡夙業、亦可仗佛願力、帶業往生。

【問】每日持大悲咒、往生咒、功德寶山咒、各百遍、楞嚴咒七遍、延命地藏經、彌陀經、八十八佛懺悔文、普門品、心經各一遍、命終時能往生否。（戰覺力）

【答】不必如此繁雜、往生要件、只在一句「南無阿彌陀佛」、如有時間、但將此六字洪名加多、乃往生之正因、餘則一遍可矣。（往生咒百遍宜照舊）

【問】定、夢境界、合目坐定、誦大悲咒、觀想在眼前、有許多的大和尚站在身前、如何請指示。又睡眠間夢見多位老先生、內中有兩位坐在左右、口說演戲、第一幕二幕、

最後一幕、觀音地藏、說完時、大家各自散去。夢已清醒、好壞如何請指示。（戰覺力）

【答】此皆妄境、宜急排而去之。念佛注重一心不亂、宜取加注之彌陀經詳研爲妥。蓋是經爲持名之根本教典、不可不知也。

【問】每日早晚各念佛二百聲、並彌陀經大悲咒、心經各一遍（因家務及小孩太多不能多念）、工作時外加散念、可否往生。（鄭蘭蓀）

【答】只要誠敬、無不往生、所云規定大致尙可。

【問】無皈依佛教的人、有實行八德、不犯十惡、像這樣人、臨終有可能去到西方嗎。（柯仙江）

【答】此等善人、只能升天、享受有限度之

假樂、決不能往生西方。不種如是因、希結如是果、何能講得通。

【問】聽老師講經說、池中蓮華大如車輪、青色青光、黃色黃光、赤色赤光、我回家以後、仍然照此讀誦以後、隨眠去、即時看見青色青光、一條光焰面前起來、此是什麼緣故。（陳江愛）

【答】清淨種子、臨時生起現行。

【問】學佛念經之人、若未修身口意之十善業道、不知念佛有效否。（魏柏勳）

【答】念佛是正行、清修三業是助行、正助雙修、如鳥之兩翼、方能翱翔前進。據此義而論、尙是加修十善爲妥。倘念佛者念到萬緣放下一心不亂、即不必另修十善、蓋既得一心、三業俱臻清淨矣。

【問】學佛以後、受了世俗人譏誚話、不免

起瞋恨心、也知這心是地獄種子、但是功夫不到、聽了閑言、就要管不住自己、請師指示最好辦法。（周慧德）

【答】對己著想、我是菩薩、應起覺照、當行忍辱。對他著想、爾乃痴漢、應起悲心、與以原諒。再急用一句洪名、當作金盾、綿綿念去、壓住瞋心、不然他痴我瞋、同一墜落。

【問】念佛是願見佛的、這不是抵觸著「若以色見我、以音聲求我、是人行邪道、不能見如來。」之世尊金言呢。（李永茂）

【答】此禪淨工夫修法之不同、禪在明心見性、得見心性、即是見佛、但心性無相、若以相求、自是邪錯。淨依經教、以心作佛、不妨相求、然佛有三身、境有四土、法身及寂土、亦皆無相、是則根本上又無不同也。

【問】念佛往生與否、盡在臨命終時之一

念如何、但徹悟禪師念佛法語云「當密自檢點、日用所起之念、與何界相應者多、與何界相應者猛、則他日安身立命之處、不勞問人矣。」未知那個爲實。（李永茂）

【答】臨終所起之念、全係平素積習所成、事不兩歧。

【問】上品上生是帶業往生嗎、如果能夠把一切的罪業都消滅得乾乾淨淨的時候、證得什麼果位呢。（李永茂）

【答】極樂四土、各分九品、如常寂光土上品上生、並不帶業。古德云、未斷二惑、生凡聖同居土。二惑若斷、生方便有餘土。塵沙無明若斷、生實報莊嚴土。生相無明若斷、生常寂光土。

【問】記得十六觀經中云、除了上品能即

時花開見佛、中品及下品都要坐在蓮花中、經過相當時間、甚至要十二大劫、蓮花才開。何以彌陀經中講已生彼國之眾生、能聽空鳥等演法、能看極樂世界之各種莊嚴、能盛眾妙華供他方佛、這些眾生、如是花開、已證聖人、爲何還有凡聖同居土之名稱呢。（舒淑婉）

【答】小本略、觀經詳。略詳雖殊、其理無二。小本所云見者聞者、皆是花開以後之事。其花開後、並非盡是聖人、此聖字是指證有果者而言。如上品中生之經過七日、得無上正等正覺、下品上生之經十二小劫、得入初地、正等覺初地、皆是聖果、其在七日及未得十二小劫以前、則仍是凡夫。至下品中下兩生、只云發無上道心及菩提心、更是證果有待矣、所以有凡聖同居土

也。

【問】佛不妄語、經說極樂國土莊嚴美妙、繪聲繪色、宛爾具在。該土樓台地樹、花樹禽羽、是否全爲精神活動、而非色塵境界、如莊周夢蝶、非實有耶。（瑞錫）

【答】所疑極樂、謂非色塵、而是夢境、非實、此對佛學名相、未知其義、凡是目取之相、皆名色塵、空則萬法皆然、豈獨莊生蝶夢、即此根身器界、亦是眾緣和合、幻出之相、並無實體、然有相即起用耳、望先辨明界說、自減誤會。極樂世界、土分四類、有真實、有方便、須憑學者功夫分證、向人講解、亦須觀察對方、應機與說、否則錯下一語、兩無所益、居士既知佛不妄語、又奚疑極樂非實耶。

【問】佛說阿彌陀經時、文殊、彌勒諸大菩

薩皆列席參聽。蓋菩薩之身相殊勝莊嚴，而凡夫之身形短小粗陋，乃迥然不同也。但未知當時菩薩是現凡夫身而列席聽法，或本以菩薩身相。又當時大眾（凡夫眾）是否均觀菩薩聖相，或有緣者方能觀之。或唯憑世尊金口說示即知者也。又天人與世人不同，未知現我人之身量（七八尺高）。或本以天人之身量（數由旬）。而在座之大眾，是否知是天人或不

知者。（邱炳輝）

【答】佛菩薩天人等身之勝劣，隨眾生緣各異其相。如一溪水，天視爲琉璃，人視爲水，龍魚視爲雲煙，餓鬼視爲燄火，其理正同。倘有現凡夫身者，則凡夫自得見之，否則開天眼者方能見之耳。

【問】不度眾生，閉門自修者，是自了漢，出

來度眾，多惹是非，然即兩不全一，不如學老太婆規矩念佛，比較可否。（蕭慧心）

【答】不宜如此消極，可參看二九六頁（本書一四八四頁）答周慧德之問，無煩惱何有菩提。兩者只在一轉移間。

【問】常聞凡聖不同居，又說西方無分凡聖，此意義尙未明白，請示。（蕭慧心）

【答】帶業往生，未斷諸惑，得與上善俱會一處。此即極樂淨土殊勝處，此即彌陀威德無極處，但此只是西方四土之一耳。

【問】聞天外有天，此指西方是否。地外有地，此指地獄是否。（蕭慧心）

【答】世界無邊，此世界之上，尙有世界，彼自有天，故可曰天外天。此世界之下，又有世界，彼自有地，故可曰地外地。無涉與西方及地獄耳。

【問】樓下開賭博或開飯店殺生等爲業、但樓上作道場、有所損害於念佛人否。（蕭慧心）

【答】初學人未能泯相、遠之爲宜、事實上、一時如離不開、只有攝心守意、各幹各事、各不相妨、亦無有害。

【問】佛說娑婆是苦、西方極樂無勝、眾生何以取苦捨樂事究何也。（蕭慧心）

【答】耽著五欲、以苦爲樂、永劫習氣、一時難除、彼對佛言、既不起信、極樂勝境、又不曾見、譬如蠅性喜臭、梅檀龍腦等處、總不喜前趨耳。

【問】阿彌陀佛、本極樂教主、彼之形像、何以傳來此土、而現傳之形像、是否真實。（王權）

【答】無量壽經及觀無量壽經均載彼佛

德相、此界所傳、本有所據。

【問】臨命終時種種瑞相、可以斷定生西無疑、然而遺族或其友人夢中或由巫者之言、或由其術看見在陰間地獄受苦、或要其遺族超度、如何一旦到了極樂世界、皆是不退轉、那有再在地獄之理。（王權）

【答】噩夢原本無憑、覩巫更是虛妄、不足聽信。

【問】禪宗皆不著相、淨土因初機、從著相入手、爲方便故、究應要否破相、抑在何時期學習破相耶。（智恆）

【答】初學之人、教相不明、遂有執空執有之病、要知有見須破、空見亦須要破、以二者皆不圓實也、既至學有深造、便知真空不離妙有、妙有即是真空、空有不異、然亦

非有非空、若到此境、試問還破甚麼。

【問】念佛人倘無發慈悲喜捨之大願難於往生、對否。(智恆)

【答】念佛爲大乘法門、以發菩提心爲正因。菩提心者、上求下化是。只求己生、果能正助雙修、功夫精進、亦能往生。因淨土一法、普攝眾根也、但品位不高而已。

【問】既有正信念佛、念念相繼不斷、倘有故意犯五戒十惡者、能否往生乎。(智恆)

【答】念佛貴心與佛德相合、存心犯戒造惡、淨念即不相繼矣。往生與否、何能此時預斷、那粒種子先熟、須看臨終時遇何因緣而定。黑白二業、遇緣各起現行耳。

【問】阿彌陀經中世尊言「舍利弗、不可以少善根福德因緣得生彼國。」註釋言

「若只修自己好、不發菩提心度脫眾生是爲小乘、就是小善根、故要孝養父母、念經拜佛、修六度、十善、受持禁戒等之助行、方得生極樂。」若如此則經云帶業往生如何。又鸚鵡及殺豬業者等一時念佛、聽念佛、就可消業障帶業往生極樂、他是罪業重重之輩、可證無小善、豈能修助行之六度、十善、五戒。弟無明不能理解、望爲明示。(吳倫炳)

【答】係指何人之註、未曾說明、無從查起。且恐來問錄此註時、尚有遺漏。淨土三經皆重正助雙修、此是通義。取法乎上、僅得乎中。若取法乎下、試問將何得乎。此古人必策勵修者努力上乘之苦心也。觀無量壽經、往生列有九品、無量壽經、尚說邊地、鸚鵡屠戶、只有正行、雖得往生、但品不高。

耳。

【問】依歧路指歸等書之次序、念佛後念回向偈完了禮畢（課程完了）後、隨即念地藏菩薩名號百聲、或念觀世音菩薩名號百聲、而為祈禱病苦或福利、未知可否。（吳倫炳）

【答】課外別願、有何不可。

【問】阿彌陀經末之咒語、未知念經後一定、要念否。其咒未知有何能得大靈驗否。念幾回就能應驗否。其念不在念經後、另在別處可以念否。（吳倫炳）

【答】倘係往生咒、當然須念。其念誦次序、詳列歧路指歸。按持咒通例、十萬遍謂之成就、其後作課時、三遍七遍二十一遍、皆可隨忙閑而定。若問應驗、是在誠心、又不能以次數作標準也。

【問】阿彌陀經之解釋云、念第一種回向偈「願以此功德、莊嚴佛淨土……」佛土甚多、恐有害怕須要念第二種回向「願生西方淨土中、九品蓮花為父母、華開見佛悟無生、不退菩薩為伴侶。」為穩當、不知如何。或二種一時同念不知可否。（吳倫炳）

【答】心既存西方淨土、彌陀自然知之。安有敲鐘而鼓忽發聲之理。不過此二偈、以前者為最圓滿、居士欲統念、亦無不可。

【問】念佛的十念佛、聞印光大師有言只可十念而已、不可用十念、二十念、三十念之法未知實否。因用十念未記數、二十念三十念四十念的記數容易、不知可否。（吳倫炳）

【答】十念而已者、指念十口氣之法、十念

記數者、又另是一法、勿得相混。大師之言、豈有不實。可細心讀之、不可誤會。

【問】願生極樂、必須發度脫眾生的大願、則可云云。未知其發大願是不時有所心念、或念頭就可否。或是要不時在佛前誓願則可。但不論大小功德都要念回向偈、其偈是用第一種、或是用何。念偈是在佛前。或是在不論成何等之功德、同時在成功後隨時而念否。（吳倫炳）

【答】心須常存此事、更貴實行此事、方為願不虛發。回向以第一偈為功德普遍、在家可向佛前、在外則心念一遍、諸佛皆知。【問】無量壽經四十八願別行略解、第二不更惡道願、設我得佛國中天人壽終之後、復更三惡道者、不取正覺。國中是指西方極樂世界、生到極樂世界壽命無量無

邊、如何更有壽終。（慧性）

【答】此須與第十五願合觀、其十五願之大意、是壽命無量為原則。但或修或短、各隨其願、倘為欲度眾生、往投濁世、即為極樂壽終時。

【問】善導和尚係彌陀化身、教人修持方法、專念往生西方、萬不漏一。雜修謂兼修種種法門以心不純、百中稀得一二。此兼修種種是甚麼。（陸玄智）

【答】佛法雖有十宗、歸納之可分研教行持兩門。禪淨密三宗、皆是屬於行門。善祖之訓、專為指淨宗範圍之法。兼者指夾禪夾密等行。

【問】修淨土法門可以帶業往生一事、弟子想三皈依以前所作惡事屬於舊業。三皈依以後若作惡事、即屬新業。新舊業均

可帶同往生否。(陸玄智)

【答】已經皈依三寶、便不應再造惡業。若一面念佛、一面造業、是染淨二力互熏、究竟誰勝。豈能預料。染勝三途有分、不生即是不生。僥倖淨力勝矣。勝即得生、既已生矣、試思業不帶去、置於何處。

【問】十方都有三千大千世界、不知西方亦是三千大千世界否。(詹秀)

【答】經云西方有無量壽佛、如是等恆河沙數諸佛、出廣長舌相、遍覆三千大千世界等句、是知西方並不例外。

【問】有人謂阿彌陀佛聖誕是十一月十七日、何以知之、出在何經。(王成一)

【答】彌陀既非此世此土之佛、又以曆法種種不同、何能知其誕辰。相傳是日爲永明大師壽誕、大師宏揚淨宗、有小彌陀之

目、故借是日以紀念彌陀也。

【問】二月十九、六月十九、九月十九是觀世音菩薩什麼紀念。(王成一)

【答】相傳二月係誕辰。六月係成道日。九月係出家日。此亦借日紀念而已。

【問】爲超拔亡者代人誦阿彌陀經及念南無阿彌陀佛六字五百遍以上可否。但此時要用之回向文請開示。回向文後連誦大悲咒可否。(陸天養)

【答】回向文可念「願生西方淨土中……」四句、餘無不可。

【問】爲人祝壽誦阿彌陀經及念南無阿彌陀佛六字五百遍以上可否。但此時要用之回向文請開示。(陸天養)

【答】回向文可念「願消三障諸煩惱……」四句、餘無不可。

【問】爲人消災誦彌陀經及念南無無量光佛六字五百遍以上可否。但此時要用之回向文請開示。（陸天養）

【答】回向文亦可念「願消三障諸煩惱」四句。或念「願以此功德莊嚴佛淨土：」等八句。但佛號直念「南無阿彌陀佛」即可。緣阿彌陀三字、無量光明、無量壽命、無量慈悲、無量智慧等無不包括也。

【問】淨宗專以念佛拜佛爲往生資糧。而般若宗（金剛經）以「若以色見我、以音聲求我、是人行邪道、不能見如來。」四句呵斥行者。此豈不與淨宗教理完全相違、不知釋尊是何密意。請示之。（方明）

【答】一個法門、一個修法、猶之一把鑰匙、開投一鎖、其理正同。入手固有不同。結處無不一樣。至舉相違之處、只係因地上之

分別而已。所謂歸元無二路、方便有多門也。再舉一例。如四方各地有人欲往臺中、臨行問路、答者對臺北來者則曰向南進、對屏東來者曰向北進行、臺東來者則曰向西進行、清水大甲等地來者則曰向東進行、驟然聽之、似是相違、其實是觀其立場、應機施教。若諸人不起疑惑、皆能達到臺中。倘以答者語言相違、不自信從、必皆取一方向而進、定有三人離臺中轉遠也。

【問】彌陀經中、六方諸佛讚歎淨土、是不是釋尊說此經時、六方諸佛同時讚歎。（陳淨願）

【答】是。

【問】阿彌陀佛四十八願中、第二十二願中有云「超出常倫諸地之行、現前修習

普賢之德」句、「普賢」是現在普賢菩薩否。若是現在之普賢菩薩、云何阿彌陀佛因中即發願修習普賢之德、其義云何。

（陳淨願）

【答】彌陀昔爲轉輪王、其第八王子名曰泯圖、於寶藏王所、曾發大願、彼佛號之普賢。廿二願謂他方菩薩來生我國爲眾生、故遊諸佛國、現修普賢之德、非彌陀自效普賢也。然現在之普賢亦即當日之泯圖王子展轉而現。

【問】無量壽經云「此土修行一日、勝在無量壽國爲善百歲。」若此則何必求生西方。（陳淨願）

【答】此是生死岸、彼是涅槃岸、成就有難易、所以必去。

【問】阿彌陀經上西方極樂世界種種功

德莊嚴、是實相或幻相。若說幻相實有其所、若說實相沒有實景可見、如斯可說心相否。（智幻）

【答】既信實有所、往生以後、自有實景可見。

【問】讀觀世音菩薩普門品至「無盡意菩薩白佛言、世尊、我今當供養觀世音菩薩、即解頸眾寶珠瓔珞、價值百千兩金、而以與之……」頓生疑念、菩薩境地已空物我、而亦有物質供養贈奉耶。（陳園園）

【答】菩薩確不需此、所以諸供養中、以法爲最。此不過隨順此方禮俗作一表示、如前代帝王富有四海、何須他外納貢、因有此乃成禮耳。亦以作範教人布施、破其貪吝。

【問】阿彌陀佛之九品度眾生，是眾生有九品往生之謂，若至西方極樂世界，尚有九品之境界否。（廖武卿）

【答】往生以後，花開悟證均有遲早，是即品位不同。

【問】如彌陀經義蘊註解「求衣得衣，求食得食。」一節不知究屬何意。若謂極樂世界倘要衣食，何謂極樂，晚自思「極樂世界是不是不必衣食之境地」。若謂不必要，何必求衣食之念頭呢。（林柳淋）

【答】此為初機衣食之見未泯者，方便示相耳。

【問】釋迦牟尼佛尚須六年之苦修，韋提希夫人與五百侍女，為何聞佛所說，應時即見極樂世界，得見佛身及二菩薩呢。（慧德）

【答】承佛神通及威力加被之故。

【問】自皈依佛法，勤念願求生西，常常聽講，臨終之時，若受障礙，不能往生，豈不白費其功。在娑婆之時，似須先有師長或是親友，已經往生極樂代為作證，來招同往西方，比較穩當。（慧德）

【答】阿彌陀佛四八大願，慈悲無量，神通無邊，常以光照十方，國攝取念佛眾生，不少暫捨，經訓煌煌，難道還信不及。居士之意，以為彌陀之平等大慈，反不如師長親友之私愛可靠耶。此層卻屬誤解。

【問】臨命終時，全家能不哭泣，一意念佛，固知最有利益。別世以後，四十九天念佛以外，要誦什麼經，為利亡者，再請問頭七至滿七，要用什麼方法超度好。（慧德）

【答】不必多生分別。既是淨宗學人，只誦

六字洪名、往生咒、彌陀經、便極妥善。如喜多加、可誦毘盧遮那佛大光明灌頂真言、或大悲咒、或拜彌陀懺足矣。

【問】早晚念佛。日間爲他項工作未能持念、又未能即時茹素、尙食三淨肉、未知於淨修有何妨礙。（葛曉凡）

【答】檐溜穿石、要在恆久、晨間之課、關於一日薰習、不可疏忽、宜早起半點鐘去作。果忙、但取十念法、不過五分鐘時間、似乎不難作到。餘時亦可散持、現食三淨肉並無妨礙、但希功與慈悲並進、以達到純素爲佳。

【問】阿彌陀經摘註接蒙內釋提桓因（疏鈔擷）「此云天主即帝釋也。迦葉佛滅時一女人發心修塔、卅二人佐之、今王切利統卅二天故曰天主。」此迦葉佛應

不是當時在座聽經之摩訶迦葉、請示迦葉佛係何時人。（葛曉凡）

【答】迦葉佛乃過去劫七佛之第六佛、並非釋迦佛之弟子摩訶迦葉也。

【問】淨宗以專心念佛爲往生成佛之道、禪宗則以離言絕語、專求向上一著、呵佛罵祖、若念一句佛、漱口三日等事、此則都與淨宗念佛之旨乖違、但誰爲究竟之正門、請乞一示。（方明）

【答】禪家呵佛罵祖、是爲逗機不得已時偶然之事、並非以此爲專門、切勿誤會。禪淨兩家之法、皆是大乘了義、不過起手方法少似不同、淨家有相易入、禪家離相難尋、至其歸元並無二致。

【問】追頂念佛據說是治妄想之最佳方法、有位朋友問我說「我的妄想熾盛、你

說追頂念佛可治、那麼追頂念佛怎樣念呢。」未知若何念法。及何經有說及祈示之。（呂順運）

【答】「追」作追逐不捨講、「頂」作頂接不斷講、即前句之末字方去、急追一句接住、如鑽木取火、不使少停。又如奏樂、必字字逐拍、不使走漏。此法經中未言、乃係古大德經驗之法。

【問】據說命終後八小時方可移動、設若精通念佛之輩、命終後即隨佛往生、何必再等八小時、方可移動、其理若何。（呂順運）

【答】眾生生命根係第八識、投胎先來、死時後去、餘識捨時、即現死相、然實非真死。今醫學界已有證明、在現死相之八小時內、誰能知其第八識何時始去、此為策萬全

起見而取此法。（飭終津梁一書內詳）

【問】爲何學佛人（在家出家）每逢相遇、皆揖手云「阿彌陀佛」、這是不是把阿彌陀佛當世俗問候之用。或有其他用意、祈示之。（呂順運）

【答】至心念阿彌陀佛一句、能消八十億劫生死重罪、此語最爲吉祥、相逢稱誦、祝福之意、且使對方一歷耳根、八識田中得到佛種。

【問】無見頂相與肉髻、是一是二。（大寬）

【答】觀佛經三曰、佛頂肉髻、生萬億光、光相次、乃至上方無量世界、諸天人十地菩薩亦不能見。據此、無見頂相、是指頂光也。

【問】佛身相口如師頰、掌現網縵相、足底

千輻輪相、是何樣子。請方便設喻、俾易推想而知。(大寬)

【答】獅頰廣闊、喙口方也。網縵指手掌之紋細密如是也。車輪外圈曰輪、交貫軸心之多條曰輻、此指足底之紋也。

【問】坐念佛號、有跏趺、吉祥、降魔各坐法、弟子以年齡稍大、全跌半跌皆不可能、擬採用吉祥二坐法、不知二者以何者為善、及其坐法各如何。請詳示。(大寬)

【答】跏趺有單結、雙結之別、不論雙單、左加右上為降魔、右加左上稱吉祥。坐時兩手掌向上仰、如降魔坐、左手即加右手上、吉祥坐、右手即加左手上。兩大指尖接抵、此名定印、安於臍下。頭脊正直、鼻與臍取一直線、各種坐法、任意自擇、久坐麻木、亦可換腿。

【問】觀經觀世音菩薩、項有圓光、中有化佛菩薩、無量諸天、舉身光中、五道眾生、皆於中現、既度五道眾生到極樂去、因何留一道不攝、豈不有背慈悲平等乎。(雙木)

【答】天人畜鬼四道皆有修羅、言五道即含修羅在內、各經中亦多有言五道者、若為易於明瞭、則又言六道耳。經文並非故留一道不攝。

【問】淨土按臺宗教義、分為四土、末法眾生帶業往生者、生於何土。(雙木)

【答】四土往生、但論行持之功夫、而分其證得、並不限於何期行者、證何等土也。

【問】當失眠苦不入寢的時候、想起來坐一坐、但不知佛教打坐之要領。(鄭敦)

【答】失眠之人、最宜右脇而臥(即側身

右方在下）、兩足疊齊、右手托腮、左手搭膝、瞑目調息、放下萬緣、心中默轉「阿彌陀佛」四字、再用耳聽（心轉自有聲相）、能入眠固佳、縱不入眠、念歸于一、亦得息養。若要打坐、亦是萬緣放下、默轉佛號。其坐法參上頁答大寬居士之問便知。

【問】月刊上常看到蓮邦國、而是否以佛化國家聯邦之稱。（鄭敦）

【答】阿彌陀佛願力之極樂世界、蓮花最爲微妙特殊、故稱極樂世界爲蓮邦。由今中國以梅花爲國花、日本以櫻花爲國花、稱梅稱櫻、便可代其國名耳。

【問】唸阿彌陀佛經之聲音宜拖長好還是短促好。每日至少宜唸若干。（鄭敦）

【答】拖長及短促、皆不相宜。當如小溪流水、不急不緩、念多念少須酌自己時間。但

既唸阿彌陀經、誦畢宜持彌陀聖號幾百聲、乃至數千聲、閱前贈學佛淺說、及歧路指歸、自明大義。

【問】淨宗以九品蓮花爲父母、他宗托何物爲父母呢。（陸天養）

【答】淨宗是橫超三界、帶業之識、往彼極樂、託蓮化育而生。待悟無生、直證佛果、則無所謂生矣。是往生與成佛爲二層階級。他宗是豎出三界、斷盡諸惑、見性成佛、即是佛、安用依託。

【問】阿彌陀經說、其土眾生常以清旦各以衣祴盛眾妙華、供養他方十萬億佛。西方極樂世界的眾生爲何因要供養他方佛呢。（陸天養）

【答】供佛積功德、聞法增智慧、若功德智慧不圓、安能成佛。不積不增、豈能圓滿。釋

迦世尊、亦曾於過去世供無量諸佛、觀世音菩薩亦復如是、故皆圓成種智。往生之人、在未證補處之前、必須上求下化、覺行雙圓、方得證補處耳。

【問】專一持佛的聖號與持往生咒的成就功德有何差別。（鄧慧心）

【答】並無分別。但事忙人持咒不如持名方便。臨終時持咒不及持名容易耳。

【問】臨命終時、能得正念、卻是西方阿彌陀佛來接引、或是自己心佛來接引呢。（慧貴）

【答】是西方極樂世界彌陀來接、經訓練煌煌、何必疑惑。但西方彌陀、乃我平素心中想念之佛、故又說是我心中的佛、恐君誤會。今舉一例。如我與父母遠離多年、中心日夜想念、寫信拍電、催來相聚、一日我之

父母竟遂我願而來、便可說我心中的父母來也、其理如是。

【問】念佛人積欠債務、到命終時、不幸還不清楚、能帶業往生嗎、或是再輪迴還他欠債呢。（慧貴）

【答】真實無力償還者、是無貪吝惡業、或不妨礙。若一面念佛求生、以西方作逃藪。一面貪吝世財、起賴債之心。念佛既不為上求下化、因已不淨、再加貪吝之心、此兩粒種子起現行時、試問結甚麼果。不過問中云「不幸」兩字、自是屬於真實無力一類。

【問】有一夜晚課後、對菩薩祈求世間法之事、當夜隨時得夢老師、對我說祈壽命、這壽命是當生之壽耶。抑是求生西方之壽耶。（慧貴）

【答】 夢多幻妄、本不足憑。因世法求菩薩、而夢他人、或是菩薩化現、亦未可知。告君祈壽、當是教祈無量壽命之常樂我淨。似不能教祈濁世不究竟之短短壽命也。

【問】 彌陀經「晝夜六時」、西方既無晝夜、那有六時。（慧貴）

【答】 雨花一次謂之一時、蓮合謂夜、蓮開謂晝、彼之晝夜時分、佛順此方說耳。

【問】 「十方三世佛、阿彌陀第一。」佛位平等、如何又有等級。（慧貴）

【答】 此純指度生願力而言、佛在實智上平等、在權智上少有不同耳。

【問】 淨土宗帶業往生之說、似與因果之理不相符合、造惡之人、只要念佛、便不受罪報、反生極樂、此話果然、誰肯自己刻苦去作善事。（游玉耀）

【答】 一切善惡念頭善惡造作、總名曰業。當起造時、即是一粒種子（習氣異名）印落八識田中、異日遇有增上緣、發生作用、能牽八識、六道投胎。通途法門修行、專為消滅此類種子、名曰斷惑。至斷淨盡、便是涅槃。念佛法門、是止息善惡念頭及造作、單提一句佛號、印入識田、舊日種子、不遇增上緣、無由而起作用。佛號種子（念即由心、是心是佛）愈積愈厚、時時有增上緣、能得先起作用、報盡生西、惟舊種依然存在、故曰帶業。生西後、舊種仍須求斷、方證補處、是與通途之法、始異而終同也。若謂只管造惡、而以佛號作護符、則誤會矣。

【問】 一生造惡、臨終十念、即得往生。如此則不妨只管造惡、待到臨終、專作十念可

矣。又何必日日苦修乎。（游玉耀）

【答】指夙有善根、一時著迷之人而言。若非夙有善根、健康之時尚不喜聞佛名、何況四大分離、萬苦交煎之際、而能念佛乎。觀經下品下生、固云臨終十念、要在「至心」二字。至心是放下萬緣、澈底專精之謂。俗子待到臨終、皆是多所依戀、決難念佛。安能還發至心。此時能發至心者、定屬夙根深厚之人、不容借口僥倖。

【問】念佛之時念「南無阿彌陀佛」六字、但在要完的時、爲何祇念「阿彌陀佛」四字、是有甚麼關係嗎。（慧霖）

【答】先念緩、後念急、急時四字易念耳。

【問】聽老師在說法之時、講阿彌陀佛四字、就包含三藏十二部經、又是經王和咒王、那末還是有阿彌陀佛這人沒有、或是

僅僅的一個經王咒王的代名呢。（慧霖）

【答】此須分二段答覆。一、「阿」字爲一切梵字發音之初、無「阿」字即無一切經。又爲八萬四千陀羅尼之心、無「阿」字即無八萬四千陀羅尼。僅此一字、亦可曰經王咒王。是顯密二教均不能離此一字。若講四字勝義、顯教各大經中處處指歸人多曉了、不必復贊。茲就密教言、「阿」字總表佛部、具理智不二義。「彌」字總表蓮花部、具生法二空義。「陀」字總表金剛部、具堅固不壞義。所說包括三藏十二部誰曰不宜。二、上係解釋四字勝義、何可疑無其人、淨土三經、所說甚詳、彌陀乃爲極樂導師、不過此尊導師洪名、已具此不可思議功德耳。

【問】弟子自學佛到如今，爲甚麼沒有聽說過阿彌陀佛的聖誕。（慧霖）

【答】阿彌陀佛，乃法藏比丘修成，彌陀經曰：「阿彌陀佛成佛以來，於今十劫。」再說到法藏生時，無量壽經曰：「過去無量不思議無央數劫……有大國王名世饒王……棄國行作沙門，號曰法藏。」如此久遠，年尚不知，何能知其月日。今人以舊曆十一月十七日爲彌陀聖誕，相傳是日爲永明大師誕辰，借來紀念彌陀。

【問】年少而至老，只念佛求生西方，與閒時少研佛理，將盡能力救脫眾生，如何方好，有何不同。（慧性）

【答】發菩提心是淨業正因，念佛是上求佛道、研理是廣學法門、救脫眾生是下度眾生，此三者均是菩提心，應並尊重，不可

軒輊。

【問】定課念佛時，妄想心繼續顯出，心不想佛，耳不聽佛，在念日子不久，亦念不多聲（約念一千多聲），知念多聲始可斷妄，但無時間，如此者，只可種善緣，亦能生西否。現事多，亂心甚重，暫停待將事少，才開始定念好嗎。（慧性）

【答】至心十念，亦可往生，何況日課千聲。凡夫家居，安能無事，若待事少再念，則永無能念之時矣。要在自己觀機利用時間，作事用身用手，念佛用心用口。定課但能早起半點鐘，即能照作，散課隨時隨地，皆可執持，不管心亂不亂，總是一直念去好。

【問】又普門品中「若有女人設欲求男，禮拜供養觀世音菩薩，便生福德智慧之男，設欲求女，便生端正有相之女。」菩薩

是度眾往西、豈有度眾生出生娑婆世界乎。（陸天養）

【答】生西必聞法信修、方能成就。其有眾生、但修人天福報、不發出世大心者、自不能超出娑婆。菩薩即以此類眾生、而與求男求女之人。實以此眾、佛緣未熟、本在娑婆、行一時之權智、滿求者之心願、並非度眾出生娑婆也。

【問】佛有三身。一、釋迦佛、二、大日如來佛、三、彌陀佛、實一佛之德、所流出之三體也。大日者、釋迦之法身。釋迦者、大日之化身。亦分爲釋迦教、大日教、彌陀教三教。爲彌陀者之身、究爲何身。釋迦教大日教所爲何解。（管新盤）

【答】此密家之說、釋迦教即顯宗、大日教即密宗、彌陀教即顯密雙融之淨土宗。既

云大日爲法身、釋迦爲化身、彌陀自是報身矣。

【問】淨土宗、依無量壽經、觀無量壽經、阿彌陀經三經爲宗。遵以念佛、藉他力而求解脫、我等愚夫愚婦、因時間及事務關係、未能讀誦兩種壽經、專念小彌陀經及念佛、臨命終時、倘一心不亂、是否違犯未誦壽經、可否往生淨土。（管新盤）

【答】淨家三經、各有其用。無量壽經主廣修六度萬行、觀無量壽經主心作觀想、阿彌陀經主一心持名。研教時不妨廣學、修法時貴在專一、果能依彌陀經持名有恆、決定往生、況能持至一心、更千妥百穩矣。

【問】一般居士、現爲國家服務、對於佛示、求解脫法門、因俗務瑣事羈身、未遵奉行、除每日念佛後誦彌陀經外、始終未能奉

行佛示法門、可否往生淨土。有否違犯居士戒。（管新盤）

【答】日誦彌陀經及念佛、便是奉行佛法、身在含元殿上、何必更問長安。至云居士戒、乃另爲一事、須依他正受、今雖未受、凡屬佛子、殺盜邪淫、妄語飲酒、亦須發心自戒耳。

【問】念佛人因疑未斷盡、信不堅固、往生邊城。若然往生邊城、是不是有佛接引、抑或自己往生乎。（智梁）

【答】化佛接引、不過蓮花不即開耳。

【問】古德常有淨業功成、平時或臨命終時、每有見彌陀、見觀音、勢至或諸菩薩、吾人所以能認識不常見之客其名是誰、必有人介紹、才能認識。若佛及菩薩、突而其來、並無人介紹、亦無自我介紹、何以能認

識乎。能保不差誤乎。（智梁）

【答】三聖乃我平素意念已久之相、屆時當如念而現、不過更加莊嚴。再舉一喻、夢中所見之人、並無介紹、有時亦知其名字、理與此同。

【問】自友啓示宗教的信仰、自心信念持行學佛念佛之時、心猿意馬侵擾菩提果園、是否障深業重。（黃榮富）

【答】障深業重、娑婆之人、大抵皆然、不止居士。念佛心亂、是功夫尙淺、應有現象、不可急躁、以求速效。只宜念時字字清楚、自聽字字清楚、再從一至十（一氣三句再三句後四句）記數清楚、久久自能一心。【問】東土難生、人身難得、佛法難聞、明師難遇、而我東土已生、人身已得、佛法微聞、明師未遇、有志入釋門修真、遠離六道輪

迴之苦、不合家境窘迫、家務纏身、是否無
納福之緣。(黃榮富)

【答】東土二字錯記、乃是「中國難生」、
中國指一國之中心、別於邊地。淨土法門、
有師固佳、無師亦能看書自修、而成功不
限於出家也、但肯發心、無須擇境。

【問】夜眠之時、妄想頓生、想而不想、不想
而想、往往魔軍隨時隨地進攻靈山之境、
倉卒之時、持佛擋退、息而復來、是否精神
衰弱或者戒定未持。(黃榮富)

【答】此仍功淺現象、是精神衰弱、亦是戒
定無力。眠時宜默持四字洪名(不念南
無)、不管有魔無魔、只是醒時便持。

【問】阿彌陀經云「其土眾生、常以清旦、
各以衣祴、盛眾妙華、供養他方十萬億佛、
即以食時、還到本國、飯食經行。」極樂世

界爲出離三界之聖域、豈尚有食慾乎。佛
是否尚有飲食之慾乎。請釋其疑。(葉普
開)

【答】凡夫界之色空二天、尚無食欲、安有
佛陀還存食欲之理。極樂世界之飲食、一
爲帶業往生未斷習氣之眾生而現、然亦
是意食。二爲六塵說法、以此土眾生起
極欣極厭之心。

【問】或疑金剛經無相、淨土有相、二法如
何相融。(林夢丁)

【答】僅入手修法不同、但淨土之寂光、亦
是無相。此皆是一眞法界、有何不相融處。
【問】魔術(如走陰之類)敢觀地獄相、
云何不敢觀極樂世界相。(呂慧良)

【答】外道之智、只知高者爲天堂、低者爲
地獄、高者自知無分能去、只好說些地獄

鬼話、欺騙愚人。至不觀極樂世界者、彼於佛經毫不了解、又安足以語此道。

【問】觀經中觀世音菩薩放六道光明、救六道眾生之苦厄、那麼三惡道之眾生、到底菩薩救他們往什麼地方去。（呂慧良）

【答】要須視其業力及夙根深淺而定、惡業淺夙根厚者、亦可頓出輪迴、反之則次第漸超耳。

【問】持名念佛、念到一心不亂時、是否即能現佛、如不能一心不亂、恐不能往生吧。

（白潔卿）

【答】不問現佛與否、得到一心、自是最好境界。縱得不到一心、只要臨終正念分明、亦能往生、但品位不高耳。

【問】持名念佛外、必須想佛威德相好、種

種光明、極樂世界種種莊嚴、次第觀想、觀成就時能往生西方、如觀不成或單觀相好光明、極樂世界八功德水、或諸寶行樹、或諸鳥之音、是否一樣能觀成功。這樣觀法、是否合理、可不可往生。（白潔卿）

【答】持名與觀想、原是兩事。古人曾主兼修、後來漸主分修。即持名者不必兼觀想也。至云單想相好光明等、亦甚合理、即為第十三雜想觀之法、理事不違、安能不生。

【問】持名念佛兼觀想、如能示現、就是定中見佛、不是和觀經相同嗎、亦許沒有觀經的詳細、不知有何區別。（白潔卿）

【答】無甚區別、只不及觀經詳細耳。

【問】龍舒淨土文中、云持是咒「滿二十萬遍即菩提芽生、滿三十萬遍即面見阿彌陀佛」、此是與念佛入定一樣道理否。

(許炎墩)

【答】此亦剋期求證之一法、如持名之一日至七日義耳。

【問】彌陀經中「今現在說法」一句、是否隨時隨地念念至甯靜地步、觀想經中妙境、就是聞法。(張廷榮)

【答】小彌陀經未教作觀、不必如是著想。此句不過云今日之時、彌陀亦正在極樂說法也。

【問】偈中之「我今大皈依」句、若但皈依二字、則學人亦粗知其義、今加「大」字、其義爲何。(陳如德)

【答】此有三義。一者佛之法身徧滿法界、我之心願亦隨之徧滿法界。如無量壽經優婆提舍願生偈云「歸命盡十方」、是其一例。二者古德云、皈依阿彌陀佛、即是

皈依一切諸佛。三者阿彌陀經云「彼佛光明無量、照十方國」。無量壽經及觀經皆云、彌陀光中化佛無數。我今皆皈依之。備斯三義、是故云大。

【問】嘗閱淨土古德語錄中云「極樂世界、純是大乘菩薩之境界」。而觀經中品上生章中、有說苦空無我四諦等法、又往生者、復有證聲聞小果者、其義云何。(陳如德)

【答】曇鸞大師注優婆提舍願生偈云「聲聞以實際爲證(三德中只樂涅槃)計不應更能生佛道根芽。而佛(指彌陀)以本願不可思議神力攝令生彼、必當復以神力生其無上道心。」又云「安樂國不生二乘種子、亦何妨二乘來生耶。」據此、是未生在因地時本修小乘、生後不

執著實際、終能回小向大、故云極樂是大乘根界。請細體觀經上三品在因地皆修大乘、故生後證果皆爲大乘、中三品因地修聞小法、生後故先證小乘、下三品生前雖未修行、但臨命終時、所遇知識、爲說大乘、故生後上生者得入初地、餘二發心、俱是大乘。知乎此義、是因是果、理方無礙、知乎前義、極樂畢竟是大乘界。

【問】彌陀經中云「出廣長舌相」、爲是表法、爲是實有其舌、徧覆大千。（陳如德）

【答】此有二義。一者佛身充滿大千、舌相自然徧覆大千。二者佛音播到之處、即等舌相覆到之處。

【問】觀經下品下生章中云「蓮花經十二大劫乃開」、此「劫」爲數西方之日

數、爲是娑婆之劫數。（陳如德）

【答】是指娑婆之劫數。經云「彼佛國土、無有昏闇、火光日月星曜晝夜之象、亦無歲月劫數之名。」又善導大師觀經四帖疏上品中生、七日即得無生一段云「七日者、恐指此間七日、不指彼國七日也。」據此、故知是指娑婆。

【問】老師在佛七內開示中囑、專心念佛、即使不能得一心不亂、也有功德及好處。我們念佛者存此心理、是否太執著功德。

（王鎮芬）

【答】七中所說之功德、是說雖未得到一心、亦除去妄念不少、較不結七念佛者、所得境界、未可同語。今借物喻得一心者、假如十五滿月、未得一心者、或如十二十三之月、然較初一二之月、則大不相同、所言

指此、非謂世間之有漏福報功德。

【問】聽經時曾記得說過佛在心內、西方即在眼前、若是把心收在一處就會看到嗎。(慧霖)

【答】看到看不到另是一回事、要至心念佛、這佛總是在汝心中、如月能照水、若水濁時、則月不現、月雖不現、非月不照。

【問】念佛果到萬緣放下、一心不亂、就會得到神通嗎。(慧霖)

【答】這卻不一定、一個人有一個人的境界、縱然得神通、也非念佛的本旨、此心切不可存。

【問】有念佛者因生產病死、可往生否。(佚名)

【答】只要正念分明、當然往生。細揣來問、或係懷疑產婦身體不淨、佛嫌污穢、而不

來接。實則人不生產、亦屬不淨、試看九竅流出者爲何物。即能明其不淨矣。不過產婦之不淨表現、特別明顯罷了。感佛來接、純在乎心。如池水澄清、天月自現、若單論人身、原是三十六種骯髒物體假合而成、根本就不清淨、至於平素敬佛、沐浴塗香等、仍是心理表示潔誠、而體中之膿血尿糞、何嘗洗去。

【問】晉唐高僧、取經來到中國、以後的眾生、都有經法可看、纔有成佛的往生的。但是十方三世一切佛、不知怎樣成佛往生的。(普慧)

【答】既有十方三世一切佛、就有十方三世一切法。

【問】若三寶弟子、沒工夫聽經、只在家作功課、吃長素、守五戒、能往生否。(普慧)

【答】正因一心念佛、助緣能守五戒、決定往生。

【問】佛徒發願超升西方、而志不在救脫眾生、是否爲自私、是否有違釋尊慈悲宗旨。（管新盤）

【答】如此小心人、並無菩提心、當然有違釋尊慈旨、縱能精進往生、恐品亦不能高。

【問】吾師叔公他平日念佛、勇猛精進、功行高深、但到臨終時、他父母均在他面前哭泣、勢甚悲哀、未知如此可否往生。（呂順運）

【答】如正念不亂、無礙往生。但遇此環境而能不亂者、非有真實功夫、不能作到。

【問】如平時有暇學習歌讚、固然很好、但若無暇、獨以念佛不學歌讚、此亦可否。（呂順運）

【答】歌讚乃是禮儀之一種、念佛乃是修道之主體、不學歌讚、並無不可。

【問】三十六萬億一十一萬九千五百同名同號阿彌陀佛、和法界藏身阿彌陀佛、和極樂國土阿彌陀佛、其是否同一阿彌陀佛。各何因緣望釋是祈。（呂順運）

【答】既云同名同號、當不是一、此世尊教人省時而念多佛之法。法界藏身彌陀、即云彌陀之法身週遍法界、隨感應現。極樂之彌陀、雖云別是一尊、若準法界身講說、與多教之同名同號者、說是一非異、也未嘗不可、極樂彌陀之因緣、詳載無量壽經、文繁不能備述。

【問】「唯心淨土」此是表明心能做地獄、能做天堂、因之淨土亦不出心外否。「自性彌陀」是指自己之佛性否。（呂順運）

運)

【答】如是如是。

【問】在家居士、佛理欠明、又未受過教育、性更魯鈍、欲入涅槃、有何方便之法。(王

慧錦)

【答】淨土法門、三根普被。一句彌陀、只要深信切願、念念不離、往生西方、即等涅槃。此是最捷便穩當之法也。

【問】往生西方、身體既是化生、不知用手去摸、可有形質。(慧霖)

【答】經中浴八功德水、以衣祴盛眾妙花、足托蓮花、飛乘樓閣、豈非皆是形色、摸之當然有形、如夢中之身、雖屬意想而生、行動觸摸、尚似有質、能起作用、可以思悟。

【問】念彌陀是借彌陀願力往生、念己名是否也可往生。(佚名)

【答】按無量壽經、彌陀在因地為法藏比丘時、曾選二百十億佛刹莊嚴之相、修習

五劫、方造成極樂淨土、更發四八大願、專接念佛眾生、俱蒙世自在、王佛授記、印可。請問居士之土何在、往生何處。如云希望亦生極樂、而既念己名、是與彌陀願力無涉、何有感應。此等於撒豆種、希求生瓜也。

【問】念佛有疑之人、往生邊地五百年可以見佛、若即悟者可以隨時見佛否。(林慧蘭)

【答】五百年者、言其最長之時耳。如云人生百年、其實一歲二歲、十年二十年、俱有死者、處邊地者、若果有悟、隨時花開見佛、不待五百之數。

【問】生在邊地蓮花胎生、胎生與人類同樣否。(林慧蘭)

【答】胎爲不自由之譬喻、其實亦是蓮花化生耳。

【問】佛家眾生平等、極樂世界有分階級各修道果之差別、豈不是不平等嗎。（林慧蘭）

【答】眾生皆具佛性、在因地時及究竟果位時、無不平等、但修證過程中、以遇緣及勤惰而有種種不同、故有頓漸取果等級之不齊、若加精進、皆能到一生補處、何有差別。

【問】阿彌陀佛法門（包括三藏十二部經在內）不知大慈大悲是包括些什麼。（周慧德）

【答】凡普拔眾生之苦、普與眾生之樂、便是大慈大悲。三藏經典無不句句說此。這可以說大慈大悲、包括世出世間一切萬

法。三藏十二部是經之體、大慈大悲是經之用。

【問】六祖謂「東方人造罪念佛求生西方、西方人造罪念佛求生何國。」此點之意未知何在。（林夢丁）

【答】阿彌陀經中分明說「眾生生者皆是阿鞞跋致」。據此、西方人焉有再重造罪之理。六祖豈有不知。此爲防範禪家學人、不求自心、及不能專修之方便語言耳、修淨學人不可誤會。

【問】佛家的修行、單念佛未免過於消極、若全世界統統念佛、即無有種種事業的發達是不是。（張慶祝）

【答】念佛是修參心性、屬於學。發達事業、是莊嚴刹土、利益群生、屬於行。念佛譬如儒家之格致誠正、發達事業如修齊治平。

有學方能起行、心端方能利眾。極樂淨土、爲法藏比丘精勤求索、恭慎修習、滿足五劫之所成就、種種莊嚴、超過一切佛刹、專爲利益眾生、念佛即是學佛、果佛徒都照法藏比丘榜樣去作、行爲是不是消極。事業是不是發達。

【問】觀世音菩薩是西方三聖之一、輔助阿彌陀佛救度眾生、有人一心稱念觀世音菩薩聖號、其人將來往生如何。（達文）

【答】如發願求生西方、念觀音聖號、亦有往生可能、但不甚如法、因淨土三經中都教持彌陀聖號也。不求生西、而有別願念觀音聖號者、當不往生、以無其願也。

【問】無始的無明、即無終的無明、念佛生西、能永脫輪迴、是無明的終止、這豈不是

有終嗎。（李鈴榮）

【答】無明只可言無始、不能云無終、諸惑俱斷即是無明終時、但生西者、有斷盡者、有未斷盡者、所云帶業往生、即是未斷之類、故生西可說脫出輪迴、不可說無明終止。

【問】佛無掛礙、可是阿彌陀佛發願度眾生、念彼佛者、接引往生、這不是有掛礙嗎。（李鈴榮）

【答】未斷二惑、發大悲心救度眾生、名曰愛見大悲、此是執著人我相而起、尙屬虛妄不淨。佛智如大圓鏡、雖森羅萬象來即應現、實則空無所著、安有掛礙。

【問】念佛人每日精進、實行、萬一有障礙、死後是邊地往生、到了邊地、心知念佛、五百年後就可見佛、聞法成就、假若心不知

念佛五百年後到那裏去。(鍾智)

【答】往生邊地、是未能深信有疑之人。但雖生邊地、已無娑婆之種種惡緣、智慧自比世人高出百倍、焉有不知念佛之理。

【問】造善惡業、得決定果、果如不能轉移、如何人死念佛、念經爲他超度、能轉業往生呢。(姚慧芳)

【答】業因如堅冰、佛號經聲如炎日、冰遇日射、總要溶解幾分、惡因由經佛功德之力、可以減其成分、故應結重果者、得以減輕、若說生前自己不修、死後憑人超度、便生西方、恐不如是容易。

【問】往生西方決定蓮花化生、若往生其他佛土、是不是亦蓮花化生。(智梁)

【答】不如是。此世間乃釋迦佛土、人是胎生、可以類推。

【問】地藏菩薩度眾生、是度往西方、抑或他處。(智梁)

【答】此隨眾生之願、不限西方。

【問】蓮宗初祖慧遠大師、三昧功成、定中見佛、又見先化者佛陀耶舍、慧持、慧永、劉遺民等隨在彌陀之側。然而生西眾生、應彌陀願力、蓮花化生、形貌無差別、因何能識別其生前人相乎。(江印水)

【答】所見之相、係由心中舊影變現、所來之相、亦爲對方、心念應化、如往朝普陀、所見觀音、原無一定之相也。

【問】娑婆世界、有國境及十法界、極樂亦如此否。(呂正涼)

【答】極樂平等自由、世界大同。只有彌陀宣教、並無分疆立政法界、祇有四聖並無六凡。雖有人天之名、爲順餘方故。

【問】蕩益大師云、得生西與否、全由信願耳。

之有無。品位高下、全由持名之深淺。觀圓瑛法師之勸修念佛法門內記載八哥念佛臨終生西、飛禽雖能言念佛恐不能發願、若無願力、亦得往生西方嗎。（林夢丁）

【答】此鳥定已發願、按此事曾謂八哥學僧念佛、主人甚喜、送與僧寺。後僧常對開示有念及無念二種念佛之法、鳥似領悟。據此當可推斷、僧既常對開示無念最高法門、豈有不教通常發願之法。鳥似領悟、又喜念佛、必其眼見佛僧、耳聽貝韻、有羨慕三寶之心、羨慕即是願也。

【問】一般愚夫愚婦、但能念佛、並無願力、此等之人、臨終得生西否。（林夢丁）

【答】並無求生西方之心、只恐僅得福報

耳。【問】淨土法門、以一句佛名便可往生。但

不懂佛法、不研經典、祇知念佛、不管他人。大家都這樣、豈不變成「各掃自己門前雪」、而將來勢必無人繼續宏揚佛法了、不是連淨土法門也無人知道了嗎。（維寶）

【答】無量壽經（不限魏譯）謂、往生正因、發菩提心（即四宏誓願）、持諸禁戒、饒益有情、所作善根悉施與之、作十善業、要當孝順、至誠忠信等。觀經主張、慈心不殺、具足眾戒、讀誦大乘方等經典、善解義趣、於第一義、心不驚動、深信因果等。彌陀經提出、不可以少善根福德因緣、得生彼國。以上三經、乃淨宗根本典籍、並未教人不研經典、各掃自雪。本宗更有一重要意

義、即求生蓮邦、原爲速證菩提、回入娑婆、普度有情、實非自求享受。不過眾生根器互異、有不能研經度生之輩、也能持名得到自了。淨宗三根普被。居士所疑、只是其中一類而已。

【問】我們凡夫三毒深重、念佛能得生西、這樣容易、佛陀何須說以外許多法門呢。

(智榮)

【答】飲食口味、各有不同。酸酣苦辣鹹淡、必須具備。因一味不能合眾口、自知度生只用一法、亦不能普契眾機也。

【問】念佛往生西方、若念他方世界佛、亦往生西方否。(智榮)

【答】不如是。田地裏種豆、怎樣生出瓜來。

【問】十方三世佛、阿彌陀第一、當是願力第一、但世自在王佛乃彌陀授記之佛、爲

什麼願力比彌陀反小。(李鈴榮)

【答】彌陀第一、亦不僅限願力一種、至於願力大小、更不能受師生之限制、青出於藍、冰生於水、弟子勝師、本是常事。

【問】禪宗不念佛求生、亦多有證果位者、他到何處去呢。(李鈴榮)

【答】證極果者、無所來去、但未到此位、則隨其所證、而有其處。或七反人天、或一來不還。證無生者、則十方世界、任運而往。

【問】他種法門、功夫不成、不能證果、亦能帶業往生否。(李西榮)

【答】帶業往生、乃淨土宗之帶有惑業、而仗佛力往生極樂之獨具名辭、他宗只取斷惑證真、不能襲用。倘問能生極樂與否、則毫無是因、安有是果。

【問】我們對念佛往生、都深信不疑、爲什

麼經上偏說此是難信之法。（智海）

【答】多人心理、對於深奧奇妙的事、往往解而後信、淨土一法、乃佛果境界、地前菩薩尚不解所以、故說難信。諸位聽經多日、已明粗相、故能起信。

【問】平時念佛、已得三昧、臨終忽遇十種惡緣、不能念佛的、當作不能往生論。但此人仍在六道、其果報又怎樣。（智海）

【答】果得三昧、雖遇惡緣、不及念佛、但其心識終不顛倒、未必不能往生、縱然不得往生、亦當生人天、福報深厚。

【問】文殊普賢馬鳴龍樹諸大菩薩、都是等覺、十方世界、本來可以任運往生。爲什麼都願往生極樂。（賴棟樑）

【答】爲體世尊法演淨土澈底悲心、特示楷範、藉勸贊故。

【問】彌勒菩薩、亦是彌陀法會中世尊的親教弟子、爲什麼不往極樂、而居兜率呢。（賴棟樑）

【答】受世尊之囑、繼在娑婆成佛、以度五濁穢土眾生故。

【問】十方菩薩、不求生西者、未知能完成佛果嗎。（賴棟樑）

【答】倘能自力斷盡諸惑、亦可漸圓佛果。

【問】念佛須萬緣放下、未知心中之願、可以放下不。（賴棟樑）

【答】念佛萬緣放下、是摒除一切、專注一境、念佛如法者、聲聲皆是信願行之結晶、猶如火煖光三者而不可分。茲欲將願放下、等諸取火而不欲有光。若果單提念佛、不取信願、便同禪家照顧話頭、已非淨家通法矣。

【問】平素念佛雖然有恆，至臨終自身朦朧且亦未得助念，能往生否。（智海）

【答】朦朧即是昏沉，臨終得生要在正念分明。預防昏沉，仍是助念穩當，而家庭佛化，亦是助念之先決條件。

【問】揚聲念佛與默念，其所得之善根，有沒有差別。（智海）

【答】揚聲除昏沉，且能使他聞到佛名，默念易入定，於環境不便，可作密行。各有其利，相機擇用，不必拘泥。

【問】經云：稱念地藏菩薩聖號的功德，勝過其他菩薩名號萬倍。如是我們朝夕功德，亦需要稱念否。（廖一辛）

【答】素知居士本修淨土，今如發願稱念地藏菩薩聖號，宜在課外別誦。緣修持一種法門，皆須依法而行，不當任意夾雜也。

【問】無量壽經內法藏比丘，聞世自在王佛宣說二百一十億佛刹，說是法時經千億歲。當時法藏比丘，雖行菩薩道，但尚是比丘之身，何以如此長壽。（廖一辛）

【答】一念能橫澈八方，豎窮三際。上句易解，下句難明。經云：「如來正覺，其智難量，無有障礙。能於念頃，住無量億劫。身及諸根，無有增減。所以者何，如來定慧，究暢無極。於一切法，而得最勝自在故。」基此經文，說法雖云千億歲，只不過念頃耳。法藏比丘當時承佛定力所攝，亦能念頃住千億歲。茲舉一喻，以明其理，如枕中記，黃梁尚未煮熟，而盧生一夢，竟完成富貴功名。子子孫孫，數十年之事業。再如演電影，亦能將數個月之事，在兩個鐘頭以內演完，均可類推。

【問】無量壽經、法藏比丘聽法千億歲、成就莊嚴佛土。滿足五劫、自與凡夫之比丘不同、因何尙稱比丘。（江印水）

【答】此經前段多述彌陀過去因地、故經文曰比丘。後段述到果地、則不如是稱矣、乃行文之法使然。

【問】彌陀經云「不可以少善根福德因緣得生彼國」之句、若無善根福德、自不能感佛接引、盡人而知、何須有此贅言、內中含有他義否。（江印水）

【答】此處「少」字、不作無字解、乃作多少之「少」字解。義云、往生因緣、固賴於善根福德、但不可以少許善福、藉圖徼倖也。

【問】極樂世界所有一切人物、是幻相或者是真有色身。地獄道同此否。（簡國垣）

【答】吾輩現在色身、即是幻相、以相雖有而體實空故。相乃眾緣和合而起、然即有相矣、自起作用、故依眾緣而有三受、極樂證分四土、而實報莊嚴之人物、亦可云體空相有。地獄同此。

【問】誦經念佛行善、確信有無量功德、可能消災解厄、可是大阿羅漢目犍連、何以不能避其不測之災。（簡國垣）

【答】災厄是苦報、先必有其業因。消解略分滅盡轉輕制伏三種。偈云「罪若起時將心懺、心若亡時罪亦亡。」是謂業盡情空、覓心尙不可得、何有於罪、此屬第一種。金剛經云「讀誦此經若爲人輕賤、是人先世罪業、應墮惡道、以今世人輕賤故、先世罪業、即爲消滅。」此屬第二種。誦經念

佛行善、心力俱猛、能使識田種子不起現行。如法華經普門品之稱聖號、臨時免難、觀經之十念往生、均屬第三種。目連尊者被害之後、曾至舍利弗尊者處、自云夙業甚重、觀此知尊者所遭、是屬於第二種之轉輕、惟尊者果已圓滿、澈知夙命、甘心受之、借此了一段公案耳。

【問】念佛可以往生、若心還常起三毒者、亦可往生否。（張慶祝）

【答】三毒即是惑業、淨土法門、原能帶業往生、以惑雖未斷、時得念佛之力抑制、使之不起現行（不可引以石壓草、語誤會）、而令念佛之種子成熟、即得往生。但未斷之惑、不可加增上緣、助起現行、若起現行、便爲往生障礙。

【問】有人說、假使我們統統往生西方、這

娑婆世界、豈不是要沒有人了嗎。（一讀者）

【答】無量世界眾生的神識、由業力牽引、互相來往、此去彼來、何能無人、縱使無人、亦無甚可惜之處。譬如監獄裏囚人、全部被赦、而被赦之囚人、能不能躊躇不去、反自憂曰、我輩若全赦出、豈不空了監獄。

【問】有一位大學生、他說如果你先證實確有極樂世界在西方、那麼我纔信佛。請教應怎麼答覆他。（廖先生）

【答】證實問題、有種種不同、以因明三量之法爲最邏輯。一是「現量」、如眼見色、耳聞聲、此是現前之證實。有時走不通、即須用第二法「比量」、譬喻隔牆起煙、證知下邊有火。此法有時也走不通、只得採用第三法「聖教量」、此是根據聖人之

言作證、因聖言均是體驗事實、有一說一、有二說二、決不騙人。極樂世界、有修持人方能得到現量之證。其次見人終時種種

瑞相、即爲比量之證。佛戒制人妄語、自己豈肯欺人、極樂世界多經所載、自是聖教量之證。再舉一例。地球自轉一週爲一晝夜、繞日一周爲一年、此是科學家所共認。但是用現量之法、卻證不出來。我曾坐在飛機上向下看、並不見地轉動、此種地轉之說、不過科學家之比量證知而已、至餘人相信、亦只是崇拜科學、相信科學量（亦可謂科學家之聖教量）。再說既然相信無量星球是無量世界、其中說有一個極樂世界、似亦無有什麼可怪處。

【問】有人說、念佛法門是老太婆們的佛教、但貴刊偏偏要宏揚念佛。這使我們初

信的人、要發生懷疑了。請問念佛法門究竟是不是迷信。究竟可以得到什麼實益。

（王介一）

【答】說念佛法門是老太婆的佛教、乃意存毀謗。但此法門、爲釋迦與六方恆沙諸佛所共宣、文殊、普賢、馬鳴、龍樹諸大菩薩所宏揚、慧遠、善導、蓮池、印光諸祖所傳承、晉之劉遺民、雷次宗、唐之白樂天、宋之文彥博、明之袁宏道、清之彭尺木等諸大名儒所遵修、若說這些人是老太婆、但不知甚麼人是大通家。本刊宏揚念佛、也就是代表這些人說話。若這些人不足掛齒、本刊就不必說了。念佛若是迷信、甚至佛爲一大事因緣出現於世、八相成道等更是迷信。念佛究竟有什麼益處、豈能片言道盡。

【問】一、有情是可以說法、但不知無情可能說法否。二、若無情能說法、不知有情可能聽否。三、若無情不能說法、因何極樂世界、微風吹動諸寶行樹、出妙音使聞之知念佛法僧等。（金仁孚）

【答】說法不限於口、極樂六塵演法是也（無情說法）、解法不限於聽、緣覺見飛花落葉、而能證道是也。

【問】永明壽禪師、以有禪有淨、喻如帶角之虎、近人方倫居士亦主禪淨雙修、譬為寄保險信、至穩至妥、但亦有人認為禪淨雖可雙修、而不可齊備、蓋恐一手畫圓、一手畫方、兩俱不成、究竟禪淨雙修之程序應如何。（鍾鈞梁）

【答】古德說法、各有其機。永明四偈、專為弘淨、實不在禪、不過借禪作一映襯、特顯

淨之穩當而已。一偈是說禪而有淨、則千妥百當。二偈是說能自力獨成者、甚少其人。此分明烘托之筆、以加強第三偈之主張、而堅其修淨信心也。若將一偈看作修淨者、必須兼禪為佳、二偈或看作抑禪、是皆錯會。茲設一喻、有甲乙二人趕程、甲深知山川地理、而且健步、不妨勸其兼乘舟車、少減勞苦。乙不識途徑、行步蹣跚、然已乘舟車矣、即無須再勸其步行、使多費力。方大居士所云禪淨雙修、是一偈及甲喻之意也。

【問】順境中隨喜持素、唸佛已有三年、不幸處境轉逆、在逆境中開葷、息持佛號、自知罪過、未知有何法補救否。（顏兆文）

【答】學佛乃大丈夫之事、已經發心（世謂立志）、則富貴不淫、貧賤不移、威武不

屈、何可爲逆境退轉。爲今之計、惟有在佛前至誠懺悔、從即日起、恢復持素念佛、有過能改、善莫大焉。

【問】何以西方淨土住的菩薩都是男身、如果說都因從蓮花降生而不須女身、則男身亦用不著、而菩薩無所謂男女了。（劉定熾）

【答】信如所云、男女乃相對名詞、無女名即無男名矣、至於經中所說、西方現化、皆是男身、乃隨順此方人相、作方便言耳。

【問】法門皆佛所說、宗派亦是祖師大德所立。爲何輕視淨土「念佛一聲漱口三日」如何解。（林夢丁）

【答】此是禪家祖師、防範參禪學人雜修及逗機啓悟之語、並非爲輕淨土宗、蓋向上一著、一法不立、若存一佛字、仍是有法、

各宗有各宗之辦法、如永明四料簡、有禪無淨土、十人九蹉路之語、豈非亦是輕禪乎。其意實不如是也。

【問】生西後、乘願再來、重入娑婆、廣度眾生、其中生老病死之苦、與一般眾生、有以異乎。（周邦道）

【答】萬法唯心、遊戲人間、劇場上之悲歡離合、雖齣齣做得逼真、終於人寰中所感受者不同。

【問】往生極樂世界之目的、可否歸納爲兩大要點。一、厭娑婆之穢、欣求極樂之淨。二、在極樂世界中、受阿彌陀佛無上功德之感召、培養善種、增強能力、以爲乘願重來、度化眾生之準備。倘可如此解說、竊以爲當此末法時期、對一般善男女講演、似應將第二點特別指示、庶足引人入勝、而

堅定其信心、鼓舞其勇氣、因僅言第一點、恐聽者不察、誤以爲過於寥廓、或近於渺茫也。（周邦道）

【答】淨宗大義本屬如此、經論不皆云乎、發菩提心、爲淨業正因、菩提心者上求下化是。而淨宗之三重因果、解說亦極分明。念佛是因、見佛是果。見佛是因、成佛是果。成佛是因、度生是果。不過後世大乘根器甚少、而說法者爲契機起見、對於第一點成分、演說較多耳。因其自己尙不肯度、遑論再度他人。

【問】修四諦得證阿羅漢果、念阿彌陀佛可生極樂。釋尊均分別言之。經中有無比。較指示之語、若有則涅槃同、而修持異。其及門弟子、何不悉去難就易。（周邦道）

【答】經中處處指歸、豈非比較、修持之道、

有解有行、念佛屬於行門、亦不能因念佛而盡廢餘法。且念佛雖易成就、卻不易信。一切眾生根性各殊、又豈可以一法強之使行、而違契機之義乎。

【問】我從十年前即已篤信「大慈大悲救苦救難觀世音菩薩」、行住坐臥或煩惱時即默念名號、從無間斷、故雖危難或夢中驚恐、仍能持念如常、履險如夷、夢魘魔醒、萬試萬驗。於卅八年軍次普陀、即立出家之志、然遭「磐陀庵」一僧人婉拒、同時長官又不許可、故未如願。持念觀音菩薩聖號已久、須改彌陀洪名、是否有礙。依愚意仍持觀音菩薩名號如何。（丘高秀）

【答】觀音與彌陀乃是一家、所辦之事、更是同一。惟修持一端、要在依教奉行、經中

凡有苦難逼迫、教念觀音。後來求得歸宿、教念彌陀。

【問】（摘錄）楞嚴文殊菩薩「諸行是無常、念性元生滅」是說念佛之念性是生滅的、不能獲不生不滅的圓通果。余以爲宏淨、該兼大勢至入三摩地、得無生法忍、側重生前成眞才對、死後往生、與某教禱告生天、不近似嗎。又應含阿字法門、修持六度。（牛慶譽）

【答】眾生多病、醫王多法、開此遮彼、有權有實、一法有一法之修法、一法有一法之妙用、實則法法皆通、並不逕庭、此必將淨土各經融會以後、始知其然。居士謂側重生前成眞、此「成眞」指證無生法忍乎。若果作到、固是大佳、但不知千萬人中幾箇能證得。且淨土法門、其主旨即是往生、

居士欲專重生前、是與根本教義不符、細讀有關淨土之經自知。至淨土三經之往生、實則千頭萬緒、粗說持名、須得一心不亂、萬行亦須六度齊修、觀想更須依境觀成。某教眞能生天與否、姑且不論、有類如是等之功行乎。胡得例爲近似。至云阿字法門、未言取觀取念、未敢率答。

【問】阿彌陀經義蘊第二九頁、言功一心不亂、于三摩地等之訓釋、請設喻或舉例開示。甲、三摩地、1、如何平等維持。2、何謂境轉。3、如何是定位。如何是散位。乙、三摩鉢底、1、如何能令身心安和。2、如何能令至此平等地位。丙、三摩囉哆、能引何種功德。其引功德是否另有方法或注意之點。（大寬）

【答】甲、1、不起分別、持其專注一境。2、即

境界轉變之謂。3、定是心住一境、散是心起攀緣。乙、1、2、須依「小止觀」所示之法修持方能得到、此豈片語能道。丙、得定斷惑、其他境界不一而足、皆從正定而得、不另取法。

(按) 彌陀義蘊引上諸事、本謂繁細難到、不如持名簡而易行、七日可得一心。居士如修須取小止觀、求深解此法之大德授之、方不出錯。

【問】一、「有情來下種、因地果還生。無情既無種、無性亦無生。」(見行由第一)

此偈不明何理。祈答之。二、「迷人念佛求生於彼、(西方) 悟人自淨其心、我以佛言、隨其心淨即佛土淨、使君東方人、但心淨即無罪、雖西方人、心不淨亦有僭：」由此可知、生西方與不生西方、無甚

大關係、專求心淨、即可得佛之淨土。然而有一班愚知眾生、一定要往生西方、而不知娑婆即是極樂、所差別者、在心淨不淨耳。此中究理、定有另因、祈詳答之。三、「若悟無生頓法、見西方只在剎那、不悟念佛求生路遙、如何達到。」故知能生西方與不能生西方、只在「悟」之一字而已、而往往念佛者、專執往生、不求契悟者、畢竟為何。(王一清)

【答】(前面三問) 佛法歸元雖同、入手

方便則異、故云有八萬四千法門也。一把鑰匙、開一種鎖、一個法門、有一種修法。學人必有師承、必須知法權說實說、方不致盲修瞎鍊、走入歧途。壇經是弘禪之書、決非破淨之書、間有破淨之語、乃係祖師為啓悟禪家學人、不得已之苦心。豈但此耶。

禪家尚有殺佛、佛來給我洗脚、打殺與狗子吃等語。初機學人不識祖意、若也任口

云云、則有因果在。居士雖云學佛有年、細玩來問、於禪尚無門徑、此甚危險。於淨更多誤會、竟云「一班愚知眾生、一定要生西方、不知娑婆、即是極樂。」又云「往生只在悟之一字」。更斥念佛求生者爲執著等、可謂謗法極矣。淨土各經、皆是釋尊所說、文殊普賢觀音勢至、諸大菩薩、馬鳴龍樹諸大祖師、無不勸人念佛生西、莫非皆係愚知眾生乎。六祖壇經、固須尊重、釋尊經典、便可呵斥耶。居士如求參悟、必須先訪明師、若一味閉門造車、恐未必出門盡合轍也。茲特忠告、問題暫不答覆。

【問】阿彌陀佛之「阿」字、我國四眾、都念唵彌陀佛、現在有少數人、主張念啊彌

陀佛。到是唵音對。啊音對。請示何音爲準。
(獅山一讀者)

【答】此在紙面上不易答覆、雖列舉「唵啊」二字、但此二字之發音、亦有南北之不同、茲不得已、試舉「哦」音爲準、須發音於喉間、讀作平聲、能與「鵝蛾俄訛」等同聲、即不相差、不可讀作上聲、變成「愕哈切」、緣此字係悉曇十二母韻最初之韻、爲一切梵字之元、法教之本、含義至廣、以求正確爲是。

【問】讀阿彌陀經義疏聞持記、其中自設五問、學人修淨土工淺、未解其義、請開示五問如下。甲、所修淨業、是有是無。在何處所。無則枉費精神、試垂定當。乙、雖云莊嚴淨土、未審如何莊嚴。請示其相。丙、臨終往生、爲識神潛邁、爲佛來攝持。二俱

有過。丁、往生之人是何形狀、爲有爲無。二俱有過。戊、此土陰壞、彼土陰生、生彼之陰、復與中陰何別。（獅山一讀者）

【答】此亦應分解如下。甲、永明大師四料簡中云「有禪有淨土」、據此、當說是有。問在何處、今以反問作答、心有處所乎、罪有處所乎、知心與罪之所在、即知淨業之所在。偈云「罪若起時將心懺」、又云「心亡罪滅兩俱空」。是心能造罪、罪即是心。心造淨業、淨業即心。若必求淨業所在、請先覓心。乙、心淨土淨、以清淨作莊嚴。一切功德是佛法身。以萬德作莊嚴。此無相之相。若求有相者、極樂總析爲二十九種莊嚴、任擇其一、皆無不可。丙、諸佛法身、徧入眾生界。念佛心徧入諸佛心、識神潛邁、佛來攝持、二俱無過。若引「去則

實不去」四句爲難、夢東大師早有解釋、可以祛惑。丁、或體空相有、或體相俱寂、原無執著、如必執有執無、方爲有過。戊、中陰身形藐小、壽命短促、迷亂顛倒、牽於有漏業力、六道投胎、何能與三二金相、光壽無量、神通自在、一生補處之眾上善人相擬乎。

（按淨土三經所訓、皆極直捷、是結晶語。若必鬥鋒逞巧、說妙談玄、似屬經外多尋麻煩。古德云、身在含元殿、何必問長安。經語者、含元殿是。鋒巧玄妙者、長安城外某山某水是。這種法門與禪家參究求悟、原不相同。兜了半天圈子、還是經語一句爲準。便知經語決不相賺。如以眼觀色、只說可以見到某色、即不錯誤。若必曰非是、再詳講眼色之間九緣、什麼「空、明、根、境、作

意、分別、染淨、根本、種子」等。這些話說完了、還是一句以眼取色。不過一層是說因緣、一層專說結果而已。是知經語、不賺人也。

【問】釋迦牟尼佛亦經三大阿僧祇劫、然後成佛、但未成佛前、得燃燈佛與他授記時、何不教其修淨土法門而一生成就、竟願使其歷盡長時諸苦呢。(智雄)

【答】經中記多劫以前、彌陀爲國王、釋迦爲宰輔、國王發願後來成佛、成就淨土、安樂眾生。宰輔發願、示跡穢土、成佛度眾。各有其願、燃燈佛豈能改違釋尊之本願乎。更當曉了、證道以後、則無劫波、亦無苦樂、亦無穢淨。釋尊雖長劫歷此、然極樂早經生。彌陀雖居極樂、此土卻常來(智者、豐干、永明皆其身)、一切有相、皆是示跡、佛

之境界、非可以文字泥求也。

【問】釋尊在世諸弟子中、亦有劣根下智者、經典上未有記載、釋尊命其專修淨土、而且未證明那些弟子已往生極樂世界。

(智雄)

【答】淨土法門三根普被、若謂專爲劣根下智者說則錯矣。淨土三經各序分中、所載與會各等弟子其數甚多、在三經流通分內、俱列上首弟子之名、及其他到會之眾、曰歡喜信受、曰皆大歡喜、曰信受奉行。何得云釋尊不命修習淨土。至云專修、則又當別論、蓋淨土乃佛法之一法耳、眾生有八萬四千病、佛具八萬四千法、爲普應群機起見、豈能盡廢餘法。至云諸弟子往生、未有證明、是又不然、查彌陀經中「已發願、若已生、今發願、若今生」今之一字、

即是世尊之時、經文只取簡該、非若往生傳必須遍舉其名。且吾人求往生者、無證爲生、世尊之諸大弟子、在世已得大阿羅漢、是已證得無生。若此者、十方世界、任運來往、豈獨極樂。又各知名弟子、除舍利弗目犍連外、其涅槃多在世尊滅度以後、經爲佛說、安能於其生前載記後事。然知觀音、文殊、普賢、地藏、皆居極樂。即一在家弟子、韋提希並能往生、而謂諸弟子未曾往生、事理豈云圓乎。有此四說、當悟無字句處、大有其事耳。

(附) 以上四端、尙是著相之言、試看彌陀經中、世尊問舍利弗「彼佛何故號阿彌陀」一段、此際舍利弗等早已生過極樂矣。普通講解、但云舍利弗不測佛境、故無以對。實則不然、彼縱不知、亦當對以不

知、何可於師所問、傲不一答、然此處正如維摩經之無有文字言語、是真入不二法門義等。以下二段、皆世尊與舍利弗印心之言、明自性唯心者、此處瞞他不過。

【問】 記得看到一本淨土宗書籍有一首某祖師的淨土詩中有句「念到心空佛也無」、照此說法、念佛要念到心中無佛、此豈非與「憶佛念佛」、「念念從心」、以及「心憶佛、口念佛、耳聽佛。」之意義相違了嗎。且照學人自己的經驗、如真的實行「念到心空佛也無」、那麼魔就要乘虛而入、無法抵抗、所以某祖師所說「念到心空佛也無」學人無法接受。未知某祖師所說「念到心空佛也無」、其真義何在。根據淨土宗那一部經典、敬請長者詳爲開示。(堯澤)

【答】念佛之法有四。「持名」僅是其一。即以此而論之、先由淨念遣妄念、功夫熟時、淨念之相亦無、所謂無念而念、無念即常寂而念即常照、此之謂「實相念佛」。乃次第漸進之功、非一蹴而成之事也。至「憶佛念佛」、「念念從心」、「心憶口念耳聽」等、皆說因地。「念到心空佛亦無」、是說果地、並不矛盾。此句「到」字「心」字、大須著眼。心作念頭講、到是得到、若一念俱無、尙何有佛。此「佛」字指念頭所念之「佛名」、念頭既無、真心眞佛斯顯矣。小本理一心不亂、即此境界。尙仍懷疑、再舉一喻「有念有佛無礙土、無念無佛常寂光」。

【問】淨土法門、既是三根普被、利鈍全收、最合此方眾生之機。云何楞嚴經中、文殊

菩薩撰圓通時、不撰勢至菩薩之根大圓通、而撰觀音菩薩之耳根圓通、其義云何。
(陳淨願)

【答】此章原於「最初發心、悟十八界、誰爲圓通」之問、云十八界而七大亦合其中、共爲二十五類。「誰」字即單指此二十五類而言。又須知此章本從前章「六受用根、誰合誰離、誰深誰淺、誰爲圓通、誰不圓通」、一段滾結而來。此一段中、世尊已隱示耳根最爲圓通。答必依問、不能亂越範疇。故諸大士俱是擇此二十五類舉一對答。勢至菩薩所答雖有念佛云云、要重在「都攝六根」一句、是其所對。觀音菩薩所答、雖云上合慈力、下合悲仰、其要亦只在舉耳以對。著眼之處、在限問二十五類何最圓通、選擇者亦當依此範疇而

定其主體。觀音之對、密契佛意、故爲文殊選焉。未選根大者、勿誤爲輕忽念佛法門也。應知根大爲一事、念佛又爲一事、不能混同。

【附答】大德之中、對此問題、亦有抽象研究、即不以二十五類作主體、而以兩大士之所對作比較、茲錄略義如下：若對此方之機、娑婆衆生、耳根利故、所以觀音當選。若對十方通論、念佛法門、都攝六根、橫超三界、直截生死、速證菩提、無有何門可及、故稱第一。此數語極爲透闢、實則觀音勢至俱爲彌陀脅輔、應知勢至旣主念佛、而觀音豈反例外、若謂觀音不主念佛、非是真解圓義者、此又區區之見也。

【問】同經續云「復有三種衆生當得往

生、何等爲三……一者慈心不殺……二……三……具此功德一日乃至七日即得往生。」此句是言、三種衆生各具一種功德一日乃至七日即得往生、或是一人具三種功德。（曾進雄）

【答】觀經以「觀」爲正修、正必有所助、如鳥有雙翼也。助修者即諸福功德、此三者是。能三具者、謂之深功厚福、具一二者、亦是得助、可得往生。

【問】又按小彌陀經之意、往生西方須待命終心不顛倒、然觀經之一日乃至七日往生之法如何、祈示。（曾進雄）

【答】小本之臨終心不顛倒、自在平素持名、一日乃至七日之一心而來。觀經一日乃至七日、即得往生、指觀想及上文之三種心、並慈心不殺之事等、作到圓滿而言。

果諸助行、作到圓滿、臨終自不顛倒。兩經理通、文小異耳。

【問】觀經上品上生者發三種心、所謂至誠心、深心、迴向發願心、願聞其詳。（曾進雄）

【答】「至誠心」誠謂真誠不偽、至謂專一澈底、合之謂澈底真誠、即惟精惟一之信心。「深心」深不淺浮、謂此事此理、必求深入究竟也。「迴向發願心」即將所解所行、專求生西、並與一切有情、同獲此益也。

【問】記得前次已經有所說明、前生以前、所造諸惡業、即使今生有造大善、也不能抵消。不過我們淨念相繼、六字洪名之中、決不使那惡的種子生長、是不是時候久了、這種子會壞掉麼、還是也會報應。（趙

錢銓）

【答】種瓜種豆、各自生長、瓜不消豆、豆不消瓜、其生與不生、端在於「緣」。果能淨念相繼、是無惡緣、只有淨緣、念到一心、淨業已成、決定生西。生到西方、悟得無生、罪惡種子、亦無自性、心亡罪亡、兩俱空矣。

【問】請問早晚功課思想、是做一個習慣、使八識常落種子。假使臨命終時、有障礙、不得即時往生西方者、在四十九天中、陰身時、有此念佛習慣、就可以知要往西方為想、但是時阿彌陀佛能來接引中陰身否。（慧觀）

【答】生西在臨終捨識之剎那間、不生則渺茫矣。中陰身轉生、並非皆待四十九日、不過至遲如是耳。凡誠心念佛者、八識田中、皆落種子、永不喪失、但何時起現行、則

有待功夫之生熟、此正行也、自必改惡向善、以作助行、則臨終可滅障礙、中陰身念佛、亦須遇緣引起、至念力強弱、則不可知、故感佛來接、極無把握矣。但密宗有度中陰往生之法、惟緣亦難遇耳。

【問】 往生與否專在信願之有無、若然八哥、鶯哥能學人念佛、但牠是畜生不能發願、何以能往生。其理何在請指示。（許克成）

【答】 大凡畜生能作人言者、性較靈敏、人既教會念佛、定久伺人舉動、有所摹仿、若見朝夕供佛拜佛、諒能引彼起對佛像依託之心、此心既是願也、能願能行、信在其中、資糧具足、即得往生。況經云「彼佛（指彌陀）所放光明、徧照恆沙佛刹」、又云「徧照十方世界念佛眾生、攝取不捨

」、所言眾生、未言鳥在例外、此法爲二力之門、三要不缺、有理有事、無可疑也。然此亦是偶爾、非每一鸚鵡、皆能如是也。

【問】 觀無量壽經言、下品下生者「于蓮華中滿十二大劫、蓮華方開。」臆者以爲殆亦如娑婆之冬蟲蟄居、不然其將是何情狀。因爲「十二大劫」畢竟不是個小數字啊。幸乞指教。（孫自強）

【答】 蟲蟄之喻大非。何不方之以禪定、緣蟄境昏昧、而定境寂照也、然實不如是、花雖不開、內有七寶宮殿、遊嬉自在、惟不見佛聞法耳。劫數假名、取某事而記之、則有劫、不記則無劫。大本云「並無劫數之名」一華嚴云「娑婆一劫、爲極樂世界一晝夜」、各有其契機之意也。今懼十二劫之數、不但受拘於有無、且更過泥於長短、經

云、菩薩度眾、應其所欲、尙能演七日爲一劫、促一劫爲七日、豈彌陀度眾、而能限於劫乎。實則眾生有利鈍、悟有遲早、悟則花開、未悟則爲花苞、是心能轉變時間、而時間則不能控制於心也。

【問】依照彌陀行願、惟修淨土法門、無論上中下根、誠心念佛、一心不亂、臨終即得蒙佛接引、往生西方極樂國。請問佛有八萬四千法門、宜修他宗則（禪宗、律宗、天台宗等等）臨終同得往西方否。佛法有多門、歸元無二路、如像百川歸海、尙有何解說。（林相路）

【答】「歸元無二路」、元指本源、即真如本性也、歸謂除蓋去惑、而窮澈真性也。「八萬四千法門」即「方便有多門」也、西方淨土有四、寂光爲實、即是眞性、餘三

土爲權、可曰方便。禪律等法、如證佛果爲實、聲緣菩薩、皆稱爲權、寂光即是佛果、此歸元無二也。淨宗前三土、他宗聲緣菩薩、皆是方便多門也。修淨有淨之方便、修他有他之方便、修他者回向西方、可生極樂、不回向者、是無此願、則不生極樂、明乎歸元方便、知說無矛盾也。

【問】佛七中的開示、應講些什麼話、可否講經或幾則公案、以提起參加者的興趣否。（釋永興）

【答】佛七在使修眾、證取一心不亂、講經說教、但非所宜、恐使其聞思起分別也。公案擬增興趣、亦須擇淨家之事、短而切要者、插入偶說。實則此等開示、最爲困難、要有一段言語、使修眾心能歸一、方爲機理雙契、此則並無定式、只在主七師善巧方

便也。區區學淺，未足知此。

【問】一味念阿彌陀佛，別的什麼也不作。連往生極樂的回向也不作，可否往生。（釋永興）

【答】六字洪名，本有不回向法門之稱，不過理論如是，信願行為修淨之主要，回向者，即是發願也，無願何能往生，故回向不可廢也。至云「別的什麼也不作」，未始不可，所謂專心致一，不事雜修，功必精純。但須二六時中，不離這個，順逆苦樂，不為搖動，方好云此。蓋道既須與不離，則戒定共之，福德共之矣。倘悠悠忽忽，懈怠放逸，僅以幾句佛號塞責，往生安有其分。

【問】念佛以出聲念及默念兩者的功德以何為最。（施木修）

【答】默念惟自修，出聲能兩度，兩相比較，

自是出聲圓滿。然亦應顧及環境允許與否，根性相契與否，環境不許出聲，則取默念，根性不喜默念，則取出聲。

【問】見畜生被殺時，持念往生咒，未知對方能得受益否。（施木修）

【答】心誠有感，則彼受益。縱心散亂，見殺起悲，亦是菩提種子，落於識田矣。

【問】敝人每日課誦時，必念彌陀聖號數百次，往生咒廿一次，持之有恆，多年來很少間斷，惟持念時總是雜念頓生，意識散開，無法專一，諒是業障所阻，如此仍繼續修持下去，信願行資糧何時能具足，茫無所期，臨終時能否往生，如不能往生，此事將是徒勞無益，請慈悲開示，修學往生之易行道。（善隆）

【答】淨土三資糧，信至深時，願至切時，持

名至一心時、便稱具足。前二憑發心、後一在功夫、發心乃眞爲生死、必極欣極厭、自能深切。功夫又須行之如法、背法或勞而無益、倘能心念口誦耳聽、三處分明、久則易得一心矣。淨土四法、惟持名易行、除此再求易者、區區寡聞、無所知矣。

【問】助念時、每次要用幾人。（莊慶賢）

【答】爲人助念、少則二人、多則四人、再多則聲雜、反而亂矣。

【問】其時要用法器否。（莊慶賢）

【答】用引磬、木魚、不但聲調整齊、且是法器、有淨心之用。惟有大德主、張魚音重濁、磬音清越、故有專取擊引磬者。亦有謂視病者好惡、如喜聽魚磬、亦不妨磬魚並用。

【問】助念要分幾次、始終要多少時間適宜。（莊慶賢）

【答】每次念一小時、即宜換班、蓋助念不同自修、必須出聲、使病者聽到、如時間過久、恐聲嘶懈怠、音乖調和、則躁攪矣。

【問】助念時、是在生命危篤、或是往生後實行。（往生後最少幾小時以內有應）

（莊慶賢）

【答】助念者、助病人之念佛也。自宜生前行之。但氣絕以後、神識未必即去、故主張繼續助念、能至二十四小時、佛聲不斷、方策萬全。

【問】助念場所、大部分在屋內、但是屋外（途中受災禍）可以在現場實行否。（莊慶賢）

【答】途中突遇意外、而在現場念佛、按理自得其益、所慮者、不問市中郊外、各有障礙、恐環境所不許耳。

【問】對無信宗教或是非佛教徒（外教）的死者，可以助念否。（莊慶賢）

【答】此法既名助念，循名可解其實。彼方倘不相信，且存悔慢，助念自無其功。死後殊途感應更微矣。縱爲之念，不得曰助，只是仰承佛力，如法超度耳。

【問】彌陀經中「已發願，今發願，當發願」，「若已生，若今生，若當生」，分明是有願必成，但是修他法門，就不如此乎。何以此經單單這樣說，是否別有含義。（顧鳳英）

【答】有願必成，是修因原則，但有難易之別，時機之分。永明祖師云「無禪有淨土，萬修萬人去」，正根據此三對句而發。已願已生與今願今生，有佛在世，並不爲難，最不易者，當願當生，是於無佛之世，而得

成就。當來並無定數，直到世尊法運滅時爲止，惟有淨業尙可成就，而戒與禪，於正象以後，眾生根器漸鈍，不易深造矣。

【問】無量壽經中第十八大願末二句云「唯除五逆，誹謗正法」，假若在未學佛以前，有做了以上的事情，學佛後重新懺悔改過，可得往生彼國否。（江寬玉）

【答】眾生未學佛，知見偏邪，昧於理事，謗法五逆，多劫以來，自所難免。如覺悟皈依，名曰反邪三皈，進而求戒，先經懺悔，前罪本屬無知，果能皈懺至誠，眾罪如霜露，真心如慧日，罪消障除，焉得不生。調達五逆，佛與授記，蓮池靈巖少時，皆以韓歐自任，後俱證果，是其前例。倘皈戒以後，再蹈前轍，是明知故犯，怙惡不悛，自障往生矣。

【問】念佛求一心不亂，但是已有定數，一

方面念佛、一方面算數珠、據弟子的自感想、念佛剛要得一心的時、忽然又想撥小記珠的念頭、如此算數、欲求一心、比較困難、可用定時間爲數否。（江寬玉）

【答】各個人之根器心理、多不相同、修持取捨、亦不一定。有數珠心定者、有數珠心不定者、居士既以數珠攪擾、則不必用、或以焚香記、或以時鐘、皆無不可也。

【問】繫念與憶念、心念與默念、如何分別。
（潔園）

【答】此四者、皆從心念、事惟是一、若在字面求之、亦可強分其界。繫念者、此法縈繫在心而不去。憶念者、思想一佛長久不忘。心念者、出聲與否皆須從心起佛。默念者、心存佛而不必出聲也。

【問】淨土津要中引坐禪三昧經「菩薩

坐禪、不念一切、惟念一佛、即得三昧」句。此種念佛、是禪是淨。（潔園）

【答】從名相論、禪者靜心中之慮、淨者淨心中之妄、似一非二也。然禪淨並舉時、淨只言淨法、淨法者何、即求生西方是、禪亦只言禪門、禪門者何、證無生者是、法之與門、是言其因地、生與無生、是言其希果也、有禪淨雙修者、是行乎禪而歸乎淨也、明乎此、則淨法禪門易判矣。

【問】蓮池大師認爲參究念佛、並不相悖、請問念佛時看住佛號起、止、兼參是誰、合否、抑須次第行之。（潔園）

【答】大師此語、未指出何書、不見上下文脈、不敢肯定解說。茲就問意揣、或是禪淨雙修者、如禪淨雙修、可參前條。有願求往生者、淨、自力斷惑者、禪、如參究而求見相、

求生而參是誰、非禪非淨、亦非禪淨雙修、毫釐應辨。

【問】紫柏老人謂「須夢睡中念佛不斷、方有出苦分。否則雖盡形壽念到臨終時、卻又無用。」請問到了一心之人、是否在夢睡中都能念佛。（潔園）

【答】此極言其功夫之純也。醒如是、夢亦如是、非教人必作夢也。到一心者、醒時是能作得主、睡而無夢固佳、倘有夢而緣欲塵、是夢中作不得主、而是功夫不熟之證、夢時不能作主、死時自更不作主矣。

【問】北都有何大德、對淨宗很有成就（證的方面）。（吳茂松）

【答】大德有證、凡夫豈知、縱或知之、大德亦不自承、大德即便自承、亦無秘訣傳我、倘肯相傳、恐亦不外老實念佛、進求一心。

【問】念佛念得一心不亂的行者、臨命終時、阿彌陀佛與諸聖眾、現在其前、「根據金剛經云、凡所有相皆是虛妄」、或恐魔來擾亂道心、以念佛行者臨終寧保非魔擾。（周慧德）

【答】金剛經言性空之理、彌陀經言成佛之法。魔者障礙也、因與果違為障。修禪斷惑見性、忽現有相、即是相違、故曰魔障。修淨感佛、報化來現、是因是果、並不相違、安得稱障、故不是魔。然亦有實相念佛、頓超寂光。九品四土、是又不能執一而論淨也。

【問】勸修念佛法門中一句「臥時念佛莫聞聲、鼻息之中好繫名、一枕清風秋萬里、半床明月夜三更。」前二句小有明白、後二句甚不清楚。請老師解釋。（顧鳳英）

【答】詩與偈頌、意多含蓄、讀者所解、各隨其機、見仁見智、皆能得益。一枕清風之句、乃謂世俗凡眾、皆迷顛倒、煩惱熾盛、如臥燔柴、念佛之人、心地清涼、高枕安穩、如吹清風、心身爽快、比喻炎暑已退、高秋遠來、半床明月之句、亦言無修俗眾、無明昏沉、如處長夜、而念佛者、心地寂照、雖在五濁黑暗、昏昏擾擾、等於夜出皓月、宇宙光明。

【問】每日早晚二課除念佛迴向外、閑時全念觀世音菩薩聖號、能生西方極樂否。
(邱合順)

【答】往生淨土、法載三經、皆以彌陀爲主、以彌陀爲極樂導師故。經爲聖言量、故必依教奉行、方爲依法、方爲如法、持佛觀佛、爲本師釋尊之教也。但觀音爲彌陀脇佐、弘願接引、亦重極樂、念之尚不背馳。但觀

音普門普願、世出世法、隨緣兼施、不似彌陀之專也。若念觀音、回向極樂、是因是果、亦往生也。

【問】念佛有數種念法、但默心二念拙分不清楚、默念是否口啓唇舌、自己能聞他人不聞、心念是否從心思念佛號謂之心念。望老師分別明示。(邱合順)

【答】默念者、啓口動唇、微有其聲、或無有聲。不論其聲聞與不聞、總以生起聞相、易得攝心、此聞亦爲下手功夫之一。心念者、但用想而默轉、亦用心去默聽、所謂心念心聽也。

【問】吾有聽說是否眾生業障消滅後才能夠往生西方。但是淨土宗有帶業往生又是如何。(張進添)

【答】淨土宗三根普度、有業盡情空而往

生者、亦可帶業往生。必看淨土經典方知、聽人傳說、毫釐千里、不可不慎。

【問】發心者即觀此自性清淨心、既發心即是觀心、其要在見性故。然念佛能得一心不亂、是否便得見性。(王居士)

【答】發心是發起某種願心、欲推動某種事業之謂、甚爲寬泛。觀心是依經教所示、返觀自性、法亦不一。念佛得到一心不亂、可云是定、但一心分理事、得定分深淺、不能一語言之。見性是得果、定慧爲修因、修圓幾分因、便得幾分果。如天上之月、初二三見光明、初七八再展光明、十四五圓滿光明、光明雖一、分寸則不等耳、見性之問、亦猶是也。

【問】念佛者爲求往西、倘不得一心不亂能往生否。(王居士)

【答】往生分九品、且有邊地、一心者得上品、不一者列下地、一心者有把握、不一者恐生障礙、如臨終不生障礙、不起顛倒、亦得往生。凡事取法在上、僅得乎中、生死大事、安可圖徼倖、而不求把握耶。

【問】佛說阿彌陀經內「從是西方過十萬億佛土」到底西方指在那裏。又那裏爲標準。一萬億佛土是和普通一萬億同樣嗎。十萬億佛土是多少。如何計算。是不是在地球內計算、或是地球以外計算。請賜教。(林南濱)

【答】若問西方標準、知東則推知西、細看前條、便可了然。佛土一個、是一三千大千世界之數、此大千算法、凡學佛者盡知、茲不重贅、因本欄已曾屢屢解釋。此地球在大千數中、如太倉一粟、百千萬億等解算

盡同、佛土則非不閱經者能知矣。

【問】研究淨宗經典、欲求深入如何下手。

（潔園）

【答】淨宗主經爲彌陀、觀經、無量壽經、三經爲淨基本、然必先與修讀、是經皆有精注、亦須參考、以經文看之似淺、而蘊義實深也。淨宗各論、祖師語錄、俱能助人開慧、尤應多看、三經之義既明、有力再廣研他法、蓋萬法一如、皆有助於入淨之功。

【問】佛法有解有行、學人虛度光陰、空過了大半生以上、今很痛惜來日無多、不敢空過、念佛一法、必是下定決心、視同穿衣、食飯、不敢缺少、無論如何困難、必須加以克服、更不敢畏難而退、但是十二年中、道業未成、無常至速、恐怕忽然臨命終時、自己沒有把握往生、空無所得、如何是好。（

周慧德）

【答】蕩益祖師嘗曰「得生與否、全由信願之有無、品位高下、全由持名之深淺」。居士既云「下定決心、不敢畏難而退」是有信願、且甚深切、已經十二年、未嘗間斷、亦是有行。信願行三、資糧具足、按照經訓、無不往生。所謂道業未成、或云未得一心、但一心之事、有長暫之別、長者或未能暫者諒已得。此後要注意正助雙修、使三業少受雜染、古云「隨緣消舊業、更不造新殃」如斯障礙不生、平素即得相似一心、臨終可以心不顛倒、往生即有把握矣。

【問】愛不重不生娑婆、娑婆有一愛便是往生之障礙、若不與愛絕緣者、恐怕不能往生。若斷絕情愛、世俗人說你們學佛的人、太不近人情、要怎樣對待大家。（周慧

德)

【答】愛情生於「神識」、是妄是私。慈悲發乎「本性」、是真是公。「神識」是流轉之緣、故生死不斷。「本性」是還滅之宗、故隨緣不變。我學者爲理智、彼責者乃感情、此即道與俗之分界、道須覺證、俗因迷成。方便言之、慈悲乃圓真愛心、愛情乃偏假慈悲、以是告彼可耳。

【問】身在娑婆、意在極樂、很想能在定中到極樂世界去遊遊多麼爽快。(周慧德)

【答】念佛本有持名實相四種、一心亦有長暫深淺不同。念佛即是淨土、一心亦是定中、念佛果到一心、即是定遊極樂、有相是實報土、無相是寂光土。觀來問似是欣遊實報、但在持名法中、不可再起此念、起

此念是二念、非一心矣。

【問】但是功夫不能如願、聽說往生淨土到臨命時候、神識必由頂門而出、先開頂門、常常學習、到臨終之時有熟路可循、我們一無所知、請老師慈悲指示。(周慧德)

【答】先開頂門、密宗淨門有此一法、應知雖則開頂、久而不修、頂門再閉。修法時三密齊資、倘有事擾、必將法身收起、觀想持咒、俱有次第、極不簡單、未若持名單刀直入耳。學佛要從圓解、諸法自能融通、不必起軒輊心、不可起微倖心、否則法法皆妙、焉能全修。倘能念至臨終佛接、何愁頂門不開、既能見佛隨佛矣、豈須再問我從何門而出耶。

【問】我是彌陀心中之眾生、彌陀是我心

中之佛、厭穢欣淨、求生西方、不妨熾然求之、其理請爲開示。（張慶祝）

【答】此問如能明乎心量、即解決矣。聖凡心量、並無二致。虛空之大、包諸世界、豈止西方東方十方世界、無不涵在其中。而虛空在心、猶如片雲點太清裏、而諸世界更成附帶物矣。我身佛身、雖有東西部位之別、實則共此一心、並非心外。若將心縮小界線、或認爲方寸之肉團、則謬解心矣。

【問】了脫生死、當生成就、是否只有念佛這一條路。（張慶祝）

【答】禪密皆能當生成就、惟行之甚難、其中條件、有一不備、則難出離、淨有九品往生、是高低均得成就、且有佛引之力、更不憂走歧錯、故古德曰「萬修萬人去」也。

【問】念的清清楚楚、聞的清清楚楚、是否

即此爲一心不亂。（張慶祝）

【答】念與聞、俱各清楚、是修淨之一法、乃求一之正途、屬於因緣。「一心不亂」是修得之果、須另體驗。聖號與念心、如兩鍼鋒相接、接則爲一、少有他動、則不能接、即非一矣。要知功之淺者、雖念聞兩俱清楚、亦不能保不起他念、故云兩俱清楚、是淨一之因緣也。

【問】真心念佛、與緣慮心念佛、是如何分別。（張慶祝）

【答】真心二字、講法不一、須先說明。一、至誠無僞曰真心、此心念佛、自不免尙是緣慮。二、眞如實相、亦曰真心、淨宗修此、名實相念佛、是種則無緣慮。但緣慮亦有善惡淨穢之不同、初機學人、不使緣慮、則無琢磨處、修持無法入手、在果地尙有權實四

土之分、在因地、何能免種種之方便。真與緣慮、固有高低之別、然求學程序、自應由淺入深。

【問】欣淨厭穢之心、是否爲緣慮心。（張慶祝）

【答】既有欣羨、便是攀緣、義在前條、業已說明。緣慮淨土、自合「以心作佛」之法、功夫純時、能到無念而念、契於實相、乃爲「是心是佛」矣。

【問】攝心念佛、與止觀念佛、同乎、異乎。（張慶祝）

【答】攝心是止、念佛是觀、攝止則同、觀念卻有異耳。

【問】尙未皈依三寶而念佛其效果如何。（麥樹）

【答】既肯念佛矣、是心已皈依三寶、自有

功德、尙有機會、尙是在儀式上皈依爲佳。

【問】念佛前應作如何準備。（麥樹）

【答】並無如何準備、但求至誠清潔、隨力隨分焚香供花便妥。

【問】彌陀經云「彼佛國土常有種種奇妙雜色之鳥」難道極樂世界有畜生道乎。（廖清華）

【答】經中對此已詳解矣、請念下文自知。

【問】曾遇一舊同修患了病障時、弟子觀其必定失掉了念佛的覺照、故極力勸其念佛「可得現當兩益」等言詞。那人亦可肯定是一位「八難之一」的自作聰明者、據云。他曾經參看阿彌陀經自始至終、經上只說往生的事而已、並無關現世消除業障。又云「他現在兒女尙幼、不達往生時期、他現在所求是地藏王菩薩、佛

經是真實語、既然經上如此記載、就肯定是如此、」因此弟子勸以花果二報以及「十方三世佛」以及「虔誠一句佛號：生死重罪」等語、後即稍諾、請問彌陀經在現世之益、是否在一「皆爲一切諸佛之所護念」此段否、請老師略解、以免後人不悉其意而誤解之。（江寬玉）

【答】汝之見解、俱根佛經、便是依法依義、極爲正確。此君雖云、參看阿彌陀經自始至終、而經義深淵、豈是粗閱、便得圓解者、「而已」云云、益見其淺觀矣。

【問】記得四十九年九月十月之間、朱斐大德曾來敝舍講解一部「地藏經」、深入淺出、得益很多、但其中講到「臨終助念」這問題、弟子想到有不恰時的地方、如在半夜命終、或撞車而亡、或水火災害、

或被謀殺、或戰場、或急症、這意外之急亡、靠助念是很少希望、依我的愚痴想法、若遇這些不幸而終、須靠自己念佛憶佛爲妙、或其他大德另有高見、亦未可知。（鄭均海）

【答】念佛功夫、要靠自作、助念者、助自念耳、自如不念、助之何益、助念一事、必有組織、晝夜分班輪流而念、何患「半夜命終」。至云其餘橫死、皆是障礙、乃業重之故、欲防此害、端在平素戒律精嚴、福慧雙修耳。

【問】據聞大悲咒也有八十八句的比八十四句更特效、未知云何。（吳明安）

【答】不必分別、靈效在於心誠。

【問】念南無阿彌陀佛、爲何包盡八萬四千法門。（吳明安）

【答】修行之具、不外經文、咒語、佛號。經是名言貫串之義、即貫字爲句、貫句爲篇章也。止以阿字論、此字爲一切字之種字、爲一切教法之根本、如無此字、則無一切經矣。咒是秘密眞言、六字洪名、皆依梵音、未翻一字、只一阿字、即具息災、增益、降伏、攝召四用、合六字義更多矣。是至簡至眞之咒。佛號雖多、偈曰、「十方三世佛、阿彌陀第一。」古德云、持此一號、即是持一切佛號、此修具之勝義也。修行之法、止觀可統攝之、念佛憶佛、即止即觀、善念者、不求離外境、而境自離、善憶者、不求內止亂、而亂自止。不必作各種觀、不必修各種定、寂照自然雙融、此修法之勝義也。所修之事、無非心性解脫、得證三昧、可以斷惑顯眞、不得所轉、亦可帶業往生、脫離輪迴、所謂「

不用三祇修福慧、只憑六字出乾坤」、此解脫之勝義也。略言如是、詳言難盡、人云包盡八萬四千法門、可爲知言。然亦僅作贊歎此法之殊、不可誤爲破他法門也。

【問】南無阿彌陀佛之梵字可得聞歟。
吳明安）

【答】彌陀梵音爲「緝」、音如紇字、乃四音合成。

【問】念南無阿彌陀佛有結手印的方法嗎。
（吳明安）

【答】兩手皆以大指與食指掐作圈形、掌平仰、右掌加與左掌之上、使兩圈相靠。式如定印、不過大食指掐作圈而已。

【問】念佛屬淨、咒屬行密、因何常聞淨宗行者、亦必持咒、若如是淨密雙修、不更妙嗎。
（吳明安）

【答】密宗法門甚多，若再雜修，有礙於專。惟彌陀之法，雖云是淨，亦禪亦密，但許依教奉行，不宜私意更張。

【問】又淨宗行者，自屬六字洪名爲專功，若再持咒，不致破淨否。（吳明安）

【答】咒類甚多，各有專用。如修淨者，持往生咒，乃淨宗古德所定，自無不可。若夾雜他法，則受影響。

【問】楞嚴經中「持咒臨命終時，十方國土，可得隨意往生，更不墮落。」若如是念佛往生，與持咒往生有何差別。（吳明安）

【答】教相不明之初學，所修何法，即先看何宗經典，待了達後，再研他宗之書。若尚不通，他更難達。居士既欲修淨，自應先將三經貫通，而妄緣心、疑惑心，自然而少矣。

今日惟應依教而修，否則歧中多歧，恐迂遠其果也。

【問】修淨土行者，只供奉釋迦世尊像，可否，抑或須供彌陀佛像。（廖清華）

【答】兩宜俱供，釋迦世尊爲教中本師，彌陀爲淨宗本尊故。倘地狹不便，只能供一尊時，即供彌陀。蓋供彌陀，乃淨宗本尊，亦釋尊所教示，遵其教即是供其心，等於供二尊也。

【問】西方極樂世界「無有晝夜」是光明而無黑暗的，爲何經上云「晝夜六時」，其夜間是以何爲目標。（江寬玉）

【答】此洲晝夜，亦是假定名辭，因地球之私轉，向日一面而明，呼之曰晝，背日一面而暗，呼之曰夜，呼晝夜者，偏見之事實也。極樂不借日而光明，自無暗時，呼晝夜者，

乃此方之語、隨順此方易知而說。以彼土之蓮有開有合、合時假曰夜、開時假曰晝耳。

【問】佛說淨土念佛法門、是在說那一部經之後接下說的。（江寬玉）

【答】淨土一法、在佛經中有專說散說之別。專說者、三經是也。散說者、各大乘經中皆寓此義也。以散者論、五時皆有、不分前後、以專說者論、在阿含提胃後說也。

【問】有人欲臨命終時、請助念團爲其助念、有時人數少、在休息的時、可以用錄音機暫代念佛號、使病人得聞佛號不間斷。如此其利益有差否。（江寬玉）

【答】此法未嘗不可、以不令病者知爲妙、知而引起分別、則害事矣。

【問】曾聞師云「修淨土的人如不好好

用功、及度人、將來往生是不能花開見佛、藏在蓮花中、經過好幾千萬年尙不得見佛」。未知在蓮花中的生活如何。（江寬玉）

【答】蓮花之中、不見依正莊嚴、不能聞法、如墮涅槃黑坑耳。

【問】家父與同道在臺北縣郊建一精舍、供奉西方三聖及釋迦世尊、並設一居士念佛道場、早晚課誦均念阿彌陀經一種、早課並無誦其他經典、未知可否。（傅悖箕）

【答】居士念佛道場、自不比叢林及寺廟嚴格、既屬自修、朝暮功課可以自定。如係專修淨業、只誦彌陀經便好。惟開誦及結束、種種儀式、如回向禮拜等、必須如法、否則欠莊嚴恭敬也。

【問】平素完全未知信願念佛的人，到了臨終，遇著善友開導，此人聽到以後，心生歡喜，信受，發願，念佛求生西方，眷屬人等皆無悲哀哭泣種種的妨礙，加以幫助念佛，此人命終，也就能往生西方，怎麼有這樣容易的事情呢。（洪環）

【答】平素不知念佛，臨終忽遇善友，百不一見之事，一難也。一生迷惑，臨終四大分離，更起煩惱，而能聽人說死，心生歡喜，不起恐怖，二難也。平生不聞佛法，臨終短時，能猛開悟，發願生西，常理所無，三難也。家人者，多人也，勸一人信，當感不易，一言而得多人信，竟能忍情不哭，幫助念佛，又難之難也。我只見其難，居士何以見其易。果有其事，定是宿生修行淨土之人，今始有此種種善緣，千鈞一髮，絕無僅有，決非容易，還是平素行解俱加精進穩妥。

【問】常聽蓮社講經，並勸人念佛，要作到一心不亂，可是有首偈子這樣說「彌陀一句法中王，雜念紛紛亦無妨，萬里浮雲遮赤日，人間處處有餘光。」這是說不一心也可以，究竟聽誰的話對呢。（林美）

【答】一心不亂，是佛語，為聖言量，淨土之原則，安可不遵。雜念無妨，是祖師語，為方便說，別有苦心，不可以辭害義。其意乃普勸念佛，恐人畏一心之難而退轉，故說此肯念就好之言，所謂「一稱南無佛，皆共成佛道。」一心念佛者，當生成就之道也。亂心念佛者，多種善根，機熟時至，久久薰習而成一心也。能一心者，大佳大佳，不能一心者，念佛總比不念好，有此金剛種子，遲早可起現行也。

【問】西方及三界二十八層天是否有無。事與理怎樣講。（黃丁壽）

【答】在事言之、歷歷分明、如今居之地球、六大洲、五大洋、何可言無。以理言之、三界唯心、居士了解心學以後、是有是無、方可與言。初學者自應先從事上明白、而後再言理也。

【問】在家眾修淨土法門帶業往生是否再可能來娑婆世界轉生。亦請分別事理。（黃丁壽）

【答】帶業往生、不分在家出家、諸惑未斷、識生西方、即謂帶業。再來與否、惟隨箇人願力、縱不欲來、亦能修成補處、來則乘願自在、非同以前業力牽引受生耳。

【問】蓮池大師普勸念佛開示中有、「怕事的關起門來念佛、不定要入寺聽講。」

之指示、此語是否含有當生不宏法度生亦可生西、如此是否趨於小乘。（孟孝光）

【答】非大師教人趨於小乘、乃此人自是小乘根器、師為隨順說法耳。寺中講經人眾、怕生是非、居家能無眷屬鄰居親友乎。隨緣勸其念佛、不就仍是度眾乎。縱識力口才皆短、而於慚愧心、慈悲心、不可不真實常發、如違此心、恐生障礙、且勿曲解大師之訓也。

【問】或謂老太婆念佛、往生希望很渺茫、假定老太婆亦能虔信、發願、一至於念佛念到一心不亂、生西寧亦渺茫否。（孟孝光）

【答】念佛求生、要在信願、一心不亂、功在不夾不雜。三要真切、資糧已足、不夾不雜、

生心清淨、合此者往生不渺茫、背此者往生乃渺茫。老太婆亦有種種根器、大通家亦有種種習氣、應以行爲標準、不以人爲肯定。

【問】「事一心」爲不明理、只信願與一心念佛、「理一心」則須以「是心作佛、是心是佛」等理。惟明理後、如何付之於行、其念佛方法與「事一心」有分別否。必須先斷惑乎。（孟孝光）

【答】茲設一喻、譬如旅行、或車或船、不明路程者、逢人問津、迂緩其行。識路程者、駕輕就熟、直前無阻。然兩者陸車水船、總是一也。

【問】淨土之極樂世界應屬化城之一、如按三界區別、則乃爲色界乎。蓋其有色相有飲食也、六根作用似未盡除。如言佛國

則應超三界、此如何說。（劉定一）

【答】極樂佛土有四、曰寂光、曰實報、曰方便、曰同居。寂光實也、餘三專爲應機度眾而現。亦猶佛有法報化之三身、法身、則言語道斷、心行處滅、何以普度乎。不有文字般若、何得悟入實相、不有前三土、何能證入寂光。

【問】念佛人多拜神、會障礙臨終的往生嗎。（莊貴）

【答】佛法平等、六道普度、貴在三輪體空、不落印象、此等修者、雖與神常接觸、並無影響。初學之人、常落神之印象、即是種子。若到臨終、忽起現行、則生障礙矣。孔子曰、敬鬼神而遠之、理可遵也。

【問】西方極樂世界爲阿彌陀佛願力所化、說是阿彌陀佛之三昧境可乎。又現生

極樂花開見佛後等於何種果位。乘願再入三界時也專倡淨土念佛法門乎。（門外漢）

【答】心土無二、可以說是三昧。蓮分九品、四土約爲三十餘品、境界不一、果亦不同、此初步也、總以進修、而至佛果爲極。乘願者、乘箇人之願力也、自知淨土捷便圓頓、方肯自修、既已以此證果、勸人當本所學、此是本願、若勸他法、乃是權巧。

【問】西方公據內念佛計數圖、計法是否先用一點把十尊全點完、再點第二點、亦或把一尊完全點、再進第二尊、迄至上品上生呢。乞賜示。（陳燈逢）

【答】以一尊點完、再進點第二尊、比較清楚。

【問】萬相不能執著、萬法不能住在心上、

弟子想、南無阿彌陀佛、必定要住在心上、以棄妄念是否。人人皆有佛性、可是被昔世眾多的污習氣所感染、使佛性無法顯露、是否妄念起時、把南無阿彌陀佛壓住、妄念、使妄念無法擴張、時間久了、佛性自然能顯露出來、是否這樣辦法、祈請開示。

（謝幼）

【答】所言頗有道理、此再爲居士申之、凡夫皆有妄念、妄念即惑所起、所以必須斷惑、始能見性。但斷惑如截四十里流、非人人可作、善巧之法、莫如念佛、功淺者、可以伏惑、功深者、可以斷惑、伏惑可帶業往生、斷惑者隨分證果。

【問】阿彌陀佛在西方作佛教化、其壽無量、這樣說那佛位不必再換他人。觀世音菩薩後補佛位是待何時繼彌陀佛之佛

位。(徐貴妹)

【答】經中所載、彌陀以後、爲觀音主教、觀音以後、爲勢至主教。此新舊交替、不關壽命、乃如世間叢林、某甲方丈退休、某乙方丈升座而已。

【問】佛的法身既遍滿虛空、如在無像念佛時、向虛空禮拜即可、何故要專指人向西方禮拜。(廖清華)

【答】居士無像念佛、或係說「實相念佛」。此念佛法、乃即心即佛、念而無念、非初機能解、而淺學尙不明教相者、亦不能作。經言西方者、乃佛善巧方便之法、而西方寧非虛空、實說並無四方上下、亦無過現未來也。圓通大士、向虛空向某方作禮、或不作禮、無之不可、博地凡夫、業識分別、只應依教奉行也。

【問】觀心念佛時、佛念多、妄念少、可否算是成片。(鍾鈞梁)

【答】觀心念佛、名實相念佛、其境甚高、極不易作。所謂觀心者、即是無相與不生、必有相當功夫、方能至此、但不知居士如何觀法、俟示知後、容再續答。

【問】寶靜法師叢書之一「佛說阿彌陀經要解親聞記」八十八頁第十行有段「蓋羅漢有入胎之迷、菩薩有隔陰之昏、一入輪迴、又迷昧不休。」菩薩、羅漢屬四聖法界、焉有輪迴之理。此節難解。(李榮棠)

【答】羅漢回小向大、不住涅槃、菩薩爲廣度含識、俱是乘願入胎、但不同凡夫業牽輪迴也。如我釋尊、豈非早已證果、而八相示現、仍爲度眾而來、彌勒菩薩、已證等覺、

將來降娑婆時、亦須入胎也。是慈悲乘願入胎則同、而佛與等覺則不隔迷、七地前及羅漢根本及塵沙未斷、故有迷與昏也。

【問】「無禪有淨土、萬修萬人去。」不知永明大師所謂有淨、是否要到一心才算。

(潔園)

【答】此事前人亦有分諍、究竟到何境界、方稱爲有、並無定論。然「有」指因地、似無可疑、即謂修其他法門、與往生不相應也。遍考有關淨土之經典、亦有平素不到一心、而臨終得往生者、但彼時必須心不顛倒、正念分明、否則障礙難生。準此則「有」指信願正因、是基本條件、一心乃行之增上、得一心臨終可不顛倒耳。

【問】修到西方極樂世界去、乘願再來投生、會受隔陰之迷否。假若受之、如逢不到

學佛因緣、豈不是太危險嗎。(江寬玉)

【答】普通行者、未能斷惑、雖生西方、乃係帶業而往生。到彼處、或頓或漸、仍得斷惑、始如所斷而證其果。已證果者、再來入胎不迷、未證果者、來則有迷、以惑業未斷、宿命通力亦微耳。然早來遲來、自視各人願力如何、而非業力牽引與不自由者相比。

【問】念佛如不改變心理、不能至誠、大概轉不了命運、轉不了業力否。(江寬玉)

【答】念佛重在心念、若只是口頭、不過三業之中、口業善耳。惟罪福各有種子、分受其報、此種散亂念佛、雖難轉業、卻下善種、功不唐捐、但當生不能成就、仍不脫於輪迴、多生以後、種因遇緣、當有繼續再修機會。

【問】信願念佛、又得一心、決定往生、但得

到一心之人、倘信願不堅、不知亦能往生否。（潔園）

【答】信願不堅、是淨之基本不立、所謂因地不真、果招紆曲。雖能念到一心、而無淨基、只是一種定功、於往生無與焉。充其量、名之曰有禪無淨土耳。

【問】觀經說阿彌陀佛的壽命、智慧、神通、威德等等、莫不一一無量、但是釋迦世尊八十入滅、其餘一切諸佛或千歲或萬萬歲、或一劫乃至那由他劫同一究竟佛果、何以千差萬別、那麼佛德也有勝劣之別嗎。娑婆世界的眾生、眾苦煎迫、釋迦世尊何不久住千百年、廣度一切使能離苦得樂呢。（周慧德）

【答】佛有三身「法報應」、眾所週知、觀經之彌陀、指報身言、是以光壽無量、娑婆

釋尊、是應身相、故與當地之眾同壽、應知釋尊之報身、亦與彌陀同、彌陀之應身、亦與所應之土同、明乎此、則諸佛皆然。若說度眾、理應常住、不知人情重難輕易、常住反無難遭遇想、城東老母、不欲見佛、法照大師、苦求文殊、例甚顯然、可以憬悟。

【問】念佛往生極樂的眾生、如何能得同佛一樣無量壽呢。（周慧德）

【答】一者彌陀願力如此、乘佛願故。二者世界劫波增減有異、釋迦來此則壽短、我往極樂則壽長、各順其時故。

【問】十六觀經云若能觀成、除無數阿僧祇劫生死之罪、不處胞胎常遊諸佛淨妙國土。但是過去佛七之時、老師的開示說、廣學大藏經、不改彌陀行。但說觀法、大部分做不到、佛爲什麼要說這部經呢。（周

慧德)

【答】眾生根器、千差萬別、契違之機、亦復多端、以是之故、始說八萬法門、雖如是要在歸一、所謂「歸元無二路、方便有多門」也。觀經非無人做到、喜之者仍甚多、各隨各之願力、是經依然彌陀行也。

【問】修淨土主要之課程爲何。(黃永霖)

【答】淨土法門課程、以專念佛號爲方便、尙有他法、非在家忙人能辦。至念佛亦有繁簡之別、隨人自定、茲特外寄小冊數本、祈選擇一種修之便妥。(歧路指歸及當生成就之佛法)

【問】六道眾生未往西之時、西方眾尊者有分階級否、否則後來才創。(黃永霖)

【答】西方諸尊、證果者、有聲聞緣覺菩薩、

初往生者、有九品邊地、此是階級。末句意不明、不便率答。

【問】首先嚮往極樂尊者那位、如願及開創佛教尊者何位。(黃永霖)

【答】往生者之人、其名多載往生傳、然往生者數如恆沙、傳記不過大海一漚、證此一事不虛而已。彌陀經中有云「已發願、今發願、當發願。」「若已生、若今生、若當生。」世尊在日、已發願已生者、已不計數。若問首往生者、當在十劫以前、書未記名無法奉答。至問創佛教者、以此時論、只是釋迦世尊、若問開首、則塵點劫前塵點劫、早已已有佛、無法追始。

【問】口念佛、心想佛、心口一如、除一句佛號外、什麼事也不想、任何念頭都不起、如此念佛、是否爲事一心不亂。(賴棟樑)

【答】可云爲事一心不亂。

【問】有一位有修有證的老和尚，他說念佛不念到一心不亂，很難往生。業未盡根本就不能往生，那裏會帶業往西方呢？（童瑞珠）

【答】此位大德策勵後進，可謂苦心孤詣。「一心不亂」經文如是指示，自當遵守，不可妄圖徼倖。但帶業往生，卻是諸祖承認，若必斷惑，乃是通常豎出，此法爲伏惑橫超，與通途不同。偈云「無禪有淨土，萬修萬人去，但得見彌陀，何愁不開悟。」是伏惑之證也。

【問】又說女人罪障深重，念佛不能往生，必轉男身以後，再求生淨土，才可能去。這問題我甚有疑惑。（童瑞珠）

【答】此事居士或有誤聽，彼定不如是說

之。往生淨土，與證佛果不同，並不分男身女相。彌陀經云「若有善男子善女人，聞說阿彌陀佛，執持名號……即得往生阿彌陀佛極樂國土。」是持名往生，不分男女，再查往生傳益可證矣。傳中女子往生甚多，何得云然。

【問】阿彌陀經摘注接蒙裏「娑婆極樂均在華藏中第十三重」是何義。（廖玉嬌）

【答】釋迦世尊之淨土，建立之大略爲高二十重，周匝十一圍，名曰華藏世界。高重二十之數，其十三重間，西有極樂，東有娑婆。

【問】「煩惱即菩提」在極樂世界如何講法。彼土清淨無從起煩惱，如何「除」。如何精進。（廖玉嬌）

【答】行者不至等覺、三惑未盡、惑即煩惱、不除何能成佛。極樂既有天人聲聞、以及地前菩薩、此眾惑皆未盡、勢須精進、以趨極果、雖云彼土清淨、無由引起、亦不能甘留無明、不求究竟。

【問】在西方、八正道之正命如何講。（廖玉嬌）

【答】生命之延續、固需生質資養、亦需精神安慰、如不依正法所求之娛樂、即非正命矣。

【問】實相念佛是否已見性。（池慧霖）

【答】此法係作觀、必先靜止一切、後觀佛之法身、非有非空。取其中道、是謂實相念佛。此行亦分功夫淺深、以及因修果成之段、實相固屬佛性、見不見在乎成不成也。

【問】念佛念到實相念佛的境界之人、往

生是否到常寂光淨土。（池慧霖）

【答】實相成功之修者、可生常寂光土、兩境相同、是因是果也。

【問】觀想念佛之人、臨終往生是不是到實報莊嚴土。（池慧霖）

【答】觀想念佛者、依十六觀經起修也、經中所言正依之文、皆屬莊嚴之相、修如是因、自結如是果也。

【問】下品下生之人、五百劫不能聞佛說法、不能開悟與凡夫何異。佛是慈悲、能否得到佛和親師來開示使其開悟。（池慧霖）

【答】下品下生、亦是大幸、蓮胎清淨、已離娑婆、居士言與凡夫何異、殊不知異之甚矣。娑婆凡夫、六道生死、蓮邦下品、等是出離、雖屬下下之品、亦勝無色界天、再言五

百劫者、乃是記錯之語、經云「滿十二大劫、蓮花方開。」按蓮開遲速、關於自己業障深淺、非佛垂慈而不平等、自心障重、不能交感故也。此等生品乃五逆十惡之輩、臨終苦逼、不能觀想、僅持至心稱名、十念往生者、居士行不如是、毋庸多慮、不生則已、生則決不打下也。

【問】蓮池大師與太倉王孝廉書中（見淨土津要）有「于空中單念一聲阿彌陀佛、不必啓口動舌、默默以心眼返照、字字分明、句句接續、心心靡間」等語。此種念佛、是禪是淨。（如有信願是否屬淨）（鍾潔園）

【答】禪於古時、皆是觀心、後參話頭、亦是以楔出楔矣、雖有念佛、佛當話參、非若淨家念佛、信願求生。是此佛號、念之方法、或

聲高低、或默或轉、只有信願、皆屬於淨。

【問】古德有云「念佛生心也、離相無住也、此心雖空空洞洞、卻提起一句佛號、正是生無所住心也。」此與大勢至菩薩淨念相繼中「淨念」可否說是相同。又心淨時生起之淨念、可否說是妙有。（鍾潔園）

【答】無住生心、可云與淨念同、淨念、可云是妙有。淨念者無染無著、故云同無住。淨念雖無住、似屬無表色、色屬有法、有而無表為妙、所謂妙有不有、故云同妙有。

【問】「其中多有一生補處」者、是否還要到人間、受一次投胎而生、然後纔能修至候補成佛、抑亦到西方極樂世界、只此蓮花化生之身、為最後身、一生精進即補佛位乎。（賴棟樑）

【答】補處是已成其德、作佛是實踐其位、德位名異、而道實同。一佛化土、一大千界、一國無二王主政、一土無二佛主教。在極樂修到補處、事須往他界八相作佛也。

【問】彌陀經爲佛無問自說、且六方恆沙諸佛所共讚、且生西爲諸佛所勸、爲了生死最捷徑、最究竟之法。而生天爲未出輪迴、還在六道中、又享福受迷、即不聞法、忘記修行、當列爲八難之一、以地藏菩薩之大智慧、寧有不知、何以地藏菩薩、不度人生西、而專度人生天耶。（賴棟樑）

【答】居士只觀地藏經之跡相、未尋地藏經之蘊義、經中有云、眾生「因蔓不斷」故於地獄、旋出旋入。讀到此處、大須著眼、須知地獄、列於娑婆六道、吾人縱生無色四天、仍處三界火宅、報盡墮落、不免又入

三途、菩薩欲空地獄、實即暗示教超三界、校量布施功德緣品中云「盡成佛道」、「畢竟成佛」。見聞利益品中云「欲出離三界者……所願速成」。稱佛名號品中「於無上道永不退轉」、「不久得阿羅漢果」、「必成菩提」等、皆非教人生天。又特列出稱佛一品、教人深植善根、是皆世尊善巧方便、爲人天根器者引之入勝、佛雖五乘說法、一經自有一經之義、在善讀者、體而會之。最後囑累一品、方是地藏發願云「善男子、善女人、於佛法中一念恭敬、我亦百千万方便、度脫是人於生死中、速得解脫」。亦非僅言生天。菩薩既言於佛法速令解脫、而彌陀法門、豈在佛法之外耶。

【問】每日早晚念佛、沒有誦念經咒、臨終

時能感應往生西方極樂淨土見阿彌陀佛否。(鍾雲昌)

【答】居士欲求後來生西、應當依教奉行、須遵淨宗經典、更應了解作課之法、假如皆不明白、恐虛其功。習此者、必正助雙修、正者、有「持名法」以聖號爲正、助者、本有多門、經咒亦助之一、能念固佳、倘不能者、但持聖號而正助二法、兼有之矣、此蕩益祖師之訓也。

【問】有些人吃一餐素、或吃初一、十五有種種吃法不一、不斷肉吃長素、長此吃到臨終、能往生西方淨土否。(鍾雲昌)

【答】生西要件、在持名至一心不亂、觀想在想相合成、此是正行、齋素乃是助行、助行是福因、正行是慧業、有福無慧、不能生西、有慧無福、臨終生障、修行人不能長素、

亦須斷殺、有三淨肉及肉邊菜之制、即其方便也。

【問】念佛數千萬如何能記清。(王心普)

【答】念佛記數、其意甚多、區區所知、僅有其三。(一)者朝暮二課、定其數防退轉也、自有念珠捻而記之、一串百八、念千串或百串、數不難知。(二)者求一心見功、口念、心記、如求數清、心必守一、心若外馳、數不清矣。(三)者爲某一事、發願回向、或數萬十萬、百萬千萬、念時掐珠、念畢畫紙、如是而爲、亦不難記清。惟二六時中、淨念求繼、畢生精進、求生淨土、愈多愈善、記數何爲。

【問】彌陀經中云「不可以少善根福德因緣得生彼國」少善根福德因緣是否即指希求世間福報而言。(翟孟秋)

【答】善根爲生西正因、福德爲生西助緣、正因者執持名號、助緣者六度萬行、正助雙修、如鳥振二翼、缺一豈但不能致遠、且亦不能奮飛、恐人自誤、特別提出。此乃出世大德、信願求生、若存求世間福報之念、則往生成障礙矣。

【問】淨土法門以信願行三法爲宗、有信願、無論行之多少深淺、皆得往生、無信願、即到能所兩忘、根塵迴脫之地步、亦難往生。雖不往生、根塵迴脫之實理、便可自力了生死否。（林寬修）

【答】淨土宗是二力往生、他法乃自力見性、此果上之不同、故因地亦有別也。兩相比較、不過有難有易、有遲有速、其了分段生死則一也。

【問】龍舒淨土文內中云。凡有形相可見

吾因見之皆當爲念阿彌陀佛數聲發善願云「願汝等盡生極樂世界我得道後盡度汝等」可以念否。（林寬修）

【答】菩薩廣度含識、乃應爲之事、爲念佛者、代彼咒願「盡度汝等」、乃自發願、此二者、輕而易舉、廣結法緣、凡屬學人、皆可爲之。然爲此者、亦應自加警覺、勇猛精進、否則懈怠墜落、塵劫輪迴、自度無期、何能度他、直是有口無心、等於戲論、又如今之空頭支票、永不兌現而已。

【問】有一位蓮友每日勤懇念佛、臨終亦有善友助念、一定是往生、七七日中爲造功德尙能得到否。（池慧霖）

【答】漏落人天、可增福慧、已生極樂、蓮花早開、品位高超、善因善緣、俱有增上之功、並不唐捐之理。

【問】自性念佛與神識念佛在境界上有何區別。如何才能達到自性念佛。（鮮純賢）

【答】自性本是彌陀、自性本即涅槃、但爲妄想執著纏蓋、不能顯現、如能迴脫根塵、靈光獨耀、便是自性念佛、厭穢羨淨、妄起即覺、身忙似箭、不離這箇、此即神識念佛。自性念佛、固是至上、若干人中、幾人作到。果作到神識念佛、已是最好功夫、大概普通人念、多是散亂掉舉兩心耳。

【問】彌陀經內東南西北上下方世界之眾生不必受六道輪迴。每一個佛土亦如是、均已證佛果否。（王清漢）

【答】經中只言極樂佛土、不受輪迴、未言其他佛土、皆同極樂、是極樂佛土、所以勝他土者在此。若每一佛土、亦如之、何必千

經萬論、等讚極樂。至云證佛果一句、只可云各土皆能證之、並不能云各已證耳、但極樂則能一生補處、又是其別處。

【問】彌陀經內之西方世界、非指極樂世界。（王清漢）

【答】西方亦塵刹佛土、以文理論之、可云此句、極樂在外。

【問】阿彌陀佛經義蘊第七葉云「欲尋眞源超登彼岸、每以多劫習氣時起、現行觸境、生心仍復染著、所謂看得破、忍不過、一深切時人之病、而念佛法門正治斯病、敢問持名念佛如何方能行解相應、理事無違。」（李蓮階）

【答】持名念佛一法、有事有理、故一心功夫、亦分事一心、與理一心、信願憶念、不他攀緣、聲聲貫注、是謂事持。了知是心是佛、

能念所念、兩俱空寂、是謂理持。不論事持、理持、若到見思盡斷、名事一心。若到心開見性、名理一心。然事理之相雖二、實則即一。因事到圓時、皆出於理。理到圓時、皆出於事。但能惟精惟一、便是事理無違。若言行解、較爲複雜。古德皆曰此門、易行難信、難信者、其法微妙、惟佛與佛、乃能究盡。下根者、只可行其事。中上根者、亦惟有深入經藏、圓觀圓知、便能行解相應耳。

【問】念佛時生出兩樣心、一方注意念佛、另一方有煩惱心、蓋住（祈求心或抑制心等等）時、又非六識（無意識）有無效果。（王清漢）

【答】初機學人、何能免此現相、但能疑而問之、知而改之、便能如法、減少障礙。蓋持名之深功、在臻一心、此一心不雜、談何容

易、惟在明了學理、隨時糾正。持名一心、是使洪名以外無念、若強求抑制、是又一雜念矣。古德自有訓言、只聽洪名、他念若起、不去理他、怪自消去。

【問】觀像念佛是否定要彌陀佛像。（李蓮階）

【答】念佛四法、此是其一、必有其像、始能觀之、否則爲不如法、不如法則不成其功。

【問】彌陀應身壽量雖長、亦有涅槃、正法住世、劫亦無量、無有像法末法、上半夜滅盡、下半夜觀世音菩薩成佛、號普光功德、山王如來、世界不名極樂、名爲眾寶普集莊嚴、更勝極樂。錄自圓瑛法師阿彌陀經要解講義。上半夜、下半夜、以何爲界。（何美枝）

【答】彌陀經中、雖有「清旦」、「晝夜六

時」等文、各注家多謂彼界無有日月、自無晝夜可言、而言旦夜者、皆是隨順此土習慣而說。上半夜者、甲日終結、下半夜者乙日開始。極言佛佛相繼、無少間隔、非如此界有佛前佛後之難也。

【問】觀世音菩薩成佛時、是否亦以執持名號得生彼國、應持「普光功德山王如來」之聖號否。（何美枝）

【答】現在經教、求生極樂、本有各種、並非持名一法。將來「眾寶普集莊嚴」世界、如何去法、經無細載、不便妄言。況彌陀入滅、觀音成佛、推彼土壽命、其間甚長、恐到彼時、此土釋尊之法已滅、當有後佛、經教詳言。無已、若以比量而言、持佛名號、各經多同主張、爲生佛國之一因、按佛佛道同之義而論、或仍有持名之一法。

【問】爲何會更勝極樂、如何殊勝。（何美枝）

【答】道尙精進、法在契機、或以此故。然聖意維何、凡夫究不能測、若以寂光而論、則無所謂勝劣、其較勝劣、當以前三土言、故妄測之曰、尙精進、在契機。

【問】弟子曾一度思維、假使人在臨終時、心有念佛、可是盼望阿彌陀佛來接引、這念佛的心變質了、只想阿彌陀佛會來接引、我想定不能往生是嗎。（月鳳）

【答】心中起念佛名、與想佛前來接引、兩不妨礙、皆是心在一佛、不過一名一色而已。念佛爲求見佛、見佛惟求往生、念佛爲「行」、求生爲「願」、此爲淨之正旨、非是歧路。經云「憶佛念佛、現前當來、必定見佛」、可知念佛、並不變質。

【問】臨終時、心念佛號、若阿彌陀佛來接引、可是不爲這所動、只管堅持佛號下去、這能往生嗎。(月鳳)

【答】如佛來接、是已感應道交、當然繼續持念、否則失念、往生無分矣。但淨土三要爲信願行、如第一答、必求往生、斯時當急持名號、懇切求去、如堅持不動、是不爲來接所動耶。抑只以持名爲結果乎。若然則是他宗之法、而非淨宗之義。

【問】念佛一天至七天、得往西天、這是死了後、阿彌陀佛來接引否。(葉特華)

【答】自是死後、神識往生、雖云佛接亡靈、但功夫卻在生前成就。

【問】愛不重、不生娑婆、念不一、不生極樂、娑婆有一愛、便是將來往生極樂之障礙、我們凡夫各各都有這愛字、難斷難捨、有

什麼最好的方法來斷除呢。(周慧德)

【答】愛爲迷情之私、慈悲爲眞性大公、時時發心、回小向大、化私爲公、此一法也。然愛爲十二因緣之惑、實非凡夫易斷之事、不斷是流轉門、能斷是還滅門、果斷矣、則生死無不了者、但斷惑如截四十里之瀑流、況愛乃生死本源、斷爲尤難者也。所以淨土法門、而有帶業往生方便、倘肯於六字洪名、愛不暫捨、捨彼愛此、由勉強而自然、又何憂慮。

【問】往生極樂已了生死、不受輪迴矣、然經上言、極樂世界亦也有人天、未知何解。(鄭勝陽)

【答】往生極樂、不過已了分段生死、而尙有變易、未曾斷惑、不顯無相法身、自然有一妄見之化身。此身未證果位、以其化身

之高下、假名其爲人天而已、非若娑婆人天、仍輪轉各道耳。

【問】投生在蓮胎裏頭與已出蓮胎之人、他們在七寶池中所享用之八功德水、是否有點差別。因爲同樣享用八功德水、在蓮胎裏、需經極長時間且還未得果。而在胎外之人只要一沐浴即時未得而得、未證而證。這是何因呢。（鄭勝陽）

【答】出蓮胎後、直接享用八功德水、在蓮胎內、不能與水接觸、只不過蓮花爲水長養、自身受水之氣分法益耳。明乎此理、則得證遲速、便恍然矣。

【問】往生西方極樂世界一定要經過蓮花化生乎。或若境界高之人是否不必受蓮花化生、往生後直接即能見佛。（鄭勝陽）

【答】說法者、必須依經、西方而曰蓮邦、果胡爲乎。雖斷惑上品之士、亦必經過蓮生、接引亦此蓮花、化生亦由蓮內。他佛淨土、必斷惑而往生、故不必處蓮修養、此佛淨土、未斷惑可往生、故必處此以養聖胎。如不經蓮養、直接見佛、未見經文、不敢妄言。

【問】佛法常云「有生即有滅」、那麼極樂世界蓮花化生的形體是否也有滅。（鄭勝陽）

【答】四土三身、惟寂光與法身、是爲真實、餘皆權變、然無權法、不能普度。他們有一分惑未斷、則仍不了生死、蓮宗竟有九品高低、品品成就。化身有相、雖有生滅、亦是變易境界、非物質身之苦空不淨、無明老死流轉耳。

【問】圓瑛法師在阿彌陀經要解講義八

二頁中講「此經滅後、祇有南無阿彌陀佛六字住世、現在虛空之中、眾生業重雖見不肯念、有人發心念一句者、即得往生。」疑惑、現在眾生業障雖重、但較諸阿彌陀佛經滅後之時尚淺多多、何以此時甚多念佛之人不能往生、而彼時之人念佛一句即得往生。（徐醒民）

【答】時值末法、勝於滅法、諸障雖盛、尚不至極、佛法見聞、可云不難。而善根淺者、亦能常遇佛法、朝夕薰染、易於發心、既在不難、則心力不猛、故少成就。滅法時期、已無佛法、障難已至極點、縱遇之亦置若罔聞。必有夙根深厚者、始能破除障難、直下承當、根厚心猛、故易成就也。換言之、今時善根厚者、發心力行、無不成就、彼時夙根淺者、決難發心。

【問】以憶念持名、是否為事一心之方便乎。（賴棟樑）

【答】憶念持名、是有淨業矣。若夫一心、或事或理、乃是功夫結果問題、而非修功過程間事。

【問】「自性彌陀」、與「唯心淨土」、當如何解釋。（賴棟樑）

【答】此二語者、豈有他解、惟行者所修法門有異、其用則小有不同耳。修自力者、三祇斷惑證真、自性覺圓、即同彌陀。心土非二、心既圓明、是惑已盡、故曰淨土。修自力者、心淨始感見佛淨土、心土不二故。性覺始感彌陀來迎、生佛不二故。

【問】以淨心持名較之憶念持名、何者為勝。（賴棟樑）

【答】淨心者、放下萬緣、憶念者、專持名號。

修憶念者、必放下萬緣、修淨心者、必專持名號。二者乃合爲一法、分之何能濟事。

【問】下品生人須待多時才能見佛、那麼在蓮花中是否能修持。（楊長山）

【答】下品生者、亦分三品、開花見佛、時間各不相同、可參十六觀經。我輩在娑婆苦境、尙能修持、彼下品者處清淨花中、豈不能修。

【問】觀經云無量壽佛、身高六十萬億那由他恆河沙由旬。修觀之人、當如何觀法。（賴棟樑）

【答】觀從想起、想亦借乎見聞。聞乎經教、見乎天空、思教心量得以放大、見空想像得以擴展。再依經所示聖容、集中心力求之、或畫一佛像、由小放大想之、久而久之、方能成就。然修宜有師導、以防錯謬、一人

一方便、善巧不必取同也。

【問】耳聾不聽佛號、命終時有人誦經念佛、如這種人能否往生。（詹金枝）

【答】宜用方便之法、使知來爲助念、彼雖耳根不聞、聞性不滅、彼知來爲助念、自起作用、縱不往生、亦種善根。按經義「盲聾瘖啞」爲八難之一、自是障礙。若平素曾習念佛、略明其理、似易收效。若平素茫然、得益較難耳。

【問】一定時間念佛與唱佛（用念可多念、用唱念不多）功德有無同樣。但在家作正課無須用唱佛。（王清漢）

【答】修行人只有念佛、念者當前之起心、此心不使散亂、令攝一處專緣佛號、或功德及相好、深者乃能觀念實相、此之謂念佛。唱佛者、謂唱佛讚之類、有板眼韻調等

法、多人合作功課、可使整齊合一。佛法要點、戒定慧三學、念佛者求其心定、唱佛亦不無有定、但較念力大遜矣。如家庭自己作課、縱不唱讚、亦無不可。

【問】用有佛像之念珠念時、念到珠頭不可越過、以珠頭爲界、照原念、返回、繼續同樣往返、或可隨便直念。（王清漢）

【答】掐珠從佛頭起、至佛頭止、應再掉轉爲至佛頭處、珠繩定有多餘閑、掉轉過來、始好再掐。若越佛頭、彼段並無餘繩、不好掐過耳。

【問】佛法重在事理圓融、不能偏廢的、我們過去只知研理、不重行事、雖有念佛而心散亂、痛知修行功夫配不上將來往生的條件、照這樣遷延下去、差之一念、失以累劫、今生若不再努力用功、恐怕阿傍獄

卒更比彌陀容易見面、若到此時、不逢導師、怎不使人哭自流淚呢。所以現在老師領導之下、把事理念佛的方法、一一鄭重再說明指示、使我們大家有所成就。（周慧德）

【答】事理雖說是二、然事理互依、全事即理、全理即事也。簡單言之、手掐珠、口出聲、此即事也。放下萬緣、念從心起、此即理也。不論事理、皆在求得一心、然得一之法、隨人根器、千差萬別、不能墨守一法。故有三念三聽之法、都攝六根之法、三根循環之法、記數之法、追頂之法等等。只求契悟、任擇其一行之、久之、自有相應。如得理一心、二惑已斷、上品上生、得事一心、未斷已伏、可帶業往生、大意如此、要在肯爲。

【問】六道輪迴之痛苦、三途之可畏、古德

說。若人靜坐一須臾、勝造恆沙七寶塔。寶塔畢竟碎爲塵、一念淨心成正覺。由此可見靜坐的重要、故今天要請老師教示。（周慧德）

【答】靜坐者、求坐而易靜內也。如但身靜而心外緣、不名爲靜、雖坐無功。應知心起一念、即是一粒業種、念念不停、造業無窮、能片刻靜念、即是片刻之覺。片刻實有幾百妄念起、若果能靜、便是無漏功德、自勝有漏福業。居士既修淨土、宜遵本宗、心繫佛號、若求他法、豈非與願力相違乎。

【問】修淨土法門當以念佛聖號爲主、研究經典求定慧。易起雜念、仍道淺業障、除大聲念佛把雜念趕走外、次須作何觀嗎。

（蔡麟定）

【答】修淨雖以念佛爲主、然淨土三經不

能不知。既能大聲將雜念趕走、即是藥與病對、何必亂服他藥。

【問】阿彌陀經云「阿彌陀佛成佛以來於今十劫。」見注解裏十劫爲大劫。凡五逆十惡者、臨終十念往生者爲下品下生、須滿十二大劫、蓮花方開。但在阿彌陀佛所發願後、彼時下品下生者、至今尙未滿十二大劫、蓮花未開吧。是否須待蓮花開後、方能聞佛說法。在蓮花未開裏可自修道嗎。在蓮花裏是甚麼樣子呢。（蔡麟定）

【答】花開見佛聞法、經有明訓。在娑婆尙能修道、進入蓮胎、豈能不知修道。蓮花裏面、光明香潔、勝於天宮。

【問】靜坐萬緣放下、一念不生時、是否爲端坐念實相、而爲無相念佛乎。（賴棟樑）

【答】果能一念不生，便是實相，實相當曰無相，無相而曰念佛者，寂照同時也。

【問】「往生與否，全憑信願之有無」爲千古定論，然而畜生並不解信願，何以亦能往生乎。（賴棟樑）

【答】眾生皆有佛性，必賴善知識誘導之緣，更須久久熏習，始能心領念佛，念是實行。或有信而放逸，不作願行者，亦有願而懈怠，闕乏實行者，然既肯行矣，則信願盡在中矣。

【問】學人伊親病了四年之久，自病以來，吾每天第一次的功課，先求母親信心堅固，早日回復健康，自怨福薄不達願，而今年二月十七日亡失母親，凡夫心難斷難捨母愛，痛不可言，故在七七日內所作功

課，全部回向於亡母超度，希望當生成就。但是未知我自己七寶池中蓮華會乾去否。（周慧德）

【答】心量無邊，念力如雨，淨土法門，原重回向，私心自利，便非大乘，明乎此義，則知心雨宜普。寶池之蓮，本是自心，亡親神識，亦在中心，心雨既普，彼此同霑，並非小瓢之水，澆此則乾彼，澆彼則乾此，所可比擬。無量壽經曰「具三心者，必生彼國」，三心者何。即「至誠心、深心、回向發願心。」經訓昭昭，豈可生疑。

【問】若度眾心切者，往生後未能聞佛說法，是否須待蓮花開後聞法開悟，才能倒駕娑婆度眾生。凡是不以安養回入娑婆度眾生者，都聞佛說法開悟之上上品嗎。

（蔡麟定）

【答】 回入娑婆者、皆是有道有學之士、若蓮胎未出、何能他往。淨土法門、菩提爲因、凡上品生者、早曾發願再來度衆、未有不來之理。

【問】 唸佛之目標以多或以專注而少爲好。其速度以均勻或隨快隨慢爲原則。因爲心理上時會欲多唸而心躁則覺更未能集中而散亂、唸少卻能心和而神定唸去也。此問題亦自己加以思考、想多以氣和心定爲歸、但仍望先生指正、是所至盼。
(梁美坤)

【答】 念佛之義、求其靜慮、即是修定。必攝心專注爲則、初學之人、不能持久、宜先從少念、漸使加多、能到二六時中、飲食睡眠、皆是這箇、可謂之淨念相繼、功夫至矣。念法不宜過快過慢、要使勻稱爲準、如彈琴

然、絃緩則不成聲、絃急則斷矣。

【問】 念佛重質、重量。念佛之初是一心不亂、但經過幾分鐘妄想現前、是不是停止、鎮靜後再念。前所念之佛有效。無效。(劉仁福)

【答】 「念佛之初一心不亂」。此語大錯、任何人剎那之間、妄念無數、安有不亂之理。其誤爲不亂者、是久在亂中習而不覺也。「幾分鐘妄想現前」者、是求定難定、始覺出其亂也。一句有一句之薰習、便如一粒種子、下於田中、遲早自有功用。

【問】 淨宗信以導願、願以導行、有行是否定有信願。(潔園)

【答】 古德云、此三如鼎之足、不可缺一也。緣此三之性、本互緣而生、行無願等飛蓬無所、願無信等喜浴惡水、信無行等儲飯

不食、淨土初機、必遵此三者、所謂「聖言量」如是、應依教奉行也。若無願無作等、另有其義、此處不得借口。

【問】曾閱一書（忘名）云「小彌陀經乃龍舒居士所結集」祈示。（李定超）

【答】先生既已忘名、在下不便妄談。但知此經有數譯本、王集者名大本、世少流通。

【問】後學決心念佛、期能往生極樂、但末行早晚課誦儀規、只在乎平時念佛、回向如此可否。（鄭朝信）

【答】往生功課、只在六字聖號、多念少念、在乎有恆不退、如忽作忽輟、只種善根、古人云「饒他忙似箭、不離阿彌陀。」雖不能一心不亂、然習慣熟成、必須做到、方有往生之希望。早晚課誦儀規、係多人上殿合修、忙人不一定采用、但修淨土者、阿彌

陀經及往生咒、應當抽時練習耳。

【問】在本期菩提樹月刊中、臺中杜炳璽居士有問及「口念耳聽」、「心念心聽」、「神念神聽」此三句請再詳示。（鄭朝信）

【答】於杜居士所答、乃持名之法、前既明言、希查前答、自能明了。再述仍是前語、何必多此累贅、倘後功夫進步、問題自多、到何境界、問何狀況、比較清楚、若言過早無益也。

【問】「漸漸雞皮鶴髮、父少而子老、看看行步龍鐘、疑殺本上座。直饒金玉滿堂、照顧白拈賊。豈免衰殘老病、正好著精彩。任汝千般快樂、渠儂合自由。無常終是到來、歸堂喫茶去。唯有徑路修行、依舊打之遶。但念阿彌陀佛、念得不濟事。」上句較易

體會、下句則無法體會、煩請示之。（鄭朝信）

【答】上八句（六字者）、乃是勸人念佛之偈。下八句（五字者）、乃是借上偈之言、發動禪機、令人參悟、禪家之法許參不許講、當機者疑破悟解、不當機者說更糊塗。今若勉強向君說、只怕君會著魔、待君會得念佛時、再透個消息不遲。

【問】「一句彌陀、非大徹不能全提、而最愚亦無少欠、儻有些子分別、便成大法魔殃、只貴一心受持、寧羨依稀解悟、乞兒若見小利、急須吐唾無餘、棒打石人頭、曝曝論實事」祈解。（鄭朝信）

【答】與前條之意、大略相同、前七句可解、後四句須參。初句是舉此一句洪名、乃殊勝法門。二句謂此法非上根大徹大悟者、

不能圓融全彰。三句謂下根愚鈍若念、亦無比人缺少幾分。古人謂是無上深妙之禪、意即在此。成與不成、只是肯下承當問題。四、五二句、是教直心念去、不起分別、若起妄情、便是此法魔障。六句謂貴在念到一心、即是到家功夫。七句之意、言不必如禪家疑悟、然疑有大小、悟有澈底與依稀、真能澈底者少、依稀相似者多、故不足羨彼也。後四並無定解、隨機應變、若不知此、便成死法。如狗子有佛性、狗子無佛性、應病與藥、非應藥而故招病。

【問】古德云、念佛有佛像、向佛像而念、無佛像、要向西念。有時西的方位、有人工作、恐被人譏笑、或遇污穢不適當、轉向東、南北念、未知功德比較如何。（邱合順）

【答】佛法重心誠、佛之法身遍滿十方、有

時不能向西、任何一方、皆能感應、既感應矣、功德自大。

【問】極樂世界多候補佛位、何以成佛須要「候補」。(簡宗修)

【答】候補者、候補往某一處成佛也。其人功已圓滿、證成極果、只候某一世界佛法滅盡、便往其處、重開道場也。如彌勒爲此娑婆之補處、觀音爲彼極樂之補處等。

【問】阿彌陀經中前面所提到的諸菩薩從何處來。其菩薩果位是不是和其他阿羅漢同爲釋迦佛所度。(簡宗修)

【答】彼土菩薩、皆係先後往生之人。或凡夫往生、經過修功、證成菩薩、亦有他方菩薩、希早成佛、求生彼土。彼佛國土以及功德、十方諸佛共贊、十方佛土之佛子、皆有往生、是知度者爲諸佛、不獨釋迦一佛耳。

【問】念佛號時、常遇許多妄想、如在白天可以念大聲驅逐、然在晚上睡夢中、無法出聲念、遇此妄想、如不理它、則它紛紛而來、且愈多、如欲抵制、則感頭痛、因此進退兩難、不知有何妙法、又此頭痛是否著魔。

(鄭朝信)

【答】夢中既有色、當然亦有聲、即知有妄想、即能會念佛。醒時念佛、驅醒時之妄想、夢中念佛、驅夢中之妄想。但恐夢中不覺、隨幻逐妄、若言「如欲抵制、則感頭痛」是在夢能覺矣。覺則能作主、心中自有聲、心起佛聲、則立除妄、頭痛亦是幻夢、一律並除。

【問】觀無量壽經中、上品上生須讀誦大乘方等經典、不知何種經是屬於此。(鄭朝信)

【答】浩浩三藏、難以枚舉、只可略介一二、自己選讀。既修淨法、寧不知淨土爲大乘。何必捨近求遠、疏忽本宗、若能廣求、須自量力。如金剛、楞伽、圓覺、楞嚴、維摩詰法、華嚴等、果能受持矣、再求其他。

【問】「一心念佛」之精義。（黃宏介）

【答】念法甚多、皆有精義、古人曾集出四十餘種、要在契機。普遍者、神念神聽、心念心聽、或口念耳聽、妄念若起、不強除妄、不起分別、皆作佛觀、此名方便隨緣止、大有受用。他則各有其義、非能數言可盡。

【問】阿彌陀佛今在說法、此法與娑婆世界之佛法有異同嗎。（王幻如）

【答】佛佛道同、善巧有別。佛國方便不一、說法次第或異。如娑婆難修、釋尊勸生極樂、極樂易修、彌陀則不必勸生他土。此土

說三七道品、統演七支、極樂演法、只言根力覺支正道。方式千變萬化、歸元總是一也。

【問】阿彌陀佛成佛以來于今十劫、不知在此十劫以前、娑婆衆生有沒有另一個求生極樂國土的地方。（王幻如）

【答】十方無量佛土、皆能往生。但往生不易、成就亦難、不及彌陀接引、一生補處、如是易生、如是速成耳。據此則十劫以前、無有似今日極樂淨土。偈云「十方三世佛、阿彌陀第一」、「九品度衆生、威德無窮極」味此可以知矣。

【問】如果一個人發願往生淨土後、但因功夫淺、祇是下品下生、如欲下品中生、下品上生……的話、是不是還須繼續修行。（王幻如）

【答】下品下生、已脫輪回、既生彼土、安有重生之理、此想未免戲論。如一人已從王姓女出胎、而又再想從張姓女出胎、事與理均不可能。須知不論何品、俱是不退、不過如證佛果、則品位高者速成、低者遲緩而已。

【問】淨土宗旨在於念佛一心不亂、蒙佛接引生淨土。其要點似在於「念佛一心不亂」。倘不能「一心不亂」是否亦能往生淨土。(楊智悅)

【答】學佛原則、依法不依人。「一心不亂」煌煌經文、豈可不遵、但有多少義趣耳。有理一心有事一心、有長時之一心、有短時之一心、有平素之一心、有臨終之一心等等。一心者定也。必定始靜、必靜始明、必明始能心佛感應。所謂「以心作佛」、「

即心是佛」生死大事、何能徼倖成功。小乘羅漢、尚須七番生死、遑論成佛、三祇之遠、此則一生成辦、帶業出要、再不能作出苦無期矣。古德著一「念佛四大要訣」、第一即曰「念佛不求一心」。此不過云、初學不先求一耳。乃慈悲接引之意、因未曾說明、即有違經之嫌。後世諸祖、頗以此語為病、貽誤後學。上舉種種一心、最低必得臨終一心、若無把握、往生無望。

【問】蓋一般人均有事業、既有事業必有雜念、尤其念佛時都難免有雜念滲進、頗難達「一心不亂」之境界。在家眾都有負擔家庭經濟之責任、是以不能不從事生產事業、如從事生產事業必定隨之帶來麻煩及煩惱、引起念佛時雜念滲進、不能達「一心不亂」之境。如是言之似不

能往生。(楊智悅)

【答】淨土學人、不求義理、多恃「帶業往生」、「佛來接引」疏忽心業障礙、大是徼倖自欺。在家有經濟負擔、公教有功課鐘點、若能明理、而善用之、俱不爲害、所謂搬柴運水俱是道耳。淨土大乘、自他兩度、定課念佛、作自度想。家庭經濟、公教課務、敦倫盡分、作度他想。爲求往生而自度、爲求往生而度他、爲求度他往生、而負家庭經濟、爲求度他往生、而作公教職務。推而廣之、謂之萬法歸一、歸一即是一心、此名行住坐臥、不離這箇、這箇往生之信願行也。

【問】無量壽經「以疑惑佛智、故生於邊地、於五百歲中不見三寶、不得供養修諸善本……若此眾生識其本罪、深自

悔責、求離彼處、即得如意、往詣無量壽佛所、恭敬供養、亦得徧至無量無數諸餘佛所、修諸功德。」未花開見佛皆無神通、未能供養諸佛……等、然生邊地者若能深自悔責、求離彼處、即詣佛所恭敬供養、修諸功德、則生邊地者、豈不較八品以下爲優乎。(何美枝)

【答】以本經講、下品生者、不能作諸功德、但有信而不疑、若按觀經、下品中下二生、偷僧祇物、以諸惡業莊嚴、甚則五逆十惡、據此則知下品生者、皆惡人遇善緣發信心、徼倖耳。邊地生者、經云、修諸功德、修習善本、願生彼國、惟於佛種種方便之智、「疑惑不信」兩相比較、則善惡功德等業、下品之眾、不及邊地之眾明矣、然淨土條件、爲信願行三要、此三乃集中之心力、邊

地雖有功德、而信不具、是要件不備、心力不足、故不入品。倘一轉心、要件已足、而又有原作之功德、自然高超下品之流。

【問】理一心就斷見思二惑、那麼事一心是斷甚麼。每部經典深妙的理、老師都能通達、是不是老師已得到理一心。萬念歸一是一心嗎。那麼得到不亂時還有心嗎。

(池慧霖)

【答】事一心能斷外塵攀緣、可伏見思二惑、所謂帶業往生者、事一心也。三藏浩如煙海、在下不過一知半解、且所見所讀、量數少、妙亦未見、理亦不達。縱或有人精通三藏而不實行、亦難一心。心一不一、不在多增知見也。萬念歸一、可謂一心、有一存在、自然有心。

【問】實相念佛往生還有阿彌陀佛來接

引否。常寂光的境界、是否還在西方。(池慧霖)

【答】實相念佛、見彌陀之法身、既見佛矣、云何不接。常寂光土、即法性土、包盡虛空、是西方亦在常寂光中也。

【問】世界皆有成、住、壞、空、極樂世界當亦如是、若然阿彌陀佛有無違其本願。(心炳)

【答】佛有三身、曰法報應。應身有始有終、報身有始無終、法身無始無終、必先知此。身土皆心、並無二致、應身當娑婆之土、報身當極樂實報之土、法身當常寂光土。娑婆有成住壞空、極樂實報有隱有顯、常寂光土無隱無顯、大致如此也。

【問】請問唸佛修行期間要多久才能成佛。(心炳)

【答】普通法門、名曰豎超、三僧祇劫、始得成佛、念佛法門、名曰橫超、但得往生、可以一生補處。若在此土念佛、不求往生、無論漸頓、亦必斷盡無明、始得成佛、期間不能預定。

【問】設若有一年輕的唸佛者（和尚）夭折了、有可能成佛嗎。（心炳）

【答】念佛法門、專求往生極樂、一到極樂、便脫輪迴、已離分段生死而已、並非成佛。到彼再修、或經變易、或不變易而一生補處成佛。在此世界之念佛人、不論縑素、不論老少男女、念到一心者、命終以後、可生極樂、是名帶業往生、不能帶業成佛。

【問】有人問、念觀世音菩薩能往生西方否。（溫阿月）

【答】觀音乃彌陀之脅士、悲願普渡、若爲

求生而念、不曰不生、但本師教念彌陀、應該依教奉行、反獨出心裁、念他、是不稱本師之教。佛意爲何專指彌陀、我輩凡夫不知、以凡測聖、毫釐千里。

【問】關於念觀世音菩薩聖號能否往生的問題、可否如下答法「雖能往生比較麻煩」。如在世間法中、要找某機關團體洽辦事務、除有特別規定外、最好是直接向單位之首長洽辦、以免去簽辦批示等手續、阿彌陀佛是西方教主、當然念阿彌陀佛較爲簡便。（鮮純賢）

【答】不必如此曲喻、亦不必多饒唇舌、聖量高深、凡情難測。但應「依教奉行」、自能到家。經中嘗有戒語、「若他觀者、多爲邪觀」、「非彼所聞一切境界、終不可取」。一經是佛說、故曰依法不依人、既依法矣、

尙有何錯。

【問】念佛求願往生、弟子以爲除執持名號外、應多誦彌陀經觀想西方勝境、使勝境種子落入八識心田充滿其中、到命終亂心位時、西方勝境的種子先出來則示往生矣、所以古德云「生則決定生、去則實不去」、即此理也然否。（鮮純賢）

【答】專持名號、是修法之一、兼作觀想、亦是修法之一。各隨個人之根器而取。尙有其他之法、無非皆取隨機、非可勉強、此修法論事之簡語也。若夫「生則決定生、去則實不去。」乃是證果論理之簡語也。前者因地指事之語、後者果地說理之語、不相侔、不能渾談。

【問】弘一大師勸人老實念佛、怎樣才算老實。（志西）

【答】眞信不疑、發願往生、苦樂順逆、概不退轉。再聞他法、亦不改修。奇異境界、心不妄求、佛說一心、功到自成。此即老實念佛也。

【問】記得長者曾開示念佛方法、謂心心聽、心念神聽等記不大清楚、煩請再開示、並請指導其法。（志西）

【答】何處所說、事久已忘。然嘗見古德教人念佛、有十二字之法、乃「口念耳聽、心念心聽、神念神聽。」似與今問相近。此十二字、共分三句、亦是由淺入深、並非混用。初學人只應先學「口念耳聽」一法、果能由生漸熟、一字念清楚、心在此念處、一字聽清楚、心在此聽處、念出聽入、皆是洪名、如此心即洪名、洪名即心矣。

【問】離四句絕百非是何意。（志西）

【答】此二句若將名數舉出、尚無不可、若問何意、此時便是不老實矣。說了不但無益、尚恐增加疑惑、說者聞者、兩招過尤。倘必欲得知、請居士口念耳聽、念佛五年、再行奉告不遲。

【問】設有某甲、依教奉行、發願求生淨土、但因在一次突發的事故中、做了一件足可昇天的義行、而犧牲了自己、請問某甲仍可往生嗎。(幻愚)

【答】淨土要因、信願行耳、回向亦願之一種、修淨者萬善回向西方。來問做了升天義行、何以便知能升天、既怕升天、何不回向淨土。應知萬法唯心、有願必成、心願升天、善業或結天果、心願生西、善業可作助功、而生西方。

【問】老師前次星期一、在蓮社講法說教

我們、觀實報莊嚴土。老師自說、自己只得生到凡聖同居土。弟子很疑老師境界、云何只得生凡聖同居土、云何教我等觀高的境界。(寬觀)

【答】修淨宗者、所誦之經、如阿彌陀經、所舉種種莊嚴、及流通之極樂依正之圖、皆是實報淨土之相。凡我學人、皆應依教奉行、作如是觀、作如是想、宏揚者亦應如是勸、方不背教也。但功夫有勤惰、境界有高、低、鈍根者、取法乎上、僅得乎中、故區區不生則已、生亦不過同居土也。

【問】亡者生時自己不念佛、但靠他人助念、在八點鐘內未知可能往生請示。(王相娥)

【答】此須認清、助念者、助臨終之生人念佛也。彼人死去與念、亦名助念者、是亡人

生前念佛、在十二小時內、或神識未去、助之捨命最後正念耳、彼不知念佛者、臨終若請助念、須先簡說助念之理、使其生信自念、我從助之、亦能得益。若不信者、彼已命終、與之念佛、不過消罪助超而已、往生則無其分。

【問】彌陀經解釋內、解人可往生西方極樂世界、可得各種神通、想什麼就現什麼、假使想見親屬可見到否。(慧綱)

【答】神通有「天眼」一種、即橫能觀各界、豎能觀多生、如此能力、不但可見此生之眷屬、多生之眷屬、皆可隨意見也。

【問】厭娑婆欣極樂、急要往生、應用何法可以快速往生。是否業未盡不能快生、此業應如何使之快盡。(慧綱)

【答】往生只言壽盡、非謂必業盡也、此處

不可相混。壽指一生應得之果報、業指多劫所造之因緣、壽至一定時期自盡、業必多劫修持方斷。往生乃論壽盡、並不必須業盡、壽應聽其自然、不應促之使短。若極厭娑婆、惟有精進持名耳。

【問】因身體不健、住在尼寺、大殿上早課亦即起床、因不會念楞嚴咒、自己在寮房內、禮觀音菩薩百零八拜、早飯後拜淨土懺、人覺疲倦、每日念佛壹萬聲、想多念佛禮拜、惟每日愛睡昏沉時、往大殿繞佛二、三圈、即覺腰痛、不得多圈、應如何使之精進、否則是否與往生有礙。(慧綱)

【答】楞嚴咒不會不念、自禮觀音亦甚佳。每日念佛萬聲、暫時說不為少、但須注重一心不亂。繞佛三匝、多則腰痛、即只繞三匝、亦無不可。只信願深切、便不礙往生、如

是專修不雜即是「精」、不疲不厭不退即是「進」。

【問】佛云四十八願其中十八願是平時有實行一次十念法此人以直到死止無念佛此人可得往生否。（福明）

【答】學佛有一原則、即依法不依人也。又有依文解義、三世佛冤、又忌偏執二邊、不契中道、凡此皆應仔細思維、如尊問者、第十八願、固屬大悲本願、此不過提一大綱、尚有微義存焉。若死此句下、餘四十七願、都成贅言、本經中之六度萬行、亦成廢話。再淨土一宗、主張持名、厥在小彌陀經、必匯參之、方不偏執、小經明明云「不可以少善根福德因緣、得生彼國」、豈可錯會十念之文、而自貽誤。且看今之念佛人、日有持千持萬者、較諸十念何如、而真得往

生者、果有幾人哉。請思前祖、「二六時中綿密不斷」、「日持十萬」、「淨念相繼」等、豈非皆是愚人、自找麻煩。

【問】證羅漢果、是無來無去、若修淨土的證到寂光淨土、還有西方可去否。又證到常寂光淨土、須經過多少時間成佛。（池慧霖）

【答】此問大是誤會、修淨土者、願在西方、寂光土者、即西方四土之最究竟者、何問還有西方可去、此直是身在含元殿、更問長安路矣。經云「惟佛一人居淨土」、乃指寂光也、居士第二問等於「中秋十五夜、問月幾時圓」。寂即解脫、光即般若、即法身所居、當下即是矣。

【問】六字洪名南無阿彌陀佛、南無義為皈依、佛亦覺者之通名、云何以南無作佛

名之二字。是必有說、而學人不知、故問。又南無在梵語或巴利語應是一字二音、阿彌陀應是一字三音、佛則一字二音、我國既均採音譯而不翻、然又明言六字洪名、此六字似嫌未能如實、雖無關重要、亦有說乎。(高仰嵩)

【答】南無二字、乃心念表示之名詞、阿彌陀佛四字、乃個人符號之名詞、合二名詞、爲一種法門、法門亦須有名詞、是六字洪名者、法之名詞爲心與佛二合之稱也。一字二音或是三音、是巴利文語之組織、漢字讀法、一字只發一音。既經譯成漢文、自當依順漢文方式立言、漢文係方塊形、一方塊爲一字、故曰六字也。

【問】阿字音我國有痾(ㄛ)與啊(ㄚ)兩讀、蓋雙聲疊韻字也。持名念佛、國

人仍是各依所習、念成ㄛ或ㄚ音。老居士十年前在覺生月刊上教人念識字音與ㄛ相近。然依各種中英文佛學辭典、英文所註梵、巴音皆宜念ㄚ音。是否可以各從所習不加分別。(高仰嵩)

【答】中國地大、語系複雜、即本國文字、同一字之發音念聲、地各不同、古今亦異、何者爲標準、甚難言也。就以「國」之一字爲例、古讀爲以、今讀爲果、或讀爲鬼、試問孰正。注音字母之書、多採北平音聲、此亦不過方便求其通行一法耳、若論梵音、須會梵文、尙須口傳、否則音亦不正。「阿」之一字、只發喉音、念陰平聲、庶乎相似、否則只隨鄉音、但取恭敬即可矣。

【問】一一三期樹刊、尊作答高雄吳居士問。「不必作各種觀、不必修各種定」、自

極允當、惟對觀想念佛與十六觀經修法、似宜有所說明、免誤爲破彼也。未審愚見如何。（高仰嵩）

【答】「佛法無人說、雖智不能解」、發心學佛、貴有師承、閉門造車、出門合轍、不過如蟲蛀木、偶爾成文、所以學者、尙乎多問也。十六觀經非他、即是觀想念佛法門耳、念者專注一境、不是止作口出聲一解也。

【問】地藏經內有一段、若有善男子善女人於佛法中所種善根、或布施、或供養、或修補塔寺、或裝理經典、乃至一毛一塵一沙一滴、如是善事、若能回向利益法界是人功德百千生中、受上妙樂。如但迴向自家眷屬或利益自身、如是之果、即三生受樂。捨一得萬報。今欲問者就是我們每日的功課都是迴向、願以此功德莊嚴佛淨

土、這是利益自身、那麼願此功德普及於一切、我等與眾生皆共成佛道、此種迴向比前功德大、是否對將來往生可靠又穩當呢。（周慧德）

【答】居士所見甚大、但願以此功德之八句回文、亦包羅無餘、何不注意下文耶。如四恩、三途、見者聞者、悉發菩提、同生極樂、已盡之矣。回向即是發願、誦已多年、不必再行更張。

【問】學佛人全靠平日修持的功夫純熟、到臨終才能提起正念、現在道弱魔強、在家居士俗念勝於佛念、學佛的人、一心沒有兩用、俗念太多了、佛念就未免減少、在這世念濃厚之下、如一杯牛奶、滲上一大桶清水如何還有奶味呢。這樣稀微的道念來修佛法、今生何能得度呢。（周慧德）

【答】 既知如是、除精進外、安有他法。至於俗念紛繁、非關在家出家、只在肯不肯下決心耳。但信深願切之人、雖家事多端、而心中仍然信願相續、自能善巧方便、忙裡抽閒、不離這箇、所謂「竹密不妨流水過、山高豈礙白雲飛」也。

【問】 彌陀經內有其人臨命終時、阿彌陀與諸聖眾、現在其前。所要問者、十方世界的眾生念佛者多、惟一位彌陀何能同時現在其前、接引往生呢。（周慧德）

【答】 彌陀法身、周遍法界、時時相應。如不明白、請思每日所念之贊佛偈、「光中化佛無數億、化菩薩眾亦無邊」二句、尚不恍然耶。應知三身仍是一體、化佛來迎、往生何疑。

【問】 菩提樹第一一期、有淨宗初祖慧遠大師、虎溪三笑是什麼意思、請指教。（周慧德）

【答】 東林寺外有水繞流、水名虎溪、遠師送客、不踰此地。當時陶淵明、陸修靜二人到寺、談道甚契、師送之不覺踰溪。虎起大鳴、始知踰界、三人大笑、喜心道各相契也。

【問】 念佛時只觀聽自己念出聲音、同時觀想彌陀莊嚴佛容、可得一心（不必多觀想彌陀經內極樂世界種種現象）對嗎。（王清漢）

【答】 念而能觀固佳、即不能觀、單念兼聽亦可得力。至云觀彌陀經中境界、在作課誦此經時、隨念作觀、未嘗不可、至經畢念佛、則不可觀矣。

【問】 佛像面容各有差異無相似（除了

特徵外）如觀想時採用自己印象較深就可否。（王清漢）

【答】造像豈能一致、理宜采自羨者爲準、但既采定矣、應使其印象深切、在任何時地憶佛之際、此相分明現前、即獲大益矣。

【問】早晚念佛定課、不算佛珠、以時間規定亦可否。（王清漢）

【答】自無不可。

【問】某法師來嘉主持法會時指示、要觀想面前有八尺阿彌陀佛金身、昨天老師開示觀想丈六金身、是不是八尺、丈六皆可以觀想。（劉仁富）

【答】八尺從劣觀、易成也。丈六加倍、少難也。此不一定、以自己之心量定之、能八尺則八尺、能丈六則丈六。倘能五須彌四大海、則更佳矣。

【問】凡聖同居淨土、實報莊嚴土、方便有餘土、常寂光淨土、此四淨土、各應至何等程度始能達到、是否以聲聞、緣覺、菩薩、佛相對而修乎。（陳寬鳳）

【答】修行之人、在於證道、所謂道者、即是佛性。我輩佛性、盡被惑業障遮、故生死不生、稱曰凡夫。修淨者惑業分毫未斷、往生只種人天、但所生處、有佛菩薩緣、得以聚會、故曰「凡聖同居土」。斷見思惑之聲緣所居爲「方便有餘土」。分斷塵沙惑之菩薩、所居爲「實報莊嚴土」。圓滿佛果、所居爲「常寂光土」。土名雖四、而實是一、土心非二、故隨斷惑現有別耳。

【問】淨土法門欲到四淨土、是否經由極樂世界。（陳寬鳳）

【答】極樂世界、而具四土、非極樂以外、另

有四土也。以古代帝國爲喻、「寂光」者禁城宮闕也、「實報」者京都府省也、「方便」者庶政衙署也、「同居」者繁華街市也。帝居禁闕、喻佛陀、宰輔居府省、喻菩薩、百官居衙署、喻聲緣、富豪散處街市、喻帶業凡眾之人天也。

【問】弟子問在工作及想像時應如何行持使念佛工夫不致間斷、承 長者示念佛時、心在念佛、工作想像、心應在工作、想像、過於工作、想像時存一爲助念佛、而工作想像之觀感、則萬事皆是念佛、弟子愚鈍、對助念佛之義、尙不甚了然、祈再開示爲幸。（某居士）

【答】淨念貴乎相繼、外可斷而內不可斷、此爲生死大事、豈浮浮泛泛、便能成就。今日末法、修福者多、求慧者少矣。雖口言了

生死、而其行實於了生死無關、淨念不繼、而又未得一心也。我輩白衣、爲謀生活、必有工作、在工作間、用身力時、心中默念佛號、用心力時、存一我道未熟、必須借俗養身、以求道之念。所有工作、皆定此目標。俗人工作爲吃飯、我工作爲求道、亦是淨念相繼也。

【問】修淨土法門之者、若能一心持名、至臨終時、幸能見佛瑞相、但是要如何分別、出此相到底、是佛化或魔化呢。如楞嚴經上云、有五十三種魔、能應眾生欲、故分不清楚。（本如）

【答】修他法門、如觀心、參話頭、數息等、倘見佛像、是與所修並不相應、方有現魔之虞。修淨者、求見佛像、佛像既現、自是本分、並非魔事。但若見時不可執著、倘或喜或

懼、便出差路、仍一直念持、聽其自然、乃爲正規。

【問】修淨土法之者、平時持名能正念、但是至臨終時、因四大分散時之苦痛難提正念、未知此種人、是否也能往西。（本如）

【答】經云「其人臨命終時、阿彌陀佛與諸聖眾現在其前、是人終時、心不顛倒、即得往生阿彌陀佛極樂國土。」細味經義、可以了然、若臨終難提正念、便是顛倒、恐生障礙矣。

【問】無量壽經中有一段文、佛對阿難云、無量壽佛國土有胎生、如此托在何胎、本來只有蓮花化生而已、爲何有胎生呢。（本如）

【答】九品以外、生邊地者、假曰胎生、詳看

本經上下文、自能解矣。

【問】各不同的國家的人、修成正果、往生西方極樂世界、語言能相通嗎。（心炳）

【答】生到彼國、即得神通、眾鳥之語、水風行樹之音、尙且能懂、豈有反不懂人語之理。不但能懂極樂之語、他界之語、亦能盡通、不然、每日清旦、供養他方十萬億佛、何能聞法乎。

【問】依阿彌陀經上說、那裡（指極樂世界）的環境、大部是金、銀、珍珠、瑪瑙、連樹木都是金葉子、鳥也是金的、這樣生活、不會很呆板單調嗎。（心炳）

【答】樓閣形勢萬種、能住能飛、寶樹隨時放光、光中可現無量他方世界、且能作百千種樂、噴百千種香、鳥皆雜色、音各奇妙、且能演法、聞者開慧。天樂鳴空、六時雨花、

鋪地成毯、光色燦耀。一切一切、千變萬化、隨意所適、重重無盡。如是尚曰呆板、尚曰單調、試思娑婆穢土、不呆板單調耶。

【問】何以世尊不自創淨土極樂世界而介紹阿彌陀佛之西方極樂世界與眾生。

（游堂振）

【答】阿彌陀佛既創極樂、而且廣大無垠、他方又何必步人後塵、畫蛇添足。世尊雖不再造極樂。然未嘗不將此穢土、思改極樂、惜人不察耳。倘使西方極樂、至人滿為患時、世尊亦未必不另造極樂、但此時則不需要。

【問】彌陀經上云。其中多有一生補處、餘者非一生補處者如何成佛。老師謂阿羅漢不能到西方極樂世界、何故不去。觀音菩薩又何能去也。（游堂振）

【答】一生補處者、不經變易生死即成、非一生補處者、須經變易生死耳。阿羅漢法習小乘、與彌陀淨土不相應故、觀音菩薩乃係大乘、極相應故、不但能去、且為彼土之導師耳。

【問】極樂世界是否物質世界。既云佛身光明無量如何有晝夜。（簡宗修）

【答】既云五塵當是物質、但云變化所作、是七寶諸相、皆佛所化。然此狀況、究稱性境、抑為物質、須求教於淨相兩宗大德。至云晝夜、非是明暗、乃指花開花落、鳥鳴次數、隨順此地、假定而言。

【問】阿彌陀經中謂極樂世界有無量阿羅漢及菩薩、卻不見其他佛、何故。成佛後不住西方嗎。（簡宗修）

【答】一個佛土、一佛主教、猶一學校、校長

只一。再以國家而論、總統亦只有一。其土眾生、修到極點、亦名等覺、等覺即佛也。因土有佛、故不稱佛、必到另一世界主教、始稱佛也。

【問】「其土眾生：盛眾妙華、供養他方十萬億佛」此「佛」指法身、報身或化身。釋迦佛「在世」時受過他們的供養否。（簡宗修）

【答】極樂本分四土、眾生更分九品。此修持之功有深淺、所證之果位有高低、所知所見、便爾不齊、其所供者、可想而知。本土釋迦世尊、受彼供養、豈能在外、此能去彼焉不能來。觀音菩薩、乃彼佛之脇佐、尙來此供佛聞法、上宏下化、彼眾來供、例此可知。

【問】以後很想時時念佛、但不知才得法。

（簡宗修）

【答】初步先求易簡、漸進再漸增多。前於講座時、所發之彌陀接蒙等書、冊後多附有念佛課程、可量時間、增減行之、要在進而不退也。但諸法圓融、應機而作、後生疑問、不妨函商。

【問】蓮花生的形體是否相同。或隨其三界眾生之形象有所差別。（鄭勝陽）

【答】大同小異、同者皆有相好光明、異者其相好以所證之福慧不一、現象少有殊耳。同異者、亦非固定、自隨其變易而轉變、必到佛身、方盡同耳。彼處未云三界何有三界眾生。

【問】鬧動中一切聲音是否觀聽阿彌陀佛、或於其中另念阿彌陀佛才是（於其中念佛覺得雜念妄念少）、閒靜中雖好

念佛、但覺得雜念、妄念較多、故觀想阿彌陀佛及持名兼用、今得聞專持名一法爲宜、但已心中閉目、開目、隨時所現之阿彌陀佛、應放棄否。（黎素華）

【答】此問有二意、應分答之。一者、鬧中雜聲、不必作佛聲觀想、仍以自動念佛、向其抵當、比較妥善。或恐觀他不成、反失自起之正念也。二者、持名兼觀想、既能閉目、開目、佛像現前、是兼修功夫、亦有幾分成就。起手畏難、不兼修則可、亦成自然、棄之、則大不可。

【問】布施要三輪體空、但恐存有一些住相、故每次布施時、將心轉念「爲了往生西方、爲了一切眾生多積存一些往生西方用路資」、如此是否又落偏見否。（黎素華）

【答】淨土法門、正助雙修。古哲云。正道、重在發菩提心。助道、則萬善回向西方。貴居士之回向、與此大同小異、尙非偏見、特舉古言作爲參考。

【問】如何才能做到「離念靈知」。如念佛、到何現象才算「離念靈知」。（鄭朝信）

【答】離念者、離妄念也。靈知者、妄念止不作觀而照也。此非講說之事、亦非短時可能、乃功夫問題、且須長修、火候到時、自知不到說亦茫然也。念佛念到無念而念、念而無念、寂寂惺惺、亦是此境。話要說回來、貴居士懂得一心不亂否。若能作到一心不亂、更不必再問離念靈知。

【問】修發心住、緣十信、到何境地才知已達此住。發心住後再次第修治地住等。如

或不然、應如何修法。（鄭朝信）

【答】此是功夫問題、亦是教理問題。先知二惑之數、再明如何斷法、依之而修、修到斷盡、再破塵沙、自六粗斷到三細、即能由十住進到十地。但查來問、知是所修念佛、若修淨業、要求橫超、另有捷徑、不必捨易求難。

【問】「初發心時、即位同正覺」其理何在。（房動明）

【答】「初發心時、同正等覺」、此句重在同字、乃謂初發心時、真誠懇切、勇猛無偽、便是真心顯現、同於證果之心耳、非謂即時成證也。

【問】念佛到何境地才算「伏惑」、「斷惑」。（房動明）

【答】凡夫皆有妄念、邪見、煩惱、此即見思

諸惑。一念惑、一粒生死種子、所以輪轉三途六道、以故頭出頭沒、若惑斷盡、則離分段生死。修斷已前、必先克意控制、使之不起、起制不發。初感艱困、習久則成自然、存在而不使發作、名曰伏惑、此亦是業、故曰帶業往生。惑若不伏、任其發展、則與淨土之淨、而不相應、往生無望、恐為業牽。

【問】一聲「南無阿彌陀佛」、是念即佛、是佛即念、如能一心念佛、不但前說「放下便是」、六字萬德洪名、提起亦是、不知可否作如是觀。（劉中一）

【答】六字洪名、定為正念、若是放下、便起妄念。所以經訓「執持名號」、是教相繼不斷。佛法無量、各有其妙、淺看各法矛盾、深入則互能貫通、所謂歸元無二、方便多門。但初入、只可依教奉行、功夫到時、始能

互相爲用也、不能躐階出錯。

【問】印祖文鈔菁華云「追頂易受病、大聲、小聲、金剛、默持、隨自己精神調停而用。何可死執一法、以致受病乎、隨息不如靜聽、以隨得不好、也會受病、靜聽不會受病。」何謂追頂隨息、靜聽等。（鮮純賢）

【答】追頂者、念六字方畢、不使斷而緊接「南」字、換氣在中間、而不在首尾。隨息者、以自己之呼吸一次、念佛一句、有以呼出爲念者、而不取吸、亦有以一呼一吸念一字者。靜聽者、即口念耳聽、或心念心聽。

【問】念佛求生西方、應發四宏誓願、弟子自覺智能淺薄、現尙不能實踐、擬先發願如下。（一）願我臨終無障礙、阿彌陀佛遠相迎、迅離五濁生淨土、回入娑婆度有情。（二）現在隨時隨緣、勸人信佛、在力之所及範

圍內、助人解決困難、修行十善可否。（鮮純賢）

【答】發願要量自己做到者發、發後要實行。如不實行、等說妄語、貴居士果能隨時勸人念佛、力之所及、解人困難、心口相應、便大佳矣。

【問】請問鍾世賢居士出生當時胸前帶上二條腸（古人說帶素珠）是否不可結婚、應該要出家學佛。（黃秀梅）

【答】生時身有異相、古書所載、多有夙因。胸前之痕、雖有念珠之象、宜否出家、事成過去、不必再追。但在家既知自修、前生定係佛徒、固已結婚、若修淨土法門、並不礙其當生成就。

【問】請問台中市第四信用合作社鍾世賢居士在十幾歲中學時即懂得念佛、並

且能渡大人引進佛門的、現在慈光圖書館服務的郭阿花居士、便是他由引進佛門的。他在二十六歲結婚之後、很熱心的教妻念「佛門課誦本」等、他是否前世就有善根呢。（黃秀梅）

【答】既能自動念佛、又能度他念佛、且能佛化家庭、觀此種種、不但前世有根、或係深信精修之士、未能證果、仍入輪迴。或與貴府有緣、來了心願。昔年曾知貴府全家念佛、今日似有懈怠之況、奉勸空羨他人瑞相、問前問後、有何益處、尚希發心精進、各奔前途爲要。

【問】鍾世賢居士今年四十四歲、身體強健、今年十月初（農曆）他感覺很疲勞、去檢查結果竟是急性淋巴腺性白血症、即時入台大醫院接受治療、二星期不幸

逝世。鍾居士臨終早晨二時忽然大聲呼「喔。天上亮黃金。」即雙手合掌大聲喊「南無阿彌陀佛」、他的兄和妻一直在旁助念、因他自己聲音過大、驚醒同房十數個病人、兄告訴他聲音小些、以免妨礙人家安眠、他點了頭說好、但聲音並沒變小、由於家人念佛聲小、他突然說、你們怎不念佛助我往西方極樂國、旋又對其兄及妻說「我先去了。」兄問去那裡、說「去極樂國。我先去等你們。」兄答「我奉送」他說「好。」以後又大聲念佛。妻哀慟地說「你去了、留下五個年幼子女怎麼辦。」他即大聲回答說「你怕什麼。有媽媽和大兄在。」南無阿彌陀佛聲音更大更急、念得整個病床都震動、醫生欲打強心劑時、卻說不要耽誤我、我要去西方

極樂國而拒絕。妻又哭訴「你要保佑孩子啊。」他回答說「我到極樂世界去當然會保佑孩子。」並說「簡單一律用素的」。從早晨二時到四時四十分，不停地大聲念佛，當最後一個「佛」字終於斷了氣，請問這樣情形下是否能往極樂國。爲何他能看到天上的金光，是否蒙佛放光接引他往生其國。（黃秀梅）

【答】見金光當係彌陀佛光。自動念佛不輟，乃係正念分明。囑咐眷屬助念，可見求生懇切。拒絕打強心劑，更係正知正見。遺囑喪事簡單用素，足證心不顛倒。所舉各事甚爲難得。細查經訓，以及祖師語錄，俱符往生條件，決定往生無疑矣。但亦有極大障礙，幸而度過。即貴府之人，不懂淨功道理，在其臨終之時，哭叫攪亂，又說許多

兒女俗情，此係大忌大錯，幾害大事。若非世賢願力深厚，即被貴眷扯回矣。萬幸萬幸。

【問】佛經說，人將逝世之時，本身念十口句「南無阿彌陀佛」，阿彌陀佛就來接引往生其國，爲何鍾世賢居士念將近三千句，共二時四十分鐘之久才逝世呢。（黃秀梅）

【答】臨終十句念佛，能得往生，萬人之中難得一人。其得往生者，尚有須多條件，能讀十六觀經妙宗鈔，方解其理。所言臨終，乃係其斷氣之時，非是斷氣前二小時零四十分鐘也。要知終時，不過數彈指耳，以前與此有因緣關係，爲其前不淨，則後仍心亂，即前已淨，後若攪亂，功夫亦恐白費也。

【問】當生成佛之十念法門、只注重早晚十念、其餘時間、眾念紛紜、壽命終時是否有用。（其月）

【答】十念法門、乃方便中之方便、雖係二力合功、仍以自力爲重。凡出三界、例須斷惑、但淨爲往生、如不能斷、亦須常伏其惑、所謂帶業往生。倘不能伏、終時恐無把握、求伏即須看十念不亂、與願力堅強程度。然此十念之法、專爲極忙之人而設、早晚而外、縱不正式念佛、亦須心中默有此事。必養成熟習、方不唐捐。

【問】佛說一西方極樂世界、是不是也算善巧方便。（其月）

【答】眞實眞實、方便方便。實報莊嚴、即常寂光、四土一土、故果海曰眞實。或觀想、或持名、或說九品、或說邊地、或說決生不去、

或說決去不生等、故因地曰善巧方便。
【問】念佛的人、也要開悟麼。學習開悟、應從何處下手。（其月）

【答】若念到見思已斷、自是大悟、倘僅伏惑、亦是小悟。要在求定得定、聽其不悟而悟。淨法令求一心、他法令求明心。悟則明、明則悟矣。多從疑上入手、難也。事一心即定、理一心即慧、念智成就、定慧勻稱、即是悟境。此但從信願入手、易也。經教不分事理、重心在一、一即往生。故曰、但得見彌陀、何愁不開悟。

【問】惑、是否就是由貪瞋癡等念、所起之無明、斷惑和伏惑有甚麼不同、惑既稱斷、還有何物、心經爲何又說無明不盡。伏惑又應作什麼功課。請賜解答以開愚昧是盼。（其月）

【答】此非片言可解、惑即煩惱、類分三種、先斷見思一百十二種、即了分段生死矣。此即身見等五、貪瞋等五、十使也。斷者心中諸惑已盡、伏者雖有、能以壓制不起之謂。欲斷或伏、必先明白十惑之義、用六字宏名斷之、伏之一分鐘、十惑不起、即是一分鐘得伏、時間以此類推。再心經所言無

乃係極奧之理、斷伏諸惑、乃最顯之事、初學只可顯入手、談深奧更不了然。（敬送彌陀接蒙一冊內有十惑表解）

【問】佛經云「十方三世佛、阿彌陀第一」、所謂「第一」兩字是否解說阿彌陀佛爲諸佛中願力最大或解說爲佛位最高者。（卓忠振）

【答】經上所稱之佛、乃謂無上正等正覺之佛、六即之中、究竟覺也。必至此地、方爲

大覺、餘則正向此處還滅而已、雖有其名、而未圓滿、不名大覺。凡大覺者、一律平等、位無高下、如月魄之光、每月望日、必圓滿一次、正月至十二月、月月望日同相、無差別也。阿彌陀佛、稱第一者、固其願特、光明壽量、亦特殊也。

【問】先父在日雖未吃素念佛、因頻受先兄卓智立修行所吸引、對於佛教有良好印象、某夜忽夢遊陌生古寺、寺內僧眾甚多、先父入寺禮佛畢、僧眾供一盤食物、先父吃後離去、見路旁有一亭、亭內亦有僧眾、見先父來含笑相迎、先父合掌作禮、于離開時、忽聞亭內一僧高聲吟云「快快投清修正果、脫離苦海見世尊」之句、醒時記憶甚詳、請問大德、佛學辭典中有無「投清」兩字及歷代高僧曾否吟此詩

句。(卓忠振)

【答】夢見三寶、固是現在薰習、亦有宿世善根。又聞說偈、歷歷分明、醒而未忘、當是增上之緣。但偈文詩句、非同經典廣宣、其數亦難知量、任何好學之人、不能盡知古今之詩、不惟不知、亦不能盡其名也。令尊所夢詩句、未之前聞。

【問】晚在大陸奉佛時、兄弟姊妹等均皈依印光大師、現在台奉佛有無需要再皈依另一法師。(卓忠振)

【答】皈依三寶之義、非同世法拜師、世法拜甲爲師、即甲之弟子。拜乙爲師、又爲乙師之弟子。自是拜甲、不關於乙、拜乙亦不關於甲、各事其事也。佛教皈依則不同、皈依三寶、非一佛一法一僧眾、乃皈依三際十方之平等義。簡言之、無論依任何一比

丘而爲師、即是十方三世僧眾、皆爲我師矣。在台之僧、皆爲我師、如欲親近某一比丘、盡禮結緣、亦未嘗不可。

【問】先兄在日曾吟云「念佛深知諸佛意、閱經徹見釋迦心」但佛經種類甚多、若一一詳看很困難、在家念佛居士最低限度須看何經。請釋示。(卓忠振)

【答】初學看佛經、不解其意、只可先看有學有修者、及有相當根柢之後、所寫之小冊子、以作佛家入門之指路牌。少有了解以後、再看修行之經典、信仰堅定以後、再看理義經典、皆必須前人淺注者、否則費力多、尙不得其門。(敬送小冊數種乞查收)

【問】先兄卓智立居士在日有一天佛課畢、于精神愉快之下、曾以毛筆描畫梅花

一株、上面畫一輪皓月、題句云「柳絮叢中風轉動、梅花枝上月更移、情空始可遊淨土、心淨方堪浴寶池、」第二句「梅花枝上月更移」句出何書。（卓忠振）

【答】此意在第二答中、已有說明。本人讀詩、至清初爲止、然亦不過數家、僅少涉獵、學佛以後、不再寓目矣。所詢題梅一詩、未曾讀過、貴居士正欲發心修道、宜先放下這個。

【問】彌陀經云「晝夜六時」可見西方佛國亦有晝夜之分、又云「彼佛光明無量照十方國」阿彌陀佛既然光明無量、能照十方國土、何以本國土亦有「夜」、所謂夜、是否如世間夜時之黑暗。（卓忠振）

【答】經中極樂世界、歷代大德之注、皆言

無有日月晝夜。經文晝夜六時者、指雨花鳥鳴、隨順此間而假定。非如此間、向日背日、而謂晝夜也。然實言之、此間亦無晝夜、皎日亦不出沒、若地之西半球夜時、並非全界皆夜、不過西半球局部自夜而已、斯時東半球、仍是白晝、明乎此理、應知彌陀之光照十方國、而不見者、煩惱遮礙自心而已、非光有所偏也。

【問】念佛之法一字一字由心出口、由口入耳、須清清楚楚歷歷分明、豈不是注重在此照字乎。（易知良）

【答】自然是照、萬緣放下、專注一境、始能稱照。若不能放下、而又不專注、只是馳逐攀緣、絕非是照。明乎此、知照自寂中現、既照矣、寂已在其中矣。

【問】「照」字即光明之義、一切智慧豈

不是由照而生乎。（易知良）

【答】似不應如是說。智慧爲體、照乃是用、豈能用反生體。如日之形曰標體、如日之光而能照、雖是一是二、是二是一、然不能謂用生體也。

【問】菩薩尙有隔陰之迷、其不到菩薩位者、則不待言矣、何以羊祜知前生之金環落處、又白居易遇歲能識之無、何以獨隔陰不迷乎。（易知良）

【答】斷見思惑、乘願再來者、方無隔陰之迷。無迷乃始終修持、始終清楚、雖則一切仍作不知、只是免驚淆俗眾而已。餘者如惑輕者、胎中無多纏蓋、亦能在孩提之時、觸前境而能伏種起現行。如人少年之事、久已忘去、遇人再提之、亦能恍然現前。此與隔陰不迷、大不同也。史記不獨羊祜諸

公尙有他人。

【問】蒙誨四問、啓示良多、但感似霧中看花、雖見是花、具朦朧相、經云「是心作佛」、「是心是佛」、又云「阿彌陀佛徧諸空際」、念佛不斷、他念不生、「是心作佛」、念而無念、亦無他念、「是心是佛」對否。（其月）

【答】求學問道、霧中看花、在初學及未悟之前、皆是如此、非獨貴大德一人也。所引之語雖對、不過仍是霧中看花也。蓋所提之口氣無次、諒不解其義、入手不清、恐聖道而不見之。以此問而論、便混雜四義、希閱經求學、從進一步後、再進第二步、更須解一步、再研第二步。

【問】彌陀既徧空界、似已不專限於西方、故說決生不去、決去不生、是否。（其月）

【答】佛之法身、遍虛空法界、以法身之大、無有限量、有何專在、有何不專在。請大德檢十粒豆於床、身坐其上、請問貴身專坐那一豆上、不專坐那一豆上。至於決生不去、決去不生、又是一義、毫釐千里、亂扯強合、便是理路不清。

【問】蒙賜彌陀接引一冊、急欲一睹、借開迷昧、附上郵票一張、請即寄下、接引厚意多謝多謝。（其月）

【答】大德發心學佛、至為欽佩、然先奉告一語、為成功之訣、即誠敬二字、誠則心真、敬須心細、必守此訣、方有所立。前期擬贈者、乃阿彌陀經摘注「接蒙」、茲按開來地址寄上、並無「接引」書名、望向張君處取。

【問】又關於見思二惑、曾閱斌宗老法師

講述般若心經要釋列系、見惑八十八使、思惑八十一品、包括三界九地四禪、看不能懂、又乏指教、故淺看而止、我想是無論或斷或伏、應有總持或分持的方法、學人受持較為方便、自然功德無量也。（其月）

【答】二惑品數、非初學能解、必學少有根柢、經人講授、始為了知。此不過知而已矣。要在起修、倘不下一番工夫、亦等得之棄也。修淨土者、念到一心不亂、可以斷除、不能斷除、而能時覺時續、亦能壓伏、只在了生死心真不真之間。

【問】蕩祖法語有云「……念佛雖多、以持名最為簡便。持名之法亦多、以記數尤為穩當。」記數、係指何種記數法。乞示。（鮮純賢）

【答】或用念珠一句一珠、或十句一珠、皆可隨意、至其預定之數、圓滿爲止。此言正課、散課則多少不定。或不用念珠、但憑心計以十聲一記、至百一總記、如是再十再百、百而千、千而萬、此法甚能收心。

【問】臨終助念、爲淨業行者生西一大助緣、惜每以業障、有種種障礙發生、茲舉其較大而難決定兩節、請教高明。(一)病人平日頗有修學、亦有求生西方之心、病時且得善友開導、但猶有戀世之心、不欲爲其助念、乃至聞佛號及引磬聲、反生惡感。(二)病人係患傳染病、助念蓮友有被傳染之虞。前者若暫停助念、恐誤時機、若仍勉爲助念、又恐病人轉生煩惱、乃至引起其眷屬之藉辭反對、於事無補。後者、亦難有兩全之法、頗感躊躇。(林圓念)

【答】凡學佛者、必須行解相應。淨宗學人、三要雖無解字、然非決不須解。解去顛倒、信始堅固、假如有根器厚者、不解而能真信不移、亦不至臨終迷戀眷屬及世樂、此必在平時善友薰習、方有成故、得往生者、固在自己苦功、無障亦是夙生修力、夙生不可知、臨終反佛法者、皆惑業之現行、過在今生、但口唱佛心不改過、惑不斷不伏、業力使然、無可如何、此其一也。患傳染病、他人不肯來助、便少善緣、然今日有念佛唱片、可使聽之、但能不起分別、了空色不

二、借他引起正念、亦是補救之法、此其二也。經訓、正助雙修、正者持名、助者改惡向善、斷惑伏惑、自不如法、即是業障、且兼不信、有障不消、事到臨頭、難爲力矣。

【問】助念終止、暨可以搬動亡者軀體時

間、有主命終後逾八小時、有主命終後逾廿四小時、有主捨暖覺後、是否以捨暖覺爲妥、取廿四小時、則爲捨暖覺之較爲保守時間、且易於計算者。（林圓念）

【答】命終八識之去、本不相同、如能知之、去後即焚、亦無不可、然三日實爲穩妥。出家人都先封缸、經過一段期間、然後再行荼毘、不學佛者、古禮皆是三日大殮、亦防神識不去耳。台灣天氣熱、命終更衣、宜在廿四時以後、早甚不宜、防腐宜屋中置冰、或冷氣、萬不可打鍼。

【問】本省天候炎熱、亡者移靈殯儀館、每先送進冰庫、同道之中、有認爲冷藏冰庫、如入寒冰地獄、殊不適用、乃主廿四小時後、薄殮入棺以待火化、（本省近熱帶坐龕多未之見）但是否入棺窒息、黑邃亦

如置身地獄者、若是、則是否認爲只要係在捨暖覺後、冷藏入棺均無不可、然一般多以爲火化應在七日乃至更長日期之後、以免亡者尚有知覺、火化時痛楚、則又不知何解矣。（林圓念）

【答】中國古時、公侯之家、亡後室皆置冰、命終二十四時、移入冰庫、並無不宜。冰庫之寒之狀、實與冰獄、大不相同、且勿似是非、互相牽引。殮有大小之別、小者入棺而不封蓋、大殮加蓋密封爲柩、入土方爲之殯、出家人封缸、亦猶大殮也。至於火化、在第二問中已言、可參考之、能經過七日後舉行、爲最妥也。

【問】在家佛徒、喪葬之禮未有嚴格規定、而民俗對大殮所著衣履等、每甚注重、是否可以從俗、而又不忘佛化、無論男女、內

著衣褲照一般外、外穿海青一襲、上帶觀音巾、下登羅漢鞋、而不取厚殮。（林圓念）

【答】在家佛徒、宜以世間禮服入殮。如亡者有遺囑、欲以海青、觀音巾、羅漢鞋者、則隨其願。設加縵衣、只可覆在身上、不得搭挂、以此品不許壓身下也。殮殯古皆有禮、今也則無、以儉爲宜、奢厚無益亡者。孔子聖人、子鯉之殮、弟回之葬、皆不主厚、足堪法也。

【問】往生西方極樂淨土之要件、依經典以一心不亂爲究竟、古德復有「往生與否、端視信願之有無」之說者、證得一心固無論矣、信願究應至若何程度、方得往生、殊不易說、但以多次實際觀察所得、臨終前後、具足往生因緣、與遭逢障礙與否、

關係至大、是否可言、平時雖未甚具深信切願、而臨終前後、因緣殊勝、一時信願行三者具足、未至一心、亦有往生之望。（林圓念）

【答】此問有關淨宗玄理、不多讀多解、不能知所以然、所謂理者、非盡研三藏之謂、只精通三經、諸祖疏註、即可得其大要。有理、一心不亂往生、有事、一心不亂往生、此皆斷惑、有臨終十念往生、有三要不失、未得一心往生、此皆伏惑。有具三要或不生者、有得一心不亂而不生者、千差萬別、各有其故、生死大事、豈容僮侗、倣倣、通宗通教、三要具足、得理一心、深信切願、淨念相繼、得事一心、臨終十念往生、千不得一、看觀經妙宗鈔自明。信願切、欣厭強、助多正少、未一心得生、一心不亂不生、無願也、各

定皆求一心、豈皆往生耶。理解三要、若亡若續、有心無力、或不生也。再者信願程度若何、備載祖師語錄、無從說起、但能與有佛無佛、有淨土無淨土、心不搖動、至死不變、斯可矣。

【問】彌陀要解「我雖昏迷倒惑、苟一念回心、決定得生、自心本具極樂、更無疑慮、是名信自。」又「真心本來廣大周徧、我等雖然在迷、此心不失、昏謂昏於無明、迷謂迷卻真俗中三諦、起種種顛倒、五住地惑……」何謂五住地惑。（鮮純賢）

【答】住地惑、即枝末煩惱、其地有四、連同三界根本煩惱、合之稱五。枝末者、(一)爲三界見惑、即見一處住地、(二)爲欲界思惑、即欲愛住地、(三)爲色界思惑、即色愛住地、(四)爲無色界思惑、即有愛住地、(五)爲三界根

本煩惱、即無明住地。此不過舉名而已、義則甚繁。

【問】師云「常寂光土亦有七寶樓閣、但不敢說、恐引起大家爭論。」弟子對此之領悟、說有說無皆可、視需要而定、無爭論餘地、因十方虛空、微塵國土、原我心中所現之物、極樂四土、亦我心所現、既能在實報莊嚴土現七寶樓閣、當然也能在常寂光土現了。且可在其他任何處所隨心所現、不過爲示區別、以契群機、故有不同之顯現耳。又四土全含在一心、只依斷惑之多少、念佛功夫之高低、在我自心所顯現之境界上的差別而已、然否。（鮮純賢）

【答】只言心中所現、即可爲止。後又加帶一些「斷惑多少」、「念佛功夫高低」便是畫蛇添足、絡索而又絡索矣。

【問】領眾作早晚課，可否用唱片或錄音帶代替人唱。（鮮純賢）

【答】似皆不宜，作課是修德之一種，唱片音帶，乃是他物發響，聲音佛事，非發我心，與己性德，修力自少。代人領眾，須知領眾不止音聲，尚有威儀，大眾知是機械，且況尊重之心，只可用於助念，因病人臨終，不知其聲是人是器，無分別心，尚能生效。亦與極樂世界鳥樹演法不同，彼土眾生，早知有相五塵，皆是彌陀化身，對之無不如親彼佛耳。

【問】古德對念佛有「大聲念見大佛，小聲念見小佛」之說，竊以佛之法身如月在中天，長江大海所現之月影與池水中之月影，並未因水之大小而有差異，精進念佛如屬至誠，自然心佛相應，安有大小

之分，請示之。（萬嘉鑫）

【答】法不尚執，且重圓融，契機而說，固不尚執，順而不背，固須圓融。大小其聲，現佛大小，亦隨機所發之言，非一成不變之訓。金剛持者，不出其聲，十六觀想，且無有聲，如是等法，寧見劣身佛耶。然大聲自有其益，亦諸法之一也。

【問】綿密受持佛號，至妄想不起，連佛號亦提不起來時，只覺一片空寂，是何現象。（萬嘉鑫）

【答】無作無願，是至上境界，欲提而不起，是失念之煩惱。寂照雙融，無相無不相，是實相境界，只寂是頑空偏惑。四者毫釐之間，似是而非，在下博地凡夫，焉敢為人印證。

【問】通常持名至一心不亂入三昧定境，

此時佛號不停。(萬嘉鑫)

【答】請問貴居士一心一的甚麼。停佛號後、還有什麼。如有是否爲一、如無便是頑空。修法必研經、必經師、不同押寶猜枚、碰看。

【問】念佛固在除妄想而使專一、倘妄窮眞露之開士、尚須以持名爲究竟耶。此約的的見性者言、非冒名狂士可擬。(張豁然)

【答】問中「開士」之稱、本不指一、其所修何法、修至何位、既未詳明、自難率答。佛門之法、亦非一種、修淨宗者、則有持名、修他法者、各有受持、雖各有持、然不妨以持名爲增上緣、此是其別。如文殊普賢二聖、可謂開士中之上上者、亦皆念佛、求生極樂。若不求生極樂者、別有所證、持名與否、

各聽其便。眞修淨者、不外除妄、然持名不專爲除妄、旨在發願往生也。各宗各有其儀規、不可錯改、猶一鑰一鎖、亂用不能開也。

【問】今此生如通達性相實義、並發宏願生西、而比之於得阿羅漢不發大心之聖者、往生後品位孰高。(張豁然)

【答】通達性相、是能解大乘經典、發願往生、不生則已、生則中品以上。縱不斷惑、凡聖同居、已能得不退轉、橫超寂光。阿羅漢不發願修淨者、不得往生、既不往生、安能論位、無三資糧故也。

【問】當魂識往生西方極樂世界後、如果並不用功或因欲重劫數一到、而仍未成就、是否還要再降於娑婆世界、或仍然留在極樂世界。(王允右)

【答】經訓分明、眾生凡生極樂者、皆得三不退轉、且能一生補佛。不退則無有不修、補佛則無有不成、此淨土法門之特別、二力相應之微妙也。此界不同餘界、雖有初成、並無壞空、彌陀願力所造、無火水風災之變、希讀彌陀經註、自知其然。

【問】參禪與思慧如何區別。上次弟子請開示對彌陀要解「：吾人一念心性、不在內外中間、非過現未來、非青黃赤白、：」之解悟。因吾人一念心性、圓明寂照、充滿並包盡虛空、故如要解所述。師詢弟子是要參禪或修淨。弟子自覺是用思的功夫來解答聽經後的疑難問題、非參禪。弟子學佛是以念佛求往生為主、用思慧解疑難問題為輔。若有疑難問題在心、則念佛時常被打斷佛號、弟子對理解愈深

愈明、則念佛求願往生之信心愈堅、未知此種修法是否正確。乞示。（鮮純賢）

【答】聞思修、三者並重、但亦有深淺之別、且有時機。要解所說之性、不在內外中間、與楞嚴理則無二、然用則不同。楞嚴自是對於心性、助參助悟、而要解不過證知念佛、本非心外。照顧當前一念、清淨不雜、念即心、心即佛耳。若念佛號者、再去覓心、便是騎牛覓牛、貴居士所問之意、似在覓心、而疏於一念、故有毫釐千里之虞。

【問】心性圓明寂照之境、弟子對此的了悟方法、是在冥目沉思、萬念俱息、的剎那間、即可覺察出萬法皆空、而心性的靈知能力則寂而不滅、如吾人在萬念俱息的時候、則不但萬法皆空、連心力似亦消滅了。但若有聲塵（餘同）一感觸、則即

刻又清晰的知道、並立即分辨出是何種聲音、萬法復隨之俱現、因之對心性的圓明寂照、似有不可說的境界、於是對金剛經云「所謂佛法者、即非佛法、是名佛法。」及老師講「說火非火」之句、亦有一番領悟。是說得到恰到好處的句子、不過弟子以上的思解是否即心性境界、尚不自知、但也許可以由此推斷出是有一不可說的境界、當否。乞示。（鮮純賢）

【答】這段妙思、完全是參修心性、所謂參修心性、亦非是見道見煖之言、飄渺恍惚、亦無用處。若謂念佛求一、更是去題萬里、這些影響、並無佛號影子、何能說打成一片、何能說心佛一如。持名之法、名即是佛、捨去名號便不相應。縱作到「萬法皆空、心力消滅」亦是頑空癡境、若再說「心

性的圓明寂照」一語、更是望風捉影。貴居士上一問中、有「念佛求生爲主」、「時常被打斷佛號」。此段妙思、非禪非淨、正是打斷佛號之利器。奉勸一句拙言、以後但求「佛號分明不斷」、更不問他空與不空、心與不心。

【問】弟子近來念佛時若用力攝心專注而念、則覺身入岩穴、對外面塵境所受擾亂很少、如雖有人開電視談話等、弟子亦聽不清楚、但佛號則較平時清晰明朗、妄念亦少、有時竟聽不到外面聲音、此種境界似覺很好、不過時間稍久則覺其頭上頂門處有重物壓著、身上肌肉亦覺稍緊張、此種現象是否會發生毛病。（鮮純賢）

【答】此乃用力強制使然、是爲勉強、如感

覺頭昏緊張、即應止靜。功課未畢、起身繞念、恢復平靜、再行坐念。功夫者、久久薰習、貴在矜平躁釋、身心輕安。

【問】離念靈知爲真心、吾人念佛、嘴裏念得清清楚楚、耳朵聽得清清楚楚、心裏想得清清楚楚、這是妄心念佛、能否有方法使人用真心念佛、增加效力。（鮮純賢）

【答】教理未明、功夫未深、宜從所知所能、循級而入、若希非分、是名躁進、不但無益、且恐生障。真心妄心、多少老修行者、尙且迷頭認影、何況我輩初機。宜暫將真心妄心拋開、直向正念妄念上體察、便是好消息。正念者、六字洪名、以外者、皆妄念也。若能信得及、仍用口念耳聽、心中過之法、加上一層相續功夫、管保君蓮池會上坐金臺。

【問】師講彌陀經云「不問事修理、修只、要能壓著見思惑不起、或去掉見思惑、只知道事不知道理、皆叫事一心。」弟子以爲去掉見思惑、按佛法即可證果了脫生死、那就不必往生、當生就可在此世界弘法利生、不必等乘願再來然否。（鮮純賢）

【答】當生斷惑、次則伏惑、若果作到、試問何種因緣使然。他法門乎、如任運而無加行、恐須七番生死、當生決難作到。淨土門乎、二力加成、三要資糧、持到一心、惑斷惑伏、以願力故、如是因如是果、自然往生。如無三要、即無二力、決難二惑當生能斷。假設萬一斷去、不過半分解脫、法身般若全無、塵沙茫茫、道種智尙未得、有何法可宏、有何眾生能利。況修淨不求往生、與法不

合、自相矛盾、已是大惑、分明增惑、何言去惑。

【問】有一同修對念佛信心頗強、但我執亦甚強、她所想的理論、所作的事情都不願別人反對、否則立起忿怒與人爭吵、她云「自己只要有廿分鐘靜下念佛即可見勝境、故不願聽人講述魔境、尤其地藏經都不願看、如此則能在臨命終時全現勝境順利往生。」此種理論能否如她所願。（鮮純賢）

【答】果然信心頗強、何妨有執、似屬擇善固執、或有成就、不願看地藏經、未嘗不是一門深入、專在彌陀、便不爲過、但其勝境如何、其人行止奚似、曾無一面之緣、未見而妄加判斷、謂之瞽矣。

【問】在家居士、酬酢萬端、修淨業單憑事

持、成就匪易、故必須開其圓解、巧將塵勞作佛事、庶幾有成、鄙意如是、不知然否。（王心普）

【答】事持得事一心、理持得理一心、不論事理一心、俱可往生、俱能斷惑、制心一處、無事不辦、加以信願、決定得生、雖開圓解、而無信願、亦不往生、祖師訓也。至於塵勞巧作佛事、乃是權智行爲、非初學所能。凡學一種佛法、各有其要、有專書、有次第、有師承、有標準、若以意爲、恐招紆曲。

【問】師著四種念佛表上「斷惑」二字、是否指見思塵沙無明俱斷、徹證眞如。若答案爲「是」、則但斷見思、或兼斷塵沙、亦非惑盡理圓、至此等境地而往生者、剋實而言、仍是帶業往生、對否。（李相階）

【答】惑既分三類、自有深淺之別、斷當然

有盡與不盡之分、如釋覺義、有始覺、隨分覺、究竟覺然。見思斷、喻始覺、斷塵沙、喻隨分覺、根本無明斷、喻究竟覺。得往生者、有伏惑未斷、及斷見思之不同、故曰、帶業往生。但往生要件、在有其願、及壽命已盡、具此二緣、果至惑伏及見思斷、即往生成就。除別願外、不待再斷塵沙、更不必說惑盡智圓、智圓則無生矣。

【問】若「斷惑」二字、單指斷見思而言、則持名、觀像、觀想諸法、亦可斷惑、例如持名至事一心不亂、見思即任運先落矣、是則持名亦可斷惑證真、所云只可帶業往生、未爲圓滿、祈釋之。（李相階）

【答】按往生要集、分念佛爲散定有相無相四類、表所列之前三、乃定業念、散業念、定散業有相念。因地有相、雖未能短時圓

智、已能往生、故曰帶業。業何以表、故畫圈中、加黑點以表之、非不必斷惑也。大乘以我法二空之涅槃爲實相、表所列之後一、是無一相可得、即是實相、無相安有惑、無惑妄、非真而何、因地能如此念、故曰求證真念、空何以表、但畫一空圈而已。表者以簡表繁、必有說以明之、徒看啞表、誤解每有之。

【問】皈依三寶就是正式佛的弟子了、假若在偏僻處、只有信仰念佛而無皈依、將來往生有障礙否。（吉祥班員）

【答】皈依自有其功德力量、若僻地而無法師、但能出諸真心、書信請求皈依亦可。如不誠心、當面皈依、亦是形式、重在心不重於形也。往生西方、全在念佛功夫、臨終障礙有無、全在招魔與否、魔即自造之惑

業、故念佛者、必須諸惡莫作、眾善奉行也。皈依三寶、遵三寶之教訓、善莫大焉。如皈依而不遵其教、僅種善根。

【問】曾聞恩師云「經過三皈依後、而專修淨土念佛的人、西方極樂世界七寶池中有朵蓮華上面刻有那念佛之人姓名。在此界每日繼續念佛（如澆水一般）、

西方那蓮花就會天天茂盛、若不繼續念佛、那蓮花就漸漸枯萎、若再不念佛、那蓮花就乾枯掉了。」如此往生就沒份了。弟子有時忙不過來、連念佛定數亦念不完、翌日、又是連續忙、就用一面工作一面默念多少佛號來補充、照這樣對蓮花有相當不足的培養否。將來往生會出障礙否。

（吉祥班員）

【答】蓮花隨念枯茂、乃祖師之語、理應固

然、枯言退轉失念者如是耳。若因事忙、不能作儀式之課、但得心中默念、是內不斷、不得斥為退轉、蓮仍滋長。若恐臨終生障、須於平素修養、一者「饒他忙似箭（身不離阿彌陀（心）」。二者凡諸惡念不生於心、所作俗事過去即了。練就心中有佛無他、障緣不生。

【問】曾聞師云「出家眾朝暮二課、須按照一定的時間、在家眾可以通融。」弟子有時極忙、又無幫忙的助手、不得抽身做晚課、延至後夜十二時多方課誦、每念到「是日已過」之時、常作如是想、十一時半是子時、已屬明天了、現念是日已過、是否不附合呢。（吉祥班員）

【答】宇宙四方晝夜、本無所有、皆是世人依相假名、智者不為相束。汝合晝夜為一

天、即日出一、次爲一日之始、未嘗不可。心爲萬法之宗、不必前後計度、天明不明、仍謂今天可也。

【問】每在定數念完佛號、再接念觀世音菩薩、大勢至菩薩、清淨大海眾菩薩、然後再加念地藏王菩薩。如此是否合修淨方法。（吉祥班員）

【答】課目爲古德所訂、遵之不變爲佳、但崇信地藏菩薩、亦是應當。蓋世尊已去、彌勒未來、救度此土眾生、地藏曾受付囑也。但定課作畢、專稱地藏聖號數聲、亦不耽延時間、較爲雙全。

【問】經中七日一心不亂、是指執持名號時不亂、其人在不念佛時、仍能不亂否。（鍾鈞梁）

【答】七日一心、乃指結七剋期求證、此七

日間、要淨念相繼、即口雖一時不稱佛號、心中仍不離開。果至一心不亂、二惑不斷、亦伏、若至斷時、便是有證。有證之人、無論何時、不失正念、不爲塵欲所亂。

【問】淨宗行人、未至一心、而信願堅固、臨命終時、如無人助念、是否得生。（鍾鈞梁）

【答】未至一心、必以不失正念爲警覺、信願堅固、再加習慣成熟、萬事來臨、自然先起佛念、應之、即謂之熟。熟亦有大力量、若至命終、凡有痛苦、則以所熟之佛應之、無人助念、亦可往生。助念者、助命終之人起正念也。既正念熟習、無助亦有八分把握。【問】在阿彌陀經中、前面曾言菩薩俱會爲何到最後只說「舍利弗、及諸比丘、一切世間天、人、阿修羅等」、不再提及呢。（

黃成德)

【答】參與法會各眾、先列舍利弗、後曰無量諸天大眾俱。結處先曰舍利弗及諸比丘、自無疑問。後列天人阿修羅等、即是大眾俱。中一切世間、即包菩薩在內、因菩薩乃正覺世間也。

【問】嘗聞「預知時至」事、恭請師爲釋其理。(陳峰成)

【答】功夫成熟、惑斷心開、自然發通、自己一段之始終、可以預知。即退一步言、修行人直心無僞、便是道器、直心者、心正也、無僞者、意誠也。世法聖賢之書、亦曰「至誠之道、可以先知。」而況制心繕性之進修士乎。

【問】因前年致病有三個月服藥無效、農曆七月卅日夜夢西方三聖、爲自己上山、

到半山忽然進退兩難、大驚之時、聞念佛和木魚聲、抬頭見西北南三方、有無量無數、阿彌陀佛立中、左觀音右勢至、向我而來、我即隨念佛、即時將我圍三方、我在彌陀佛膝下閉眼念佛、忽然眼開不見佛和菩薩、但是我不斷念佛、隨時醒、內心大歡喜、有一個月期間、然後病自好、這是何境。請指示。(羅東海)

【答】修道之人、語必真實、若所言不虛、自是淨業功有成就。有此淨相、如不退轉、將來報盡、決定往生。但不可向人誇耀、理宜照常用功、若無事然、否則招魔、前功盡棄、慎之慎之。因貴居士行雖有進、解不足也。

【問】經過數月、有一夜心清無事、淨坐觀夢境、專心念佛、無境出現、念至一心不亂、萬緣皆斷、了後沒有山河大地、覺身輕如

毛、以後無我無人無眾生一切皆無、但是有念佛、念佛不是我、不是他人、不知念佛是誰、出坐後、內心歡喜、身手足輕鬆、若心清不住事不住境即可入念、一年之間有三次、自想未受五戒、可就此而進否、亦是放棄、請指教。（羅東海）

【答】前段所言、初是淨相、後是無相、更是進步。勸貴居士以後、念佛之時、心只在佛、不可想空想有、再有淨相、或現空相、概置不理、亦不可喜、否則恐錯。後段數句言語、意思文理、俱不甚明、不便率答。至言受五戒之事、理宜請受、佛不在時、戒即是佛、信受謹守、可以伏魔。

【問】師曰「七日持佛名號至一心不亂、即斷見思惑、此時無明較淡、微露性光、自與彌陀佛光相應、是以往生。」問「若此

時未臨命終、可謂往生否？」（蓋彌陀經內又云「其人臨命終時、阿彌陀佛與諸聖眾、現在其前、是人終時、心不顛倒、即得往生阿彌陀佛極樂國土。」似與命終大有關係。）（吳碧霞）

【答】經有明訓、「臨命終時」佛始來迎、即得往生、非言一心不亂、立即往生。蓋一人壽命長短、乃是報之一種、未盡不歿、已盡不留。修者斷盡見思、乃是功夫所證、壽命未盡、便應盡己精進、再求斷塵沙耳。若至終時、決定往生、毫無顛倒、毫無障礙而已。

【問】菩薩尚有塵沙惑、有感則作業、菩薩造業否。（吳碧霞）

【答】凡有作爲、皆曰造業、但業有善惡、善又分有漏無漏。菩薩既須斷塵沙、以及說

法度眾、然屬無漏、並三輪體空、自與凡夫不同耳。

【問】菩薩每破一分塵沙惑、即歷一變易生、死、可謂「業力牽引」否。（吳碧霞）

【答】牽引者、係不得自在、任他之名詞。菩薩破一分塵沙、係修德所進、屬於自證、與牽引不同。

【問】彌陀經「各於其國出廣長舌相、遍覆三千大千世界」之意、林添福學長謂「佛爲一大天、此三千大千世界爲一小天。」未知此說對否。抑下說對。一理說、佛之法身遍滿虛空、而虛空有無量之三千大千世界、故能遍覆其化土。二方便說、音量所及皆可謂遍覆也。（陳永寶）

【答】所舉之說、可以通融。佛身變化大小多少、本不可思議。說一身滿此大千固可、

說大千內處處皆有佛現亦可、僅說音量亦無不可。以小心量人、不解佛之自在、只說音量、易於了解、因音發於喉舌、音至等身至也。

【問】問訊後舉至眉額間所結之手印是何印。含何意義。（陳永寶）

【答】拜手至地者、表自之在低在下也。舉手至額者、表彼所敬在高在上也。區區僅聞此一說、是否尙有他義、未曾習佛門諸儀、不敢妄言也。

【問】彌陀經云、三千大千世界、據老師說「合四大洲才爲一小世界、合一千小世界爲中千世界、合一千中千世界方爲三千大千世界。」未知、合四大洲之小世界是否可方便說爲一銀河系或一太陽系否。（陳永寶）

【答】稱世界與系、意義不同、世表無常變化、界表狀況多異。顧名思義、即含解釋、且亦啓人警覺也。系字不過舉一事作中心、他爲其系屬理無不合、但呆板耳。再其組織法不同、故不可稱系、因一箇單位世界、有須彌山爲中心、大千則無物作中心也。況日月亦是星球、不過以相距遠近、視有大小、假名日月、必以星之遠近、而定無量無邊之世界、甚感周折。

【問】念佛主四字。曾聞圓香居士言、若自己有一韻調、則較易收心、且一念起、則分明。我們應以何調念佛。師如何念法。
(吳聰敏)

【答】自己念佛、不必研究用何韻調、但求勻停即可。若隨眾念佛、只有隨順維那之調、自己不得單獨亂板。若問收心、一人有

一人之機、並不相同、各隨其機、不能勉強、本人之念、向不出聲、自屬金剛持、有時耳聽、有時心聽。

【問】念珠用法、靜坐時不宜用念珠、蓋因足以傷氣。如此、念珠用於何時。
(吳聰敏)

【答】念珠、無論行坐、皆可用之、念珠不會傷氣、傷氣者、乃念不如法也、如心身皆定、則不用念珠、因手撥動、身不靜也。

【問】十記數法、常注意記數而不聞佛聲、此是否不如法。
(吳聰敏)

【答】或念三句一記、再念三句一記、復念四句一記、便是十聲。如此念法、不礙耳聽。凡事皆要調度合宜、心身安泰、始能得定。此法不契、改用彼法、焉有諸法皆不契自之理。果皆不契、便是有障、至心懺悔、時時

懺悔、不持念珠、不記數目、但有閑時、一直念去、有恆不退、即有好境在前也。

【問】在彌陀經中、皆稱讚極樂世界種種功德莊嚴、云何古德問答法要中稱「彌陀亦有穢邦」、此話出自何經、復如何說。

（謝昭成）

【答】此屬誤解、說極樂有穢有淨、乃祖師善巧言語、將極樂自身比較、喻其不同、假定名辭、詳述語繁、恐再誤會、茲舉易知如下、極樂分爲四土、修者皆聞、若將同居土與方便土較、同居謂穢、方便謂淨、將方便與實報土較、方便謂穢、實報謂淨、將實報土與寂光土較、實報謂穢、寂光謂淨、不求語之所出、旨之何在、一味斷章取義、亦等於鼠啣鳥空。

【問】若深入念佛三昧時、佛念是否猶綿

密不斷、抑已無之、而唯存妙心明淨不昧、祈能明細開示。（趙涵謙）

【答】都攝六根、淨念相繼、以及不昏不亂、念而無念、皆是念佛三昧。

【問】靜定之力有深有淺、何以了知念佛已到一心之境。（趙涵謙）

【答】心惟有佛、不緣六塵、是爲一心。八風由外吹、七情內不起、惟有一句佛、相續而不斷、是爲一心。一句佛號、不被妄念打斷、不忘、不失、信得切、持得穩、固執不移、欲罷不能、是爲一心。不思善、不思惡、不求福、不怕禍、動靜語默是這個、飲食睡眠是這箇、是爲一心。這皆是事一心、要自覺知、倘自不知、即是昏沉、昏沉者無此境界。

【問】對淨土法門具有信心、亦有願力、但對世間情感不能一時齊放、這種願即是

浮願、如果念佛念到一心不亂、未知有幫助願力真切否。(林正道)

【答】性起惑而迷、幻爲情識、情越發動、性越惑迷。性迷情熾、五欲六塵、便放不下、此必聞道開智、自覺破迷、迷破則智開、智開則情淡。一者多閱經、二者多念佛、三者修持不退有恆心、功夫到時、自得一心。

【問】無量壽經云、十方衆生、至心信樂、欲生我國、乃至十念、若不生者、不取正覺、若一時具切願念十念名號、以後不能切願、未知得生否。(林正道)

【答】經語取簡、其義至深、十念往生、重在「至心信樂」四字、至心者、絲毫雜念全無之謂、即是一心、一心十聲、其力大矣。信須無疑、必使培根生力、樂則不厭不疲、十聲固短、「至心信樂」作到者、未有深功、

定有宿根、不可忽視、十六觀經妙宗鈔、宜參考之、始得此句之理。更有「欲生」之欲字、欲者願也、此爲最要、凡無願者、縱時常一心、亦不得生、況「以後不能切願」矣、不切願、即是退轉、往生無分。

【問】十念法門要念六字洪名、還是四字洪名好呢。(林正道)

【答】此卻不拘、六字取敬、四字求直截。

【問】增一阿含經云、若聞鐘聲及佛經咒、得除五百億劫生死重罪、何以故。(趙返照)

【答】凡夫六根攀緣六塵、剎那不停、因生愛惡、引起煩惱、落八識田、皆是六道種子、生死無窮。鐘聲經咒、皆是清淨梵音、聞之亦落識田、乃是功德種子、起現行時、便得超脫、故曰除罪。

【問】印祖在淨土決疑論裏曾言及以彌陀要解文深理奧、不便童蒙、欲搜輯台教逐條著鈔、未知目前有無此書流通否。（趙返照）

【答】印祖之言、恐未記清、須將上下文意、一同舉出、方好參考、僅此一句、不知其所以然、故難率答。但台教二字、未見此書、亦恐係指臺宗教義。若臺宗教義、則浩浩乎一言難盡、較之彌陀要解、更不知多幾百倍矣。

【問】真歇了禪師云、念佛法門徑路修行、正按大藏接上上器傍引中下之機、此意愚不解。（趙返照）

【答】此條句讀未明、指「念佛法門徑路修行正按大藏」十二字、故亦不便率答。若僅解「接上上器傍引中下之機」兩

句、敬述如下、按人根器、智愚不一、上上者指大智人、中者指小有智人、下者指愚昧人。淨土一法、此三根人、皆能修習、皆能成就、因西方蓮果有九、即上中下各三品也。上智則上生、小智則中生、愚昧則下生。古德云「三根普被、利鈍全收」也。

【問】何謂以果地覺為因地心。又印祖讚淨土法門為一切法門恆沙妙義無不從此法界流、無不還歸此法界、此話怎講。（趙返照）

【答】「果地覺」、「因地心」事之初為之因、事之成爲之果。我輩凡夫、皆有迷惑、初發心求修、此因發於心、曰「因地心」。後來破迷大覺、證得果位、曰「果地覺」。再「一切法門」指佛教人之一切方法。「恆沙妙義」指佛法所含之微妙義理。

如恆河細沙無量之多。「無不從此法界流、無不還歸此法界」此法界、指念佛之心、即恆沙數之妙法、無不皆由此心流出、至於萬法寂滅、亦歸此心。

【問】師云、散亂心念佛亦可往生、未悉其理爲何。（焦國寶）

【答】散亂者、時間環境皆不允許入定也。不靜不定、難得一心、力量自小、何能道交。倘能志切解脫、知善方便、百亂不能移其志、萬事不能忘洪名。白樂天云「饒教忙似箭、不離阿彌陀」。如此謂之熟、全在薰習工夫、打成一片。苦樂忙閑皆是這個、生死也是這個、故能往生。

【問】有云「一句彌陀即可轉識成智」。請問其理爲何。（焦國寶）

【答】此有理有事。以理論、能至心一句、此

一念相應、一念即智。不能念念、雖智而不成熟、還是生滅、以事論、假能一念萬年、便可曰轉後之成。

【問】阿彌陀經十方佛讚歎釋迦牟尼佛「甚難希有」、何以釋迦佛僅承認「甚難」而不承認「希有」。其義是否爲一、承認「甚難」示十方佛所言不虛、二、不說「希有」以示己謙。未悉然否。（焦國寶）

【答】甚難指事、希有贊人、事本有難易、易有甚易、難有甚難。且有甲辦則易、乙辦則難、才能不同也。極樂成佛甚易、五濁成佛甚難、世尊承認者、勸眾開悟願生也。普通法門易解易信、惟佛究盡者難信。承認者、勸眾信聖言量也。信願俱足、行在其中矣。受贊與自贊不同、自贊是慢、受贊者來自

他方、他方所贊、亦爲加強眾生信願耳。世尊固不自承、承是自贊、亦不謙辭、辭則啓疑於眾也、但默爾而已。

【問】常聞「釋迦佛來此娑婆世界已八千次」請問是否皆以佛身來。（焦國寶）

【答】經中只言共數、每次爲何身、則未聞詳分、未之聞、未之知、豈能率答、必求大意、可引比量。法華經、觀世音菩薩度眾有三十二應身、義云應以何身得度者、即現何身而爲說法、此不過舉比量作參考而已、非謂八千次之來、亦如是也。

【問】時聞人曰「定業不可轉」、亦有曰「業報未了、不能往生」、此二說似與阿彌陀經所言者不合。如何。（焦國寶）

【答】定業不可轉、嘗聞之矣。業報未了、不

能往生、則未之聞。蓋佛學應準四依、人言不足則也。定業固不可轉、但能以重轉輕、以無增上緣、如強弩之末、雖能中物、未必有力入穿。此轉輕之事、仍是修行之功、果絲毫不變、修行之功、豈非唐捐耶。至云業報未了、不能往生兩句、語焉不詳、自可置之。如云、信願未真、諸惡不改、業重障深、不能往生、則不背經義。

【問】阿彌陀經末「舍利弗……等聞佛所說歡喜信受作禮而去」、其「歡喜信受」四字不是已明白告訴我們信奉受持此經——阿彌陀經而去乎。然否。（焦國寶）

【答】經只一語、悟則多端。所謂見仁見智、入淺入深、各有不同。且眾生之病不一、用藥不執一方、此方甲愈、未必治乙。或一藥

在甲爲賤、在乙反貴、契而已矣。此經結語八字、固無奇解、卻有方便、以作警策。歡喜矣、未必能信。信矣、未必能受。受矣、未必能行。不行則皆戲論矣。古德曾問人曰、汝「去」幹什麼事、此乃一字之棒喝、可不惕然而覺乎。

【問】念即是觀、心即是佛、念佛至心佛合一（能所不二）時、應是觀心乎、抑念佛乎。（鍾鈞梁）

【答】心是自性佛、尙有他佛、雖說共同一法身、只是理論。且諸法有實體、有名相、修行各有方便、初步住於名相、仍係依教奉行。念佛之法、大概有四、即持名、觀想、觀像、實相是也。實相近於觀心、然亦非初學能修、若無佛之意念、僅知觀心、乃是禪非淨。

【問】老師曾說我們尙不夠程度打真正

的佛七、請問到怎樣的程度及時機、才可打佛七。（楊明機）

【答】一對於念佛法門、少能了解其義。二對於道場共修規矩、曾經隨喜。三必有七日之自由時間。

【問】主持佛七者、是否一定要出家人。（楊明機）

【答】以出家法師爲最好、且在寺廟精舍等處爲宜。蓋結七亦必備時地主伴財法等緣、出家法師自較易作也。倘僻處請不到法師、亦可從權請在家眾代作。然不論請何人氏、必以有經驗者爲限、因七中尙有須多事務、均應如法、否則恐招過也。

【問】真正要打佛七、是否一定要請一位已得一心不亂的大德來主持。（楊明機）

【答】能如是爲大佳、實則難之難矣、不得已而求其次、只專修淨土、深解儀規者、可矣。

【問】能預知時至而往生者、是否均已得一心不亂。(楊明機)

【答】此不一定、一心不亂、乃淨念定功、預知時至、乃誠敬所感、嘗見外教修者、亦有預知時至之事也。但能壽命臨終、預知其時、至將命終、可能心不顛倒、惑假未斷、亦是能伏、可操往生左券也。

【問】念佛三昧是否即一心不亂。(楊明機)

【答】可作如是觀。

【問】無念而念、師曾開示云在六識中沒有佛的念頭、但在八識中還有佛的念頭、就叫無念而念、但此種境界、弟子悟不到、

此外弟子對「念而無念、無念而念」另作一解釋如下、如念佛念到無念之時、那無念也就是念佛了。上一個而字當到字講、下一個而字當就是講、因無念是佛的境界、如念佛念到佛的境界、也用不著再有什麼念了。以上未知可否、乞開示。(鮮純賢)

【答】區區未如是說、或有誤解。但此等事、我輩不過鸚鵡學人言、說說而已、何曾夢見。無念者、入寂也。而念者、起照也。觀經「是心是佛」、入寂無念之境。「以心作佛」、起照而念之境。

【問】道高一尺、魔高一丈是一定的、修行到功夫深了、難免有魔來、有內魔、外魔、外魔易退、內魔難降。佛書上說、初修時小小魔關容易打破、等到道力漸深、魔力甚大、

藏在八識裏面的多生根本習氣，被功夫逼迫出來，修行人惟末後一關，最難逃過，遇到此時如何是好呢。（周慧德）

【答】淨法七日一心，可斷見思二惑，惑即魔，惑若念斷，安有魔事。惑不能斷，次則伏住，八識臨去，彌陀來迎，亦無魔事。

【問】念佛時現瑞像，如見觀音菩薩等，與往生有無關係。若不見瑞像，是否就不能往生。（鮮純賢）

【答】念佛時見觀音像，固可謂瑞，縱不見像，但心不亂，亦是好境。惟往生與否，須看臨終之時，心有無顛倒而定。平時瑞像，只是增上緣耳。

【問】念佛所見的瑞像，是平時八識田中之瑞像，種子在念佛比較心靜時顯現出來的，只能證明心有靜境，瑞相本身不能

使念佛人往生然否。（鮮純賢）

【答】往生與否，固在平日功夫，臨終之緣，亦甚重要，然有平日善因，臨終或感善緣，但平素所見之瑞相，乃剎那之事，命尚不到盡時，自不能使人往生。迨至命終，所現如何，猶須看彼時之緣，其緣與平素退轉與否，應綜合定之。

【問】有云極樂世界分四種土，最中央的常寂光淨土最莊嚴，為佛所居，其餘菩薩聲聞：等所居之土，逐漸向外，莊嚴程度亦漸減，弟子以為此是方便說法，因為佛菩薩只是在斷惑之程度上有差別，只能說內心的境界有差別而矣，可以同住一處，如在蓮社大殿內之同修，有念佛較熟者與其他同修皆可會聚一處然否。（鮮純賢）

【答】四土本爲一土、土相與心相應、仍爲修者之功夫所證而現。內心無差別、外境即無差別、內心有差別、外境即現差別、乃眞實語、非方便言。再內心二字、今隨君說、卻是方便、以心不在內外、經有明訓。

【問】弟子念佛常用意念不出聲可以減少疲乏、妄念多時則念一字即用念頭點一下則覺好些、但久則覺身體隨念頭搖動（未看不知是否在搖動）、有時他人說話或其他聲音擾亂時弟子則假想著與眾共念、耳聽著有佛號聲音在空中、則覺得可以減少擾亂之害、不過前之念法好像在胸前念、後者好似在頭頂上念、此種念法有無弊病。（鮮純賢）

【答】問中「用念頭點一下」不知何講、是否自己之頭顱、隨念俯仰之、以致身體

搖動耳。果如所揣、則大不可。在他人說話擾亂、假想共念、其想甚佳、可以採用。但忽焉在胸、忽焉在頭、是心不定、須糾正之。

【問】虛雲大師（年譜記載）在上海佛七中開示「行香時頸靠衣領、脚步緊跟前者把話頭要照顧好、坐香時頭不可向上、抬氣不可向上、提亦不可向下、壓隨其自然、話頭亦不可粗、粗則不落堂、亦不可細、細則昏沉；妄想來了不可著急、任他來、自己只要用觀照力把話頭照顧好、妄想自然消滅……」以上開示弟子覺其念佛亦適用（把話頭換成佛號）然否。（鮮純賢）

【答】虛老大賢、大匠誨人、所示各節、自應取法。禪淨名異而理不異、相異而性不異、儀采其法、行換佛號、是善取其法者、念佛

之時、耳聽心聽、便是觀照。

【問】佛教有分爲八宗、其中有淨土宗、知要一直念佛、念經到一心不亂、就可以往生極樂。我也希望能念到一心不亂、往生極樂世界、蓮花化生、親見阿彌陀佛、以及觀世音菩薩和大勢至菩薩、脫離六道輪迴的苦惱、但我是三十九年次男子、在明年就要服兵役、無法一直念佛念經、請問我還有一段時間、可以來念佛念經嗎？（涂清輝）

【答】念佛之要在信願行三者真切、真切則感應、有感則時不論長短、所以有十念一念等效。但真切人多作不到、果真切矣、即是一心矣。台端服兵役時、可以默念、退役後尚有一段時間、大有修習機會。

【問】寶鑑中又有念佛數息觀、又念佛又

數息、那不是更困難嗎？是數入息或出息。又學數息觀、是否隨地皆可、空氣污濁的地方、是否受此限。（孫昭明）

【答】念佛方法、有數十種、數息乃其一種、持名也是一種、若干種、只取一種修之、並非多種齊修也。

【問】學佛的人、不可以殺生、偷盜、邪淫、妄語、綺語、惡口、兩舌、貪、瞋、痴等、還要吃素、請問吃早素的人、可以念佛念經嗎？（涂清輝）

【答】不能吃素、可以吃三淨肉、是以解饞舌矣、肉邊菜亦可吃。只不殺生、等於素食。要知念佛念經、大意都在自度度他、一片慈祥之氣、殺生乃殘暴行爲、兩相矛盾、故作不到素食、必要作到不殺。

【問】今發心念佛念經、但是不會、請問要

到那裏去學才好。（涂清輝）

【答】退役以後、何處學習、再來信商量不遲、居家服兵役、諒必多少有讀書機會、望寫明詳細地址、先贈送淺近小冊、亦能依之而作。

【問】我要學的經典第一是阿彌陀經可以嗎。（涂清輝）

【答】既言欲學淨土、阿彌陀經乃淨土三經之根本、且爲持名之專法、是必學之經、但學與念、少有分別、學者應研究其義理、初學比較難、念則求一常念之人、正定聲音、誠心誦之即妥。

【問】時常看見出家人和學佛的人手裏多有佛珠、請問佛珠的意義。（涂清輝）

【答】佛珠者、有一定之數目、學人誦經、持咒、念佛、有正課散課之分、正課不論經咒

佛、均須定數、佛珠即記其數目、使勿或少也。

【問】念佛功夫初學念、口念耳聽、進而心念心聽、極則神念神聽、心神兩者之念、請老師詳細解釋。（周慧德）

【答】心念者、不出聲而默轉佛號、雖默而字字清楚、便是心聽、神念者、心不默轉佛號、而起念皆不離佛、神與之化、都攝六根、淨念相繼、繼與不繼、不分別而觀照不訛、即是神聽。

【問】古德云「人人是佛、法法本具、蠢動含靈都有佛性。」聽華嚴經以後、知眾生造業、如幻師咒術能現種種事、老師說改變心理最重要、若改不過來、將來往生西方沒希望、此話實在令人傷心。古德作風、各有鍛鍊後學的手段、惟願老師以大慈

悲開甘露門、廣度我輩。(周慧德)

【答】一面念佛、一面造業、善惡混雜、且又不知佛與業、誰多誰少、如此下去、既不斷惑、又不伏惑、臨命終時、佛種有力先出乎業種、有力先出乎、有把握否。傷心有何用處。佛如醫王、開出藥單、不吃、病不得痊、要埋怨誰。古德鍛鍊後學、如佛無二、應病與藥、今日教人、豈有例外。所見今之學者、福德助功毫無、半是我私、我執、我慢、心理、此而不去、皆是臨終魔障、佛亦不能援救、惟在自己早改。

【問】萬法唯心造、心是工畫師、身為女子喜歡裝飾、常觀自是觀世音、滿身瓔珞、穿著柔軟衣服、微風飄飄、有時又想自身是地藏菩薩、衣冠整齊、行步自在、但是資格未到此地位、是否有罪過。(周慧德)

【答】這卻無礙、作地藏想、當前便是地藏、作觀音想、當時便是觀音、居士既修淨土、

豈不知以心作佛、心者念也、佛尙要念、要作、況不許作菩薩耶。然想身是菩薩、固亦大佳、進而將心要作菩薩之心、甚而要學彌陀之心、果如此想、如此作、一想一作、八十億劫生死重罪、尙可消去、安有增罪過。【問】十方淨土、以阿彌陀佛極樂國土爲最殊勝耶。乞詳示之。(趙正華)

【答】正報依報、莊嚴殊勝、一眞法界、萬象說法、進而不退、一生補處、四土九品、普被群機、不斷諸惑、可了生死。

【問】觀音菩薩於塵點劫前、早已成佛、號正法明如來、因何現今尙在西方、陪侍彌陀佛、接引念佛往生者、又據經云、將來彌陀佛入涅槃、觀音當繼而成佛、其土視現

今更爲殊勝、如此觀音詎不成補處菩薩嗎。(趙正華)

【答】度眾願深、故化菩薩之身、輔翊彌陀、接引娑婆之眾往生、實則乃是佛也。

【問】彌陀經有晝夜六時、而妙叶大師寶王三昧念佛直指稱極樂無寒暑晝夜(見極樂依正第一)此應如何解釋。(鍾潔園)

【答】晝夜者、指所居之地、對日向背之假相、而稱之假名。寒暑者、居地繞日之軌道、爲日直射斜射、距遠距近之假相。極樂自具光明、而無日月、故無晝夜寒暑、然爲動靜語默、自亦假定時間。時間者何、即花開花落與鳥合唱、距離次數、予以方便時名。亦云晝夜六時者、乃世尊向闍浮說法、隨順當地、權巧語耳。

【問】清妙空大師十二字念訣、其中「神念神聽」與「念而無念、無念而念」境界同否。(鍾潔園)

【答】念而無念、是謂神聽。無念而念、是謂神念。

【問】寶王隨息念佛、在息粗時、一字一出入息、息細時、一句一出入息、未審合否。又念至無念時、是否已到事一心。(鍾潔園)

【答】按寶王念佛直指、都二十二篇、約四萬餘言、已二十餘年、不睹此書。所提問題、果出其中、妙叶大師、甚爲雲棲、滿益諸祖推崇、其說方法、焉有不合。但來問未指明何篇何處、無法遍查參考、詳作答覆、引爲歉耳。

【問】閱淨宗諸書諸祖(一)有須念至一心

不亂、方得往生。(二)有說得生與否在信願之有無。(三)有謂有信願、雖心未一亦得生、無信願則雖一心亦不得生。應如何圓融其說。(鍾潔園)

【答】凡修諸法、皆應一心不亂、不獨淨也、必不亂始謂之定。禪之「外離境、內不亂」密之三密相應、何一不然、而有多名者、即不亂乃共同之原則、各法尚有各法之特質也。淨土特質、即信願行、若無此三、與他宗何異。所問三說、若統觀文之前後、自知原則特質、兩皆重要、若無特質、便不是淨土、遑論往生。三說並不逕庭。不過散心往生者、品位不高、或臨終信願無力、生障礙耳。

【問】極樂國土人民、壽命無量、倘乘願再來娑婆、度生緣盡時、命終何往。如造惡業、

墜三塗否。(鍾潔園)

【答】能得往生、皆是阿鞞跋致、斷盡見思、始肯再來、不退斷惑、不會再造惡業。此處度生緣盡、有願另往他處、倘如感覺力弱、任運再往極樂。

【問】持名以六字為恭敬、但氣弱之人以四字稱念、功德同否。又誦經持咒、默念與朗誦、功德有無大小之分。(鍾潔園)

【答】修持應求輕安、佛法皆有權巧、真具恭敬、四字亦可、心無恭敬、六字枉然。至於經咒、理亦準此、默念朗誦、不能但論形式、有無功德、端在虔誠。

【問】念佛往生時間、觀無量壽經有云「如彈指頃」、「如一念頃」、「作禮未舉頭頃」、「譬如壯士屈伸臂頃」、即可往生。何以念佛人命終後、還要等數小時後、

始可更衣動屍。(楊德榮)

【答】彈指往生等時、指第八識離去之際、既已離開四大假身、則無中陰直趨西方矣。必待數時者、因前識已去似死、恐八識尚未去也。八識規矩云、先來後去作主翁、遲換衣者、防萬一也。

【問】自從前年蒙示念佛法要、果然妄念減少許多、並有時念至單單只有念佛一念之時、感覺精神愉快、即走路時候足也、好像沒踏著地似的。因要上班故不能繼續、以後的念、但覺心上沒有煩惱、身上也沒有其他感覺了。記得曾有兩次在夢見可怕的事也很清楚、自動念佛。就不知道以後應該怎樣念才能算有進步。(蕭志揚)

【答】在應付一切事務、不起煩惱、順來不

喜、逆來不怒、隨緣消舊業、更不造新殃、看得破、忍得過、此是改習功夫之進步。念佛之時、漸漸由散而定、由昏而明、此是淨業之進步。但如何定、如何而明、須後功夫少進、教理多研、再說不遲。

【問】彌陀經云「西方世界有無量壽佛」等稱讚不可思議功德。此是否指阿彌陀佛亦參同稱讚此彌陀經功德耶。(梁中立)

【答】十方三世、佛同名者甚繁、即本經之南上兩方、各有「大焰肩佛」名號、他經所載、西方之佛、名阿彌陀者、即有三十六萬億之多。此問之無量壽佛、若按一法身論、可從貴居士之說、以文理論、則以另一尊佛為佳。

【問】請問我們的本性在那裡、是否在心

意發生的念頭嗎。每人本性的大小怎樣分別。多大乎。多小乎。動念怎樣克住呢。我們願生西方以後、再願下凡度眾生、是否被迷惑蓋住、善根是否能再長出來呢。（謝幼）

【答】此問可分四類、亦須分答。一、「本性在那裏」。非只在內、非只在外、亦不在內外之間、此似難解。若換一解法、即性包虛空、無處而非性在。又念頭是心意之妄動、心意是性迷之所生、心念非性、而不離性。二、「本性大小」。有相則可言大小、無相大小不可立、勉強說大則無外、小甚鄰虛。三、「動念怎樣克住」。眾有八萬四千病、佛有八萬四千藥、居士既修淨土、念佛即是住念好藥。四、「再願下凡度眾」。不斷惑者、當有隔陰之迷、然雖迷一

時遇機善根即起現行。

【問】我常去外面助念、或作種種的事情、事過多、念佛時、心就散亂。這念頭便向外攀緣去、若臨終時、像這種情形能夠往生嗎。（慧霖）

【答】此皆淨業不熟之故、聞知識云、淨業要得一心、遵經訓也。不能理一心、亦應事一心、不能事一心、也要熟處生、生處熟。熟處者、五欲六塵、是非非也、要他冷下去、漸漸生疏去。生處者、六字洪名、自他同化也、要他提起來、漸漸熟練了。若能熟練了、行住坐臥、喜怒哀樂、都是他開頭、給人助念、何能亂了自己。沉到自己臨終、正是他來為我助念時、並非我去為他助念時、何懼之有。

【問】末法時代、修持以念佛為最、往生最

穩、但念佛以六字洪名呢、還是四字洪名。我持四字洪名已習慣、望您指示。（素花）

【答】六字恭敬、四字精簡、佛法圓融、隨緣自取。既以四字爲習慣、仍照四字便佳。

【問】昔曾友人示、謂有「往生咒」持滿三十萬遍、命終必定往生、此實真確否。又問「拔一切業障根本得生淨土陀羅尼經」何處有藏。又只持滿三十萬遍往生咒、而不念佛號、不作其他修持、也得往生否。（詹德源）

【答】三十萬遍、必定往生、古德經驗、豈能欺人。但持有誠僞、心有定散、三十萬遍、則結果或不一矣。持往生咒、無非求生淨土、彌陀爲西方教主、念佛自是經訓、此一佛號、畢生不宜間斷。修行者須明善根福德

因緣、持名持咒修善根也、眾善奉行修福德也、如鳥雙翼、缺一難飛。再問之經何處流通、尙不知處。

【問】楞嚴經——大勢至菩薩答「佛問圓通、我無選擇、都攝六根、淨念相繼。」六根既已全攝、用何來念。如用心念、起心動念即是妄、妄則不淨。若用性念、眞如本性、靈明不昧、湛然常寂、無垢無淨、一念不生。何爲「淨念」。敬祈開示。（黎韻蕭）

【答】都攝六根、尙有七八兩識、每識各有能所、且有見分相分、此能所見相、無不是念。此四法者、尙屬分別、以此四念、都歸於佛、不起分別、便是淨念、久久念而無念、謂之實相念佛。根本無明不斷、即爲有念、故等覺菩薩、尙須念佛。應知「都攝六根、淨念相繼。」是說修德示人、因六根攝他尙

有念、是故說修。

【問】念佛要給誰聽耶。（謝幼）

【答】佛法智悲雙運、自他兩度。求自度念佛給心聽、要度他念佛給六道聽。

【問】我遇到病苦的時候、時時想念佛、病嚴重時還會念佛、到了後來心裡昏昏沉沉、不清楚就不會念佛、但心內沒有其他欲念、及眷屬等諸念頭、像這種情形、若死去能夠往生嗎。（謝幼）

【答】不起欲念、亦無眷屬等念、足見平素功夫、小有得力、至於昏沉、亦是普通現象。應知此是壽命未盡、八識不去之際、若八識去際、再境昏沉、便轉中陰、中陰身出、往生杳茫矣。

【問】動手術八個小時、前五識都不知痛或難過、但是覺清清楚楚在一個很清涼

地處、只有虛空與松樹葉排得很美、在那裏欣賞、這是我的八識心田所現、或者菩薩加被、轉我的心、可是我今生沒有見過這種境界、用我思想推察不出來、假如如此狀況、死是否能出三界。（謝幼）

【答】此亦心中、垢少淨多、是念佛息慮之功、故能得此清涼、在未捨報時、自是好境。若捨報後、必立現佛界、方能超出、不能與此同日語也。

【問】人死以後八識照常、念念不停執我、那時候的心念、如似生前的情形同樣嗎。（謝幼）

【答】死後境界、普通人與修行人異、修行人與修淨土人亦異、修淨人與斷惑人又異、普通人八識多黑業、修行人八識多白業、修淨人八識多淨業、斷惑人則半識半

智、若成佛者、則圓智非識。同者唯一、所謂惟有一乘法、異者塵沙難數、以惑數有塵沙多也。

【問】請問佛號一概念四字、對佛有失敬否。(王清漢)

【答】每念四字、多行合掌、此一儀式、便是敬矣。

【問】請問「一生補處」是接前佛退位、而前佛呢。(王清漢)

【答】佛帶果行因、無有休息、此一道場緣滿、則又往他界度眾。此道場假曰退位、再由補處者繼之、實則法身不動、假來去者、報身之隱現、化身之示生示滅而已。

【問】請問西方極樂國、有四個淨土、往生西方無論上品、上生亦須先經西方淨樂土否。(王清漢)

【答】極樂四土、乃極樂一處、而分四種境界、非四土是極樂之外者、譬如一年、而有四時、四時自有四相、而四相總是此年也。此四土者、相各不同、乃因各人所修斷惑不同、故所現各有異也。

【問】長者曾示念佛之法、有口念耳聽、心念心聽、神念神聽、其口念耳聽、易於瞭解、而後二法、較難於領會、請道其詳、以便行持。(鄭志西)

【答】心念者、心中起一佛號之念頭、而不出聲、是謂心念。心聽者、所起之佛號念頭、自己默察、如能清清楚楚、而不模糊、便是心聽。神念神聽、乃無念而念之境、非初學能懂、解亦費言、希檢楞嚴經、大勢至菩薩圓通章、內中有「都攝六根、淨念相繼」二句、多參古德註解、可悟心念心聽之意。

【問】靜坐默念佛號、心相由粗而細而至無念、此時應如何著力。一直觀去、未審合否。（鍾鈞梁）

【答】無念而念、乃實相念佛、須憑功夫悠久、躁進著力、皆不能得、但求念而歸一、即大佳矣。「一直觀去」說法甚好、作法如何、尚須著實。一直者、無他念頭、惟有直徑前走、六字綿連、不偏不曲如墨繩、不雜不斷如長流淨水。觀去者、將心繫住所念、如燈照路、不少暫捨、歷歷分明、不散亂、不昏沈。由短展長、由勉強歸於自然、淺之能伏惑、深之能斷惑。

【問】念佛至無念時、與修觀時空的境界、有無分別。（鍾鈞梁）

【答】無念與空、有粗粗細細、或無念粗空相細、或空相粗無念細、則有分別、相等則

無別、因二者皆在乎心。若求脚踐實地、莫如照第一問答作、老實可靠、不致生歧。若專在無念與空上打計較、似走紆路、試思能知無念及空、尙是有念不空、若泯然無知、又是頑空失念、這些葛藤、一時難消。

【問】古德之「有佛處不得住、無佛處急走過。」此無佛處急走過一語、是否教人不可沈空滯寂、不可落於無念、免致有死水不藏龍之害。（鍾鈞梁）

【答】此禪家不滯空有、解粘去縛之機、會則直下承當、擬議則去題萬里、仁者既是修淨、自有淨家途徑、貌似殊異、歸則一也。若錯用心、恐不禪不淨。禪家有佛無佛、俱是妄念、不念有無、名曰正念、此乃遣妄念之意也。淨家則以有信願行、爲正念也。

【問】「恰恰念佛時、恰恰無佛念、無佛恰

恰念、常念、恰恰無。」此種境界、是已到一行三昧否。（鍾鈞梁）

【答】此即所謂「念而無念、無念而念」之意、寂照雙融、空有不二、乃最深之三昧。

【問】一心不亂與念佛三昧、有說是同（如彌陀要解講義）、有說是异（如云一心爲因、三昧爲果、印公文鈔中亦有淺之則得一心、深之則得三昧句。）究竟是同是异。（鍾鈞梁）

【答】經曰「一心不亂」是一句、印祖云「一心爲因」是半句、「三昧爲果」乃不亂之半句、合成一句、則因已成果、分解固異、合解則無異也。

【問】古德如天奇、毒峰、均主參究念佛、雲棲提倡淨土、亦不反對參念、且謂可得上品上生、今人念佛、如信願堅固、是否可以

兼用參念法門。（鍾鈞梁）

【答】學淨兼用參究、謂之禪淨雙修、開悟往生、自是上品、不特參究、亦重研教、經不云乎、上品上生者、須能讀大乘經典、惟此皆上等根器之事、非中下根所能者、淨宗之妙、在能三根普被、必明此意、始知量力而修也。信願堅固已佳、若加參究、不退信願、自屬得益、若參後而退信願、則是求升反墮矣。

【問】念而無念、無念而念、可否說是真空妙有。（鍾鈞梁）

【答】借來譬喻、未嘗不可。

【問】師嘗言見思盡斷是事一心、心開見性是理一心、又云事一心是伏惑、理一心是斷惑、二說如何圓融之。（李蓮階）

【答】曩時或有誤記、不作如是說、前所言

者、係本滿益大師要解、其說如下、不論事持理持、持至伏除煩惱、乃至見思先盡、皆爲事一心。不論事持理持、持至心開見本性佛、皆理一心。要解有圓瑛法師加講義者、讀之較易、可物色一本、細密研討。

【問】有一婦人云、有某信徒爲病人助念、病人說不聽、某信徒答「你不聽、我也要念、等我念完以後、找我好了。」後來、病人死後、某信徒生了一場大病、該徒禍由自取、再使病哉。（清心）

【答】助念一事、乃淨土大法之一種、有種種之事、種種之忌、種種善巧方便、及規則組織。必深解淨法之大德、在平素訓練、臨時到場領導、尙恐無功。決非一知半解之門外漢、及我法執重之呆板漢、但憑熱情、魯莽從事。助人往生、解脫生死、這是何等

大事、豈可胡鬧。某人病與不病、暫不去說、但強念惹人煩惱、被人揮之不去、皆是「心好」、「事錯」矣。

【問】弟子有一次偶然機會、有助念錄音磁帶、遂把錄音機打開、試試聽看如何、但是開的聲音大一點、以及長久一點、感覺不耐煩、必須休息一下。但把錄音機關著、自己還可以安靜再默念下去。（清心）

【答】助念之法、極不簡單、聲之大小、緩急四字六字等、皆視情形而定。再有重要應知、助念者、助病者之正念、恐其臨終失念也。彼不欲聞、是不欲念、彼既不念、所助者誰。復次、修淨者、要在一心、一心先學淨念、相繼相繼、必先習成、聞佛不厭。貴居士聞佛、尙有不耐煩心、顯然未得法喜、聞尙嫌煩、念恐更煩矣。再錄音帶所錄之音、是否

如法、亦應研究也。

【問】因有上述兩項情形、乃翻閱印光大師文鈔作爲參考、在文鈔中云、助念可分三班、一班念、二班默持、勿使間斷、又云一班在念、二班休息、就是一班念一小時、餘下二班可休息二小時、而對病人應否休息安靜一下、沒有說明。（清心）

【答】印祖文鈔所言、乃係大概、而靈巖道場、尙有助念規則、可參考前二條之答。若無訓練、恐未必如法、所云換班者、即不使截斷、善爲此者、必使病人安靜、否則成爲疲勞聽覺、定引煩惱。

【問】又參閱弘一法師「人生之最後」書中有云「助念輪班、但快慢、皆須預問病人、隨其平日習慣及好樂者念之。」又云「神經衰弱者、病時畏尖銳聲音、僅用

聲音助念、最爲妥當。」「但人之所好、各有不同、必須先問病人、隨其所好而行之、萬勿固執。」又云「今見助念者皆隨己意、不問病人、何能相隨默念。」「或有未宜、儘可隨時改變」。（清心）

【答】大師所言、與印祖本同、可見此事、乃爲善知識所爲之事、不可率爾胡鬧、誤人慧命。

【問】又前閱讀者文摘及報紙有登、現在工業社會中、都市噪音干擾、患都市文明病的人（神經衰弱）日益增加、在美國有一千多萬人、家家戶戶都用鎮靜藥片。

（清心）
【答】佛音非噪音、然欲聞者則去念、不欲所聞、雖非噪音亦不宜加以勉強。凡勉強平人尙難堪、病者更不宜強加之也。

【問】由於上述各項原因、對於助念方法、似乎應有改善、比爲助念人分三班念、及休息、而病人在廿四小時都無安靜一下、萬一起厭煩心、豈不兩方都無利益。以前農業時代、無噪音干擾、現在都市噪音干擾、患神經衰弱、失眠、病人越來越多、此病人最畏大聲、有聲音長久在耳邊干擾、即會起厭煩心、所以不可不知。

【答】助念之事、乃對修淨之人所施、並非普通行爲、雖施之於修淨之人、亦有助念之時間、並非遇病即念。千言萬語、施助者必須深解淨法大德、被施者亦須信淨樂受之人。至於換班等法、皆係知識規定。門外漢不明其理、亦不會用。人事風俗、時有轉移、規則自應隨宜而變、然非我輩不解其中意者、所可任意亂改者也。

【問】因此弟子照弘一法師所述方法、向那婦人說明、助念應先問病人、再用助念方法、如病人不能耐煩、則停一下、在邊默持、一切應視病人需要而定、不可呆板、固執、否則、如阿耆達王、因用人不慎、將拂塵打其向上、引起瞋心、墜爲蟒蛇、豈不冤枉、假如病人畏嘈聲、或不能耐煩、如生厭煩心而下墜、則病、助兩方都無利益。因助念是大原則、但助念方法應研究、視何種病人、用何種方法助念、如病人不畏嘈音者、能耐煩者、則廿四小時都可大聲念。（清心）

【答】那婦人向何大德學淨、是誰傳習助念、是病家請他去念、或是熱心自薦、局外人實難強行干涉、因緣而已、奈何奈何。所言二十四小時、可大聲念、乃指病人斷氣

以後、非病中之時也、切切不可誤會。

【問】弟子所提意見、那婦人認爲是「齊東野人」之語、不聽。（清心）

【答】言由於君聽由於他、因緣如是、奈何不得。

【問】茲事體大、敬請老師指示、對助念方法、應照舊方法廿四小時不停、或是應先問病人需要、然後用適當方法助念、如何比較妥當、或有其他更完好的辦法。（清心）

【答】前條已經節節說明、必經訓練、彼何人斯、予豈能拜門往教。如無真正修淨道場、安有真能助念之組織、雖有辦法、教誰承擔。

【問】一般人看印光文鈔者多、看弘一言論者少、故不知活用、請老師再闡揚、以利

世人。（清心）

【答】印光法師文鈔、所言者原則、印祖所訂助念之法、另有明文。非其人不能學、非其人不能辦、印弘二尊所言、亦是對修淨者所示、並非教鸚鵡去作、亦不是教錄音帶去做、予老耄而無德、無能爲矣。

【問】又如印光大師復劉瞻明書云、當念佛時從一句至十句、隨念隨記、至十句已、又須從一至十、縱日念數萬、從朝至暮、無不相宜、此十句念法、行住坐臥、皆無不宜。（見文鈔菁華三十五頁）（清心）

【答】本段乃謂不用念珠、心中記數之法、文中極爲分明、「隨念隨記、至十句已、又須從一至十、縱日念數萬、從朝至暮、無不相宜。」此教平人易得一心之法也、非爲強弱人說方便也。

【問】但復丁福保者則云、十念一法俾其

心隨氣攝、無從散亂、其法之妙、非智莫知、然只可晨朝一用、或朝暮及日中三用、再不可多、多則傷氣受病、切不可謂此法最能攝心、令其常用、則爲害不小。（見文鈔菁華七十一頁）可見啓示方法、仍因人而異、如體衰、力有不能者、則只可朝暮、日中三次、不可多用。（清心）

【答】本段乃指一口氣念若干聲、共念十口氣爲止、斯爲最忙之人、而得一心之法也。與前條一用心記、一用口氣、各有作用、各不相同。凡事不論男女、有學無學、必經師承、方少出錯、所謂「佛法無人說、雖智不能解。」又曰「望文生義、三世佛冤。」生死大道、「不經一番寒徹骨、怎得梅花撲鼻香。」願有志者、善體念之、無學婦女、

原不足怪也。

【問】昨聞講阿彌陀經、云極樂世界、無有日月、自有佛光樹花等光、惟前參考「淨土生無生論」、言極樂有「百億日月」師講與論說法不同、未能釋然。論文錄下、論曰「佛說阿彌陀經云、從是西方、過十萬億佛土、有世界名曰極樂、百億日月、百億須彌、百億大海、百億鐵圍山、名一佛土。」何得云無。（施振輝）

【答】貴居士所讀之書、均能記憶、是有過目成誦之天才、甚難希有。但好讀書而不留心章句、每有誤解、此亦當慎。所學生無生論之文、如能分清章句、則不致誤會。此文本是兩段、自「從是西方」起至「有世界名曰極樂」止、爲一段經文。自「百億日月」起、至「名一佛土」以後、「是

則極樂國土、去此甚遠。」止、又爲一段。百億日月、乃第二段之起首語、言每一佛土、即有百億日月、況十萬億乎。此多日月乃十萬億佛土者、非謂極樂者。今將後段首句、連作前段結句、則大錯矣。區區所述極樂而無日月、與論並無矛盾。

【問】生無生論「故說初發心人、極樂寶池、已萌蓮種、若精進不退、日益生長、華漸開敷、隨其功德、大小耀煌、其或懈怠悔雜、日漸憔悴、若能自新、華復鮮麗。」行者今念佛、極樂寶池所生之蓮種、將來其或懈怠、功德唐捐不。若能自新「華復鮮麗」亦或如老師稱曰「重新萌種」。(施振輝)

【答】「華復鮮麗」句、尙有後文、不能棄而不論。文曰「其或不然、焦芽敗種。」惟

頌者、乃花不再茂、將萎未萎之象、如人病已垂危、尙未斷氣、如遇名醫、尙可回春。故曰若能自新、華復鮮麗。焦芽敗種者、芽已焦枯、種已敗腐、如人死而已潰壞、雖有良醫、已莫如之何也。區區故曰重新、亦未與論有矛盾處。

【問】開示「求念佛歸一、並勗將心繫住所念、如燈照路、淺之伏惑、深之斷惑。」請問歸一是否制心一處、或能所不二亦即事一心。又伏見思所生土是凡聖同居否。斷見思所生土是方便有餘否。(鍾鈞梁)

【答】制心一處、等於歸一、能所不二、又深一層、下擬所治所生、可如是說。

【問】所謂老實念佛、是否專指持名、以一句彌陀爲繫心之境、如涉觀像觀想或參

究念佛、便不老實矣。（鍾鈞梁）

【答】凡事擇善固執、不玄不雜、皆曰老實。惟念佛一門、雖有各種、總以持名、三根普被。然人持名、每有其他夾雜之法、或尚談空說有、諸多分別、頭頭是道、駁而不純、便不老實矣。但能一切放下、守住信願行一直念去、便是老實。

【問】得到一心時、需要善知識印證否、抑自己可以了知。（鍾鈞梁）

【答】譬如飲水、冷暖自知。但能一切境中、不忘這箇、念頭起時、不離這箇、八風來時、守住這箇。一時如是、謂之一時一心、一日如是、謂之一日一心、日日如是、謂之淨念相繼、得明此理、可以自知。

【問】得到一心之人、念佛時一心、不念佛時如何。（鍾鈞梁）

【答】念佛雖與二課關連、然二課自是二課、念佛自是念佛。觀居士所問、似是以二課爲念佛時、課畢則非念佛時。如此一曝十寒、功夫何能成熟。應細玩第三之答、使有心得、作課時固然念佛、不作課時、仍有影響。儒家謂「道也者、不可須臾離也。可離非道也。」儒家修齊治平、皆是道也。佛家搬水運柴、掃地焚香、撞鐘擂鼓、吃飯睡眠、皆是念佛。第七識不斷我想、何嘗作一切事、能打斷我、若把我換成佛、不會作事、便打斷佛。

【問】蓮池大師云「于空心中單念一聲阿彌陀佛、不必啓口動舌、但默默以心眼返照。」此種念佛、爲默念乎。爲繫念乎。抑憶念乎。（鍾鈞梁）

【答】此乃心繫於佛、心即是佛、心佛合一、

即不必再向文字上分別矣。此境有待說明。彼上根者，能空心念佛。中根者，能念佛空安心。下根者，念佛妄心亦不空。

【問】念佛珠一串計一百零八粒，究竟是何意義。（卓忠振）

【答】念珠之數多種，百零八者，斷百八煩惱，轉百八菩提之義。此種在前問答中，載之屢屢矣，若求其詳，希檢便知。

【問】自認識佛教以來，也有兩年了，對佛理研究雖不深，但對念佛則能秉承，以前都回向西方淨土，唯近日忽與東方藥師佛淨土，兩者抉擇不定，願力不知所向，頗覺茫然。而我對於藥師佛像好像較容易起觀想，是否對佛像有所執著而致此。古來諸大德們都以教人專念阿彌陀佛而求生西方，鮮以教人求生東方，其原因何

在。（孫昭明）

【答】諸佛智慧平等，皆有淨土，因眾生根器不一，故有方便五乘說法。所示之境，所發之願，則隨眾生之機而出，必契眾始肯入也。求福報享樂者，則東方消災延壽藥師如來當機。求解脫生死者，則西方阿彌陀如來當機。顧名思義，可以了然。此必兩經對照，自悟其中消息。各經勸生淨土，多指極樂者，一命終佛來接引也。二往生即斷二惑，不再入輪迴也。三只經一次變易，即得等覺大果也。

【問】弟子對於念佛感應見聞記非常的喜歡。當然弟子高興念佛，也願生西方，也願勸人家念佛。但是……據古德來果禪師說西方蓮華化生要經很久才能出來。他說西方極樂世界一晝夜等於人間八

十小劫（一大劫）。唉喲，上品中生都要人間一大劫，蓮華才開，何況中下品的呢。弟子以後如何安意而修，以後如何勸人以念佛勸人，豈不誤了中上根人。請慈悲開示好嗎。（黃國安）

【答】彼土日夜長短，與此土相較，固有不同，此事理之一端，對博地凡夫而言也。若悟者，則知空間時間，皆是方便之說，且萬法惟心，長短亦在心也。此地尚有頓漸之超，彼土豈只漸無頓乎。來果大師非不知此，乃未說之，弘禪必如是說，方契機也。若以弘淨之事，對修淨人說，縱處花中，呆板八十小劫，亦大安樂。若不往生，寧非八十小劫，在三途六道中，受折磨乎。可以醒矣。

【問】末法億億人修行，罕有一人得度，唯

依念佛法門，得脫生死。是否指淨土宗而言。律宗、禪宗、天台宗等修行人，發願生西可以嗎。（鄭金中）

【答】淨土宗之大旨，專在往生極樂，而往生資糧，唯信願行三要。此宗三根普被，利鈍全收，此對普通人而言，若已學佛，無論律禪天台，皆是聞修之人。若以其所修，再加以信彌陀，回向其所修，願作生西資糧，是三要皆備，當然往生。

【問】淨土宗是否有大乘、小乘區別，除了聖名稱念外，還有其他條件嗎。（鄭金中）

【答】淨土宗純是大乘，小乘無分，稱名是正行，尚須有助行，若三七道品，六波羅蜜等，必須配合，正助雙修，如鳥兩翼，方能前進。倘無此解力，但能諸惡莫作，眾善奉行，

謹當遵守。

【問】二五七期菩提樹第四十頁聽經札記最後一段謂、一心一意求生淨土者應念四字、後學每日念六字聖號三千六百聲已久、請惠示應繼續念六字或應改念四字聖號。（林宣妙）

【答】六字爲通常、四字爲特別。如共同念佛時、開始緩念、則取六字、結時緊念、則換四字、共同念唱、以維那爲主、若何領導、應隨順之。若自己修持、自己作主、六字四字、皆不違法、以何者契心理、即按何法去作、不必更張。然亦有臨終助念、到病人斷氣時、改六爲四者、取簡而易念者。

【問】覺世六〇九號名言偶錄有云「其法就在念佛心中、時時默下觀想。」想目前生一大蓮華、不拘青、黃、赤、白、狀如車輪

之大。觀想華狀分明、仍想自身坐在華中、鬚臺之上、端然不動。想佛放光明來照其身。」作此想時、不拘行住坐臥、亦不計歲月日時、只要觀境分明、開眼合眼、了了不昧、乃至夢中、亦見阿彌陀佛與觀音、勢至同在華中、如白日明見。若此華想成就、便是了生死之時節也。」所謂念法似像觀經第十二普觀、又似不像、請惠示憨山大師是根據何經而所言。（林宣妙）

【答】念佛之法、原有四種、爲持名、觀像、觀想、實相等。由來修者、有採專者、有兼修者、不問專修兼修、大體如是、而一人亦有自契小不同處。臺端抄錄之一段、乃係修者觀自身如此、而對其所想所觀、仍是西方三聖、未有何異。

【問】持名念佛與觀經第十六觀有關、請

惠示與第十四、十五觀有無關連、持名念佛之品位與「信願行」之行有關、請惠示行與第十四、十五觀之關係。（林宣妙）

【答】淨土三經、修法不一、最易者、爲持名一法、最難者、乃觀想一門。古人有持名兼觀想者、每難成就、故有大善知識、教以只取一觀二觀、以作持名助緣、臺端易者、尙未清楚、不可再求其難。若問觀經十四、十五兩觀、豈是十言八語、能說了、然、茲敬贈觀經一冊、希考、且不可無師盲修。至問持名品位、與信願行之關係、語意不次、恕暫不答。

【問】佛說阿彌陀經內有「是人終時、心不顛倒、即得往生阿彌陀佛極樂國土」請惠示該「心」是屬第六識、或第七、八

識、如屬第六識、患嚴重腦出血之人、第六識已無作用、如何能作到心不顛倒。（林宣妙）

【答】命終後去者、爲第八識、即如來藏。至腦溢血症、並非人人皆患此也、若修者患此、即是平素正助無功、故生障礙。

【問】寶筏第十八期第三版刊有「佛法傳承略說」其中「淨宗自有心要」一節內謂、從來未經印度傳統師承、只知口念、不知秘訣及心要、請惠示秘訣及心要。（林宣妙）

【答】此或是密宗之法、法亦不一、若修密法、自有密宗儀軌、不是問答範圍。

【問】有一次在車廂上默念阿彌陀佛聖號、忽感腦際一片清明、似無物體之存在、但其景如電光石火、一剎而失、迄今已數

年但其情未重現、該景是偶然乎。或念佛所致。何以未再有是類景像出現。（李心城）

【答】妄念剎那不停、普通之人自不能覺、偶覺清明無物、自是念佛之功、彈指息妄、修淨之功、若求生大效、端在淨念相繼、使妄無隙而起。克期取證、必須七日之間、念念不斷、自臻一心也。臺端念佛、當係若斷若續、故在一時得力、一時清明、未得一心、不能常保清明。

【問】以前夢寐之際常夢、飛身空中、所經之處有山水田野、何以今未曾有是夢。這是念佛退轉之景像乎。（李心城）

【答】夢寐飛墜、亦多生理使然、陽氣若盛、則夢飛升、陰氣若盛、則夢下墜。修行之人、應當夢覺一如、縱然有夢、亦要惺惺自知、

知是夢境、不被所迷。經云「凡所有相、皆是虛妄。」醒時之境、尚屬虛妄、夢中何能有真。念佛之人、念念在佛、若現佛相、似有幾分相應、以心作佛故也、飛升山水、無有是處。

【問】前數天曾夢坐於一棺木之中、有很多人、都已火化、但我卻不畏其事、一心想佛、後因一熟人而動塵心、而致正念未能維持。斯是否影射平時念佛的功夫。夢中不怕死亡、正念分明、是否謂之一心不亂。（李心城）

【答】夢雖是幻、而能坐棺中不畏死、又知念佛、此即夢覺一如之小境界。古人云、日有所思、夜有所夢、思即是念、夢即念成。但夢中現象複雜、自屬念不專一、若只念佛、便大佳矣。但「一心」名字、實為真如之

別名、何能輕易作到、研經方知。此乃斷惑以後之事、但能伏惑、亦可亂而不亂、再有願力、即可帶業往生矣。

【問】（甲）在家中早晚念佛各千餘聲

（外出多以十念法）念佛時不染外緣、時間很短、亦僅能攝持數十聲之久。（有時僅數聲而已）。（乙）最惱者爲換氣時、易使心外馳。這是否功夫不到之所致。有時攝心時、腦中還另有一種嗡嗡之聲、或別種聲音、斯是否未達一心不亂乎。（丙）有時腦際自動現出念佛之聲、爲免換氣之惱、而順其音而念佛、斯係何種念法。（丁）又有口不出聲、以意使之念佛、這種現象和出聲念相似、可急可緩、這是默念。這兩種念法相同之處、是都以意攝之相續。但不同之處、在上述念像在唱念、

緩而不急、悠悠而然、平時「行」、「臥」、坐車等、後述念法較多。這兩種念法、是心之分別不同、（自覺不同）或有其他之分別。（李心城）

【答】此條少涉複雜、而言亦紊亂、須分段答之。（甲）自「在家中早晚念佛」句起、至「十聲之久」句止。若真能體察出念佛不染外緣、時間雖短、亦是有得。而能經常保持此短時、便能有所進步。由短不變、漸漸加長、能展長一小時、便是好功夫。古德有偈「念佛不必求多念、但念百八聲不亂、其間一句若念差、掉轉珠頭都不算」。應細玩味、惟臺端日課、自言忽多、忽少、而無定性、恐怕淨念不純。（乙）自「最惱者」句起、至「一心不亂乎」止。此即念不如法之表現、凡人誰不呼吸、所呼所

吸其間甚短、心尙外馳、何能說念數十聲、不染外緣、腦中有聲、更非所宜。敬勸物色「夢東禪師語錄」、及「印光大師菁華錄」、日日讀之、自悟淨法之理、方不入歧。

(丙) 自「有時腦際自動現出佛聲」

句起、至「斯係何種念法」句止。腦中出聲念佛、如係心理作用、尙有可說、果真腦能出聲、不知他人亦聽到否。如他人能以聽到、事即大奇。敝人學識甚陋、未見經典。(丁) 自「又有口不出聲」句起、至「或有其他之分別處」句止。念佛只求起念在佛、而不外馳緣塵、久久定一、心佛一如、此屬功夫、倘無願不屬淨宗。至於默念、或是出聲、以感應適合爲宜、方乃輕安、張隨張便、王隨王便。雖屬分別、亦屬初機、必要調度。

【問】 若人未得一心不亂、可是心中只有阿彌陀佛、事理亦然、但人命無常、何時西方彌陀及聖眾來接引、皆樂意隨之往生而去、心存如此、若當氣絕能往生否。(黎素華)

【答】 果能「心中只有阿彌陀佛、事理亦然」便是淨念不失。又云「何時來接、皆樂意隨之往生。」此是願力堅固、正合條件。有此二者、可云心不顛倒、能得往生。

【問】 唸佛之人、身體若有病、若無病、但虛弱四肢無力、是要安分隨緣止息妄念、隨其自滅、保持正念、求願往生去、或應服藥支持生命(是壽者相)否。(黎素華)

【答】 嚴格來講、是著壽者相、但求減少病苦、服藥求安、死生由之、不必存增壽想、亦無妨礙。但減苦服藥、仍宜「止息妄念、願

求往生」方不矛盾、否則有背「欣羨厭離」之旨矣。

【問】誦阿彌陀經要合掌、有時放掌、但正在專心誦念時、合掌又放掌、覺得手動心亦動之感是我見否。（黎素華）

【答】我見正解、尚不如此、所訊之事、屬於儀規、在心正專一之際、忘合忘放、皆是小節、偶而失儀、後當慎之而已。但經中之合掌處、皆值聖賢之名、加勤恭敬、亦是應該。

【問】數日夜夢見小女用腳踏車載我、路上遇見假鬼、亦有真鬼（好像是餓鬼）、欲來撞前車二次、我不畏懼亦無倒車二次、欲來我用唾之、但止其近、當即時生起悲憫之心、爲之唸佛、鬼聽之、他亦念佛、眼看漸漸變成一個腕內有何物、看不清楚、這是餓鬼否。（黎素華）

【答】夢魂顛倒、皆是妄心所造。夢時既安、不夢時、反以夢爲真、再追憶之、是不求覺、而專求夢矣。但夢中爲他念佛、卻屬功夫、能作夢中佛事、尙是夢而有覺。

【問】鬧動中一切聲音、是否觀聽阿彌陀佛、或於其中另念阿彌陀佛才是（於其中念佛、覺得雜念妄念少）、閒靜中雖好念佛、但覺得雜念妄念較多、故觀想阿彌陀佛及持名兼用、今得聞專持名一法爲宜、但已心中閉目、開目隨時所現之阿彌陀佛、應放棄否。（黎素華）

【答】此問有二意、應分答之。一者、鬧中雜聲、不必作佛聲觀想、仍以自動念佛、向其抵當、比較妥善。或恐觀他不成、反失自起之正念也。二者、持名兼觀想、既能閉目、開目、佛像現前、是兼修功夫、亦有幾分成就。

起手畏難、不兼修則可、亦成自然棄之、則大不可。

【問】布施要三輪體空、但恐存有一些住相、故每次布施時、將心轉念、「爲了往生西方、爲了一切眾生多積存一些往生西方用路資、」如此是否又落偏見否。（黎素華）

【答】淨土法門、正助雙修。古哲云、正道重在發菩提心、助道則萬善回向西方。貴居士之回向、與此大同小異、尙非偏見、特舉古言作爲參考。

【問】永明禪師提倡之禪淨雙修、其禪係指祖師禪或如來禪、以何種爲宜。（房勳明）

【答】所謂禪淨、只是兩宗總名、禪分如來祖師、亦是兩種總名、如來禪約有十二、祖

師禪約有五。淨之事理有三、其行法有四。行者所採何法、惟有自知、不告他人、同宗亦不知也。況後人未曾面談、亦未見書記、何能妄加揣測、不知謂知。至於何種爲宜、以自機契合者爲宜、但須求禪師指示、盲修恐不得益。

【問】圓覺經所述之妙奢摩他、是否即是如來禪、而禪那即是祖師禪。（房勳明）

【答】奢摩他是定名、此乃翻譯之音、有數譯音、義則大同小異。禪那者、亦是禪定、不過次第中之一而已、非是如來祖師之分。祖師禪、雖源於拈花微笑、中國自達摩西來、始有此名、既問圓覺經之奢摩他、自屬如來之禪。

【問】禪淨雙修、如所修之禪、在今生不論成與未成、若臨命終、是否仍能蒙佛接迎

往生西方極樂世界。（房勳明）

【答】淨土宗、雖云信願行三要、若願不切、雖至一心不亂、亦難往生。禪宗觀心、亦是念佛、若具往生之願、亦能往生。如雙修而具一願、臨終之前、自能功滿其一、即得往生。倘禪淨行不如法、不禪不淨、是謂二門俱破、無所成就。

【問】蓮宗寶鑑卷二中有圓融四土總相圖、及西方四土圖。西方四土是否指阿彌陀佛世界、其圖中有上三品、中三品、下三品、左有實報土、方便土、同居土、右有如月之光、如螢之光。請問、念佛到一心不亂、臨終蒙佛接引、是否在九品之中化生、或如左之實報土……抑如右之三星之光中。又阿彌陀佛第四十三大願、有「諸菩薩眾壽盡」、請問菩薩還有壽盡之時候嗎。

再者、國中有天人、聲聞、菩薩、往生之「人」、化生時是否亦爲「天人」之人、請解其疑。現在我們念佛、是否只要求往生、要不要求生上品。（孫昭明）

【答】貴居士看書、又將此段誤會了、這是初機應有之事、並不爲怪。奉勸在貴處訪問、或能求師、或能得友、但以修淨土者爲則。時常親近、攜書向其請教、以免錯讀錯解、茫無頭緒。今既來問、粗爲解說、若詳爲說、更難會悟。西方四土、是將彌陀淨土、分爲四類、雖說四類、仍是土。如臺灣分臺北、臺中、臺南、臺東、總是一箇臺灣、不過各處形狀不同而已。其四土之間、生者各分上中下品。復次壽盡、乃指變易生死、非如我輩之分段生死也。學佛成功原則、在能斷惑、若已斷見思惑、即可證聲聞果、不能斷

惑者、乃屬人天凡夫。

【問】寶鑑中又有念佛數息觀、又念佛又數息、那不是更困難嗎。是數入息或出息。又學數息觀、是否隨地皆可、空氣污濁的地方是否受此限。（孫昭明）

【答】念佛方法、有數十種、數息乃其一種、持名也是一種、若干種只取一種修之、並非多種齊修也。

【問】四年前看到十念法句、而入山修持、承蒙菩薩加被、二天內已學成不同聲音、將六字洪名一口氣十聲念完、相繼而無暇妄想、至今相繼修持十念、近一年來、商業上障礙、以致不能相繼持念、時止時念、故意欲出家、淨修好、抑或在家修好。希指示、上求下化已做到。（陳行父）

【答】十念法、不是一口氣念十句佛、如此

念法、心氣並不調和、時間以久、有傷氣之弊、乃是分自己氣力長短、而定多少、氣短一口氣只四、五聲、氣長一口氣只念六、七聲。不論四五聲、或六七聲、要共念十口氣、本意如此。至於出家問題、要向家中商議、此非兒戲、須憑真實願力、若出家不能恆修、有何結果。又講到上求下化、太不簡單、必須自己先「行解相應」、然後方能「智悲雙運」。初學之際、言之尙早。

【問】祖師云「念佛必定見佛」是指平常或臨終。（葉福財）

【答】念即心、心即佛、果能至心、念佛即是見佛。若念佛之相好、即見相好。平時一心、平時見佛、臨終一心、臨終見佛。

【問】若夢中見佛、生歡喜心、是否貪著。該如何處理。（葉福財）

【答】定功淺者、不無雜念、有念下意識即現相、所謂夢也。夢中見佛、自是醒時所念作成、有功夫之人、希望夢覺一如、修淨土者、不忌夢中見佛、此屬自然法喜、不得爲貪、但不宜執著、聽其自然、若有執著、恐生歧路。

【問】夢中見佛、時爲金色身、時爲銀色身、是何原因。是否與念佛功夫有關。（葉福財）

【答】此屬工夫問題、以心不能定、故相亦隨轉、若能定一、則像亦不變。但淨宗修法、自蓮池蕩益二祖以後、即主單持名號。若觀想無有師承、多不能成、且出錯路、不可不知。今宜專持聖名、心念心聽、倘有像現、心不執著爲善。

【問】經云「一心念佛」、「如子憶母」。

若有一人深信佛語、悠然念佛、不急不躁、隨緣漫度此生。另有一人、誠惶誠恐、哀戚自責、悲緊念佛、如救頭然。何者堪稱「一心」。唯前者易流於放逸怠忽、後者易於浪生悲喜、耗損心能、乞師更示方便。（葉福財）

【答】所舉二人之行持緩急、乃係修持之過程。「一心」乃有得之境界、此屬成就。修淨土者、經訓念到「一心不亂」臨終心不顛倒、方可往生。既云前者流於放逸怠忽、自難一心、後者浪生悲喜、亦非一心。佛昔教人、曾舉彈琴設喻、緩則不能成聲、急則弦斷、必綿綿密密、不緩不急、念茲在茲、相繼不失、行住坐臥、不離這個、一心成矣。

【問】幾年前和同學偶而機會進入佛門、

當我頭一次進入佛門、聽到法師說法、我就發生很大興趣、連連聽了兩三四年經義、心中得知不少、所學竟是淨土法門、無非是念佛、當我有一次在房裏念佛時、無形之中意識感到身體一直上升、那時眼前現出一些飄動著東西、像是煙、我就聚神看著、意識想那是神識、我想身體一直上升、如果一去不回頭、又看到那東西、起了一陣很恐怖心裏、我就用金剛經裏之經偈「凡所有相皆是虛妄」、來破除我內心的驚慌、就在剎那間恢復正常、至此幾天中日夜心神不定、承蒙慈玄師解危、到如今使我最痛苦是那次後不知爲何故、當一平靜時、就心驚肉顫、一年來心就一直不能自在、停了好久沒念佛、心裏想念佛就是患上此症、時常想請問師長、又

無勇氣、今是由好朋友提醒、才來信要請問老師、望老師能指示明路、告知我一切。

（王金仙）

【答】學佛不論何種法門、必須依照本法之教義而修、淨土雖云、經論處處指歸、乃是加強信心之義、實則淨土諸法、各有各義、不能亂用。除實相即心念佛、非初機能了不談外、觀想應依十六觀經。淨三業除五燒、應依無量壽經。持名應依小阿彌陀經。經中重點爲「一心不亂」、貴居士感到「身體上升」是心亂、現一「飄動東西」是心亂。「心恐怖」、「心驚肉顫」等、皆是違背經義、心亂招魔。此是不明教理、妄想攀緣所致。以後持名、放下萬緣、六字從心起、不緩不急、從口出、再用耳仔細聽、三處都要清清楚楚、連續不斷、得到心

平氣和、乃是初上軌道。

（金源）

【問】 敝友念佛之時、已能於夢中作主、除當再精進外、今於靜坐中、偶有暖氣一道、自背脊而上、直至頂門、不知該如何處理。

（黃金源）

【答】 念佛亦有多種、靜坐亦有多法、但皆以止妄入定爲本、應不希有特殊現象。此外尚有觀想等法、皆有師傳、亦防出錯。再道家有小週天法、能卻病健身、習者甚多、其法運氣調息、貴友是否曾習、如無明師、可以停止、如未嘗習、不去注意、一心持名、跡象自滅。

【問】 往者曾閱數冊佛學淺介、亦有心學佛、但無法提及真實信心、身體力行、祈能惠告、應先閱何書以成系統。（按此先生對靈異事跡不易生信）功德無量。（黃

【答】 貴友果不尙靈異、即近正見、正者常也、異者怪也、常而不怪、方入正法。學佛要在解行並進、修何法門、應讀何宗經教、所謂一經通、則群經亦通。若修持名淨土、蕩益大師彌陀要解、最少須讀三遍、若學力充實、可讀觀經妙宗鈔、亦須讀三遍以上。此外淨宗語錄、少有心得、再廣閱性相兩宗之書、根基自固矣。

【問】 念佛之時、是否須專心念即可、抑或須同時併存願生西方之願、祈佛菩薩加被之時、之執持名號時、又當如何存心。（即是否須同時存願而稱念）。（黃金源）

【答】 信願行爲淨宗三要、如寶鼎三足、缺一不立、名三實則一也。信者信此法真實、

極樂彌陀實在。願者、願生極樂、諸惑盡斷。行者、即日存此信願、精進不退。此不過略答、如求真知灼見、淨宗之典要解及妙宗鈔、三復以後自然明白。

【問】無量壽經第十五願「若我成佛、國中有情、壽量有限齊者、不取菩提、除其本願、修短自在。」請問「修短自在」是否可以適用於往生後至花開時、這段時間的任一刹那、若捨壽後、可否任意國土往生（包含娑婆世界）。（孫振傑）

【答】修短自在、指住極樂之時間。任運往生其他世界、乃係乘願前往度眾、既云乘願度眾、則不限於任何世界也。

【問】大阿彌陀經上講「若有人於此土齋戒清淨一日、勝於阿彌陀佛刹百歲。」相差為何如此之大。何況極樂世界眾生

每天供養十萬億佛、功德豈比此土少、再者極樂百歲、娑婆將是百劫不止了。像如此、佛陀為何勸人往生。（孫振傑）

【答】極樂諸上善人、聚會一處、有進無退、水風樹鳥五塵之物、俱說妙法、修持極易。娑婆五逆十惡、眾苦交煎、誘惑逼迫、修持甚難。眾生在此惡世、難修能修、難進能進、故功德大也。極樂修持、如此容易、壽命與佛、同一無量、娑婆苦修難成、壽命刹那、故勸往生彼土。

【問】普賢菩薩十大願王、導歸極樂、馬鳴等諸大菩薩皆願生安養、諸大禪師力倡淨土者亦不在少數。上至菩薩下至諸師、宗極樂如此地盛於他法門、何異乎說淨土法門為諸法門之王、而與門門（法門）第一相抵觸。（孫振傑）

【答】諸法平等、指普通法門、必須斷盡二惑、方得解脫。淨土爲八萬四千法門以外之法、名門餘大道、只能伏惑、便得往生、果能往生、即速斷惑。諸事諸理、皆有通有別、通中有別、別亦不離通、一物兩面、仍平等也。

佛學問答類編下終